

揚州東和郡縣圖志叙

和郡縣圖志叙

金紫光祿大夫中書侍郎同中書門下平章事兼集

賢殿大學士監修國史上柱國趙國公臣李吉甫撰

臣聞王者建州域物土疆觀次于星躔察法於地理考中

國山河之象求二儀險阻之情天漢萌而兩界分南宮正

而五均叙自黃帝之方制萬國夏禹之分別九州辨方經

野因人緯俗其揆一矣及秦皇并六國則罷侯而置守漢

武討百蠻則窮兵而黷武雖裂為郡縣者遠過于殷周而

教令之所行威懷之所服亦不越于三代夫天地作眼之

意非皇王尚德之人諄忠役心久而後悔由此觀之則聖

元和郡縣圖志叙

人疆理之制固不在荒遠矣。我國家肇自貞觀，至於開元，兼夏商之職貢，掩秦漢之文軌，梯航累乎九譯，旣置通乎萬里，然後分疆以辨之，置吏以康之，任所有而差貢賦，因所宜而制名物，守其要害，險其走集，經理之道，冠乎百王。魏乎無得而稱矣。易曰：天險不可升，地險山川丘陵。王公設險以守其國，險之恃用大矣哉。然則聖人雖設險而未嘗恃險，施于有備之內，措于立德之中，其用常存，其機不顯，弛張開闔，因變制權，所以財成二儀，統理萬物。故漢祖入關，諸將爭走金帛之府，惟蕭何收秦圖書，高祖所以知山川，隄塞戶口，虛實厥後，受命汜水，定都洛陽，留侯而言斷，可識矣。伏惟

睿聖文武皇帝陛下，握樞秉聖，承祧立極，祖堯舜之道，憲文武之程，皇王之遐蹤，行之必至，祖宗之耿光，寢而復耀。天寶之季，王途蹙艱，由是墜網解而不紐，強侯傲而未肅。逮至興運，盡為驅除，故蜀有阻隘之夫，吳有憑江之卒，雖完保聚，繕用甲兵，莫不手足裂而異處，封疆一乎四海，故鄙衛風偃，朔塞砥平，東西南北，無思不服。臣吉甫當元聖撫運之初，從內庭視草之列，尋備衮職，久塵台階，每自循省，赧然收汗，謨明弼諧，誠淺智之不及，簿書期會，亦散材

之不工久而伏思方得所効以為成當今之務樹將來之勢則莫若版圖地理之為切也。所以前上元和國計簿審戶口之豐耗續撰元和郡縣圖志辨州域之疆理特獲省閱或裨聰明豈欲希鄴侯之規模庶乎盡朱贛之條奏。況古今言地理者凡數十家尚古遠者或搜古而略今採謠俗者多傳疑而失實飾州邦而叙人物因丘墓而徵鬼神流于異端莫切根要至于丘壤山川攻守利害本于地理者皆略而不書將何以佐明王扼天下之吭制羣生之命收地保勢勝之利一形未壤制之端此微臣之所以精研聖后之所宜周覽也。註上元和郡縣圖志起京兆府盡隴右道凡四十七鎮成四十卷每鎮皆圖在篇首冠于叙事之前并目錄兩卷總四十二卷。臣學非博聞識愧經遠馳騫雖久漏略猶多輕瀆宸嚴退增戰越謹上。

元和郡縣志圖卷第一



關內道一

京兆府雍州

開元戶三十六萬二千九百九十九  
元和戶二十四萬一千二百二

禹貢雍州之地舜置十二牧雍其一也周武王都豐鎬平

王東遷以岐鄠之地賜秦襄公至孝公始都咸陽秦兼天

下置內史以領關中項籍滅秦分其地為三以章邯為雍

王都廢丘

今興平縣是也司馬欣為塞王都櫟陽董翳為翟王都

高奴

今延州金明縣是也謂之三秦高祖入關定三秦復併為內史

景帝分置左右內史武帝太初元年改內史為京兆尹後

與左馮翊右扶風謂之三輔其理俱在長安城中又置司

元和郡縣志圖卷之一

隸校尉以總之光武都洛陽以關中地置雍州尋復立三  
輔魏分河西為涼州分隴右為秦州三輔仍舊屬司隸晉  
初省司隸復置雍州愍帝之後劉聰石勒苻健姚萇相繼  
竊據之萇孫泓為劉裕所滅東晉復置雍州及京兆郡尋  
為赫連勃勃之所破遣子隗鎮長安號曰南臺後魏太武破  
赫連昌復于長安置雍州孝武自洛陽遷長安改為京兆  
尹隋開皇三年自長安故城遷都龍首川即今都城是也  
初隋氏營都宇文愷以朱雀街南北有六條高坡為乾卦  
之象故以九二置宮殿以當帝王之居九三立百司以應  
君子之數九五貴位不欲常人居之故置都觀及興善  
寺以鎮之大明宮即望唐高宗龍朔二年所置高宗嘗染  
風痺以大內湫濕置宮于斯其地即龍首山之東麓北據  
高原南俯城邑每晴天霽景下視終南山含元殿所居高明

尤得地勢大明東南曰廢京兆尹又置雍州煬帝改為京  
興慶宮玄宗藩邸宅也兆郡武德元年復為雍州開元二年改為京兆府

謹按漢五年高祖在洛陽婁敬說曰陛下都洛陽豈欲與  
周室比隆哉周之都洛以為此天下中丁仲四方納貢職

道里均有德則易以王無德則易以亡凡居此者欲令務  
以德教人不欲阻險令後世驕奢也今陛下而欲比隆成

康之時為不侔矣且夫秦地被山帶河四塞以為固猝然  
有急百萬眾可具因秦之故資甚美膏腴之地此所謂天

府陛下入關而都之山東雖亂秦故地可全而有也夫與  
人鬪不搯其亢拊其背未能全勝今陛下入關而都案秦

之故此亦搯天下之亢而拊其背也高祖問羣臣羣臣皆  
山東人爭言周王數百年秦二世則亡不如都周高祖疑  
未能決及留侯明言入關便即日駕西都關中六年擒韓  
信田肯賀高祖曰甚善陛下得韓信又治秦中秦形勝之  
國帶河阻山持戟百萬秦得百二焉地勢便利其以下兵  
于諸侯譬猶居高屋之上建瓴水也自漢至今常為王者  
與區

府境東三百一十里  
西北四百七十里  
東至東都八百三十五里  
東至華州一百八十里  
東南至商州二百六十五里  
南取庫谷路至金州六百八十里

西南至洋州六百三十里  
正西微北至鳳翔三百一十里  
西北至邠州三百里  
東北至坊州一百五十里  
正東微北至同州二百五十里

管縣一十二

萬年 長安 昭應 三原 醴泉 奉天  
奉先 富平 雲陽 咸陽 渭南 藍田

萬年縣 赤 本漢舊縣屬馮翊在今櫟陽縣東北三十五里  
周明帝二年分長安霸成山北等三縣始于長安城中置  
萬年縣隋開皇三年遷都改為大興縣理宣陽坊武德元  
年復為萬年乾封元年分置明堂縣理永樂坊長安三年  
元和郡縣圖志卷之一

廢天寶七年改為咸寧乾元二年復名萬年縣

終南山在縣南五十里按經傳所說終南山一名太一亦名中南據張衡西京賦云終南太一隆崔崔潘岳西征賦云九峻截薛太一龍從面終南而背雲陽跨平原而連嶓冢然則終南太一非一山也

畢原在縣西南二十八里詩註云畢終南之道名也書云周公薨成王葬于畢是也

白鹿原在縣東二十里亦謂之霸上漢文帝葬其上謂之霸陵王仲宣詩曰南登霸陵岸迴有望長安即此也

長樂坡在縣東北十二里即澧川之西岍舊名澧坂隋文

帝惡其坂名改曰長樂坡

故軹道在縣東北一十六里即秦王子嬰降沛公之處也細柳營在縣東北三十里相傳云周亞夫屯軍處今按亞夫所屯在咸陽縣西南二十里言在此非也

杜陵在縣東南二十里漢宣帝陵也

渭水在縣北五十里舊云北去縣五十里

灞水在縣東二十里灞橋隋開皇三年造唐隆二年仍舊所創制為二南北兩橋

樊川一名後窺川在縣南三十五里本杜陵之樊鄉漢高祖賜樊噲食邑于此

元和郡縣圖志卷之一

御宿川在縣南三十七里漢為離宮別館禁禦人不得往來遊觀止宿其中故曰御宿

長安縣赤本秦舊縣初楚懷王封項羽為長安侯則長安久矣非始于漢但未詳所在耳及高帝五年入關復置長安縣乃取舊名以名縣也至隋開皇三年遷都長安縣移至長壽坊西南隅乾封元年分置乾封縣理懷真坊長安三年廢

龍首山在縣北一十里長六十里頭入渭水尾達樊川秦時有黑龍從南山出飲水其行道因成土山疏山為臺殿不假版築高出長安城西京賦所云疏龍首以抗殿也三輔

黃圖曰營未央宮因龍首制前殿也

細柳原在縣西南三十三里別是一細柳非亞夫屯軍之所

長安故城在縣西北十三里漢舊都惠帝脩築本秦離宮也按惠帝元年正月城長安三年春發長安六百里內男女十四萬五千人三十日罷六月發徒隸二萬人常役至五年正月發十四萬六千人三十日乃罷九月而城成城南為南斗形城北為北斗形周迴六十五里

太和宮在縣南五十五里終南山太和谷武德八年造貞觀十年廢二十一年以時熟公卿重請修築于是使將作



大匠闢立德繕理焉。改為翠微宮。今廢而為寺。  
周武王宮。即鎬京也。在縣西北十八里。自漢武帝穿昆明  
池于此。鎬京遺址淪陷焉。

秦阿房宮。在縣西北十四里。殿東西五百步。南北五十丈。  
上可坐萬人。下可建五丈旗。表南山以為闕。為複道。自阿  
房渡渭。屬之咸陽。庭中可受十萬人。又置銅人十二于宮  
前。

漢長樂宮。在縣西北十五里。

漢未央宮。在縣西北十四里。並在長安故城中。

漢建章宮。在縣西二十里。長安故城西。太初元年。柏梁臺

災。越巫以厭勝之術。請作建章宮。為千門萬戶。

桂宮。在縣北十三里。長安故城中。漢武帝所造。

柏梁臺。在長安故城中。未央宮北。

漸臺。在未央宮西。王莽死于此。

神明臺。在縣西北二十里。長安故城西。上有承露盤。

漢博望苑。在縣北五里。武帝為太子。據所立。使通賓客。

上林苑。在縣西北一十四里。周匝二百四十里。相如所賦  
也。

酒池。在長樂宮中。漢武帝所作。以誇羗胡。飲以鐵盃。重不  
能舉。皆低頭牛飲。西征賦云。酒池監于商辛。迨覆車而不

寤子午關在縣南百里王莽通子午道因置此關也  
新豐故城在縣東十八里漢新豐縣城也漢七年高祖以  
太上皇思東歸于此置縣徙豐人以實之故曰新豐并移  
枌榆舊社街衢棟宇一如舊制男女老幼各知其室雖雞  
犬混放亦識其家焉

古戲亭在縣東北三十里周幽王為犬戎所逐死于戲即  
此也周章軍西至戲秦將章邯拒破之亦此地也

周幽王陵在縣東北二十五里

秦始皇陵在縣東八里始皇即位治驪山陵役徒七十萬  
人今按其陵高大亦不足役七十萬人積年之功蓋以驪

山水泉本北流者陂障使東西流又此土無石取大石于  
渭北諸山其費功力由此也

華清宮在驪山上開元十一年初置溫泉宮天寶六年改  
為華清宮又造長星殿名為集靈臺以祀神也

三原縣次亦西南至府一百一十里本漢池陽縣截薛山在今縣西北

六十里符秦于此山北置三原護軍以其地西有孟侯原  
南曰豐原北曰白鹿原後魏太武七年罷改置三原縣屬

北地郡明帝孝昌三年蕭寶夤逆亂毛洪賓立義捍賊永  
安元年于此置北雍州洪賓為刺史亦謂之洪賓柵其故

城在縣北五十五里又割北地郡之三原縣于此置建忠

元和郡縣圖志卷之一

郡以旌其功開皇三年罷郡以縣屬雍州

高祖獻陵在縣東十五里

堯門山在縣西北三十二里

天齊原在縣西北二十五里上有天齊祠

黃白城在縣西南十五里後漢李傕亂政天子東遷三輔  
饑歉乃移保黃白城即其地也

秦西梁宮在縣西南十五里黃白城內

于謹墓在縣北十八里

醴泉縣次赤東南至府一百二十里本漢谷口縣地在九峻山東仲山

西當涇水出山之處故謂之谷口溝洫志云白渠首起谷

口尾入櫟陽袤二百里溉田千五百餘頃田人得其利饒

歌曰田于何所池陽谷口鄭國在前白渠起後涇水一石

其泥數斗且溉且糞長我禾黍衣食京師億萬之口謂此

也後漢及晉又為池陽縣後魏改為寧夷縣隋開皇十八

年改為醴泉縣以縣界有周醴泉宮因以為名

太宗昭陵在縣東北二十五里九峻山

肅宗建陵在縣東北十八里武將山

奉天縣次赤東南至府一百六十里光宅元年割醴泉始平好畤武功

新平郡之永壽五縣置

梁山高宗天皇大帝乾陵所在因名曰奉天其山即禹貢

元和郡縣圖志卷之一

所云壺口、理梁及岐，又古公亶父踰梁山，至于岐下。及秦立梁山宮，皆此山也。

奉先縣

次赤西南至府二百四十里

本秦重泉縣，後魏省。至孝文帝分

白水縣置南白水縣，西魏改為蒲城縣，本屬同州。開元四

年，以縣西北三十里有豐山，于北置睿宗橋陵，改為奉先

縣，隸京兆。

玄宗陵在縣東北二十里。

惠莊太子陵在橋陵東南三里。

惠宣太子陵在橋陵東六里。

惠文太子陵在橋陵東三里，並在栢城內。

富平縣

次赤西南至府一百五十里

本漢舊縣，屬北地郡。後魏文帝自

懷德城移于今理。周閔帝于縣置中華郡，武帝省郡，以縣

屬馮翊。開皇三年，改屬雍州。

中宗定陵在縣西北十五里，龍泉山。

代宗元陵在縣西北四十里，檀山。

順宗豐陵在縣東北三十三里，甕金山。

節愍太子陵在縣西北十五里。

荆山在縣西南二十五里，在岐山東。禹貢云：荆岐既旅，是

也。

監池澤在縣東南二十五里，周迴二十里。

元和郡縣圖志卷之一

九

後周文帝成陵在縣西北十五里

王翦墓在縣東北三里

司馬欣墓在縣西二十五里章邯長史降項羽封為塞王

雲陽縣次赤西南至府一百一十里本漢舊縣屬左馮翊魏司馬宣王

撫慰關中罷縣置撫夷護軍及趙王倫鎮長安復罷護軍

劉石苻姚因之魏罷護軍更于今理別置雲陽縣隋因之

武德元年分置石門縣三年于石門縣置泉州貞觀元年

廢州改石門縣為雲陽縣

德宗崇陵在縣東二十里

嵯峨山一名截薛山在縣東北十里東西二十五里南北

二十里山上有雲必雨常以為候

甘泉山一名磨石嶺在縣西北九十里周迴六十里

車箱阪在縣西北三十八里縈紆曲折車軌纒通上阪即

平原宏敞樓觀相屬即趨甘泉宮道也

涇水在縣西南二十五里初鄭國分涇水置鄭渠後倪寬

又穿六輔渠今此縣與三原界六道小渠猶有存者謹按

秦始皇元年韓聞秦好興事欲疲之乃使水工鄭國間說

令鑿涇水自仲山西瓠口為渠東注洛三百餘里欲以溉

田中作而覺秦欲殺國曰始臣為間然渠成亦秦之利

秦以為然卒使就渠既成溉澤鹵之地四萬頃畝皆一鍾

元和郡縣圖志卷之一

關中無凶年。命為鄭國渠。後至漢武元鼎六年。一百三十六歲。倪寬為左內史。又奏請穿六輔渠。以益溉鄭渠旁高印之田。後十六歲。趙中大夫白公。又奏穿涇水注渭中。溉田四千餘頃。人得其饒而歌之。大唐永徽六年。雍州長史長孫祥奏言。往日鄭白渠溉田四百餘頃。今為僧犬賈競造碾磴。止溉一萬許頃。于是高宗令分檢渠上碾磴。皆毀撤之。未幾所毀皆復。廣德二年。臣吉甫先臣文獻公為工部侍郎。復陳其弊。代宗亦命先臣拆去私碾磴七十七餘所。歲餘先臣出牧常州。私制如初。至大曆中。利所及纔六千二百餘頃。

漢雲陽故縣在縣西北八十里。

雲陽宮即秦之林光宮。漢之甘泉宮。在縣西北八十里。甘泉山上。周迴十餘里。去長安三百里。望見長安城。黃帝以來祭天元丘處也。齊人少翁謂武帝曰。上即欲與神通。宮室被服。非像神之物。不至。乃于甘泉宮中為臺。畫天地。一諸鬼神而祭之。又作柏梁銅柱。承露盤。仙人掌之。屬帝以五月避暑于此。八月乃還。

通天臺在縣西北八十一里。甘泉宮中高三十五丈。望雷雨悉在下。

咸陽縣畿正東微南至府四十里本秦舊縣也。孝公十二年於渭北城

咸陽自汧隴徒都焉。秦自孝公惠文悼武昭襄莊襄王始皇胡亥並都之。始皇二十六年初并天下，收天下兵聚之咸陽，鑄以為鐘鐻，金人十二，各重千石，置庭中。徙天下豪富于咸陽十二萬戶，每破諸侯，放其宮室，作之咸陽。北阪上以所得諸侯美人鐘鼓充之。咸陽之旁二百里內宮觀二百七十，土木皆被綈繡，宮人不移樂，不改縣。窮年忘歸，猶不能遍至。胡亥時天下叛秦，漢元年秦王子嬰降，漢項羽引兵西屠咸陽，殺子嬰，燒秦宮室，火三月不滅。及漢興，以為渭城縣，屬右扶風。按秦咸陽在今縣東二十二里。漢渭城縣亦理于此。符堅時改為咸陽郡，後魏移咸陽縣于

涇水北，今涇陽縣理是也。隋開皇元年改涇陽為咸陽。大業三年廢入涇陽縣。城本杜郵也。武德元年置白起堡，二年置縣，又加營築焉。山南曰陽水，北曰陽縣，在北山之南，渭水之北，故曰咸陽。

畢原，即縣所理也。左傳曰：畢原，酆郿文之昭也。即謂此地。原南北數十里，東西二三百里，無山州陂湖，井深五十丈，亦謂之畢陌。漢氏諸陵並在其上。短陰原在縣西南二十里。

渭水南去縣三里。

臨臯縣在縣東南二十里。

元和郡縣圖志卷之一

長陵故城在縣東北三十里。初漢徙關東豪族以奉陵邑。長陵茂陵各萬戶。其餘五陵各千戶。皆屬太常。不隸于郡。秦蘭池宮在縣東二十五里。

秦慈石門在縣東南十五里。東南有閣道。即阿房宮之北門也。累慈石為之。著鐵甲入者。慈石吸之。不得過。羗胡以為神。

細柳倉在縣西南二十里。漢舊倉也。周亞夫軍次細柳。即此是也。張楫云在昆明池南。恐為踈遠。

棘門在縣東北十八里。本秦關門也。漢文帝使將軍徐厲屯棘門。謂此也。

蘭池陂即秦之蘭池也。在縣東二十五里。初始皇引渭水為池。東西二百里。南北二十里。築為蓬萊山。刻石為鯨魚。長二百丈。始皇嘗微行。過盜于蘭池。見寃。使武士擊殺盜。關中大索二十日。

中渭橋在縣東南二十二里。本名橫橋。架渭水上。始皇都咸陽。渭水貫都。以象天漢。橫橋南渡。以法牽牛。渭水南有長樂宮。渭水北有咸陽宮。欲通二宮之間。故造此橋。漢末董卓燒之。魏文帝更造。劉裕入關。又毀之。後魏重造。貞觀十年移于今所。

便橋在縣西南十里。架渭水上。武帝建元三年。初作便門。元和郡縣圖志卷之一



橋在長安北茂陵東去長安二十里長安城西門曰便門  
此橋與門相對因號便橋

白起祠在縣城中

漢長陵在縣東三十里高帝陵也

安陵漢惠帝陵也在縣東北二十里

陽陵景帝陵也在縣東四十里

平陵昭帝陵也在縣西北二十里

渭陵元帝陵也在縣西北七里

延陵成帝陵也在縣西北十三里

義陵哀帝陵也在縣北八里

康陵平帝陵也在縣西北九里

太公墓在縣東北十里

周公墓在縣北十三里

蕭何墓在縣東北三十七里

曹參墓在縣東北三十五里

張良墓在縣東北三十六里

蒙恬祠在縣西北十五里

渭南縣畿西至府一本漢新豐縣地符秦時置後魏孝明

帝亦云孝文帝於今縣東南四里置渭南郡及南新豐縣西魏

廢帝二年改南新豐為渭南縣武德元年屬華州五年改

元和郡縣圖志卷之一

屬雍

倒獸山一名玄象山在縣東南五十里王子年隱處也  
渭水北去縣四里

酋水出縣西南石樓山北入渭

隋崇業宮在縣東十五里

秦步高宮在縣西南二十里

藍田縣畿東北至本秦孝公置按周禮玉之美者曰球其

次為藍蓋以縣出美玉故曰藍田周閔帝割京兆之藍田

又置玉山白鹿三縣置藍田郡至武帝省郡復為藍田縣

屬京兆後遂因之縣理城即峽柳城也俗亦謂之青泥城

桓溫伐苻健使將軍薛珍擊青泥城破之即其處也

藍田山一名玉山一名覆車山在縣東二十八里

白鹿原在縣西六里晉桓溫伐苻健督護鄧遐等奮擊于

白鹿原即此地也

灊水故滋子也即秦嶺水之下流東南自商州上洛縣界

流入又西北流合漑水入渭

思鄉城在縣東南三十三里宋武帝征關中築城于此南

人思鄉因以為名

藍田關在縣東南九十里即峽關也秦趙高將兵拒峽關

沛公引兵攻峽關踰黃山擊秦軍大破之

元和郡縣圖志卷之一

五

黃山在縣東南二十五里

元和郡縣圖志卷第二

關內道二

京兆下

興平 高陵 櫟陽 涇陽 美原 華原

同官 鄠縣 盩厔 武功 好畤

華州 同州

鳳翔節度使 鳳翔府 隴州

興平縣畿東至府本漢平陵縣屬右扶風魏文帝改為始

平晉武改置始平國領槐里縣歷晉至西魏數有移易景

龍二年金城公主出降吐蕃中宗送至此縣改始平縣為

元和郡縣圖志卷之二

金城縣至德二年改名興平。

始平原在縣北十三里東西五十里南北八里入咸陽界西入武功界。

渭水南去縣二十九里。

馬收澤在縣東南二十里南北廣四里東西二十一里。

百頃澤在縣西二十五里多蒲魚之利周迴十六里。

槐里城周曰大立秦改名廢丘周懿王所都項羽封章邯

為雍王都廢立亦此城也。

武學故城在縣東南十里。

馬嵬故城在縣西北二十三里馬嵬于此築城以避難未

詳何代人也。

漢龍泉廟在縣東北二十四里武帝廟號也。

漢黃山宮在縣西南三十里武帝微行西至黃山宮即此也。

章邯臺在縣東南十里。

漢茂陵在縣東北十七里武帝陵也在槐里之茂鄉因以為名守陵溉樹掃除凡五千人。

漢公孫弘墓在縣東北十八里。

衛青墓在縣東北十九里起冢象廬山。

霍去病墓在縣東北十九里起冢象祁連山。

高陵縣畿西南至府八十里本秦舊縣孝公置漢屬左馮翊魏文帝

改為高陸屬京兆郡大業二年復為高陵

龍躍宮在縣西十四里高祖太武皇帝龍潛舊居也武德

六年置

姚興墓在縣東南十三里

櫟陽縣畿西南至府一百里本秦舊縣獻公自雍徙居焉屬左馮翊

項羽立司馬欣為塞王亦都之按高帝既葬太上皇于櫟

陽之萬年陵遂分櫟陽置萬年縣以為陵邑理櫟陽城中

故櫟陽城亦名萬年城後漢省櫟陽入萬年後魏宣武帝

又分置廣陽縣周明帝省萬年入廣陽更于長安城中別

置萬年縣廣陽仍屬馮翊郡隋開皇三年罷郡廣陽縣屬

雍州武德元年又改為櫟陽縣

煮鹽澤在縣南十五里澤多鹹鹵符秦時于此煮鹽周迴

二十里

清泉陂在縣西南十里多水族之利

漢太上皇陵在縣東北二十五里

涇陽縣畿南至府七十里本秦舊縣漢屬安定郡惠帝改置池陽

縣屬左馮翊故城在今縣西北二里以其在池水之陽故

曰池陽後魏廢於今縣置咸陽郡符秦又置涇陽縣隋文

帝罷郡移涇陽縣于咸陽郡屬雍州即今縣是也

石安原在縣南七里高二十丈東西三十八里南入咸陽縣界

平長坂一本在縣西南五里

涇水西北自池陽縣界流入經縣南七里又東南入高陵縣界春秋襄公十四年諸侯伐秦濟涇而次秦人毒涇師人多死

焦獲音獲藪亦名瓠口爾雅十藪周有焦獲詩云檢狝匪茹整居焦獲即謂此也按韓水工鄭國說秦令鑿涇水自仲山西抵瓠口為渠即鄭白二渠也

秦望夷宮在縣東南八里北臨涇水以望北夷故名之故胡亥死于此也

漢池陽宮在縣西北八里

龍泉陂在縣南三里周迴六里多蒲魚之利

太白渠在縣東北十里

中白渠首受太白渠東流入高陵縣界

南白渠首受中白渠水東南流亦入高陵界

美原縣畿西南至府一百八十里秦漢頻陽之地以縣西北十一里有

頻山秦厲公于山南立縣故曰頻陽後魏別立土門縣以

頻山有二土門狀似門故曰土門大業二年省義寧二年

再置貞觀十七年又省咸亨二年復置仍改名曰美原

元和郡縣圖志卷之二

頻陽故城在縣西南三里秦將王翦即此縣人也

華原縣一畿西南至府一百六十里本漢祜祊縣地屬左馮翊曹魏皆于

其地置北地郡元魏廢帝三年改為通川郡領泥陽縣屬

宜州六年改泥陽為華原縣大業二年省宜州縣屬京兆

垂拱元年改為永安縣天授二年又置宜州大定元年廢

之神龍元年復為華原縣

土門山在縣東南四里

祜祊故城在縣東南一里漢縣也宣帝神雀二年鳳望集

祜祊城是也泥陽故縣在東南十七里

漢步壽宮在縣東北三里

同官縣二畿西南至府一百一十里本漢祜祊縣地屬左馮翊晉屬頻陽

符秦于祜祊城東北銅官川置銅官護軍後魏太武帝改

置銅官縣屬北地郡周朝除金作此同字屬宜州大業二

年省宜州縣屬雍州國朝因之

鄠縣畿東北至府六十五里本夏之扈國啓與有扈戰于甘之野地

理志古扈國有戶谷戶亭又有甘亭扈至秦改為鄠邑漢

屬右扶風自後魏屬京兆後遂因之

終南山在縣東南二十里

雞頭山在縣東南三十一里偽趙主石生不能守長安欲

西上隴士卒散盡遂入雞頭山尋為追兵所害

牛首山在縣西南二十三里南接終南在上林苑中西京賦云統黃山而款牛首是也潞水所自出

渭水北去縣十七里

豐水出縣東南終山南自發原北流經縣東二十八里北流入渭

龍臺澤在縣東北三十里周迴二十五里

八部澤在縣東南五里周迴五十里故鄠城在縣北二里夏之扈國也

鍾宮故城一名灌鍾城在縣東北二十五里蓋始皇牧天

下兵器銷為鍾鐻此或其處

馬祖壇在縣東北三十二里龍臺澤中每年太常太僕四時祭之春祭馬祖夏祭先牧秋祭馬社冬祭馬步

隋太平宮在縣東南三十一里對太平谷因名之隋甘泉宮在縣西南二十二里對甘泉谷因名之

周鄠宮周文王宮也在縣東三十五里詩云既伐于崇作邑于鄠是也崇侯無道文王伐之命無殺人無壞室崇人

聞之如歸父母遂虜崇侯作鄠邑崇國在秦晉之間

秦蒯陽宮在縣西南二十三里

漢陂在縣西五里周迴十四里



甘亭在縣西南五里夏啟伐有扈誓師于甘之野即此處也

盩屋縣畿東北至府一百三十里漢舊縣武帝置屬右扶風山西曰盩

水曲曰屋後漢省晉復立武德三年屬稷州貞觀元年廢

稷州後屬雍州天寶中改名宜壽後復名盩屋

姜維嶺本名沉嶺在縣南五十里蜀後主延熙二十年大

將軍姜維率衆出駱谷經沉嶺即此也

望仙澤在縣東南三十五里中有龍尾堆

隋宜壽宮在縣東南三十二里

秦長楊宮在縣東南三十三里漢武帝好自擊熊羆司馬

相如從至上林上疏諫

秦五柞宮在縣東南三十八里

馬融讀書臺在縣東北二十七里

司竹園在縣東十五里史記曰渭川千畝竹今按園周迴

百里置監丞掌之以供國用義寧元年義師起高祖第三

女平陽公主舉兵于司竹園號娘子軍

駱谷關在縣西南一百二十里武德七年開駱谷道以通

梁州在今關北九里貞觀四年移于今所

駱谷道漢魏舊道也南通蜀漢魏少帝正始四年曹爽伐

蜀諸軍入駱谷三百餘里不得前進牛馬驢騾一本以轉

運死略盡少帝甘露三年蜀將姜維出駱谷圍長城亦此道也

樓觀在縣東三十七里本周康王大夫尹喜宅也穆王為君幽逸之人置為道士相承至秦漢皆有道士居之晉惠帝時重置其地舊有尹先生樓因名樓觀武德初改名宗聖觀事具樓觀本記及先師傳焉

武功縣

畿東至府一百四十里

漢舊縣古有邠國堯封后稷之地周

平王東遷以賜秦襄公孝公作四十一縣鞏美陽武功各其一也鞏與邠音同字異武功蓋在渭水南今郿縣地是也按舊縣境有武功山斜谷水亦曰武功水故諸葛亮表

云遣孟瑛據武功水又杜彥遠云太白山南連武功山是則縣本以山水立名也武德三年分雍州之武功好時蓋屋扶風之郿四縣于今縣理置稷州因后稷所封為名貞觀元年廢州以縣屬京兆

慶善宮在縣南十八里皇家舊宅也南臨渭水武德元年置宮貞觀六年鑿駕親幸讌郡臣賦詩焉

三時原在縣西南二十里高五十丈西入扶風縣界故釐城一名武功城在縣西南二十三里古邠國也

后稷祠在縣西南二十三里

姜嫄祠在縣西南二十二里

元和郡縣圖志卷之二

隋文帝恭陵在縣西南二十里三時原上

好時縣一畿西南至府本漢舊縣在今縣理東南十三里故

城是也時者神明所依止也以雍州積高神明之隩故立

時以郊上帝諸神也後漢省武德二年分醴泉縣置因漢

舊名屬雍州二年改屬稷州貞觀元年廢稷州復屬雍州

二十一年於廢上宜縣置好時縣今縣理是也其上宜縣

隋開皇十八年置貞觀八年廢

華州華陰四輔開元戶三萬七百八十七 鄉七十 元和戶一十四百三十七 鄉二十二

禹貢雍州之城周為畿內之國鄭桓公始封之邑其地一

名咸林春秋時為秦晉界邑長城在州東七十二里或說

秦晉分境祠華岳故築此城戰國時屬秦魏地理志云自

高陵已東皆魏分也按史記魏築長城自鄭濱洛今州東

南三里魏長城是也秦并天下為內史之地二漢及晉為

京兆之地後魏置東雍州廢帝改為華州大業二年省華

州義寧二年置華山郡武德元年復為華州垂拱元年改

為太州避武太后祖諱神龍元年復舊

州境東西一百六十四里 南北一百四十四里

八到西至上都一百八十里 東至潼關一百二十里

東至東都六百八十里 東至魏州二百里

東北至同州八十里 南至商州山南路二百七十里

元和郡縣圖志卷之二

貢賦 開元

賦 貢

絨 絨

絨 絨

布 細

### 管縣三

鄭縣

華陰

下邳

鄭縣 望鄭

本秦舊縣漢屬京兆後魏置東雍州其縣移在

州西七里大業二年州廢移入州城隸屬雍州至三年以

州城屋宇壯麗置太華宮縣即權移城東四年宮廢又移

入城

古鄭縣在縣理西北三里興元元年新築羅城及古鄭城

並在羅城內

少華山在縣東南十里

華陰縣

望西至州六十五里

本魏之陰晉邑秦惠文王時魏人犀首

納之于秦改曰寧秦漢高帝八年更名華陰屬弘農郡

後魏屬華州隋大業五年移于今理垂拱元年改曰仙掌

尋復舊名

長城在縣西春秋時晉分界處

太華山在縣南八里

衣豐倉在縣東北三十五里渭河口隋置義寧元年因倉

又置監天寶三年左常侍兼陝州刺史韋堅開漕河自苑

西引渭水因古渠至華陰入渭引永豐倉及三門倉米以

給京師名曰廣運潭以堅為天下轉運使漕渠每夏大雨

元和郡縣圖志卷之二

十

輒皆漲大曆之後漸不通舟

天寶中每歲水陸運米二百五十萬石入

關大曆後每歲水陸運米四十萬石入關

潼關在縣東北三十九里古桃林塞也春秋時晉侯使詹

嘉處瑕以守桃林之塞是也關西一里有潼水因以名關

又云河在關內南流衝激關山因謂之衝關謹按秦函谷

關在漢弘農縣即今靈寶縣西南十一里故關是也今大

路在北本非鈴束之要漢武帝元鼎三年楊僕為樓船將

軍本宜陽人

今福昌縣也

恥居關外上疏請以家僮七百人徙

關於新安武帝從之即今新安縣東一里函關故谷是也

而御傳所馳出于南路至後漢獻帝初平二年董卓脅帝

西幸長安出函谷關自此已前其關並在新安其後二十

年至建安十六年曹公破馬超于潼關則是中關徙于今

所今歷二處而至河潼上躋高隅俯視洪流盤紆峻極寔

謂天險河之北岍則風陵津北至蒲關六十餘里河山之

險邈迤相接自此相望川途曠然蓋神明之奧區帝完之

戶牖百二之固信非虛言也

下邳縣

望東南至州八十里

本秦舊縣地理志屬京兆注下邳秦武

公代邾戎置于隴西有上邳故此加邾也董卓遷都長安

華歆求出為下邳令即此也後魏避道武帝諱改為夏封

大業二年復舊後魏屬馮翊隋屬華州武德年屬同州垂

拱二年復屬華州

漢蓮勺縣故城在縣東二十二里張禹本河內人徙家蓮勺

同州馮翊四輔 開元戶五萬六千五百九 元和戶四千八百六

禹貢雍州之域春秋時其地屬秦本大荔戎國秦獲之更名曰臨晉魏文侯伐秦之築臨晉今朝邑西南有故城七國時屬魏始皇并天下京兆馮翊扶風並內史之地及項羽滅秦為塞國立司馬欣為塞王及漢王定三秦以為河上郡復罷為內史武帝更名左馮翊魏除左字但為馮翊

郡晉因之後魏永平三年改為同州禹貢云漆沮既從澧

水攸同言二水至此同流入渭城居其地故曰同州

州境東西一百一十二里南北二百三十五里

八到 西至上都二百五十里 東至蒲津關六十里 東至東都六百五十里 南至華州八十里 西北至坊州二百五十里

貢賦 開元 賦 絹 文吉莫皮二十張 麝香 麻黃 地黃 蒺藜子 寒山石

管縣七 馮翊 朝邑 韓城 白水 夏陽 澄城 郃陽

元和郡縣圖志卷之二

馮翊縣望郭本漢臨晉縣故犬戎城秦獲之更名舊說秦築高壘以臨晉國故曰臨晉武帝改為大荔縣後魏改為華陰縣後以名重改為武鄉大業三年改為馮翊縣馮輔也翊佐也義取輔佐京師

沙苑一名沙阜在縣南十二里東西八十里南北三十里後魏文帝大統三年周太祖為相國與高歡戰于沙苑大破之其時太祖兵少隱伏于沙草之中以奇勝之後于兵立之處人栽一樹以表其功今樹在猶存仍于戰處立忠武寺今以其處宜六畜置沙苑監

興德宮在縣南三十二里義旗將趣京師軍次于忠武園因置亭子名興德宮屬家令寺

朝邑縣望西至州三十五里本漢臨晉縣之地大荔國在今縣東三十步故王城是也後魏置南五泉縣西魏改為朝邑縣以此據朝坂故以為縣西南有蒲津關

河橋本秦后子奔晉造舟于河通秦晉之道今為河西縣長春宮後周武帝置大業十三年高祖起義兵自太原舍于此宮休甲養士而定京邑武德二年於此置陝東大行臺太宗居藩作鎮四年山東平乃移行臺于洛州

通靈陂在縣北四里二百三十步開元初姜師度為刺史引洛水及堰黃河以灌之種稻田二千餘頃

苦泉在縣西北三十里許原下其水鹹苦羊飲之肥而美  
今于泉側置羊牧故俗諺云苦泉羊洛水漿

韓城縣上西南至古韓國及梁國漢為夏陽縣之地韓國

故城在今縣理南十八里梁國在今縣理南二十三里有

少梁故城隋文帝分郃陽于此置韓城縣春秋秦晉戰于

韓原即此地也

龍門山在縣北五十里

龍門成在縣東北極險峻後周又于此置龍門關今廢也

白水縣望東南至州一百二十里本漢栗邑縣之地屬左馮翊按栗邑

故城在縣理西北二十八里薛宣為左馮翊以栗邑縣小

僻在山中其人謹朴以頻陽令薛恭換栗邑令尹賞二縣

俱大理又為漢衙縣地春秋時秦晉爭戰于彭衙是也後

魏文成帝分澄城郡於此置白水縣白水南臨白水因以

為名隋文開皇三年罷郡縣屬同州

夏陽縣緊西南至州一百三十里古有莘國漢郃陽縣之地武德三年

分郃陽于此置河西縣在河之西因以為名又割同州之

郃陽韓城二縣於今縣理置西韓州取古韓國為名也以

河東有韓州故此加西貞觀八年廢西韓州以縣屬同州

乾元三年改為夏陽縣之南有莘城即古莘國文王妃太

姒即此國之女也

元和郡縣圖志卷之二



澄城縣望南至州一百里漢徵縣也韋昭云徵音懲澄同聲後

人誤為澄文十年秦晉取北徵即此城是也後魏太武七

年分郟陽縣置又于今縣理置澄城郡開皇三年罷郡以

屬同州

漢武帝時嚴熊上言願穿洛以溉重泉策萬餘頃於是發

卒穿渠自徵引洛水至商頴下商頴今在馮翊縣界名曰龍首渠

案州西三十里有乾坑即龍首之尾也

王官故城在縣西北春秋傳曰俘我王官剪我羈馬

郟陽縣望西南至州一百二十里本漢襄縣屬左馮翊在郟水之陽詩

大雅所謂在洽之陽是也水經注曰郟陽城南有漢水前

流注于河即郟水也按中漢水蒲池漢水與南漢水並在

鴈河西縣南五里今郟陽界內爾雅云漢出大尾下郭璞

以為汾陰縣有水如車輪此水亦然周武特屬澄城郡開

皇三年罷郡以縣屬同州

羈馬故城在縣東北二十六里

鳳翔府岐州扶風四輔

開元戶四萬四千五百三十三

元和戶七千五百八十

鄉八十八

今為鳳翔節度理所

管州二

鳳翔府 隴州

縣十四 都管戶八百千三百六十四

禹貢雍州之域春秋及戰國特為秦都德公初居雍即今天興縣也至獻公始徙櫟陽始皇并天下屬內史項羽封章邯為雍王亦此地也高帝更名中地郡復屬內史景帝更名主爵都尉武帝太初元年更名右扶風所以扶助京師行風化也與京兆尹左馮翊謂之三輔理皆在長安城中後漢出里槐里即今興平縣東南七里故槐里城是魏文帝除右字為扶風郡亦是重鎮曹公使張郃屯陳倉建興中諸葛亮攻陳倉及郿皆不克晉太康八年為秦國

後魏太武于今州理東五里築雍城鎮文帝改鎮為岐州隋開皇元年于州城內置岐陽宮岐州移于今理大業三年罷州為扶風郡武德元年復為岐州至德元年改為鳳翔郡乾元元年改為鳳翔府

州境東西一百八十三里南北三百八十九里

八到東至上都三百一十里東至東都一千一百七十里東北至邠州二百三十里南取太白山路至吳元府六百里西南至鳳州二百八十里西至龍州一百五十里北至涇州二百二十里

貢賦 開元

賦 貢

龍鬚席 麻布

蠟燭

管縣九

天興 岐山 扶風 普潤 岐陽 麟遊

寶鷄 虢縣 郿縣

天興縣次赤本秦雍縣秦國都也漢縣屬右扶風四面高曰雍又四望不見四方故謂之雍秦回中宮在縣西漢文帝十四年匈奴入蕭關燒回中宮侯騎至雍即此也至德二年分置鳳翔縣永泰元年廢仍改雍縣為天興縣乾歸故城在縣西四十三里乞伏乾歸據苑川自號西秦因築此城

石鼓文在縣南二十里許石形如鼓其數有十蓋紀周宣

王畋獵之時其文即史籀之迹也貞觀中吏部侍郎蘇勣紀其事云虞褚歐陽共稱古妙雖歲久訛缺遺迹尚有可觀而歷代紀地理志者不存記錄尤可歎惜

岐山縣西至府五里本漢雍縣之地周武帝天和四年割涇州

鶉觚縣之南界置三龍縣開皇十六年移三龍縣于岐山南十里改為岐山縣貞觀八年移于今理岐山縣亦名天

柱山在縣東北十里

渭水在縣南三十里

五將山在縣西北六十里苻堅為姚萇將吳忠所擒之處

扶風縣西至府一百里本漢美陽縣地武德三年分岐山縣置圍

川縣屬岐州。取今縣南漳川水為名。近代訛作圍。四年隸入稷州。貞觀元年廢稷州。以縣屬岐州。八年改為扶風。

普潤縣南至府九十里。隋大業元年于此置馬牧。又置普潤屯。後廢屯置縣。在漢為漆縣。并有鐵官。今城西有漆水。又有小城。蓋置鐵官處。

岐陽縣西南至府一百里。蓋漢杜陽縣地。貞觀七年割扶風岐山二縣置。以在岐山之南。因以名之。

麟遊縣西南至府一百六十里。一本漢杜陽縣地。隋于此置西麟州。營

仁壽宮。義寧元年唐高祖輔政廢宮。是年獲白麟于宮所。因置縣。

九成宮在縣理西一里。即隋文帝所置仁壽宮。每歲避暑。春往冬還。義寧元年廢宮。置立郡縣。貞觀五年復修舊宮。以為避暑之所。改名九成宮。

永安宮在縣西三十里。貞觀八年置。

寶鷄縣東北至府九十里。本秦陳倉縣。秦文公所築。因山以為名。

屬古扶風。大業九年移于今理。在渭水北。乾元元年改為寶鷄。以昔有陳寶鳴鷄之瑞。改名之。

陳倉城。魏太和中將軍郝昭所築。陳倉城。適訖。會諸葛亮

來攻。亮本聞陳倉城惡。及至怪其整頓。問知昭在其中。大驚愕。亮素聞昭在西有威名。念攻之不易。初太原靳詳少

與昭相親後為蜀所得及亮圍陳倉詳為亮監軍使于城外呼昭喻之昭于樓上應詳曰魏家科法卿所練也我之為人卿所知也曩時高剛守祁山坐不專意雖終得全於今謂議不止我死耳卿還謝諸葛亮便可攻也詳以告亮進兵雲梯衝車晝夜距二十餘日亮無利會費曜等救至亮乃引去按今城有上下二城相連上城是秦文公築下城是郝昭築

陳倉山在縣南十里南接梁鳳二州界散關在縣西南五十二里蜀志諸葛亮出散關圍陳倉

三文城在縣西十六里司馬宣王與諸葛亮相距所築咸

亨三年於縣東南開渠引渭水入昇原渠通舡至京故城

即故長安城漢惠帝所築城在今故大興城之西北苑中

虢縣北至府古虢國周文王弟虢叔所封是曰西虢後秦

武公滅為縣周改為洛邑縣大業二年復為虢縣貞觀八年廢天授二年再置

郿縣西北至府本秦縣左輔都尉理所在今縣東一十五

里有故城今縣周天和二年築置雲州建德三年廢武德

元年又於故城置郿州三年廢州郿縣屬稷州七年屬岐

州白起即此縣人也縣在渭水南一里自岐山至郿縣以上八縣並次畿

終南山在縣南三十里

元和郡縣圖志卷之二

太白山在縣東南五十里

五丈原在縣西南三十五里初諸葛亮與司馬宣王相持

亮據渭水南原宣王謂諸將曰亮若出武功依山東轉是

其勇也若西上五丈原諸君無事矣亮果屯此原耕者雜

于渭濱居人安堵軍無私焉

積石原在縣西北二十五里魏青龍二年諸葛亮出斜谷

與司馬宣王屯渭南郭淮算亮必爭北原遂先據之亮至

不得上即此原也

縣理城亦曰斜城之南當斜谷因以為名斜谷南口曰褒

北口曰斜

董卓塢在縣東北十六里卓封郿侯築塢高與長安埒號

為萬歲塢

成國渠在縣東北九里受渭水以溉田

隴州沂陽上開元戶六千八十五  
元和戶七百八十四

禹貢雍州之域秦文公所都漢為沂縣屬右扶風後魏置

東秦州西魏文帝改名隴州因山為名大業二年省義寧

二年又于縣理置隴東郡武德元年改為隴州

州境東西二百九十五里  
南北四百六十五里

八到東至上都四百六十里  
東至東都一千三百二十里  
東至鳳翔府一百五十里  
西至秦州三百四十里

南至鳳州山路四百三十里  
北至原州三百三十里  
貢賦 開元 貢 龍鬚席五領

管縣五

沂源 沂陽 吳山 華亭 南由

沂源縣上郭本漢沂縣地屬右扶風在沂水之北後魏改為沂陰縣隋改為沂源縣

隴山在縣西六十二里

岍山在縣西六十里北與隴山接禹貢導岍及岐是也

大震關在州西六十一里後周置漢武至此遇雷震因名秦城在州東西二十五里秦非子養馬沂渭之間有功周

孝王命為大夫

沂陽縣上西至州本漢兪麋縣地因今縣東八里兪麋澤

為名周武帝置沂陽郡及縣尋省郡以縣屬隴州

沂水在縣南一里

吳山縣中西北至州本漢兪麋縣地後魏孝昌二年于長

蛇川置長蛇縣屬東秦州開皇十八年改為吳山縣

吳山在縣西南五十里秦都咸陽以為西岳今為國之西

鎮山國語謂之西吳

華亭縣下正南微東至本秦涇陽縣地大業元年置華亭

縣以在華亭川口故名

小龍山在縣西四十里

南由縣下東北至州一百二十里本漢汧縣地後魏孝明帝於縣西南

由谷口置縣因谷為名開皇二年省長蛇縣併入南由屬

岐州貞觀四年割入隴州

安夷關在縣西一百四十六里

長蛇川在縣西一百步

渭水在縣南四十里

元和郡縣圖志卷之二終

元和郡縣圖志卷第三

關內道三

涇原節度使 涇州 原州

邠寧節度使 邠州 寧州 慶州

鄜坊觀察使 鄜州 坊州 丹州 延州

涇州安定上 開元戶一萬五千九百五十二

元和戶一千九百九十 鄉三

墾田 今為涇原節度使理所

管州二

涇州 原州



縣九 都管戶

禹貢雍州之域春秋時屬秦至始皇分三十六郡屬北地郡漢分北地郡置安定郡即此是也漢以六郡良家子補羽林郎按六郡安定即其一焉後漢安帝永初五年徙其人于美陽以避羗寇郡寄理美陽在今武功縣界夷陽故城是也至順帝移于今理後魏太武神鹿三年于此置涇州因水為名大業三年改為安定郡大業末金城賊帥薛舉侵擾幽涇武德元年太宗西討會舉死因平舉子仁果遂改安定郡為涇州

州境東西一百九十六里南北二百八十六里

八到 東南至上都四百八十里 東北至寧州一百五十里 東南至東都一千三百四十里 西北至原州平原縣一百五十里 北至原州城三百三十里 南至鳳州二百三十三里 東南至邠州一百八十里 西南至隴州崧路一百八十里

貢賦 開元 貢 龍鬚席 賦 麻 布

管縣五

保定 靈臺 臨涇 良原 潘原

保定縣上郭本漢安定縣也今臨涇縣安定故城也後漢省後魏文帝大統元年自高平移城于今理屬安定郡

隋開皇三年罷郡以縣屬涇州至德二年改保定縣  
涇水在縣東一里

折塘古城在縣東十里西魏涇州刺史乙弗貴所築隋末  
薛舉屯據于此城舉死仁果復竊據武德元年討平之

方侯醜奴餘跡在縣東五里醜奴高平人後魏建義元年  
僭號于此

靈臺縣州上西至本漢鶉觚縣屬北地郡周屬趙平郡隋

開皇元年屬涇州天寶元年改為靈臺縣理西東接縣城  
即古蜜國之地也今縣理西陰蜜故城是也詩云蜜人不  
共也

臨涇縣州上東南至本漢鶉觚縣屬安定郡隋大業元年於今

縣理置秋谷縣取縣內秋谷為名十二年復為臨涇縣皇  
朝因而不改按縣在彭陽川內彭陽水一百步縣界兼有

漢安定武安彭陽撫夷四縣之地也

良原縣州上東北至本漢三水縣地屬安定郡今安定縣界

三水故城是也大業元年分安定縣之地置良原縣西  
南三十里有良原因以為名

汭水一名宜祿川西自隴州華亭縣流入

石原在縣西南所謂良原也

潘原縣中東至州本漢陰盤縣屬安定郡在今邠州宜祿

縣西二十三里陰盤故城是也地有陰盤

原州 平京 中都督府 開元戶 元和戶

鄉鄉

州境

八到 東南至上都 三百二十里  
東南至涇州 三百二十里  
東南至東都 一千六百六十里  
西至會州 三百九十里  
南至秦州 四百六十里  
正西至臨洮軍 六百二十里  
北至靈州 五百里

貢賦 開元 賦 貢 履 鞍 纒 麻

管縣四

平高 平涼 百泉 蕭關

平高縣 郭望下 本漢高平縣屬安定郡後魏太武太延二年

於今縣理置平高縣屬平高郡隋開皇三年罷郡以縣屬

原州大業三年以原州為平京郡武德元年重為原州縣

仍屬。

笄頭山一名崆峒山在縣西一百里即黃帝謁廣成子學道之處史記曰黃帝東至于海西至崆峒登笄頭是也漢書曰笄頭山在涇陽西禹貢涇水所出莊子云廣成子學道崆峒之山又後漢書隗囂使將王孟塞鷄頭道即此也木峽關在縣西南四十里

蕭關故城在縣東南三十里漢書文帝十四年匈奴入蕭關殺北地都尉是也

瓦亭故關在縣南七十里即隴山北垂隗囂使牛邯守瓦亭即是此也

秦長城在縣北十里

朝那湫郊祀志云湫泉祠那蘇林云在安定朝那縣方四十里冬夏不增減不生草木旱時即祠之以壺挹水置之於所在則雨之不止及水于泉俗以為恒今周迴七里蓋近代減耗

監牧貞觀中自京師東赤岍澤移馬牧于秦渭二州之北會州之南蘭州狄道縣之西置監牧使以掌其事仍以原州刺史為都監牧使以管四使南使在原州西南一百八十里西使在臨洮軍西二百二十里北使寄理原州城內東宮使寄理原州城內天寶中諸使共有五十監

南使管十八監

西使管十六監

北使管七監

東宮使管九監

監牧地東西約六百里南北約四百里天寶十三年諸監  
先在馬總三十一萬九千三百八十七匹內一十三萬三  
千五百九十八疋課馬

平涼縣

上西北至州一百六十里

本漢涇陽縣地今縣西四十里涇

州故城是也後魏為長城郡長城縣之地周武帝建德元  
年割涇州平涼郡于今理置平涼縣屬長城郡開皇三年  
屬原州皇朝因之開元五年移于涇水南貞元七年又移  
于舊縣南坂上今縣是也乃屯軍其中

馬屯山縣西十六國春秋云姚萇與苻登戰于高平登敗

奔于馬屯山即此也其山南北二十里東西三十里

百泉縣

上西至州九十里

本漢朝那縣地故城在今縣理西四十

五里後魏孝明帝於今縣西南陽晉川置黃石縣隋煬帝  
改為百泉縣武德八年移于今所

可藍山一名都廬山在縣西南七十里十六國春秋曰赫  
連定據平涼登可藍山望統萬城泣曰先帝若以朕承大  
業豈有今日

涇水源出縣西南涇谷地理志云涇陽縣筭頭山涇水所  
出淮南子云筭頭山一名薄落山故涇水亦曰薄落水又

南流經都廬山山路之中常如彈箏之聲故行旅因謂之彈箏峽

蕭關縣中南至州一百八十里本隋他樓縣大業元年置神龍三年廢別立蕭關縣以去州闊遠御史中丞侯金德奏于故白草軍城置因取蕭關為名

蔚如水在縣之西一名葫蘆河源出原州西南頽沙山下

邠州新平開元戶一萬九千四百六十一元和戶二千六百七十鄉四十九鄉四十九

今為邠寧節度理所

管州三

邠州 寧州 慶州

縣十九

禹貢雍州之域周之先公劉所居之地詩大雅云篤公劉于豳斯館是也周本紀曰后稷子不窋末年夏政衰奔戎翟之間至孫公劉修后稷之業乃國于豳徐廣云新平漆縣東北有豳亭是也按豳國城在今州理東北二十九里三水縣界古豳城是也自周東遷其地屬秦之并天下分三十六郡屬內史漢屬右扶風今州理即漢右扶風之漆縣也漆水在今縣西九里西北流注于涇今鳳翔府麟遊縣東西亦有一漆水與此異也後漢于此置新平郡及姚萇之亂百姓夷滅此地郡縣並無理所至後魏又置郡焉

文帝大統十四年於今理置南幽州廢帝除南字大業二年省入寧州義寧二年復為新平郡武德元年復為幽州開元十三年以幽與幽字相涉詔曰魚魯變文荆并誤聽欲求辨惑不也正名改為邠字天寶元年改為新平郡乾

元元年復為邠州

州境東西二百七十里

八到東南至上都三百里

東南至東都一千一百六十里

南至奉天縣一百三十里

西北至涇州一百八十里

管縣四

新平 三水 永壽 宜祿

新平縣望郭本漢漆縣也屬右扶風建武八年隗囂悉眾

攻略陽上漆進止未定會馬援夜至上喜問之援聚米以

為山谷於上前指軍所從入上笑曰虜在吾目中遂進兵

考諸記註漢之漆縣即今州理是也姚萇之亂郡縣不立

暨乎後魏于今縣西南十里陳陽原上置白上縣屬新平

郡開皇三年罷郡移白土縣於今州城中置幽州四年改

白土縣為新平縣大業二年省幽州入寧州義寧二年復

為新平郡武德元年以新平郡又為幽州縣屬焉

五龍原在縣南三里原側有五泉水因名  
涇水西北自宜祿界流入

橐丘堡在縣西十八里東西南三面石坡峭峻高十丈北  
面築城高二丈武德二年置貞觀元年廢

符堅墓在縣東南二里先兵有謠云河水清符詔死新城堅  
聞惡之語軍侯曰地名新城避之至是為姚萇所殺于新  
平城遂葬焉

三水縣

縣西南至州六十里

本漢舊縣有鐵官屬安定郡以縣界

有羅川谷三泉並流故以為號魏改三水縣為西川縣亦  
屬安定後魏於今縣理西二十八里重置三水縣取漢舊

名屬新平開皇三年罷郡以縣屬豳州皇朝因之

石門山在縣東五十里峰巖相對望之似門

相邑故城在縣東二十五里即漢相邑縣屬右扶風古郿  
國也左傳云畢原豐郿文之昭也

古豳城在縣西三十里公劉始都之處

永壽縣

州上西北至州九十里

武德二年分新平縣西界於今理北

三十里永壽原西分置永壽縣因原而名貞觀二年移于  
州東南八十里興元二年又移于順義店即今理是也本  
漢漆縣之南界也

高泉山亦曰甘泉在縣北二十五里



涇水自新平縣界流入

醴泉苑在縣東北十里并宮並周所立後廢貞觀四年置醴泉監兼置屯五所隸司農寺

宜祿縣中東至州八十一里本漢淺水縣地屬上郡後魏為東陰

盤縣地廢帝以縣南臨宜祿川因改名隸涇州暨周隋又

為白土縣貞觀二年分新平縣又置宜祿縣後魏舊名也

淺水原即今縣理所初金城人薛舉稱兵攻破郡縣武德

元年舉寇涇州屯兵于安定縣之析塢城太宗親征相守

六十餘日會舉死其子仁果統其衆并羌胡十餘萬數來

挑戰上遣總管龐玉自此原南出賊之右因高而陳上率

大兵自原北出其不意斬首萬餘級賊大潰仁果懼而請

降俘其精兵萬餘人男女五萬口故城猶在今縣北五里

陰盤城在縣西北二十五里

昭仁寺在縣西十步淺水原上王師討平仁果詔于此置

寺碑諫議大夫朱子奢之詞也

長武城在縣西五十里隋開皇中築在涇河南岍武德元

年廢大曆初郭子儀置兵以備西戎

寧州彭原開元戶三萬二百二十八鄉七十三

壟田

禹貢雍州之域古西戎地也當夏之衰公劉邑焉周時為

義渠戎國其後戎翟攻太王亶父避于岐山脚而作周按  
今州城理即公劉邑地也後西北伐犬戎武王都鎬逐戎  
夷于涇洛之地以時入貢命曰荒狄周道衰荒狄不至後  
幽王為犬戎所殺至秦繆公得由余西戎八國來至秦昭  
王殺義渠戎王并其地始皇分三十六郡此為北地郡即  
義渠舊地也漢氏因之後漢移北地郡居富平故城是也  
後魏延興二年為三縣鎮孝文太和十一年改置班州十  
四年改為邠州二十年改邠為豳取地名也廢帝三年改  
豳州為寧州以撫寧戎狄為名後周改為北地郡隋又為  
寧州大業中又為郡武德元年復為寧州貞觀元年改為

都督府四年又廢府為州

州境東西二百一十六里

八到東南至上都四百五十六里

東南至東都一千三百里

東至坊州三百二十里

西至涇州一百五十里

東北至寧州三百九十里

北至慶州一百三十里

南至邠州一百四十里

貢賦開元

貢龍鬚席  
賦麻布

管縣六

安定

真寧

襄樂

彭原

定平

豐義

安定縣望

本漢泥陽縣在今縣理東南方十五里泥陽

故城是也。至後魏太武帝置安定縣，取定俗安人為義。在今縣理北西三里。安定故關自開皇三年移縣入廢趙興郡理，仍屬寧州。皇朝因之。

扶蘇墓在縣西北十八里。始皇太子也。監蒙恬築長城，始皇崩，李斯矯詔死葬于此。

真寧縣縣西北至州七十里。本漢陽周縣地，屬上郡。漢書陳餘與

章邯書曰：蒙恬為秦將，北逐戎人，開榆中地數千里，竟斬陽州，謂此縣也。魏置宜陽，惠陟二護軍，孝文太和十一年復置陽縣。開皇十八年改為羅川縣，南羅水為名，屬寧州。皇朝因之。天寶元年改為真寧縣。

子午山亦曰橋山，在縣東八十里。黃帝陵在山上，即羣臣葬衣冠之處。史記曰：漢武帝北巡朔方，還祭黃帝冢于橋山，曰：吾聞黃帝不死，今有冢何也？或對曰：黃帝已上仙，群臣葬其衣冠，故有冢。

襄樂縣縣西南至州六十里。本漢襄洛縣，屬上郡。後魏孝文改洛為樂，屬襄樂郡。後周屬北地郡。隋開皇三年改屬寧州。皇朝因之。

秦故道在縣東八十里。子午山，始皇三十年向九原抵雲陽，即此道也。

彭原縣縣南至州一百里。本漢彭陽縣地，在今縣理西南六十里。

臨涇陽縣界彭陽故城是也暨于後漢又為富平縣之地  
後魏破赫連定後于此復置富平原南北八十一里東  
西六十里

定平縣上州七十里北至自漢至晉並泥陽縣地後魏至周並為

安定縣地大業十年於此築城置棗社驛武德二年於驛

分安定縣置定平縣其驛移出城北

豐義縣上州八十里東南至本漢彭陽縣地今縣理西四十里彭

陽故城是也後魏于縣理置雲州周武帝保定二年廢州

為防隋文帝廢防名為豐義城武德二年分彭原縣置豐

義縣因舊城為名屬彭州貞觀元年州廢縣屬寧州

慶州順化都督府

開元戶一萬七千九百八十一鄉五十一

墾田

禹貢雍州之域古西戎地周本紀曰夏氏政衰后稷子不  
窋奔戎狄之間今州理東南三里有不窋故城是也春秋  
及戰國時為義渠戎國秦厲公伐并之虜其王義渠至始  
皇時屬北地郡按今州理即漢郁城地理志屬化城郡後  
漢郡境為虜所侵北地郡寄寓馮翊後魏文帝大統十一  
年置朔州周武帝保定元年廢朔州為周武防隋文帝開  
皇三年改置合川鎮十六年割寧州歸德縣置慶州立嘉  
名也義寧元年為弘化郡天寶元年改為安化郡至德元

年改為順化郡

州境東西二百五十三里

八到東南至上都五百七十里

東北至延州四百四十里

東至寧州六百二十里

西至原州三百九十里

南至寧州一百二十七里

北至鹽州五百七十二里

貢賦開元賦牛蘇麝香

管縣十

順化 樂蟠 馬嶺 合水 華池 同川

洛源 延慶 方渠 懷安

順化縣中郭下本漢郁郅縣後漢迄晉戎虜所侵不立州縣

後魏及周以為鎮防開皇十六年于今州城西南一里置

合水縣在馬嶺白馬二水口因以為名屬慶州大業二年

以慶州為弘化合水屬焉至武德二年改合水為合川縣

取隋合川鎮為名貞觀元年改為弘化縣天寶元年改為

安化縣至德元年改為順化縣也

不窰墓在縣東二里

樂蟠縣中北至州本漢略畔道地也今縣理北五里略

畔故城是也後魏及晉為虜所侵逼此地無復郡縣後魏

文帝於此置蔚州周武置北地郡隋開皇二年罷郡以彭

陽襄樂二縣屬寧州。義寧元年，分合水縣置樂蟠縣，屬弘化郡。取樂蟠城為名也。百官表云：縣有蠻夷，曰道。按略，畔樂蟠皆指北城，方言訛舛，故不同耳。

馬嶺縣

中 東南至州 六十七里

本漢舊縣，屬北地郡。漢末為虜所

侵。至後魏為朔州之地。隋大業元年，分合水縣于此置馬嶺縣。復漢縣之舊名也。十三年，陷賊，廢。義寧二年，於今縣理北四十里，百家堡置馬嶺縣，屬弘化郡。以縣西一里有馬嶺坂，因名。

秦長城在縣西北一百二十六里，即蒙恬所築也。

合水縣

中 西至州 五十里

本漢略畔道之地，在今縣西南三十八

里，故城是也。自後漢至晉，此地皆無郡縣。至後魏為襄樂縣之地。武德六年，分合水縣置蟠交縣，以城臨大小樂蟠二水交口，因以為名。天寶元年，改為合水縣。

華池縣

下 西南至州 一百五十里

本漢歸德縣地也。按漢歸德縣，今

洛源縣是。隋仁壽二年，于今縣東北二里，庫多汗故城置華池縣，因縣西華池水為名，屬慶州。皇朝因之。子午山，舊名翟道山，在縣西四十五里。

同川縣

中 下 東至州 八十里

本漢郁郅縣地。義寧二年，分寧州之

彭原縣西南十五里，三泉故城，置三泉縣，屬弘化郡。武德元年，改為慶州縣，屬焉。仍改為同川，因同川城為名。

元和郡縣圖志卷之三

洛源縣中下 東南至州 本漢歸德縣地屬北地郡後漢

更始二年封岑彭為歸德侯謂此地也後漢迄晉無復郡

縣後魏文帝天統元年復置歸德縣大業元年改為洛源

縣因洛水所出為名皇朝因之

洛水源出白於山一名女郎山在縣北三十里

延慶縣中 南至 本漢郁郅縣地後魏於今縣理置翔府

隋開皇中改置合水縣武德六年移豐州戶住此仍分合

水縣置白馬縣西臨白馬川水為名天寶元年改名延慶

縣

方渠縣中下 東南至 古慶匡州倉在馬嶺川內因渠為

名景龍元年置取漢縣為名縣西北馬嶺山諸谷水東南

流經縣新置方渠堡因名之

懷安縣下 南至州 右居近党項藩落開元十年檢逃戶

所置改以懷安為名

鄜州上 洛交 開元戶三萬一百八十五 鄉五十一 元和戶七百五十 鄉十二

墾田

今為鄜坊觀察理所

管州四

鄜州 坊州 丹州 延州

縣二十四 都管戶四千三百四十七

禹貢雍州之域春秋時屬秦至始皇時地屬上郡漢為上郡雕陰縣之地按漢雕陰在今洛交縣北三十里雕陰故城是也暨晉陷于戎羯不立州郡苻姚置杏城鎮後魏孝文廢鎮改為東秦州孝明帝改為北華州廢帝改為鄜州因秦文公夢黃蛇自天降屬于地遂于鄜行立鄜時為名大業初復為上郡武德元年復舊為鄜州貞觀二年加為都督府十六年罷府州城舊名立交城

州境東西二百六十七里南北二百七十三里八到東南至上鄜四百七十七里東南至東都九百五十九里北至丹州一百八十三里西至慶州三百九十八里

南至坊州一百二十五里北至延州一百五十里  
貢賦開元龍鬚席 賦 麻布  
貢賦元和貢賦同

管縣五

洛交 洛川 三川 直羅 甘泉

洛交縣緊本漢雕陰縣地屬上郡雕山在西南故曰雕陰魏省上郡晉為戎狄所居苻堅時為長城縣後魏及周為三川縣隋開皇十六年分三川二縣置洛交縣屬鄜州洛水之交故曰洛交皇朝因之

洛水在縣南一里  
秦長城在縣東北三十里



偽夏太后城在縣西三十六里赫連勃之聞劉裕滅姚泓命其子義真等守長安大悅自將兵入長安留太后于此築城以居

洛川縣上州六十里西北至本漢郿縣地後秦姚萇于此置洛川

縣以縣界有洛川水為名後魏置敷城郡開元三年罷郡以縣屬郿州

三川縣中州六十里東北至本漢翟道縣地古三水郡以華池水

黑源水及洛水三川同會因為名苻堅時于長城原置長城縣屬長城郡後魏廢帝改為三川屬中部郡開皇三年屬郿州

直羅縣中下州一百里東至本漢雕陰縣地後魏因之魏省雕陰

縣晉時戎狄所居後魏置三川郡隋開皇三年使戶部尚書崔仲方築城以居之城枕羅原水其川平直故名直羅城武德三年分三川洛交于此置縣因城為名

大槃山在縣西北一百一十里

羅川水在縣南二里

甘泉縣中下州七十五里南至武德元年分洛交縣於伏陸城置縣

取城為名天寶元年改為甘泉縣本漢雕陰縣城今在縣南四十里

伏陸山在縣理東北有阿伏斤谷其水出又潛流伏川陸

故號伏陸。天寶元年改為甘川谷。  
坊州中部下。開元戶一萬五千七百一十五。鄉四十三。  
元和戶一千八百四十三。鄉十二。

疆田

禹貢雍州之域。古之翟國。秦屬內史。漢為左馮翊。翟道縣之地。魏晉陷于夷狄。不置郡縣。劉石苻姚時。於今州理西七里。置杏城鎮。常以兵守之。後魏孝文帝改鎮為東秦州。孝明帝改為北華州。廢帝改為鄜州。元皇帝以周武帝時天和七年。放牧于今州界。置馬坊。結構之處尚存。武德二年。高祖駕幸于此。聖情永感。因置坊州。取馬坊為名。州境東西三百八十九里。  
南北一百三十九里。

八到東至上都三百五十里。

東至東都九百里。  
東南至同州二百五十里。  
西南至邠州三百一十里。  
東北至丹州二百六十里。  
北至鄜州一百五十里。  
貢賦開元和貢龍鬚席。采麻。子絃麻。

管縣四

中部 宜君 昇平 鄜城

中部縣上。本漢翟道縣之地。屬左馮翊。魏晉戎翟所居。後秦姚興于今縣南置中部縣。後魏文帝移入杏城。後周改為內郡。屬鄜州。武德二年置坊州。改為中部。杏城在縣西南五里。相傳云。漢將韓胡伐杏木為柵。以抗北狄。因以為

名

宜君縣上 東北至州一百里

前秦苻堅于祿祚縣故城置宜君護

軍後魏太武改為宜君縣文帝大統五年又移于今華原

縣北貞觀十七年廢縣地入雍州二十年置玉華宮仍于

宮所置宜君縣屬雍州永徽二年與宮同廢龍朔三年坊

州刺史竇師倫奏再置玉華宮在縣北四里貞觀二十年

奉敕營造其地本縣人秦小龍宅太宗云小龍出大龍入

當時以為清涼勝于九成宮永徽二年有詔廢宮為寺便

以玉華為名寺內有肅成殿永徽中奉敕令玄奘法師于

此縣譯經每言此寺即闍浮之兜率天也

昇平縣上 東至州九十里天寶十二年刺史羅希奭奏割宜君縣

西北三鄉置宜君縣三十五里

廊城縣上 東至州一百里本漢廊縣地屬左馮翊後漢省後魏于

今縣理置廊城縣屬廊城郡大業元年改廊坊州

丹州上 咸平 開元戶一萬二千四百二十二 鄉三十五 元和戶八百十六 鄉十二

墾田

禹貢雍州之域春秋時為白翟所居隋圖經云義川本春秋時白狄地今其俗

云丹州白室胡頭漢舌其狀是胡其言習中夏白狄語訛耳近伐虢為步落稽胡自言白狄之後秦置三

十六郡屬上郡漢因之魏文帝省上郡其地晉時戎狄居

之苻姚時為三堡鎮後魏文帝大統三年割廊延二州地

置汾州理三堡鎮廢帝以河東汾州同名改為丹州因丹陽川為名顧義川樂川縣隋大業三年廢丹州于義川縣置延平縣十三年為胡賊劉步祿所據義寧七年于義川縣置丹陽郡武德元年改為丹州九年置都督府貞觀元年罷府為州永徽二年移于赤石川

州境東西一百九十九里南北一百七十三里

八到東西南至上都五百五十里東南至東都九百二十里東至同州三百五十里南西至坊州二百六十里西至鄜州一百八十里北至延州二百五十里

貢賦開元和貞觀同麝香蠟燭龍鬚席賦麻布

管縣四

義川 雲巖 汾川 咸寧

義川縣上郭下本秦上郡之地二漢因之魏省上郡其地至晉為戎狄所居後魏文帝大統三年置義川縣屬義川郡因川為名大業二年廢丹州義川屬延州義寧元年於舊城復置丹州郡縣在城內永徽二年移于今理

雲巖縣中東南至武德元年分義川縣置在庫利川南有雲巖山因以為名

庫利川在縣郭南昔有奴賊居此川內稽胡呼奴為庫利因名之

汾川縣上 西南至 本秦上郡地 二漢因之 魏省上郡 後

魏孝文帝置安平縣 理薛川 屬樂川郡 文帝改安平為汾

州 開皇三年罷郡 縣屬丹州 大業二年屬延州 武德元年

復屬丹州

黃河在縣東七里 河峽狹狀似槽形 鄉人呼為石槽 蓋

禹治水鑿石導河之處 石槽長一千步 闊三十步 懸水奔

流 龜鼉魚鱉所不能遊

咸寧縣中下 西南至 本秦上郡之地 後魏孝文帝太和

十八年于白水川置永寧縣 屬義川郡 在今縣東二十里

永寧故縣是也 文帝改為太平縣 移于今所 隋文罷郡 屬

丹州 十八年改太平縣為咸寧 以界內有咸寧鎮為名

延州延安 中都督府 開元戶一萬六千三百四十五

元和戶九百三十八 鄉六十八

### 墾田

禹貢雍州之域 春秋時白翟所居 秦置三十六郡 屬上郡

在漢為上郡高奴縣之地 今州理即上郡高奴縣之域也

項羽三分秦地 以董翳為翟王 都高奴 即其地也 魏省上

郡 至晉陷為戎狄 其後屬赫連 勃之後 魏滅赫連 昌以屬

統萬鎮 孝文置金明郡 宣武帝置東夏州 廢帝改為延州

以界內延水為名 置總管 丹延綏三州 開皇八年廢總管

但為延州。煬帝以為延安郡。隋氏喪亂，陷于殘寇。武德元年，百姓歸化，置總管府。開元二年，為都督府。尋罷府為州。

州境東西四百四十九里，南北三百五十一里。

八到：東南至上都一千一百里，西南至上都六百七十四里，東至隰州三百六十里，東至鄜州一百五十里，東至慶州四百四十里，北至夏州四百里。

貢賦：元和貢同，蜜蠟，麝香，賦同，麻布。

管縣十

- 膚施、延長、臨真、金明、豐林、延川、敷政、延昌、延水、門山

膚施縣，郭上下。本漢舊縣，屬上郡。趙武靈王滅齊，中山遷其人。膚施，漢書匈奴南侵至朝那，膚施即其處也。魏晉陷戎狄，隋煬帝大業二年分豐林、金明二縣于此，置膚施縣。復舊名也。屬延安郡。皇朝因之，縣有五龍山，帝原水，黃帝祠，清水，俗名去斤水。北自金明縣界流入。地理志謂之清水，其肥可燃，鮮卑謂清水為去斤水。斤一作筋 延長縣，中東至州一百三十里。本秦膚施縣地。後魏廢帝元年於丘頭原置廣安縣。隋仁壽元年以廣字犯皇太子名，改為延安縣。大業末廢。貞觀六年又置，移于府北，去斤川。今縣是也。廣德二年改為延長。

臨真縣中一百四十里西北至州本漢高奴縣地後魏文成帝置臨

真縣屬偏城郡周武帝天和元年稽胡叛攻破郡城遂移

于今理隋開皇元年改為臨真縣屬延安郡皇朝因之

金明縣中四十八里東南至本漢高奴縣地魏太武帝于此置廣

洛縣屬金明郡隋開皇四年屬延州後仁壽元年以太子

名廣改為金明縣大業十三年省入膚施縣武德六年又

分置金明縣

豐林縣中三十里西至本漢高奴縣地後魏孝文帝置廣武

縣屬偏城郡在今理東四十里周宣帝改為豐林屬延州皇朝因之

琉璃山在縣北九十五里

延川縣中一百五十里西南至州本秦臨河縣地漢不改後漢省後

魏分安人縣于此地置文安縣隋文帝改為延川取吐延

川為名皇朝因而不改

吐延水北自綏州綏德縣流入

敷政縣中一百五十里東北至本漢高奴縣地後魏太和初置因

城縣隋文開皇六年於其中置金城鎮武德二年移縣就

鎮因改為金城縣天寶元年改敷政

延昌縣下七十六里南至州一本漢高奴縣地開皇三年於此置

朔方鎮十年以北有朔方鎮遂廢貞觀九年置罷交鎮十

年又置罷交縣屬延州取城北罷交谷為名天寶元年改為延昌縣

塞門鎮在縣西北二十里鎮本在夏州寧朔縣界開元二年移就蘆子關南金鎮所安置

蘆子關屬夏州北去鎮一十八里

延水縣中下西至州本秦臨河縣之地史記秦滅六國

使蒙恬北擊匈奴悉牧河內地因河為塞築四十四縣城臨河徙謫吏以戍之漢因之在今縣理北十五里臨河故城是也後魏以其中置安人縣并安人鎮屬東夏州隋文帝廢鎮置安人戍武德二年重置安人縣屬延州貞觀二

十三年改為延水縣取吐延水為名

黃河在縣東八里

門山縣中西至州本漢定陽縣地周宣帝大象元年分

汾州雲巖二縣于今縣南六里置北有山形似門因以為名武德八年于今縣北五里宋斯堡置丹州廣德二年割屬延州

黃河在縣東三十五里

元和郡縣圖志卷之三終



元和郡縣圖志卷第四

關內道四

靈武節度使

靈州

會州

鹽州

夏州節度使

夏州

綏州

銀州

宥州

振武節度使

單于都護府

東受降城

都防禦使

麟州

勝州

天德軍

中受降城

西受降城

靈州

靈武 大都督府

開元

戶九千六百六十七

元和

鄉

管州三

靈州 會州 鹽州

縣十

禹貢雍州之域春秋及戰國屬秦之并天下為北地郡漢富平縣之地後漢安帝永初五年西羌大擾詔令郡人移理池陽順帝永建四年歸舊土其城赫連勃勃所置菓園今桃李千餘株鬱然猶在後魏太武帝平赫連昌置薄骨律鎮後改置靈州以州在河渚之中水上下未嘗陷沒故號靈州周置總管府大業元年罷府為靈州三年又改為靈武郡武德元年又改為靈州仍置總管七年改為都督

府開元二十一年於邊境置節度使以遏四夷靈州常為朔方節度理所朔方節度管兵六萬四千七百八十馬二萬四千三百疋永暘二百萬疋

統軍經畧軍 靈武郡城內管兵二萬七百人馬三千疋  
豐安軍 靈武郡西黃河外一百八十餘里萬歲通天初置管兵八千人馬一千三百疋

定遠東城 靈武郡東北二百里黃河外景龍中韓公張仁愿置管兵七千人馬三千疋

西城 九原城郡北黃河外八十里景龍中韓公張仁愿置管兵七千人馬一千七百疋西南去理所一千餘里

安北都護府。亦曰中受降城。景龍中韓公張仁愿于黃河北畔置管兵六千人。馬二千疋。西南去理所一千三百里。

東城。榆林郡東北二百里。景龍中韓公張仁愿置管兵七千人。馬一千七百疋。西南去理所一千六百餘里。

振武軍。單于都護府城內。天寶中王忠嗣置管兵九千人。馬一千六百疋。西南去理所一千七百里。

天寶元年又改為靈武郡。至德元年肅宗幸靈武即位。陞為大都督府。乾元元年復為靈州。

州境。東西五百八十里。南北八十里。

八到。東南至上都一千二百五十里。

東南至東都二千二百七十里。

東南至鹽州三百里。

東南至慶州六百二十里。

西南至涼州九百里。

北至磧南彌娥川水一千里。

貢賦。開元。甘草。青虫子。鹿皮。紅花。鹿角膠。野馬皮。雜筋。麝香。花蓂蓉。赤檉。馬鞭。

管縣六

- 迴樂
- 靈武
- 保靜
- 懷遠
- 鳴沙
- 温池

定遠城廢

迴樂縣。望郭下。本漢富平縣地。屬北地郡。在今縣理西南富

平故城是也。後漢置迴樂縣。枕黃河。後魏刁雍為薄骨律

元口...圖志卷之四

鎮將上表請開富平西三十里艾山舊渠通河水溉公私  
田四萬餘頃人大獲其利孝文太和七年雍又上表論漕  
運奉詔平高安定統萬平高今屬原州安定及臣所守四  
鎮出車五千乘運穀五十萬斛付沃野鎮以供運糧臣鎮  
去沃野鎮八百里道多深沙輕車往來猶以為難今載穀  
二十五斛每至深沙必至滯隔又穀在河西轉至沃野越  
渡大河計五千乘運十萬斛百餘日乃得一返大廢生人  
耕墾之業車牛艱阻雖可令至一歲不過三運五十萬斛  
乃經三年臣聞鄭白之渠速引淮海之粟沂沭數千里周  
年乃得一至猶稱國有儲糧人用安樂今求于婁岷山在今

原州平高縣即今筭頭山  
語訛亦曰沂岷山即婁岷山  
河水之次造船二百艘二船為

一舫一舫乘二千斛一舫十人計須千人臣鎮內之兵卒  
皆習水一運二十萬斛方舟順流五日而至自沃野牽一  
十日還到合六十日得一返從三月至九月三返運送六  
十萬斛計用人功輕于車運十倍有餘不費牛力又不廢  
田孝文帝善之下詔曰非但一運自可永為式  
溫泉鹽池在縣南一百八十三里周迴三十一里  
薄骨律渠在縣南六十里溉田一千餘頃

安樂川在靈州南稍東一百八十里

長樂山舊名達樂山亦曰鐸落泉山以山下有鐸落泉水

故名。舊土渾部，落所居。今土蕃置兵守之。

靈武縣上，東南至州十八里。本漢富平縣之地。後魏破赫連昌，收

胡戶徙之。因號胡地城。天和中，于州東北置建安縣。開皇

十八年，改為大潤縣。仁壽元年，改為靈武縣。移入胡地城。

安置黃河自迴，樂縣界流入。

千金陂，在縣北四十二里，長五十里，濶十里。

漢渠，在縣南五十里。從漢渠北流四十餘里，始為千金大

陂。其左右又有胡渠、御史百家等八渠，溉田五百餘頃。

保靜縣上，西南至州六十里。本漢富平縣地。後魏立弘靜鎮。徙關

東漢人以充屯田。俗謂之漢城。隋改置弘靜縣。神龍元年

改為安靜。至德元年，改為保靜。

賀蘭山，在縣西九十三里。山有樹木，青白望如駿馬。北人

呼駁為賀蘭。其山河東望雲山，形勢相接，迤邐向北。經靈

武縣，又西北經保靜西，又北經懷遠縣西，又北經定遠城。

西，又東北抵河。其抵河之處，亦名乞伏山。在黃河西。從首

至尾，有像月形。南北約長五百餘里。直邊城之拒防。山之

東，河之西，有平田數千頃，可引水溉灌。如盡收地利，足以

贍給軍儲也。

懷遠縣上，南至州一百二十五里。一在州東北，隔河一百二十里。本名

飲汗城。赫連勃勃以此為麗子園。後魏給百姓立為懷遠。

縣其城儀鳳二年為河水汎損三年于故城西更築新城  
縣有鹽池三所隋廢紅桃鹽池鹽色似桃花在縣西三百  
二十里武平鹽池在縣西北一十二里河池鹽池在縣東  
北一百四十五里

廢靈武城在縣東北隔河一百里其城本蒙恬所築古謂  
之渾懷障即渾懷所理道故謂之靈武

新堡在縣西北四十里永昌元年置堡內安置防禦軍二  
千五百人糧五萬石舊名千金堡今名新堡

鳴沙縣上 東北至州一百二十里本漢富平縣地屬安定郡在今縣  
理東二百里原州周保定二年於此置會州建德六年廢

郡立鳴沙鎮隋文開皇十九年置環州以大河環曲為名  
仍立鳴沙縣屬焉大業三年罷環州以縣屬靈武郡貞觀  
六年復置環州九年州廢以縣屬靈州神龍二年冬為默  
啜所寇因而荒廢遂移縣于廢豐安城即今縣理是西枕  
黃河人馬行經此沙隨路有聲異于餘沙故號鳴沙

溫池縣上 西北至州一百八十里神龍五年置縣側有鹽池

定遠城廢在州東北二里即漢北地郡方渠縣之地先天  
二年郭元振以西城遠闊豐安勢孤中間千里無城烽堠  
杳渺故置此城有兵募健五千五百人以鎮之其後信安  
王禕更築羊馬城幅員一十四里

經略軍在夏州西北三百里天寶中王忠嗣奏于榆多勃  
城置軍今屬靈武節度本屬夏州南去靈武六百五十餘  
里元和九年于此城新置宥州

會州

會寧 開元戶三千五百四十

鄉六

禹貢雍州之域古西羗地周太祖為西魏相來巡會師于  
此土人張信罄資饗六軍太祖悅因命置州以會為名周  
武帝保定二年廢州改為會防隋開皇元年改防為鎮武  
德二年討平李軌置西會州貞觀八年以此州倉儲殷實  
改為粟州其年又為會州天寶元年改為會靈郡乾元元  
年復為會州

州境東西五百一十里

八到東南至上都一千一百九十里

東南至東都一千五百里  
西南至原州三百九十里  
西北至涼州五百四十里  
東北至靈州五百三十里

管縣二

會寧 烏蘭

會寧縣上本漢鷓陰縣地周太祖置會寧縣屬會州大業  
二年改為涼州縣武德二年又改為會寧

黃河堰開元七年河流漸逼州城刺史安敬忠率團結兵

元和即縣圖志卷之四

起作拔河水向西北流遂免淹沒

會寧關東南去州一百八十里

河池西去州一百二十里其地春夏因雨水生鹽雨多鹽少

雨少鹽多遠望似河故名河池

烏蘭縣上東南至州一百四十里本漢祖厲縣地屬安定郡後漢屬

武威郡前涼張軌收其縣人于涼州故武威縣側近別置

祖厲縣周武帝西巡于此置烏蘭關又置縣在會寧關東

南四里舊城內沙石不堪久居天授二年移于東北七里

平川置

鹽州五原開元戶三千二十五鄉七

禹貢雍州之域春秋為戎狄所居地史記梁山經漆之北

有義渠胸衍謂此也及始皇并天下屬梁州漢武元朔二

年置五原郡地有原五所故號五原至晉地沒赫連勅之

後魏平之改為西安州以其北有鹽池又改為鹽池大業

三年為鹽州郡貞觀二年討平梁師都郡鹽州天寶元年

改為五原郡乾元二年復為鹽州

州境東西二百四十八里

八到南至上都一千五十里

東至東都一千七百三十里

東北至靈州四百五十里

西北取烏地黑浮圖堡弘至靈州四百里



貢賦 開元 貢 鹽上四十顆

管縣二

五原 白池

五原縣上本漢馬嶺縣地貞觀二年與州同置五原謂龍  
遊原乞地千原青嶺原可嵐貞原橫槽原也

鹽池四所一烏池二白池三細頂池四瓦窰池烏白兩池出  
鹽今度支收糶其瓦窰池細頂池並廢

白池縣上州上南至景龍三年勅置以近鹽池因以為名

宥州廢在鹽州北百四十里調露元年于靈夏南界置魯  
麗倉塞依契等六州以處突厥降戶時人謂之六胡州長

安四年併為匡長二州神龍三年復置蘭池都督府在鹽  
州白池縣北八十里仍分六州各為一縣以隸之開元十  
二年康大賓叛亂于此剋定後遷其人於河南江淮諸州  
二十六年赦其餘黨遂于此置宥州以寬宥為名也後為  
寧朔郡領縣三懷德歸仁延恩寶應後廢其本末具新宥  
州

夏州朔方 開元戶六千一百三十二 鄉二十  
中都督府 元和戶三百 鄉八

今為夏州綏寧節度理所

管州四

夏州 綏州 銀州 宥州 新置

縣十二

禹貢雍州之域春秋及戰國時屬魏秦并天下置三十六郡屬上郡漢武帝分置朔方郡後魏建武二十年罷二十七年復置靈帝末羗胡為亂塞下皆空至晉末赫連勃勃於今州理僭稱大夏勃之守屈丐朔方匈奴人父衛辰符堅時為西單于遂有朔方之地辰後為後魏所殺勃之殺高平沒單于并其眾自稱大王于朔水之北黑水之南營起都城即今州理是也名曰統萬城至子昌為魏太武所滅置統萬鎮孝文太和十一年改置夏州大業元年以為朔方郡隋末為賊帥梁師都所據貞觀二年討平之改為

夏州置都督府天寶元年改為朔方郡乾元二年復為夏

州也

州境東西二百一十五里南北七十里

八到東南至上都一千五百里東至銀州一千八百里東南至延州四百八十里西南至鹽州三百里西北至豐州七百五十里

貢賦開元賦角弓總酥苴霜齋

管縣四

朔方 德靜 寧朔 長澤

朔方縣上郭下本漢舊縣今縣理北什貴故城是漢末荒廢

後漢更置巖錄縣隋因之貞觀二年改為朔方縣  
契吳山在縣北七十里十六國春秋曰赫連勃之北遊契  
吳歎曰美哉臨廣澤而帶清流吾行地多矣自馬嶺以北  
大河以南未之有也

無定河一名朔水一名奢延水源出縣南百步赫連勃之  
于此水之北黑水之南改築大城名統萬城今按州南無  
奢延水唯無定河即奢延水也古今異名耳烏水出縣黑  
潤東注奢延水本名黑水避周太祖諱改名烏水初統萬  
城成勃之下書曰今都城已建宜立美名朕方統一天下  
君臨萬國宜以統萬為名其城土色白而牢固有九敵峻

險非力可攻酈道元云統萬城蒸土加功雉堞雖久崇墉  
若新

什賁故城在縣理北即漢朔方縣之故城也詩所謂王命  
南仲城彼朔方是也漢武帝元朔二年收河南地置朔方  
五原郡使校尉蘇建築朔方公孫弘數諫以為罷散中國  
以奉無用之地願罷之上使朱買臣難弘發十策弘不得  
一由是卒城之亦謂此也自漢至今常為關中根植什賁之  
號蓋蕃語也城西南有二鹽池大而青白青者名曰青  
鹽一名戎鹽入藥分也故白城一名契吳城在縣北百  
二十五里契吳山赫連中因山所築勃之嘗所歎美故其

子昌因立此城以立勃之之廟

勃之墓在縣西一十五里隋置白城鎮後廢

德靜縣中下西南八十里蓋漢朔方縣地周武帝于此置彌渾

成南有彌渾水因名隋改為德靜鎮尋廢鎮為縣皇朝因

之

無定河自朔方縣界流入

秦長城在縣西二里

寧朔縣中下西北至本漢朔方地周于此置寧朔縣屬

化政郡自隋罷郡以縣屬夏州皇朝因之

賀蘭山在縣東北三十里

秦長城在縣北十里

長澤縣中下東北至本漢三封縣地屬朔方郡今縣北

二十里三封故城是也後魏于此置長澤縣屬闡熙郡隋

罷郡以縣屬夏州皇朝因之

闡熙故城在今縣西南二十里

百井成在縣南八十里勃之與禿髮將禮戰處

胡落鹽池在縣北五百里周迴三十里亦謂之獨樂池聲

相近也漢有鹽官

綏州上郡開元戶八千七百十五下元和戶八百四十鄉二十一鄉二十二

禹貢雍州之域春秋時其地為白狄所居七國時屬魏史

記曰魏有西河上郡秦并天下始皇置三十六郡為上郡  
 漢高帝元年項羽立董翳為翟王後廢復為上郡漢武帝  
 徵六郡良家子為羽林郎上郡即其一也按秦上郡城在  
 今州理東南五十里上郡故城是也自漢末以來荒廢年  
 久俗是稽胡及赫連勃之郡于統萬上郡之地又為赫  
 連部落所居後魏明帝神龜元年東夏州刺史張弼于此  
 置上郡廢帝元年于郡內分置綏州隋煬帝又改為上郡  
 後又改為雕陰郡以雕山在西南故名隋亂陷賊武德三  
 年百姓歸化遂于延州豐林縣置綏州總管貞觀二年討  
 平梁師都廢府移州于今理

州境東西南北

八到  
 西南至上都一千四百里  
 東南至東都一千四百里  
 東至石州二百七十里  
 西至夏州三千六十里  
 西南至延州三百三十里  
 西北至銀州一百六十里  
 東北至太原五百九十里

貢賦開元

賦貢  
 蠟  
 麻布

管縣五

龍泉  
 延福  
 綏德  
 城平  
 大斌

龍泉縣中下本秦膚施縣地二漢同後魏于此置上縣取  
 郡為名開皇三年上縣屬綏州大業二年改綏州為上郡

又改為雕陰郡。上縣咸屬焉。皇朝因而不改。天寶元年改為龍泉。

疏屬山亦名雕陰山。即山海經云二負之臣曰危與二負。然寡家帝乃枯之疏屬山即此也。

無定河一名奢延水。自銀州撫寧縣界流入。

州城貞觀元年築。實中四面石崖。東面高八十尺。西面高百四十尺。南面高四十尺。北面高百二十尺。周迴四里二百步。

上郡故城在縣東南五十里。始皇使太子扶蘇監蒙恬于上郡。即此處也。

吳光城在縣西北四十里。初赫連勃勃破劉裕子義真于長安。遂虜其人築此城以居之。號吳兒城。

延福縣中下西至州一百一十里本秦膚施縣地。後魏置延陵縣。理延陵村。隋文帝改為延福。皇朝因之。

綏德縣中下北至州一百里本秦上郡之地。二漢不改。魏省上郡。後魏文帝分上郡南界丘尼谷置綏德縣。隋不改。皇朝因之。武德二年移于吐延水北。即今理是也。

城平縣中下東北至州二百里本秦膚施縣。二漢不改。後魏孝明帝于今縣理。西三十里。庫仁川置城中縣。隋改為城平縣。自

庫仁川移于今理。屬上郡。皇朝因之。

大斌縣中下東至州一百一十里本秦膚施縣之地後魏孝明帝神龜元年于今縣東五里置大斌縣屬上郡周隋不改武德七年于今城平縣界魏平故城改置因隋舊名大斌者取稽胡懷化文武雜半之戒

銀州銀川開元戶六千一百二十鄉十九

禹貢雍州之域春秋時為狄地秦并天下始皇分三十六郡屬上郡漢為河西郡固陰縣之地晉十六國時為戎狄所屬苻秦建元二年自驄馬城巡撫戎狄其城即今州理城是也周武帝保定二年分置銀州因谷為名舊有人牧驄馬于此谷虜語驄馬為乞銀大業二年廢銀州縣屬雕

陰郡隋末陷于寇賊貞觀二年梁師都于此重置銀州天寶元年為銀州郡乾元二年復為銀州

州境東西二百七十一里  
南北三百二十八里  
八到西南至上郡一千六百里  
東南至東都一千四百里  
東至石州界黃河一百六十里  
西至夏州一百八十里  
東南至綏州一百六十里  
東北至麟州三百里

貢賦開元女籍布  
賦麻布粟

管縣四

儒林 真鄉 開光 撫寧

儒林縣中本漢固陰縣地以其在固水之陰故名開皇

三年于此置儒林縣屬銀州大業二年廢銀州以縣屬  
陰郡貞觀二年重置銀州縣又屬焉

無定河自夏州界流入

真鄉縣中下西至百里漢園陰縣地周武帝保定二年置今

縣屬銀州皇朝因之

茹蘆水源出縣理西北

開光縣中下西南至州二百里漢園陰縣地周武帝保定二年于今

縣理置開光郡宣帝大象二年廢郡置開光縣屬撫寧郡

開皇三年罷郡以縣屬銀州皇朝因之

撫寧縣中下北至百里本漢園陰縣地魏廢帝于縣東撫寧

故城置撫寧縣屬撫寧郡開皇三年廢郡以縣移于今理

屬銀州皇朝因之

無定河在縣北二十里

廢宥所在鹽州東北三百里開元十六年置寶應已後廢

事本末具新宥州

新宥州在夏州西北三百二十里在廢宥州東北三百里

百里西南至靈州六百五十里北去天德軍六百

里東北中受降城五百六十里南去鹽州六百里

本在鹽州北三百里初調露元年于靈州南界置魯麗倉

塞依契等六州以處突厥降戶時人謂之六胡州長安四

年併為匡長二州神龍三年復置蘭池都督府在鹽州白

元



池縣北八十里仍分六州各為一縣以隸之開元十一年  
康待賓叛亂克之後遷其人于河南江淮諸州二十六年  
還其餘黨遂于此置宥州以寬宥為名也後為寧朔郡領  
縣三懷德延恩歸仁天寶中宥州寄理經略軍寶應已後  
因循遂廢由是昆夷黨項屢來寇擾元和八年冬回鶻南  
過磧取柝城谷路討吐蕃西域防禦使周懷義表至朝廷  
大恐以為回鶻聲言討吐蕃意是為寇唯中書侍郎平章  
事李吉甫以為回鶻入寇且當斷絕和事不應便來犯邊  
今之多士居平則橫生異議深沮邊計及聞邊警又承虛  
聲以洵朝廷莫因幾危搖動時事但當設備不足為慮因

請自夏州至天德軍復置廢館一十一所以通急驛又請  
夏州騎士五百人營于經略故城應援驛使兼護党項部  
落上悉從之又上言曰國家舊置六胡州在靈州界內開  
元中廢六州置宥州以領諸降戶天寶末宥州寄理于經  
略軍蓋以謂居中可以總統蕃部北接天德南據夏州今  
經略軍遠礙靈武道路乖越又不置軍鎮非舊制也請置  
宥州理經略軍至九年五月詔復于經略軍城置宥州乃  
為上州于州郭下置延恩縣為上縣改隸夏綏銀觀察使  
取鄜城神策行營兵馬使鄭杲下兵士并家九千人以實  
經略軍又置州之日版築之下掘得釜二百五十四口悉

堪烹餽識者以為暗合前賢之規摹亦足以彰立化之所  
感也其釜並散給諸營以資軍用又頃年每有回鶻消息  
常須經太原取驛路至關下及奏報到已失事宜今自新  
宥州北至天德置新館十一所從天德取夏州乘傳奏事  
四日餘便至京師  
單于大都護府今為振武節度理所

管州二

麟州 勝州

縣六

東受降城在朔州北三百五十里本漢定襄郡之盛樂縣

也後魏都盛樂亦謂此城武德四年平突厥于此置雲州  
貞觀二十年改為雲州都督府麟德三年改為單于大都  
護府垂拱二年改為鎮守使聖曆元年改置安化都護開  
元七年隸屬東受降城八年復置單于大都護府

州境

西南取太原路至上都一千九百二十里

八到東南至東都一千七百里

東南至河界靜邊軍一百二十里

南至朔州三百五十里

西南至成都一百二十里

北至黑沙磧口七百里

管縣一

金河

金河縣中郭下天寶四年于城內置其振武軍景龍二年張仁愿于今東受降城置天寶四年節度使王忠嗣移于此金河即後魏什翼犍所都盛樂之地道武遷都平城即今雲州所理是也

麟州新秦下天寶元元和戶

禹貢雍州之域秦漢為雲中郡隋開皇二十年置榆林縣改為勝州天寶元年王忠嗣奏割勝州連谷銀城兩縣置

麟州

州境東西南北八到西南至上都一千四百六十里東南至東都一千五百一十里

東至嵐州一百八十里東至嵐州界黃河一百二十里河上有合水關東北至勝州四百里西南至銀州三百里

貢賦

管縣三

新秦 連谷 銀城

新秦縣中郭下初漢武帝徙貧人于關中以西及朔方以南謂之新秦天寶元年置以為縣取漢舊名也

連谷縣中下四十里南至本漢固陰縣地屬西河郡在今銀州

儒林縣界隋文帝于此置連谷鎮煬帝改為連谷戍大業十三年廢戍貞觀八年于廢戍置連谷縣屬勝州天寶元

年割屬麟州

連谷鎮縣理城中貞觀八年置

銀城縣中下北至本漢固陰縣地屬西河郡漢末大亂

匈奴侵邊雲中西河之間其地遂空訖于魏晉不立郡縣

後魏時置石城縣廢帝改為銀城關武帝保定二年移于

廢石龜鎮城即今縣理是也貞觀因之屬勝州天寶元年

屬麟州

勝州榆林開元戶四千九十五鄉十三

禹貢雍州之域春秋為戎狄地戰國時為晉趙地地理志

云雲中立五原本戎狄地趙有之始皇分三十六郡為雲

中郡漢因之不改按漢雲中在今州理東地四十里榆林

縣界雲中故城是也漢末大亂匈奴侵邊其城遂空晉末

赫連氏赫連勃稱夏都于統萬按統萬城後魏太武

平赫連昌之後訖于周代徙之置鎮不立縣郡隋文開皇

三年此置榆林縣七年又置榆林縣屬雲州二十年割雲

州之榆林富昌金河三縣置勝州立嘉名也煬帝大業五

年以勝州為榆林郡領榆林富昌金河三縣十五年郡人

郭子和以城入突厥武德四年郭子和歸國其地又陷梁

師都貞觀二年平師都三年仍隋舊理置勝州時柴紹劉

蘭破賊匈奴奪得河南之地因置州以決勝為名

元和郡縣圖志卷之四

年

州境東西南北

八到東南至東都一千八百五十三里

西南至麟州四百九十里

南至銀州七百里

北至豐州七百里

貢賦

開元賦 胡布 麻布

麻 粟

### 管縣二

榆林 河濱

榆林縣中下郡本漠沙南縣地屬雲中郡漢末北虜侵擾歷

魏晉及周此地皆無縣邑隋開皇七年置榆林縣地北近

榆林即漢之榆溪塞因名屬雲州二十年改屬勝州皇朝

因之

黃河西南自夏州朔方界流入

又有大葭蘆水縣西二百二十里

小葭蘆水縣西二百四十里其間地甚良沃

平河水首受黃河隋文帝開之以通屯倉

金河泊在縣東北二十里周迴十里

雲中故城在縣東北四十里趙雲中城秦雲中郡也史記

曰趙武靈王北破林胡樓煩所置秦因之

隋榆林宮在州城內煬帝大業三年置因榆林郡為名其

煬帝北巡陳兵塞表以威北狄因幸此宮突厥啟人可汗

獻馬及兵器新帳因賦詩云云

榆林關在縣東三十里東北臨河秦却匈奴之處開皇三年于此置城置榆林關

河濱縣中下本漢沙南縣地屬雲中郡訖于魏晉此地不

立縣邑至後魏及周復銀城縣地隋時復為榆林縣地貞

觀三年于此置河濱縣東臨河岍因以為名改雲州為威

州立嘉名也八年廢威州以縣屬勝州

黃河在縣東一十五步闊一里不通船楫即河濱關渡河

處名君子津

河濱關在縣東北貞觀七年置

豐州九原下府

今置都防禦使管 天德軍 西受降城 中受降城

共都防禦使及天德軍使理在西城今移理舊天德軍城

開元戶一千九百 鄉五 元和戶

禹貢雍州之域秦上郡之北境秦末沒胡武帝元朔二年

使衛青逐去匈奴開置朔方領縣十理在三封在今豐州西

一百里後漢因之靈帝末羌胡擾亂城邑皆空永嘉後匈奴

衛辰父子新居其地辰子赫連勃勃自稱大單于統萬

城也屬勃之後魏太武擒赫連昌置統萬鎮孝文改置

夏州其地又為夏州之北境周武帝于今永豐縣置永豐

元和郡縣圖志卷之四

鎮隋文帝開皇三年於鎮置豐州後廢貞觀四年突厥降附  
又權于此置州都督府不領縣唯領蕃戶以史大奈為都督十一年  
大奈死復廢府以地屬靈州二十二年又分置豐州永徽九年  
於州復重置永豐縣四年於郭下又置九原縣麟德元年  
又置豐安縣天寶元年改為九原郡乾元二年復為豐州

州境

八到  
南至上都一千八百里  
南至東都一千二百九十里  
東至勝州五百三十里  
西南至靈州九百里  
東南至夏州七百五十里  
西北至河西域八十里  
貢賦開元

管縣二

九原 永豐

九原縣中下本漢之廣牧舊地中郡都尉所理其九原

縣永徽四年重置其城周隋間俗謂之甘草城

永豐縣中下州西本漢臨戎舊地後漢末廢北人又謂

之賀葛真城周武保定三年于此置永豐鎮開皇五年廢

鎮置永豐縣武德六年省永徽九年復置

廢豐安縣在州東南四十里開皇六年於縣置豐安鎮麟

德元年改為豐安縣天寶末廢

天德軍舊理在西受降城權置軍馬于本安北都護貞觀

元和郡縣圖志卷之四

二十一年於今西受降城東北四十里置燕然都護以瀚海等六都督高蘭等七州並隸焉龍朔三年移于磧北回紇本部仍改名瀚海都護總章二年又改名安北都護尋移于甘州東北一千一十八里隋故大同城鎮垂拱元年置同城鎮其都護權移理柵丹縣西南九十九里西安城景龍二年又移理西受降城開元十年又移理中受降城天寶八年張齊丘又于可敦城置橫塞軍又自中受降城移理橫塞軍十二年安思順奏廢橫塞軍請于大同川西築城置軍玄宗賜名曰大安軍十四年築城功畢移天安軍理焉乾元後改為天德軍緣居人校少遂西南移三里

權居永清柵其理所又移在西受降城自後頻為河水所侵至元和八年春黃河泛溢城南面毀壞轉多防禦使周懷義上表請修築約當錢二十一萬貫中書侍郎平章事李吉甫密陳便宜以西戎費用至廣又難施功請脩天德舊城以安軍鎮其大略曰伏以西域是開元十年張說所築今河水來侵已毀其半臣量其事時勢不堪重修若別築新城所費殊廣計其人功糧食及改屋宇比及事畢不下三十萬貫錢此但計費猶未知出入之處城南面即為水所壞其子城猶堅牢量留一千人足得住居天德軍士合抽居舊城豈可更勞版築虛棄錢物若三城是國家盛制



仁慮舊規亦須得天德添兵然後有人修築按天德舊城在西城正東微南一百八十里其處先有两城本是永清柵即隋氏大同城舊理去本城約三里已下城甚窄小今隨事宜置仍存天德軍額北城周迴一十二丈高四丈下闊一丈七尺天寶十二載安思順所置其城居大同川中當北戎大路南接牟那山南又是麥泊其地良沃遠近不如天寶中安思順郭子儀等本築此城擬為朔方根本其意以中城東城連振武為左翼又以西城豐州連定遠為右臂南制党項北制匈奴左右鈎帶居中處要誠長久之規也尋屬祿山有事子儀留老弱于此城身率大衆河北

討賊為賊將宋星之所破縱火焚燒遂移天德軍永清柵別置理所于西城只緣添兵未得且因循併在一處力所不足實非遠圖臣久訪略已計料約修此城不過二萬貫錢今若于天德舊城隨事增飾因有移換仍取城隸于天德軍別置使名自為雄鎮以聲勢可驚殊鄰詔從之于是復移天德軍理所於舊城縣先是緣邊居人常苦室韋党項之所候掠投竄山谷不知所從及新城施功之日遂有三萬餘家移止城內初議者又慮城大無人以實及是遠近奔湊邊軍益壯人心遂安沃野故城在軍城北六十里即是後魏時六鎮從西第一鎮也

州境東西南北

八到

西取寧遠鎮故落鹽池經夏州至上都一千八百里  
西南取渡河至豐州一百六十里  
西北至橫塞軍城二百里  
西至西受降城一百八十里  
西南至新宥州六百里  
東南至中受降城二百里

東受降城本漢雲中郡城在榆林縣東北八里今屬振武

節度

八到

城南至上都一千八百六十八里  
東南至東都取單于路一千八百二十里  
東北至單于都護府一百二十里  
東北至朔州四百里  
西至中受降城三百里  
北至磧口八百里

武川城今名里城後魏六鎮從西第三鎮在軍北三百里

自北出石門障即光祿城右入匈奴大路

光祿城東北有懷朔古城其城即後魏六鎮從西第二鎮  
在今中城界向北化柵側近也

中受降城本漢九原郡地漢武帝元朔二年更名五原開  
元十年于此城置安北大都護府後又移徙事具天德軍  
敬本古城在中城北四十里鄭虔軍錄曰時人以張仁愿  
河外築三城自古未有今敬本城周一萬八百七十二步  
壕塹深峻亦古之堅守賈耽古今述曰以地理求之前代  
九原郡城也

城南至上都一千八百六十里  
東南至東都取單于路二千一百二十里

東至中受降城三百里  
西北至天德軍二百里

南至麟州四百里  
北至磧口五百里

西受降城舊天德軍理於此城元在豐州西北八十里蓋

漢朔方郡地臨河縣故理處開元初為河水所壞至開元

十年總管張說于故城東別置新城今城一本五西南隅

又為河水所壞本末具天德軍

城南至上都一千八百八十里  
東南至東都取單于路二百五十里

正東微南至天德軍一百八十里  
東南渡河至豐州八十里

西南至定遠城七百里  
北至磧口三百里磧口西至回鶻衙帳一千單五里

右三受降城景雲三年張仁愿所置也初突厥入寇朔方

軍總管沙咤忠義為賊所敗詔仁愿代之先是朔方軍比

與突厥以河為界河北岸有拂雲堆神祠突厥將入寇先

先詣祠祭酌求福因牧馬料兵而後渡河時突厥然啜盡

衆西擊突騎施婆張仁愿奏請乘西突取漠南之地於河

北築三受降城首尾相應絕其南寇之路太子少師唐休

璟以為兩漢已來皆北守黃河今於寇境築城恐勞人費

功終為賊所有仁愿固請不已中宗竟從之仁愿表留年

滿鎮兵以助其功時咸陽兵二百餘人逃歸仁愿擒獲盡

斬之軍中股慄六旬而三城俱就以拂雲祠為中城與東

西兩城相去各四百餘里遙相應接北拓三百餘里于牛

頭年鄒山北置烽堠一千八百所自是突厥不得度山放  
牧朔方無復寇掠咸鎮兵數萬人初三城不置壘門及曲  
敵戰其或問曰邊城禦賊之所不為守備何也仁應曰寇  
若至此當併力出戰迴顧望城猶須斬之何用守備生其  
退惡之心其後常元楷為總管始築壘門議者劣之

元和郡縣圖志卷之四終

元和郡縣圖志卷第五

河南道一

河南府

開元戶一十二萬七千四百四十  
元和戶一萬八千七百九十九

鄉二百

禹貢豫州之域在天地之中故三代皆為都邑陽翟夏城  
禹都也偃師西亳湯都也周成王定鼎于郊鄆使召公先  
相毫乃卜澗水東澠水西是為東都今苑內故王城是也  
又卜澠水東召公往營之是為成周今河南府東故洛城  
是也至赧王獻地于秦莊襄莊襄王立為三川郡三川伊  
洛河也  
漢改為河南郡後漢光武建武元年入洛陽遂定都焉及  
董卓逼遷獻帝西都長安盡燒洛陽宮廟後又都焉魏文

帝受禪亦都洛陽陳留王以司隸校尉所掌置司州領河南河東河內弘農平陽五郡晉武受禪司州不改永嘉初劉曜叛亂司州沒胡後又沒于石勒東晉穆帝永和元年桓溫入洛陽置河南郡宋武北平關洛復置司州後魏孝文太和十七年六宮文武盡遷洛陽改為河南尹至周宣帝移相州六府于洛州以為東京隋文帝改六府為六尚書省又置河南道行臺省仁壽四年煬帝詔楊素營東京大業元年新都成遂徙居今洛陽宮是也其宮北據卽山南直伊闕之口洛水貫都有河漢之象東去故城一十八里初煬帝嘗登卽山觀伊闕顧曰此非龍門耶自古何因

不建都於此僕射蘇威對曰自古非不知以俟陛下帝大悅遂議都焉其宮室臺殿皆宇文愷所創也愷巧思絕倫因此制造頗窮奢麗前代都邑莫之比焉又改洛州為豫州罷牧三年罷州為河南郡置尹四年改東京為東都十四年復置洛州隋亂王充僭號稱鄭改為司州武德四年討平充復為洛州仍置總管府其冬罷府置陝東道大行臺太宗為大行臺尚書令九年罷臺置洛州都督府貞觀十八年廢府顯慶二年置東都則天改為神都神龍元年復為東都開元元年改洛州為河南府天寶元年改東都為東京至德元年復為東都

府境 東西六百二十一里

八到 西至上都八百五十里

東至鄭州二百八十里

東北至懷州一百五十里

西至陝州三百五十里

東南至汝州一百七十里

東南取崤嶺路至陽翟縣二百四十里

從縣至許州九十里

貢賦 開元 貢 綾絹 白瓷器

管縣二十六 洛陽 河南 偃師 緱氏 鞏縣

伊闕 密縣 王屋 長水 伊陽 河陰

陽翟 潁陽 告成 登封 福昌 壽安

澠池 永寧 新安 陸渾 河陽 溫縣

濟源 汜水 河清 河陽等五縣今權隸河陽三城節度

洛陽 赤本漢舊縣歷代相因貞觀六年自金墉城移入郭

內毓德坊金理是也神龍初改為永昌尋復舊號故洛陽

城在縣東二十里按華延雋洛陽記云洛陽城東西七里

南北九里洛陽城內宮殿觀臺府藏寺舍凡有一萬一千

二百一十九門自劉曜入洛元帝渡江官署里閭鞠為茂

草後魏孝文太和十七年幸洛陽巡故宮遂詠黍離之詩

為之流涕觀石經仍定邊都而經始洛京十九年九月新

都始立於是六宮文武盡遷洛陽

洛水在縣西南三里西自苑內上陽之南彌漫東流宇文

愷斜堤東令東北流當水衝捺堰九所形如偃月謂之月坡今雖漸壞尚有存者

河南縣亦本漢舊縣後魏靜帝改為宜遷縣周宣帝復為河南隋仁壽四年遷都移縣於東都城內寃政坊即今縣是也永昌元年以明堂初成改為合宮縣神龍初復舊二年復為合宮景雲初復舊

洛水在縣北四里伊水在縣東南十八里

瀍水在縣西北六十里禹貢曰伊洛瀍澗既入於河北安國注曰出河南北山水經云源出河南穀城縣北今驗水西從新安縣東入縣界

天津橋在縣北四里隋煬帝大業元年初造此橋以架洛水用大船維舟皆以鐵鑲鉤連之南北夾路對起四樓其樓為日月表勝之象然洛水溢浮橋輒壞貞觀十四年更令石工累方石為脚爾雅牛斗之間為天漢之津故取名焉

中橋咸通三年造累石為脚如天津橋之制

通津渠在縣南三里隋大業元年分洛水西北名千步磧渠東北流入洛水謂之洛

偃師縣

西南至府七十里

本漢舊縣帝嘗及湯盤庚並都之商有

二亳成湯居西亳即此是也至盤庚又自河北徙理于亳

商家後此而改號曰殷。武王伐紂於此築城，息偃戎師，因以名焉。天寶七年四月，河南尹韋濟奏於偃師縣東山下開驛路，通孝義橋，廢北坡義堂路焉。

北邙山在縣北二里，西自洛陽縣界東入鞏縣界。舊說云北邙山是隴山之尾，乃衆山總名。連嶺修亘四百餘里。首陽山在縣西北二十五里。

盟津在縣西北三十一里。

緱氏縣

西北至府六十三里

本漢縣，古滑骨也。左傳曰：秦師滅滑，其後屬晉。至秦漢為縣，因山為名。大業十年移據公路澗西，憑岸為城，即今縣是也。

緱氏山在縣東南二十九里，王子晉得仙處。

轅轅山在縣東南四十六里。左傳欒盈過周，王使候出諸轅轅。注曰：緱氏縣東南有轅轅關，道路險隘，凡十三曲，將去復還，故曰轅轅。後漢河南尹何進所置八關，此其一也。剗嶺坂在縣東南三十七里。晉八王故事曰：范陽王保於剗坂，後於其上置關。洛水自西洛陽縣界流入。

曹城在縣東一里。曹操與袁術相拒，築城于此。

袁術固一名袁公塢，在縣西南十五里。宋武北征記曰：少空山西有袁紹固，可容十萬衆，一夫守隘，萬人莫當。



公路壘在縣南三里袁術與曹公相拒處

鈎鑠故壘在縣東北七里宋書司馬休之從宋公西征營

於栢谷塢西即此壘相連如鎖因以為名也

鞏縣西至府一古鞏伯之國也春秋晉師尅鞏戰國時韓

獻於秦至漢以為縣屬河南郡大業十三年李密自潁川

率羣盜十餘萬襲破洛口倉因據鞏縣仍築城斷洛川包

南北山週迴三十餘里屯營其中後為王充所破縣本與

成臯中分洛水西則鞏東則成臯後魏併焉按爾雅鞏固

也四面有山河之固因以為名

天陵山在縣東南六十里

黃河西自偃師縣界流入河於此有五社波又有五社津

後漢朱鮪遣賈強從五社津渡是也

洛水東經洛汭北對郎耶渚入河謂之洛口亦名什谷張

儀說秦王下兵三川塞什谷之口即此也

伊闕縣北至府七十古戎蠻子國漢為新城縣屬河南郡周武

帝時屬伊川郡開皇十八年罷郡改為伊闕縣

伊闕山在縣北四十五里兩山相對望之若闕伊水流其

間故名

陸渾山俗名方山在縣西五十五里

伊水西自陸渾縣界流入左傳秦晉遷陸渾之戎於伊川

伊闕故關在縣北四十五里何進八關之一

密縣西南至府一百十里本漢舊縣古密國也春秋諸侯伐鄭圍新

密漢屬河南郡隋大業二年廢十二年又置武德三年於

此置密州四年廢州以縣屬鄭州龍朔二年割屬河南府

爾雅曰山如堂者曰密因以為名

大醜山在縣南東五十里本具茨山黃帝見大醜于具茨

之山故亦謂之大醜山澗水源出於此

馬嶺山縣南十五里洧水所出

王屋縣東南至府一百里本周時召康公之采邑漢為垣縣地後

魏獻文帝分垣縣置長平縣周明帝改為王屋縣因山為

名仍於縣置王屋郡太和元年又為西懷州開皇三年改

為邵州大業三年廢邵州以縣屬懷州明慶二年割屬河

南府

齊子嶺在縣東十二里即宇文周與高齊分據境之處也

黃河在縣南五十里

王屋山在縣北十五里週迴一百三十里高三十里禹貢

底柱析城至于王屋是也

析城山在縣西北六十里峯四面其形如城有南門焉故

曰析城

長水縣東至府一百三十里本漢盧氏縣地後漢晉宋不改後魏宣

元和郡縣圖志卷之五

武帝分盧氏東境置南陝縣屬弘農郡西魏廢帝改為長  
淵義寧元年以犯高祖廟諱改為長水貞觀八年自魏州  
割屬穀州明慶二年屬河南府穀州今新安縣所理是也  
伊陽縣北至府六十里本陸渾縣南界之地先天元年割置伊  
陽縣

伊水路在縣西南出鸞掌山東流水經云出南陽魯縣蔓  
葉山東北過陸渾縣南又東北過伊闕中又魯北入于洛  
多雨暴漲諸峽束水之處其高或七八丈故伊闕石壁有  
石銘云黃初四年六月二十四日辛巳大水出高四丈五  
尺

銀鈔窟在縣南五里今每歲稅銀一千兩

河陰縣西南至府百三十里本漢滎陽縣地開元二十二年以地

當汴河口分泥水滎澤武陟三縣地於輸塲東置以便運  
漕即侍中裴耀卿所立初耀卿為宣州刺史開元十八年  
因朝集上便宜曰竊見江淮諸州所送租庸等本州正月  
二月上道至揚州入升門即逢水淺停留一月已上四月  
已後始渡淮入汴多屬乾淺又般運停留至六月七月方  
至河口即遇黃河漲溢不得入河又須停一兩月待河水  
較小始得上河入洛即又漕洛乾淺船艘不通計送江南  
至東都停滯日多得行日少艱辛欠折因此而生伏見國

家舊法河口元置武牢倉江南船不入黃河即於倉內便貯也鞏縣置洛口倉後黃河不入漕洛即於倉內安置爰及河陽倉柏崖倉太原倉永豐倉渭南倉節級取便例皆如此水通利則隨近運轉不通即且納在倉不滯遠船不生隱盜每年剩得一二百萬石即數年之外倉廩轉加至二十二年以耀卿為相兼轉運都使於是遂分至置河陰縣及河陰倉河清縣置柏崖倉三門東置二集津倉三門西置鹽倉三門北鑿山十八里陸行以避湍險自江淮來者悉納河陰倉自河陰候水調浮漕送含嘉倉又取曉習河水者通送太原倉所謂北運也自太原倉浮渭以實關中凡三年運七百萬石省脚三十萬貫及耀卿罷相後緣北路險澁頗為隱欺議者言其不便事又停

汴渠在縣南二百五十步亦名葭蕩渠禹塞滎澤開渠以通淮泗後漢初汴河決壞明帝永平中命王景修渠築堤十里立一水門令更相注泗無復遺漏之患自宋武北征之後復皆堙塞煬帝大業元年更令開導名通濟渠自洛陽西苑引穀洛水達于河自板渚引河入汴口又從大梁之東引汴水入于泗達於淮自江都宮入於海亦謂之御河之畔築御道樹之以柳煬帝巡幸乘龍舟而往江都自楊益湘南至交廣閩中等州公家運漕私行商旅舳舻相

繼隋氏作之雖勞後代寔受其利焉

汴口堰在縣西二十里又名梁公堰隋文開皇七年使梁  
睿增築漢古堰過河入汴也

三皇山亦曰敦高山上有三城即劉項相持處春秋左氏  
傳曰晉師在敖鄆之間亦此也

陽翟縣西北至府二百里本夏禹所都春秋時鄭之櫟邑韓宣

王宜陽移都於此秦為潁川郡楚漢之際韓公子成為韓王  
項羽殺成立鄭昌漢元年又誅昌立橫野君信六年徙信  
太原公復置潁川郡領縣二十理陽翟潁州屬縣後魏復  
置陽翟郡開皇十六年廢郡置嵩州以縣屬焉大業三年

隸襄城郡武德中又隸嵩州貞觀元年廢入許州建都後  
改屬河南府

釣臺在縣南十五里左氏傳曰夏啓有釣臺之饗也

潁陽縣西北至府九十里古綸氏縣本夏之綸國也少康之邑在

漢屬潁川晉省後魏太和中以綸氏縣城置潁陽縣屬河  
南戶又分潁陽置瑤陽縣開皇六年改瑤陽為武林十八  
年又改為綸氏大業元年改為嵩陽載初元年又改為武  
林開元十五年改為潁陽

大石山一名萬安山在縣西北四十五里

倚箔山望之如立箔山西北崖下有鐘乳隋時充貢

陽乾山在縣東二十五里。潁水一源出陽乾山。

大谷口在縣西北三十五里。孫堅停兵大谷，距洛陽九十里，即此谷。

大谷故關在縣西北四十五里，何進八關之一也。

告成縣西北至府一百七十里一

本漢陽城縣屬潁川郡，因陽城山為名。後魏置陽城郡，屬司州。開皇三年廢郡，以縣屬洛州。十六年於此置嵩州，仁壽四年省嵩州，以縣屬河南郡。萬歲登封元年，則天因封中嵩改名告成。許由山在縣西十三里。

嵩山在縣西北二十三里。

少室山在縣西北五十里。

陽城山在縣東北三十八里。

鬼谷在縣北五里，即六國時鬼谷先生所居也。

測景臺在縣城內西北隅，高一丈。開元十年詔太史監南宮說立石表焉。

登封縣西北至府一百三十五里。

本漢嵩高縣。武帝元封元年置，以奉太室。後省入陽城。累代因之。高宗將有事于中岳，分陽城緱氏置嵩城縣。萬歲登封元年，則天因封岳，改為登封。

嵩高山在縣北八里亦名方外山又云東曰太室西曰少室嵩高總名即中岳也山高二十里周迴一百三十里

少室山在縣西十里高十六里周迴三十里潁水源出焉

潁水有三源石水出陽乾山之類谷中水導源少室左右水出少室南溪東合潁水

開母祠在縣東北七里漢書武帝祀中岳見夏啓母石是也應邵云啓生而母化為石淮南子亦同嵩山記陽翟婦人今龕中鑿石像其名漢安帝延光三年立

福泉縣東至府一百五十里

古宜陽地春秋時屬晉七國時屬韓漢以為縣屬弘農郡後漢建武三年馮異破赤眉於崤底餘衆走向宜陽帝自

征之赤眉君臣面縛即此地也義寧元年於此置宜陽郡武德元年改為穀州改宜陽縣為福昌縣取縣西隋宮為名明慶二年廢穀州以縣屬河南府今縣城即魏一全塢城東南北三面天險峭絕後周置重兵於此以備高齊

堯山在縣西南三十四里

壽安縣東北至府七十六里

本漢宜陽縣地後魏分新安置甘掌縣隋開皇三年以縣屬熊州十六年改為穀州仁壽四年改名壽安縣貞觀七年改屬河南府

石墨山在縣西南三里山石如墨可以書

洛水西自福昌縣界流入  
少水今名慈澗水出縣北

八關故城在縣東北三十里後漢靈帝中平元年以河南  
尹何進為大將軍將五營士屯都亭置函谷大城伊闕大  
谷轅轅旋門平津孟津等八關都尉官理于此

永濟橋在縣西十七里煬帝大業三年置架洛水隋亂毀  
廢貞觀八年修造舟為梁長四十丈三尺廣二丈六尺

澗池縣東至府一百五十里

本韓地哀侯東徙其地入秦漢以為縣屬弘農郡隋文帝  
時屬熊州熊州今河南府福昌縣是也十六年改屬穀州明慶二年廢

穀州縣屬河南府

廣陽山一名澗池山在縣東北五十五里

穀水南去縣二百步東經秦晉二城俗謂之俱利城

東城在縣西十三里

西城在縣西四十里昔秦趙會于澗池之地

大塢故城在縣北十五里後魏武帝入關使行臺楊騰出  
關安撫騰因舊城置大河南鎮

永寧縣東至府二百里

漢澗池縣之西境後漢晉宋不改後魏文帝於今縣東四  
十里置北宜陽縣屬宜陽郡廢帝二年改為熊耳縣義寧



二年置永寧縣屬宜陽郡貞觀元年改屬河南府  
二嶠山又名嶽崆山在縣北二十八里春秋時秦將襲鄭  
蹇叔哭送其子曰晉人禦師死於嶠之二陵其南陵夏  
后臯之墓北陵文王之所避風雨死是間漢建安中曹  
公西討巴漢惡其險更於山下路側有石銘曰晉太康三年  
弘農太守梁柳修復舊道西征記嶠上不得鳴鼓角則風  
雨總至自東嶠至西嶠三十五里東嶠長坂數里峻阜絕  
澗車不得方軌西嶠全是石坂十二里險絕不異東嶠熊  
耳山在縣東北四十五里後漢世祖破赤眉積甲宜陽縣  
城西與北山齊案禹貢導洛自熊耳在商州上洛陽界

與此別也

穀陽山在縣西北五十五里漢書地理志穀水出穀陽山  
回谿俗名迴坑在縣東北三十六里馮異與赤眉戰敗于  
此壘書勞曰始垂翅於迴谿終奮翼於澠池可謂失之東  
隅收之桑榆

新安縣

東至府  
七十里

本漢舊縣屬弘農郡晉改屬河南郡後魏屬新安郡周武  
帝保定三年省新安郡又於今縣理置中州建德六年省  
中州又置新安郡隋開皇六年改置穀州貞觀元年新安  
屬河南府

穀水在縣南二里國語曰穀洛闕壤王宮是也縣城本名  
通洛城周武帝將東封令陝州總管尉遲綱築此城以臨  
齊境

白起故城一名白起壘一名白起塢在縣西北十五里壘  
當大道左右有山道從中出漢末黃巾賊起白起築此壘  
以自固東魏修築為城因名白起城

函谷故關在縣東一里漢武帝元鼎三年為楊僕徙關於  
新安按秦函谷關在今陝州靈寶西南一二里靈寶縣以  
其道險隘其形如函故曰函谷項羽坑秦降卒於新安即  
此地今縣城之東有南北塞垣楊僕所築

慈澗故鎮在縣東南二十里周武帝保定六年置武德三  
年討王充前軍鎮此太宗以輕騎擊破之充拔鎮歸于東  
都

陸渾縣

東北至府一百三十里

一本漢渾戎所居春秋時秦晉遷陸渾

之戎于伊川至漢為陸渾縣屬弘農郡後屬河南尹後魏  
改為伏流縣大業元年省伏流縣移陸渾縣於今理

三塗山在縣西南五十里左傳曰四嶽三塗陽城太室九  
州之險

明翠山在縣東北十五里

伊水在縣西南自虢州盧氏縣界流入

伏流城即今縣理城東魏孝靜帝武定二年所築以城北  
焦澗水伏流也下西有伏流坂因以為名

河陽縣西南至府八十里自河陽已下至河清等五縣今權隸三

城節度本周司寇蘇愆生之邑後為晉邑在漢為河陽縣

屬河內高齊省入溫軹二縣開皇十六年分溫軹二縣重

置屬懷州武德四年平王充後割屬河南府

南城在縣西四面臨河即孟津之地亦謂之富平津後

魏使高永樂守河南以備西魏即此也周隋為官貞觀置鎮

中渾城東魏孝靜帝元象元年築之仍置河陽關天寶已

前亦于其上置關縣西南十三里古遮馬堤即後魏爾朱

榮殺朝士千三百餘人於此

謹按至德中史思明之來寇也時李光弼已至東都聞思

明將至乃移牒留守及河南尹并留司官坊市居人令悉

出避寇空其城乃率麾下士馬數萬東守河陽三城拒逆

賊之黨初謂光弼自洛而西及聞保河陽出其慮外疑懼

久之不敢犯宮闕光弼訓練招集威聲大震賊雖入城憚

光弼兵威南不出百里西不越畿內陝州得修戎備關隘

無虞皆光弼保河陽之力故自乾元已後常置重兵貞元

後加置節度為都城之巨防造浮橋架黃河為之以船為

脚竹籬亘之晉陽秋云杜元凱造河橋於富平津即此是

也。船竊出洪州。

溫縣 西南至府一百三十里

本周畿內司寇蘇公之邑。春秋周襄王賜晉文公。漢以為縣。屬河內郡。大業十三年。自故溫縣移於今所。皇朝建都。割屬河南府。

濟源縣 南至府一百二十里

古軹邑。屬魏。秦昭王時伐魏。取軹。漢文帝時封薄昭為軹侯。屬河內郡。開皇十六年。分軹縣置濟源縣。屬懷州。以濟水所出因名。明慶一年。割屬河南府。

濟水在縣西北三里。平地而出。有二源。其東源周迴七百

步。深不測。西源周迴六百八十五步。深一丈。皆繚之以周

墻。源出王屋山。山海經云。王屋之山。澗水出焉。郭璞注云。

澗流水之源。尚書禹貢云。導沆水東流為濟。入于河。溢為

滎。孔安國注云。濟水入河。并流十數里。而南截河。又并流

數里。溢為滎澤。按禹貢道沆水東流為濟。入于河。溢為滎

東出于陶丘。北又東至於沔。又東北會於汶。又東北入于

海。顏師古云。沆水而為濟。截河內為滎澤。陶丘。今在曹州

定陶西南。沔澤。過沔澤。又與汶水會。北折而東。入于海也。

按沆水出今王屋縣。山東流至濟源縣。而名濟水。滎澤在

今鄭州滎澤縣。定陶今曹州濟陰縣也。沔澤在今兗州魚

臺縣汶水出今兗州萊蕪縣然濟水因王莽末旱渠涸不復截河南過今東平濟南淄川北海界中有水流入于海謂之清河實荷澤汶水合流亦曰濟河蓋因舊名非本濟水也而水經是和帝已後所撰乃言濟水南過滎澤至于乘氏等縣一依禹貢舊道斯不詳之甚也鄒元又從而注之又為批繆矣

百尺溝在縣東北六里引濟水溉灌仁壽三年置初分功人穿十丈故名百尺溝

河清縣

南至府六十里

本漢軹縣地縣西有柏崖故城即東魏將侯景所築武德

初於城東置太基縣八年省咸通四年重置先天元年以犯玄宗廟諱改名河清

汜水縣

西南至府一百八十里

古東虢國鄭之制邑漢之成臯縣一名武牢穆天子傳曰天子獵於鄭國有獸在葭中七萃之士擒之以獻天子命蓄之東隅因曰武牢漢楚之際項羽使海春侯曹咎守

漢王破之咎自殺至宋武帝北平關洛置司州刺史理武牢魏使奚斤攻宋司州刺史毛德祖經二十日尅之城中傷者無血知其乏水潛作地道其穴猶存開皇十八年改成臯為汜水縣大業十三年陷於王充武德四年討平充

復於縣理置鄭州貞觀七年移鄭州于營城以縣屬焉明  
慶二年改屬河南府垂拱四年改名廣武縣神龍元年復  
為汜水開元二十九年自武牢城移於今理也  
黃河自鞏縣流入

汜水出縣東南三十二里浮戲山經武牢城東漢破曹咎  
於此

成鞏故關在縣東南二里

旋門關在縣西南十里即八關之一

汜口去縣五十里今屬河陰

坂渚在縣東北三十五里初竇建德衆數十萬自于坂渚

結陣南屬鵲山以臨汜水太宗帥輕騎擊之賊衆大潰建  
德竄于牛渚將軍白一讓生獲先是童謠云豆入牛口勢  
不得久果敗於此牛口渚與板渚遷迤相接

等慈寺在縣東七里王師既破建德詔於戰所起寺立碑  
紀功焉令顏師古為其碑文

元和郡縣圖志卷第六

河南道二

陝虢觀察使 陝州 虢州 汝州

陝州 陝郡都督府 開元戶四萬七千三百二十二 鄉五十六

元和管戶八千七百 今為陝虢觀察使理所

管州三 縣一十四 都管戶一萬一千九百四十七 鞏田

陝州 虢州 汝州

禹貢豫州之域周為二伯分陝之地公羊傳曰自陝以東周公主之自陝以西召公主之又為古之虢國今平陸縣地是也戰國時為魏地後屬韓秦并天下屬三川郡漢為

弘農郡之陝縣自漢至宋不改後魏孝文太和十一年置陝州以顯祖孝文皇帝諱弘改為恒農郡十八年罷陝州孝武永熙中重置西魏文帝大統三年又罷周明帝復置屯兵於此以備齊隋大業二年復罷以其地屬河南郡義寧元年改置弘農郡武德元年改為陝州廣德元年改為大都督府

謹按陝城蒲牢與彭城滑臺壽陽懸瓠屢經攻守皆中夏之要云

州境東西二百五十二里南北隔河二百四十六里八到

西南至上都五百一十里

東至東都三百五十里

西南至虢州一百三十里

北至絳州一百里

西至潼關二百里

西北至河中府二百四十五里

貢賦開元

陝縣

破石

靈寶

夏縣

安邑

平陸

芮城

垣縣

陝縣望下本漢縣也歷代不改後魏改為陝中縣西魏去

中字周明帝於陝城內置峭郡以陝峭二縣屬焉開皇罷

郡以縣屬陝州陝原在縣西南二十五里

號山在縣西二里臨黃河黃河自靈寶界流入後漢獻帝



東歸至陝議者欲令天子浮河東下大尉楊彪曰後此以東有三十六灘非萬乘所當從也乃止

曹陽墟俗名七里澗在縣西南七里獻帝東遷李傕郭汜追戰於弘農東澗天子遂露次於曹陽之墟謂此地也

州里城即古號國城西征記曰陝縣周召分職處南倚山原北臨黃河懸水百餘仞臨之者皆為悼慄

故焦城在縣東北百步

太原倉在縣西南四里隋開皇二年置以其北臨焦水西俯大河地勢高平故謂之太原今倉實中週迴六里

太陽故關在縣西北四里後周大象元年置即茅津也春

秋時秦伯伐晉自茅津濟封峭尸而還

徽伯故壘在縣南二里高歡使李徽伯戍陝周太祖攻之徽伯築壘於此拒太祖

北利人渠開皇六年文帝建邳國公蘇威引橐水西北入城有姓賴其利故以為名

南利人渠東南自硤石界流入與北渠同時疏導

太陽橋長七十六丈廣二丈架黃河為之在縣東北三里

貞觀十一年太宗東巡遣武侯將軍丘行恭營造

硤石縣望西至五十里

本漢陝縣地屬弘農郡自漢至宋不改後魏孝文帝分陝縣

東界置嶠縣。明帝二年分陝嶠二縣置嶠郡。隋文罷郡以嶠縣屬陝州。大業二年廢入陝縣。義寧元年重置。理硤石鴈。貞觀中改名硤石縣。

底柱山俗名三門山。在縣東北五十里。黃河中。禹貢曰導河積石。至于龍門。又東至于底柱。河水分流包山。山見水中。若柱然也。又以禹理洪水。山陵當水。嶠破之以通河。三穿既決。河出其間。有似于門。故亦謂之三門。漢成帝鴻嘉四年。楊焉上言。底柱之險。可鑄廣之上。乃立鑄之。纔沒水中。不能復去。而令湍流沸怒。為害彌甚。隋開皇三年遣倉部侍郎韋瓚。自蒲陝以東募人能於洛陽運木四十石。經

底柱之險。達于常平者。免其征戍。貞觀十二年太宗東巡。臨幸於此。令魏徵勒銘。

羊野在縣西十五里。春秋有神降於此。

黃河西自陝縣界流入。東經底柱。水經注曰。後魏景明中。帝遣諫議大夫寇慈帥工三千人。歲加脩理。以平河阻。魏長城在縣北二十二里。魏惠王十九年所築。東南起嶠山。西北至河三十七里。

靈寶縣。府望。東北至七十五里。

本漢弘農縣。自漢至後魏不改。隋開皇十六年於今縣置桃林縣。屬陝州。天寶元年於縣南古函谷關尹真人宅掘

得天寶靈符遂改縣為靈寶

稠桑完在縣西十里魏公敗戎於桑田即此也

函谷故城在縣南十里秦函谷關城漢弘農縣也西征記曰函谷關城路在谷中深險如函故以為名其中劣通東曰十五里絕岸壁立崖上栢林蔭谷中殆不見日關去長安四百里日入則閉雞鳴則開秦法也東自嶠山西至潼津通名函谷號曰天險所謂秦得百二也隗囂將王元說囂曰請以一丸泥東封函谷關即此也

桃林塞自縣以西至潼關皆是也春秋時晉侯使詹嘉處瑕守桃林之塞三秦記曰桃林塞在長安東四百里若有軍馬經過好行則牧華山林息林下惡行則決河漫延人馬不得過矣

涇津在縣西北三里義寧元年置關貞觀元年廢關置津曹陽亭在縣東南十四里陳涉使周文西入秦使章邯擊破之殺文于曹陽即此地後曹公改為好陽

夏縣

望西南至州一百二十里

本漢安邑縣地屬河東郡後魏孝文太和十一年別置安邑縣十八年改為夏縣因夏禹所都為名大業二年屬河東郡武德元年又屬虞州今陝州安邑縣是也

貞觀十七年隸絳州大定元年割屬陝州尋屬絳州乾元

三年屬陝州

涑川在縣北四十里左傳晉侯使呂相絕秦曰伐我涑川按川東西三十里南北七里

安邑故城在縣東北一十五里夏禹所都也

安邑縣望 南至府 一百一十里

本夏舊都漢以為縣屬河東郡開皇十六年屬虞州貞觀十七年屬蒲州乾元三年割屬陝州

雷首山一名中條山在縣南二十里其山有銀谷在縣西南三十五里隋及武德初并置銀冶監今廢

高堠原在縣北三十里原南坂口即古鳴條陌也湯與桀

戰於此

鹽池在縣南五里即左傳郇瑕氏之地沃饒近鹽是也今按池東西四十里南北七里西入解縣界

平陸縣望 西南至 州十七里

本漢大陽縣地屬河東郡後漢於此置河北郡領河北縣開皇十五年河北縣改屬蒲州貞觀元年又屬陝州天寶元年改為平陸縣

黃河在縣南二百步

吳山即吳坂也伯樂遇騏驎駕鹽車之地其坂自上及下七山相重

傳巖在縣七里即傳說版築之處

閑原在縣西六十五里即虞芮爭田讓為閑田之所

顛軫坂今謂之軫橋在縣東北四十五里左傳曰吳為不道入自顛軫是也

琴之窟在縣西北四十里

故虞城在縣東北五十里虞山之上晉侯使荀息假道于虞以伐虢即此城也

下陽故縣在縣東北二十里

芮城縣望東至府一百里

本漢河北縣地屬河東郡自漢至後魏因之周明帝二年

改名芮城屬河北郡其年又於此置虞州武帝建德一年

於縣置芮州貞觀元年廢芮州以縣屬陝州

黃河在縣南二十里

本魏城春秋晉滅之賜畢萬是也在縣北五里

故芮城在縣西二十里古芮伯國也

垣縣上西南至州二百里

本漢縣屬河東郡後魏獻文帝皇興四年置郡及白水

縣周明帝武成元年改白水為慶城縣大業三年改慶城

為垣縣屬絳郡武德元年屬邵州九年屬絳州貞元三年

割屬陝州枕黃河

垣城在縣西二十里

皋落城在縣西北六十里左傳曰晉侯使太子申生伐東

山皋落氏是也

魏州弘農望

開元戶一萬七千七百四十三元和戶五千二百三十六

鄉三十一

禹貢雍及豫二州之境周初為魏國魏有三北魏今陝州

平陸縣東魏今滎陽縣西魏在今鳳翔扶風縣也魯僖二

年晉荀息假道于虞以伐魏亡仍為晉地其後三卿分

晉屬韓秦兼天下屬三川郡至漢武帝元鼎四年置弘農

郡後魏以獻文帝諱弘改為恒農郡孝武帝永熙三年分

為西恒農屬陝州周明帝復為弘農開皇三年廢郡

以縣屬陝州大業二年又改屬豫州三年又于弘農縣

置弘農郡義寧元年改為鳳林郡其年于盧氏縣

置魏郡武德元年改為魏州其年改鳳林郡為鼎

州因鼎湖以為名貞觀八年廢遂移魏州於今理

所

州境東西南北

八到西北至上都四百三十里東至東都四百五十三里

東至陝州一百三十三里西南至商州三百七十里

西北至潼關一百三十里自關至華州一百二十里

西北至河中府一百八十里

貢賦 開元

賦 天門冬  
絹絕綿

管縣六

弘農 盧氏 閩鄉 玉城 朱陽 湖城

弘農縣 望郭下

本漢舊縣大業二年省三年復於今湖城縣西南一里置  
尋移就郡理其年移郡于鴻臚川縣亦隋徙即今縣是也  
義寧元年屬鳳林郡武德元年屬鼎州貞觀八年屬虢州  
方伯堆在縣東南五里宋奮武將軍魯方平所築  
鴻臚水過縣北十五里入靈寶境界溉田四百餘頃  
盧氏縣上西北至州一百六十六里

本漢舊縣春秋特西虢之邑地有盧氏山或言盧敖得道  
於此山宜五穀可以避水災開皇三年改為虢州大業三  
年廢以盧氏屬河南郡武德元年又置虢州縣依舊  
熊耳山在縣南五十里禹貢導洛于此

閩鄉縣 望東南至州一百里

本漢湖縣地屬京兆尹自漢至宋不改周明帝二年置閩  
鄉郡按閩鄉本湖縣鄉名閩古文闡字也說文從門受聲  
開皇三年廢閩鄉郡十六年移湖城縣于今所改名閩鄉  
縣屬陝州貞觀八年改屬虢州

秦山一名柰嶺在縣南五十里南入商州西南入華州高

二十丈周迴三百餘里。

黃巷坂在縣西北二十五里。即潼關路也。水經注曰：河水自潼關東北流入，側有長坂，謂之黃巷坂。東出通謂之函谷關。岸高道隘，車不得方軌。魏武征韓遂，馬超遼兵此地。又潘岳西征賦曰：邈黃巷以濟潼關，亦謂此也。

桃源在縣東北十里。古之桃林。周武王放牛之地也。

黃河在縣北三里。

金塢水一名全節水。漢戾太子亡匿之處。

思子宮故城在縣東北二十五里。漢武帝為戾太子所築。

曹公放壘在縣西二十五里。魏武征韓遂，馬超此地置壘。又宋之入長安檀道濟王鎮惡濱帶河險大小七營，皆此處。

赫連氏京觀俗號平吳臺。在縣西二十二里。赫連勃勃使太原公昌攻劉裕將齡石于潼關，尅之築臺以表武功。

王城縣上西北至州六十里

本漢盧氏縣地。屬弘農郡。後魏正始二年分立石城縣。廢帝改為王城。周武天和元年廢。義寧元年重置。貞觀八年移于今理。

朱陽縣上東北至州七十里



本漢盧氏縣屬弘農郡。後魏太和十四年蠻人樊磨背梁歸魏立朱陽郡并朱陽縣。令樊磨為太守。大統三年分為朱陽郡屬東義州。周武保定二年又省郡宣帝大象元年割盧氏西界以益朱陽縣。開皇四年北屬陝州。大業三年改屬虢州。

湖城縣望東南至五十二里

本漢湖縣屬京兆尹即黃帝鑄鼎之處。後漢改屬弘農郡。至宋加城字為湖城縣。

荆山在縣南即黃帝鑄鼎之處。考父山在縣東南三十五里。

湖縣故城在縣西南二里。

汝州臨汝開元戶二萬六千五百三十三。鄉六十。元和戶一萬三千七十九。鄉三十七。

禹貢豫州之域。春秋時周王畿及鄭楚之地。後屬于晉。六國時復為韓魏之地。秦屬三川郡。在漢為河南郡之梁縣地也。開皇四年自陸渾縣界移伊川理於此。大業二年改為汝州。三年改為襄城郡。隋亂陷賊。武德四年討平王充復為伊州。貞觀八年改為汝州。

州境東西二百三十三里

八到西南至上都九百八十里

西南至鄧州四百七十五里

東至許州二百三十里

貢賦

管縣七

梁縣

臨汝

魯山

葉縣

襄城

龍興

郊城

梁縣上  
郭下

漢舊縣古蠻子邑戰國時謂之南梁以別大梁少梁即左傳云楚為一昔之期而襲梁及霍也

蠻中聚即或蠻子國也在今郡西南俗謂之麻城又有陽人聚故城在今縣西秦滅東周徙其君于陽人聚即此城也漢末孫堅大破董卓軍于此高齊於此置汝北郡以備

周寇故城在今縣南亦名王塢城隋煬帝改梁縣為承休

縣屬汝州貞觀元年又改為梁縣汝水經縣南三里

廣成澤在縣西四十里後漢安帝永初元年以廣成遊獵

地假與貧人元和二年鄧太后臨朝鄧騭兄弟輔政以為

文德可興武功宜廢請寢蒐狩之禮於時馬融以文武之

道并用作廣成贊以諷按此澤周迴一百里煬帝大業元

年置馬牧於此

周承休城在縣東北二十六里漢封周後於此

黃陂在縣東二十五里南北七里東西十里隋朝修築有

溉灌之利隋末廢壞乾封初有詔增修百姓賴其利焉

臨汝縣上東南至州六十里

本漢梁縣地。光天二年置貞觀七年刺史陸長源奏請割梁縣西界二鄉以益之仍自下縣昇為上縣

魯山縣上北至州一百五十里

本漢魯陽縣古魯縣也屬南陽郡魯陽公與韓戰酣揮戈日為退三舍謂此地也後魏太和十一年孝文南巡置魯陽鎮十八年改鎮為荊州二十二年罷荊州置魯陽郡改魯陽縣為北山縣周改為魯山縣武德四年又於縣置魯州貞觀元年州廢以魯山屬伊州八年改伊州為汝州縣仍屬焉

魯山在縣東北十里

魚齒山在縣東六十里春秋楚師伐鄭涉于魚齒之下山有潢水故言涉也

汝水出縣西一百五十里

人息山一名伏牛山

涉水出縣西大陌山世祖破王尋於昆陽士卒赴水死者甚衆潢水為之不流即此水也

温湯水在縣西四十里狀如沸湯可以熟米側有石銘曰女湯可已萬病

魯陽關水俗謂之三鷓水經縣西七里其關三鷓鎮在縣

西南十九里後周置以禦高齊亦名平高城

魯城在縣東北十七里高齊置以禦周

葉縣縣西北至州二百一十里

本漢之葉縣春秋楚人遷許於此其後楚使沈諸梁尹之  
偕號稱公謂之葉公秦置郡縣隸于南陽後漢書謂之小  
長安言沃地入豈也開元三年於縣置仙州以漢時王喬  
於此得仙也二十六年廢仙州屬許州其年又割屬汝州  
方城山在縣西南十八里楚屈完曰楚國方城以為城是  
也

黃成山一名苦菜山在縣西二十五里即長沮桀溺耦耕

處汝水西北流入去縣二十三里

昆陽故城在縣北二十五里後漢世祖破王尋之處燒車

水在縣南二十四里世祖破王尋燒其輜重于此水濱因

名

襄城縣望西北至州一百四十里

本秦舊縣漢因之屬潁川郡春秋襄王避叔帶之難出居

鄭地記在今縣南一里古記城是蓋以周襄王嘗出居此

故名襄城晉及後魏屬襄城郡開皇三年改郡為汝州以

縣屬焉大業二年汝州以縣屬許州開皇三年置仙州割

襄城屬焉二十六年廢仙州復隸許州天寶七年又屬汝

州

汝水經縣南去縣里縣理廢汝州城即古襄城楚靈所築後漢馮異據之降世祖莊子曰黃帝遊于襄城之野七聖皆過牧馬童子而問道焉亦此地也

郟城縣緊西北至州八十里

本春秋時鄭國後屬楚人入于晉七國時又屬韓至漢以為縣屬潁川郡晉屬襄城縣郡後魏屬南陽郡高齊省隋煬帝大業二年移城父縣於今縣西北五里屬汝州四年改城父縣為郟城縣汝水西去縣七里  
危澗水出縣北三十里

城父故城在縣東南四十里故殷時應國也左傳楚大城城父使太子建居之

龍興縣上西北至州九十里

本漢郟城縣地後魏太和十八年置汝南縣高齊天寶七年廢開皇十八年復置汝南隋末廢則天證聖元年置武興縣神龍元年改為龍興縣城本通鵝城即後漢賈復城也後南擊郟所築後魏太和二十三年孝文親征馬圈行至此城昏霧得三鵝引路遂過南山故號通鵝城

大龍山在縣東南三十五里劉累學擾龍遷于魯縣因以名山

汝水在縣北四十五里西南從梁縣界流入  
湛水在縣東三十里春秋襄公十六年楚公子帥師戰于  
湛水是也

湍陽城一名應城在縣南二十五里後魏置湍陽縣開皇  
十年改為湛水武德四年又置湍陽縣

元和郡縣圖志卷第六終

元和郡縣圖志卷第七

河南道三

汴宋節度使 汴州 宋州 亳州 潁州

汴州陳雷 開元戶八萬二千一百九十 鄉一百六十一  
元和人戶八千二百一十八 鄉五十三

今為汴宋節度使理所

管州四 縣二十八 都管今戶三萬一千 四百四十四

禹貢豫州之域春秋鄭地戰國魏都史記魏惠王自安邑  
理徙大梁即今浚儀縣秦為三川郡地漢陳留郡之後儀  
縣也鄴生說漢高曰陳留天下之衝四通五達之郊漢文  
帝以皇子武為梁王都大梁以其地早濕東徙睢陽今宋

州是也。漢陳留郡，即今陳留縣。東魏孝靜帝於此置梁州。周宣帝改為汴州。蓋以城臨汴水故也。大業二年，州廢，以開封浚儀

屬鄭州。隋亂，陷賊。武德四年，平王充復置汴州。

州境：東一百九十六里，西一百三十五里，南一百一十里，北一百一十里。

八到：東至上都一千二百八十里，東南至宋州三百里，東北至曹州二百四十五里，東南至陳州三百一十里，南至東都四百二十里，北至滑州二百一十里。

貢賦：開元同，絹二十疋，賦綿絹。

管縣六：開封、浚儀、陳留、雍丘、封丘、尉氏。

開封縣：望鄆里，本漢舊縣，屬河南郡。魏為秦所敗，走保開

封，此城也。晉屬滎陽郡。後魏天平元年，於此置開封郡。

高齊天寶七年廢。隋開皇六年復置開封縣，屬汴州。大業

二年廢汴州，以縣屬鄭州。武德四年，重置汴州，開封又屬

焉。貞觀元年廢。延和元年，于城內別置開封縣，管東界

蓬澤。在縣東北十四里。今號蓬池，左氏所謂蓬澤也。

長垣故城，一名倉垣城，在縣北二十里。漢陳留太守所理。

梁王吹臺，在縣東南六里。俗號繁臺。

沙海，在縣北二里。戰國策齊欲發卒取周九鼎，顏率說曰：

大梁之君臣欲得九鼎，謀於沙海之上，為日久矣。即謂此

也。隋文疏鑿舊跡，引汴水注之，以習舟師，以伐陳。平之

後，立碑其側，以紀功焉。今無水。

蓼堤在縣東北六里高六尺廣四丈梁孝王都大梁以其地卑濕東徙睢陽乃築此堤至宋州凡三百里

浚儀縣望郭下里西界本漢舊縣屬陳留郡故大梁也魏惠王自

安邑徙此因浚水為名後魏於此置梁州周宣帝改為汴

州縣屬之隋大業二年廢汴州改屬鄭州武德四年於此

重置汴州以縣屬焉

夷門史記大梁城有十二門東門隱士侯羸年七十家貧

為夷門監者魏公子無忌厚遺之不肖受遺

枯渡梁溝秦始皇二十二年王賁引水灌大梁城於此溝

琵琶溝水西自中牟縣界流入通濟渠隋煬帝欲幸江都

自大梁城西南鑿渠引汴水即葭宕渠也

陳留縣望西至州五十里本漢陳留郡陳留縣地武帝置陳留郡

屬兗州按留本鄭邑後為陳所并故曰陳留又按彭城亦

有留此留屬陳故曰陳留晉為陳留國開皇三年分浚儀

縣置陳留縣屬汴州武德四年屬杞州今汴州雍丘縣是

貞觀元年廢杞州屬汴州

故莘城在縣東北三十五里古莘國地也國語湯伐桀與

韋顧之君守拒湯于莘之墟遂戰於鳴條之野

東昏故城本漢縣之東北九十里即陽武之戶牖郡即陳平之故里也



雍丘縣 望西至州一百一十里 一本漢舊縣亦古之雍國及杞國周武

王尅殷封禹後東婁公子杞後魏孝昌四年分東郡陳留

置陽夏郡理雍丘城開皇三年罷郡以縣屬汴州武德四

年置杞州貞觀元年廢以縣屬汴州

雍丘故城今縣城是也春秋時杞國城也杞為宋滅城北

臨汴河晉永嘉朱鎮西將軍祖逖為豫州刺史理于此逖

累破石勒軍由是黃河已南皆為晉土人皆感說逖卒百

姓立祠

高陽故城縣西南二十九里額項高陽氏佐少昊有功受

封此邑高祖攻昌邑西過高陽又郡食其墓在此外黃故

城縣東六十里黃本屬宋後屬陳留郡以魏郡有內黃故

此為外黃

封丘縣 緊南至州五十里 古之封國 左傳魯封父之繁弱是也 後屬衛亦屬魏

漢高祖與項羽戰敗于延鄉有翟母者免其難故以延鄉

為封丘縣以封翟母為陳留郡後魏併入酸棗宣武帝又

置封丘縣屬陳留郡開皇三年置郡以縣屬汴州

黃池在縣南七里魯哀十三年晉侯與吳子爭盟於此

尉氏縣 北至州一百里 漢舊縣春秋時鄭大夫尉氏之邑自漢歷

代屬陳留郡不改高齊省以地入開封府開皇六年復置尉氏

縣屬汴州武德四年於此置有州貞觀元年廢以縣屬

州

三亭崗在縣西三十七里秦使謁者王稽使魏夜與范雎言曰待我於三亭之南即此崗之南也

故鍾城在縣西三十五里魏太尉鍾繇故里

宋州

睢陽

開元戶一十萬三千

元和戶五千二百

鄉一百九十三

禹貢豫州之域即高辛氏之子關伯所居商丘今州理是也周為青州之域武王封微子於宋後為魏齊楚所滅三分其地魏得其梁陳留齊得濟陰東平楚得沛按梁即今州地秦并天下改為碭郡後改為梁國漢文帝封子武為梁王自漢至晉為梁國屬豫州宋改為梁郡隋於睢陽置

宋州大業三年又改為梁郡隋亂陷賊武德四年討平王元又為宋州天寶末祿山亂兩河郡縣多所陷沒唯張巡許遠姚閻三人堅守睢陽賊將尹子奇併力攻圍踰年不尅城中孤危糧竭相食殆盡時賀蘭進明許叔異屯軍臨淮爭權不協不發援師城竟為賊所陷巡遠等抗詞不屈遂俱被害然使賊鋒挫銳不至江淮巡遠之力也

州境

東西三百五十九里

南北二百一十八里

八到

西至上都九百二十里

東至東都九百二十里

東南至泗州七百五十里  
東北至徐州三百五十里  
東南至亳州一百四十里  
西北至曹州一百五十里

貢賦開元

賦貢 絹二十八  
綿絹

管縣十

宋城、碭山、虞城、楚丘、柘城、  
穀熟、下邑、單父、襄邑、寧陵

宋城縣

郭下望

漢睢陽縣屬宋國後屬梁國後魏屬梁郡隋

開皇三年罷梁郡以縣屬亳州十六年於此置宋州睢陽

屬焉十八年改為宋城

睢水西南至寧陵縣界流入

渙水西南自寧陵界流入

隕石水源出縣北四十里春秋時隕石於宋其處為潭小

蒙故城縣凡二十二里即莊周之故里

州城古闕伯之墟契孫相土亦都於此春秋為宋國都漢

梁孝王廣睢陽城七十里開汴河後汴水經州城南

兔園縣東南十里漢梁孝王園

清冷池在縣東二里

碭山縣

上西至州一百五十里

漢碭縣屬梁國後漢不改晉以其地

併入下邑宋復置碭縣屬梁郡後魏屬碭郡高齊文宣帝

並廢以安陽縣屬彭城郡開皇十八年改安陽縣為碭山縣

大業二年改屬宋州碭文石也以其山出文石故以名

縣

虞城縣上西南至州七十里本虞國舜後所封之邑後漢及晉屬梁

國後魏延昌中於此置蕭縣理虞城屬沛郡高齊省開皇十六年分下邑置虞城縣屬宋州

蓋諸澤在縣西北十里周迴五十里俗號盟諸澤故綸城縣東南三十五里左氏少康逃奔有虞之妻以姚而邑諸綸

平臺縣西四十里左傳宋皇國父為宋平公所築漢梁孝王大治宮室為複道自宮連屬於平臺三十餘里與鄒枚相如之徒並遊其上即此也

楚丘縣緊南至州七十里古戎州已氏之地至漢為已氏縣屬梁國後漢屬濟陰郡北齊廢開皇五年又置屬曹州六年改

為楚丘縣武德五年屬戴州今宋州單父縣是也貞觀十七年廢戴州隸宋州

楚丘故城在縣北三十里

柘城縣上東北至州一百一十里本陳之株邑詩陳風株林劉靈公是也至秦為柘城縣續漢志屬陳郡至晉太康中廢開皇十六年復置貞觀初廢入穀熟寧陵二縣後縣人遙賦路遠陳訴積年至高宗朝復屬置宋州其羅城即古株邑故城也

渙水在縣北二十九里

穀熟縣上西北至州五十七里本漢縣之地置于古穀城春秋時為

穀丘亦啟之所都謂之南亳漢于此置薄縣屬山陽郡薄  
與亳義同字異後漢改置穀縣屬梁國開皇十六年屬宋  
州隋末喪亂縣人劉繼叔戮力固守免陷于賊武德二年  
置南穀州以繼叔為刺史四年罷以縣屬宋州  
渙水在縣南二十八里

高辛故城在縣西南四十五里帝嚳初封於此

下邑縣上西至州一漢舊縣按魯為楚所滅頃公遷于下

邑漢高祖攻下邑拔之在漢屬梁國後漢無下邑縣魏復

立焉晉宋屬梁郡開皇三年改屬亳州十六年改屬宋州

故譙城縣北三十一里祖述屯淮陰進據太丘城遂剋譙

城而居之謂此也

單父縣緊西南至州古魯邑也漢以為縣屬山陽郡後

漢以為侯國屬濟陰郡後魏置北濟陰郡理單父城開皇

三年廢郡又置單父縣屬濟陰郡十六年於縣置戴州單

父屬焉大業三年廢戴州以縣屬曹州武德五年重置戴

州縣又屬焉貞觀十七年廢戴州縣隸宋州漢高祖呂后

宰宛子賤至馬期皆宰單父

襄邑縣緊東至州一本漢舊縣即春秋時宋襄牛地也秦

始皇從承筐縣于襄陵改為襄邑縣漢以縣屬梁後又屬

陳留宋屬譙郡高齊文宣帝省入雍丘隋開皇十六年後

置襄邑縣屬杞州大業三年割屬梁郡武德二年後置杞州  
以縣屬焉貞觀元年州廢縣隸宋州

睢水西自雍丘縣界流入

承筐故城在縣西南二十五里

宋襄公墓在縣城中東隅故號襄陵

寧陵縣緊東至州五十九里本漢舊縣寧亦作寧七國時屬魏之安

釐王以弟無忌為信陵君邑于此漢初以魏咎為寧陵君

亦在此漢志寧陵屬陳留郡後漢屬梁國晉屬宋郡改屬

譙郡高齊省開皇六年復置屬亳州十六年割屬宋州

睢水西北自襄邑縣界流流入

渙水西自襄邑界流入

故葛城在縣北十五里古葛伯國以不祀為湯所滅

大棘故城在縣西南七十里左氏宋華元鄭公子歸生戰

于大棘又七國反先擊梁棘蓋此城也

洧陵在縣南二十五里春秋鄭子罕伐宋之將鋤樂懼敗

諸洧陵

故柘城在縣南七十里陳之株邑

故鄆城在縣南五十三里漢之鄆縣鄭伯尅段于此

已吾故城在縣西南四十里後已吾城曹公初起兵于此

始基故城在縣南九十里晉秦州刺史祖逖督護衛策所

築初乞活魁遣陳川據陳留沃儀遣將魏碩于谷水南營  
逃遣策等追戰大破之因即立戍留守策曰從祖公北伐  
數年功始基于此因以為名

仇留故城在縣南六十五里初陳川自始基敗後遣將仇  
留伐鄢以逼蔡州祖逃遣衛策進戍谷北高丘以禦仇留  
故呼為仇留城

亳州望譙開元戶七萬七百三十二  
元和戶六千五百二鄉一百三十七  
鄉一百六十一

禹貢豫州之域至周不改春秋時為東國之焦邑六國時  
屬楚在秦為碭郡地漢為譙縣屬沛郡初後漢熹平五年黃  
龍見譙太史令單飴以為其地當有王者興不及五十

年亦當復見後如其言魏文帝即位黃初元年以先人舊  
都又立為譙國與長安許昌鄴洛陽號為五都後魏復置  
南兗州周武帝改為亳州隋亂陷賊武德四年討平王充  
復為亳州

州境東西三百六十七里  
八到西南至上都一千七百二十里  
正南微東至潁州二百六十里

貢賦開元同綳二十疋賦線絹黍稷麻麥  
東北至徐州三百九十里  
西北至陳州二百里

管縣八 譙縣 臨渙 鄆縣 城父 鹿邑 蒙城

永城 貞源

譙縣繫郭漢舊縣屬沛郡晉屬譙郡後魏無譙縣有小黃縣隋開皇三年以小黃縣屬亳州大業二年改小黃縣為譙縣三年以亳州為譙縣仍屬焉

渦水在縣西四十八里魏黃初六年文帝以舟師自譙循渦入淮

魏文帝祠在縣東五里初魏太祖以議郎告疾歸鄉里築室于此讀書秋冬弋獵以自娛文帝以漢中平四年生于此宅

故梅城在縣南四十里古梅伯國

臨渙縣繫西至州一本漢鉅縣屬沛郡後漢屬沛國魏屬

譙郡梁武帝普通中克鉅城置臨渙郡以臨渙水為名後魏改置渙北齊省臨渙郡改臨渙北縣為臨渙縣屬譙郡

開皇三年廢郡留縣改置譙州神堯嘗為譙州刺史大業二年改屬亳州武德四年屬譙州貞觀十七年廢譙州縣

隸亳州

嵇山在縣西三十里晉稽康家于鉅嵇山之下因改姓嵇氏

鄆縣上西南至州秦漢舊縣屬碭郡漢屬沛郡蕭何封鄆侯此邑也

魏鄆縣屬譙國後魏省開皇十六年復置鄆縣屬沛郡武德



四年改屬亳州

城父縣上西北至州七十九里

春秋時陳國之夷邑亦名城父漢為

城父縣屬沛郡後漢屬汝南郡晉屬譙郡宋志闕而有後

儀縣疑宋改為後儀開皇十八年以重名復改為城父屬亳州

渦水西北自譙縣界流入

淝水東南至下蔡入海

扶陽故城在縣東北三十六里漢常賢封邑

章華臺縣南九里

高陂縣南五十六里周迴十三里多魚蚌菱茨之利

鹿邑縣上東至州一百一十七里本漢鄆縣地春秋時鳴鹿邑屬陳國

左傳晉武子以諸侯之師侵陳至于鳴鹿是也晉屬陳郡後魏屬陳留郡開皇三

年改屬亳州改為鹿邑縣

渦水西北自陳州太康縣界流入

鹿邑故城縣西十三里俗名牙鄉城春秋時鳴鹿邑也

武平故城縣東北十八里建安元年漢獻帝以曹公為大

將軍封武平侯以此城為封邑

蒙城縣上西北至州二百四十里本漢山桑縣屬沛郡後魏改屬汝南

郡魏屬譙郡後魏孝文帝於此置渦州理山桑城其地後于

梁于此至西徐州後復入魏改為譙州改譙縣為渦陽

縣隋改渦陽為淝水縣武德四年重立山桑縣屬譙州貞

觀十七年廢譙州割屬亳州天寶二年改為蒙城縣城  
北臨渦水後魏渦州城也東魏武定六年侯景叛行臺幕  
容紹宗破景于此

檀公城本漢山桑縣城宋將檀道濟為征北將軍居此因  
號之

永城縣

西南至州一百四十里

因隋舊縣本秦芒縣地漢不改後

為臨淮之境晉斬縣地隋大業六年于馬甫城東地三里割  
彭城睢陽置縣遂名永城屬譙郡武德五年移于馬甫  
城屬譙州即今理是也貞觀十七年罷譙州以縣屬亳州  
碭山縣南五十里漢祖隱芒碭山澤間應邵注芒今在臨

睢即永城縣是也碭屬梁國今碭山縣是二縣之界有山  
澤之固可以隱也

故費城縣南二十里

貞源縣

望東至州五十九里

本楚之芒縣春秋時屬陳後為楚所得

漢屬淮陽國後漢芒縣屬陳國晉屬梁郡成帝更名谷陽  
高齊省入武平縣隋開皇六年復置谷陽縣理芒城屬亳  
州乾封元年高宗幸瀨鄉以立元皇帝生于此縣遂改為  
貞源縣

寧平故城在縣西南五十五里漢縣也晉永嘉五年東海王  
越自陽城率甲士四萬薨于項祗不發喪石勒兵追之及

寧平城焚越屍于此數萬衆斂手受害尸積如山王夷甫亦遇害

玄元皇帝祠縣東一十四里祠院中有九井隋季井皆竭自武德已來清泉秘漏或云汲一井而八井水皆動

李母祠在縣東一十四里乾封元年冊號先天太后今謂之洞霄宮

潁州汝陰 開元戶二萬八千一百七十九 鄉五十六 元和戶一萬一千五百二十九 鄉方十一

禹貢豫州之域春秋胡子國楚滅之秦并天下為潁川郡之地在漢則汝南郡之汝陰縣也魏晉於此置汝陰郡司馬宣王使鄧艾于此置屯田後魏孝昌四年改置潁州高

齊罷州置郡隋末陷賊武德四年討平王充于汝陰縣西

北十里置信州六年改為潁州移于今理

州境東西三百五十七里

八到西取陳州路至上都一千八百二十里

西至東都九百六十里 西北至汴州七百里 西至蔡州三百六十里 南至淮約一百里 西北至亳州二百六十里 東至壽州二百六十里

貢賦 開元 貢 純二十石 綿二十七屯

管縣四 汝陰 沈丘 潁上 下蔡

汝陰縣上郭 本漢舊縣屬汝南郡魏文帝黃初三年屬汝

陰郡後魏孝昌三年於此置潁州北齊廢以縣屬汝陰郡開

皇三年罷郡以縣屬潁州武德置信州六年復為潁州縣皆屬焉

淮水西南流入經縣南去百里

潁水西北自陳州項城縣界流入俯于城下

汝水西南自蔡州新蔡縣界流入又東南入淮

寢丘故城在縣西北一百二十里楚相孫叔敖將死戒其子請寢丘之地即此

古任城在縣北一里陳將任蠻奴伐齊于潁水北畔築城以圍汝陰

百尺堰在縣西北一百里司馬景王討王陵至百尺堰即

此

沈丘縣中東南至州一百二十里一本漢寢丘孫叔敖子之封一名沈

丘漢為寢縣屬汝南郡後漢加丘字東魏於此置蔡州高

齊文宣廢州改置褒信縣隋不置縣邑至神龍二年十道

使唐劄奏請分汝陰置沈丘縣

小汝水在縣北

潁上縣中西北至州一百一十七里一本漢慎縣地屬汝南郡自漢訖宋

不改隋大業二年置潁上縣屬潁州三年以潁州為汝陰

郡仍屬焉

淮水西南自汝陰縣界流入去縣七十里又東北入下蔡

縣界

潁水西自汝陰縣界流入又東流入淮

下蔡縣上西至州二本漢舊縣古蔡國又吳州來之邑也

按蔡國本郡上蔡又徙新蔡後又遷此故謂之下蔡漢以

為縣屬沛郡後漢屬汝南郡隋大業二年屬潁州十二年

移於今理武德四年于此置渦州下蔡屬焉八年州廢縣

屬潁州

硤石山在縣西南六十里淮水經硤石中對岍山上築二

城以防津要按今淮水以中流分界在西岍者屬下蔡在

東岍者屬壽陽

淮水西南自潁上縣界流入

淝水經縣理南去縣一里入淮

硤石城魏諸葛誕父王昶據硤石以逼誕即此城也昔孝

武太元八年聞苻堅入寇乃遣龍驤將軍胡彬水軍五千

援壽春既陷退保硤石亦此城也今之縣城在舊城東北

十餘里

鄧艾廟在縣西一百二十步艾為魏將作岷營屯田後人

賴其利因為立祠

元和郡縣圖志卷第七終

元和郡縣圖志卷第八

河南道四

鄭滑節度使

滑州

鄭州

陳許節度使

許州

陳州

滑州

靈昌郡望

開元戶五萬三千六百二十七  
元和戶八千五十六

鄉一百五

管州二

滑州

鄭州

縣十四

都管戶二萬二千

禹貢兗州之域春秋時為衛國左傳曰狄滅衛立戴公

以廬于曹

今州城東北五里白馬故城即衛之曹邑也

衛文公自曹邑遷于楚

丘

今衛南衛成公又遷于帝丘

今濮州濮陽縣是也

戰國時其地屬

元和郡縣圖志卷第八



魏始皇五年。拔魏二十城。初置東郡。漢因之。後漢末。袁紹以曹公為東郡太守。東晉時。慕容德自鄴南徙滑臺。僭號南燕。都于朐城。至超徙都廣固。為宋所滅。宋武既平慕容之後。盡得河南之地。于此置兗州。仍置東郡。宋之北境。守在此。其城古滑臺。甚險固。後屬後魏。宋文帝使王玄謨攻圍。二十日不能服。開皇九年。又于今州理置杞州。十六年。改杞州為滑州。取滑臺為名也。大業三年。又改為東郡。武德元年。罷郡。置滑州。二年。陷寇賊。四年。討平王充。依舊置滑州。州境東西二百三十六里。南北一百四十九里。八到。東北至濮州二百一十五里。西南至上都一千四百四十里。

南至汴州二百一十里。  
正西微南至衛州一百一十五里。  
西南至鄭州三百里。  
北至相州一百三十里。  
東南至曹州二百四十里。

貢賦  
開元 貢 綾 賦 綿絹  
元和 貢 方紋綾 二十疋

管縣七

白馬 韋城 衛南 朐城 靈昌 酸棗 匡城

白馬縣 郭下 本衛之曹邑。漢以為縣。屬東郡。因白馬津。隋

開皇三年。屬汴州。九年。屬杞州。十六年。改杞州為滑州。縣

又屬焉

白馬山在縣東北三十四里。開山圖曰。有白馬群行山上。



悲鳴則河決。馳走則山崩。津與縣蓋取此山為名。黃河去外城二十步。

州城即古滑臺城。有三重。又有都城周二十里。相傳云衛靈公所築小城。昔滑氏為壘。後人增以為城。甚高峻。堅險。臨河亦有臺。慕容時宋公遣征虜將軍任仲德攻破之。即魏武破袁紹。斬文醜于此岍者。

鹿鳴故城。縣北三十里。宋書宋將王玄謨據滑臺。宣令走鹿鳴城是也。

黎陽津。一名白馬津。在縣北三十里。鹿鳴城之西南隅。鄴食其說。漢祖曰。守白馬之津。塞飛狐之口。以示諸侯。則天

下知所歸矣。謂此津也。建安五年。曹公征先主。先主奔袁紹。曹公擒關羽。拜為偏將軍。紹遣顏良攻劉延于白馬。曹公使羽擊之。羽刺殺良于萬眾之中。遂解白馬之圍。後慕容德為魏軍所逼。率戶四萬餘徙于鹿鳴。達黎陽津。昏而冰合。是夜濟河。訖旦而魏師至。冰亦尋泮。德悅以為神助。因改黎陽津為天橋津。

河侯祠在縣南一里。漢王尊為東郡太守。河水盛。漢軻子昆尊臨決河不去。後人嘉尊壯節。因為立祠。

韋城縣。上西北至六十里本漢白馬縣地。殷伯豕韋之國也。左傳

范宣子曰。昔我之祖在夏為御龍氏。在商為豕韋氏。杜注東郡

白馬縣東南有韋城也。隋開皇六年分白馬縣南境置韋城縣屬汴

州九年屬杞州十六年屬滑州。

京觀在縣北二百步王莽篡漢東郡太守翟義舉兵莽遣將王邑等八將收義于此乃築馬俗髑骨臺。

衛南縣上西南至州五十五里本漢濮陽縣地隋開皇十六年于此

置楚丘縣屬滑州後以曹州有楚丘縣改今名。

鐵丘在縣東南十里。

故鉏城在縣東十五里左氏后羿自鉏遷于窮石是也。

昨城縣上北至州九十里本古之昨國左傳凡蔣邢茅昨祭周公

之胤也又為古之燕國左傳魏人燕師伐鄭是也漢為南燕縣其後慕

容德都之復號東燕縣開皇三年廢東郡以縣屬汴州十

八年文帝因覽奏狀見東燕縣名因曰今天下一統何東

燕之有遂改為昨城屬滑州武德二年於此置昨州領昨

城又置東燕縣四年廢州昨城屬滑州。

石丘在縣東北三十里俗傳漢成帝時星隕之名也。

濮水縣南二十里西南自酸棗縣界流入。

靈昌縣上東北至州七十里本漢南燕縣地自漢至隋不改開皇十

六年分東燕酸棗一縣置靈昌縣取靈昌津以為名屬滑

州。

黃河在縣北一十里。

元和縣圖志卷之八

赤眉故城在縣東二十四里漢末赤眉賊帥樊崇築

延津即靈昌津也在縣東北二十二里初石勒伐劉曜至

河渚不得渡時流漸下流因風結冰濟訖津勒自以為得

天助故號靈昌津又左傳鄭太叔收貳以為己邑至于廩

延又曹公北救劉延至延津皆此津也

酸棗縣望東北至州一百二十里本秦舊縣屬陳留郡以地多酸棗其

仁入藥用故為名後魏併入小黃宣武帝復置改屬東郡

開皇三年屬汴州九年屬杞州十六年改屬滑州

黃河縣北二十里

酸棗故城在縣西南十五里六國時韓王所理處舊址猶

存

金堤在縣南二十三里漢文帝時河決酸棗東潰金堤即

此堤也

匡城州上西北至一百里古衛之匡邑論語子畏于匡至漢為長垣

縣地自漢至後魏不改開皇十六年于此置匡城縣屬滑

州

故匡城在縣西南十里

故蒲城在縣北一十五里左傳齊侯衛侯胥命于蒲子路為

蒲宰皆此也

訾婁故城縣西北十六里

元和郡縣圖志卷之八

故鶴城縣西南十五里衛懿公養鶴于此

鄭州開元戶六萬四千六百一十九鄉一百二十四

禹貢豫州之域春秋時為鄭國本高辛氏火正祝融之墟

也周宣王母弟友為周司徒食米于鄭是為鄭桓公後幽

王為犬戎所殺桓公死之其子武公與平王東遷平定虢

會之地故左傳曰我周之東遷晉鄭焉依是也自武公後

二十二公至六國時鄭為韓哀侯所滅哀侯二年韓自平陽

陽徙都鄭秦并天下屬三川郡漢高改三川為河南郡榮

陽屬焉晉武帝分河南置滎陽郡東魏孝靜帝分滎陽置

成臯郡高齊文宣帝又改為滎陽郡周改為滎州開皇三

年改滎州為鄭州十六年分置管州大業二年廢鄭州改

管州為鄭州隋末陷賊武德四年五月擒建德王充東都

平其月置鄭州理武牢其年又於今鄭州理置管州貞觀

元年廢管州七年自武牢移鄭州于今理

州境東西一百七十六里

八到西至上都一千一百四十里

東至汴州一百四十里

南至許州一百八十六里

東北至滑州三百里

北至黃河八十里

貢賦開元麻黃二十斤賦綿絹

管縣七

管城 滎陽 滎澤 原武 陽武 新鄭 中牟

管城縣望郭下本周封管叔之國自漢至隋皆為中牟縣開

皇十六年于此置管城縣屬管州大業二年改為鄭州縣

又屬焉

梅山縣西南三十里春秋時楚為子馮率師侵費滑古迴

梅山即此山也

圃田澤縣東三里

故市城縣西北三十里曹公擊袁紹軍于故市即此城

武強城縣東三十一里曹公擊項羽還攻武強即此城

蔡城縣東北十五里

邙城縣東六里晉荀林父帥師與楚子戰于邙即此城

李氏陂縣東四里後魏孝文帝以此陂賜僕射李冲故俗

呼為僕射陂周迴十八里

滎陽縣繫東至州六十里本漢舊縣屬滎陽郡高齊改郡名成華

以縣屬焉開皇三年罷郡以縣屬鄭州萬歲通天年改為

武泰縣仍隸河南府神龍初復為滎陽屬鄭州

京水出縣南平地

索水出縣南三十五里小徑山

古大索城今縣理是也楚漢戰于京索間漢書注京縣有

大索亭小索亭晉末滎陽人張卓董過鳩集流散守固此

城因名大柵塢。今呼為大刺。蓋音之訛耳。

小索城縣北四里。宋南平王鐔遣王陽兒據小索。破魏。即此城也。

京縣故城。縣東南二十里。即鄭京城太叔之邑。

滎澤縣。望東南至本漢滎陽縣地。隋開皇四年。分滎陽置

廣武縣。取山為名。仁壽元年改為滎澤。屬鄭州。

廣武山。縣西二十里。一名三皇山。

敖山。縣西十五里。春秋時晉師救鄭。在敖鄆之間。二山名。

宋武北征記曰。敖山。秦時築倉于山上。漢高祖亦因倉。敖

傍山築甬道。下汴水。即此山也。

黃河北去縣十五里。

滎澤縣北四里。禹貢濟水溢為滎。今濟水亦不復入也。

東廣武。

西廣武。二城各在一山頭。相去二百餘步。在縣西二十里。

漢高與項羽俱臨廣武而軍。今東城有高壇。即是項羽坐

太公于上。以示漢軍處。

踐土臺。故王宮。縣西北十五里。北臨汴水。南帶三皇山。秦

所置。仲丁遷于囂。此也。詩曰。薄狩于敖。皆此地也。

金堤縣西北二十二里。漢孝文時。河決酸棗。潰金堤。東郡

大興卒塞之。孝武時。王尊為東郡守。又加脩築。至明帝永

元和郡縣圖志卷之八

平一十二年詔樂浪人王景築堤起自滎陽東至千乘海口千餘里十里立一水門更相迴注無復潰漏之患此隄首也

原武縣緊南至州六十里本漢舊縣屬河南郡後魏屬滎陽郡東

魏改置廣武縣又屬焉高齊天寶七年郡縣并廢隋重置

原武縣屬鄭州武德四年屬管州貞觀元年復屬鄭州

黃河縣北二十里

古陽池城竹書紀年曰惠王十五年遣將龍賈築陽池以

脩秦即此也開皇六年于此置縣今縣理

陽武縣緊西南至州一百里本漢舊縣屬河南郡晉屬滎陽郡

黃河縣北三十里

南棗城

北棗城二故城在縣北十里春秋楚伐陳諸侯會于北棗

以救之此也

汴渠一名葭苳渠今名通濟渠西南自滎澤管城二縣界

流入

博浪沙縣東南五里張良為韓報仇擊始皇處

新鄭縣緊東北至州九十里本有熊氏之墟又為祝融之墟于周為

鄭武公之國都韓哀侯滅鄭自平陽徙都之秦并天下其地

為潁川郡漢以為新鄭縣屬河南郡晉省隋開皇十六年

重置屬鄭州

陘山縣西南三十里。史記魏敗楚于陘山，上有子產墓。墓累石為方墳，東有廟，皆東向。即杜元凱終制所言者。函陵縣北十三里。左傳晉侯秦伯圍鄭，晉軍函陵，秦軍汜南，此也。

濬州府城即東魏河南道行臺侯景營軍之壘。

濬水源出縣西北三十里平地。

鄆城縣東北三十二里。

洧水縣西北二十里。灌頴渠首受洧水。西魏遣王思政固守長社城。東魏相高澄遣將清河王高岳攻之，築堰通洧。

水渠灌破長社城，即此渠也。

中牟縣

繫西至州  
七十里

本漢舊縣屬河南郡。晉滎陽郡。魏太武

省東魏孝靜帝分滎陽置廣武郡。隋氏避諱改為內牟。屬

管州。今縣理是也。十八年改為圃田縣。大業十三年陷李

密。武德三年李勣招撫東夏于此。置牟州。復改為牟州。貞觀

元年屬汴州。龍朔二年復隸鄭州。縣理即古中牟故城。論語佛肸

以中牟叛。後漢魯恭為縣宰，有善政，人為立祠。圃田澤一

名原圃。縣西北七里。其澤東西五十里，南北二十六里。西

限長城，東極官渡。上承鄭州管城縣界曹家陂，又溢而北

流為二十四陂。小鵠大鵠小斬大斬小灰大灰之類是也。

元和郡縣圖志卷之八



官渡臺俗號中牟臺亦名曹公臺在縣北十二里曹公破

袁紹于此

許州穎川

開元戶五萬九千七百十七  
元和戶五千二百九十一

鄉一百十七  
鄉五十七

今為陳許節度理所

管州二縣十三今鄉管戶九千三百二十九

禹貢豫州之域周又為許國按許國故城在今許昌縣南四十里故許昌城是也春

秋定公六年鄭滅許七年又封許自是附庸於鄭周末為

晉地三卿分晉其地屬韓秦滅韓虜韓王安以其地置穎

川郡理陽翟漢高帝五年為韓國以韓信為王之年復為

穎川郡後漢獻帝初遭董卓之亂遷都長安卓死東歸于

洛魏太祖迎帝都許及魏受禪改許縣為許昌縣然魏雖

都洛而宮室武庫猶在許昌又析穎川增置襄城縣晉咸

和二年征西庾亮表成帝曰穎川襄城本是一郡戶口今

少請還合穎川從之宋受禪後魏明帝使達奚斤伐宋長

驅至武牢穎川許并入于後魏後又陷于東魏高澄就古

穎陰城改置南鄭州即今州城是也隋仁壽元年改南鄭州

為許州隋末陷王充武德四年充平復為許州

州境東西二百一十七里  
南北一百六十六里

八到西南至上都一千二百六十里  
西北至東都三百四十里  
北至鄭州一百八十六里  
東南至陳州二百六十里

東北至汴州二百三十里  
正南微東至蔡州三百里  
貢賦開元元和貢鹿心絹二十足乾柿綿絹鹿心席六領

管縣七  
長社 長葛 許昌 鄆陵 臨穎 舞陽 扶溝

長社縣望郭下本漢舊縣屬潁川郡春秋時鄭長葛地其社中樹暴長漢更名長社後漢屬郡不改隋文帝廢郡以縣屬汴州大業三年改為潁川縣武德四年復為長社改屬許州

潁水西南自襄城縣界流入  
潁水俗名勒水經縣西其源出密縣大騮山

長葛縣繁南至州六十里本漢長社縣地置長葛縣屬許州取舊名

洧水自北流入去縣十三里

長箱城東魏武定五年清河王高岳率眾圍西魏將王思政于潁川因築此城初以車箱為樓因名長箱城開皇六年乃于此立縣今縣理

長葛故城縣北十二里

長社故城縣西一里西魏大統十三年詔遣河南行臺大都督王思政進據潁川東魏遣將清河王高岳率眾十萬圍潁川思政不與戰岳造高堰引洧水以灌城十五年潁川

城隔水自東北入城。思政為岳所執，即此城也。

東偏城縣東北五里。左傳齊人鄭人伐許，莊公奔衛。鄭伯使許大夫百里奉穀居許東偏，即此城也。

許昌縣上西南至州五十五里本許國為楚所滅，至漢為縣，屬潁川。

郡。後漢因之。魏太祖迎獻帝都許，文帝受禪，改為許昌。宋志無許昌縣。天平元年復置。今縣理是也。高齊文帝省鄆陵入許昌。隋文帝又鄆陵縣置洧州，以縣屬焉。大業二年廢洧州，以縣屬許州。初魏武既破黃巾，經畧四方，而苦軍食不足，羽林監潁川棗祗建置屯田，于是以任峻為典農中郎將，募人屯田許下。即今許昌縣得穀百萬斛，郡國列置田

官，數年之間，所在倉儲盈積。

洧水西北自長葛縣流入，去縣三十里。

許昌宮在許昌故城中，揭修作許昌宮賦，即此宮也。魯城縣南西四里。左氏鄭伯請太山之枋，易許田而祀周公，即此城。

景福殿：基址今在許昌故城西南隅內。

鄆陵縣上西南至州七十五里本漢舊縣，屬潁川郡。春秋鄭伯克段

于鄆，晉楚戰于鄆陵，並此地。後魏分潁川置許昌郡，仍立鄆陵縣以屬焉。高齊文宣帝廢鄆，以其地屬許昌縣。隋開皇三年復置，屬許州。十六年又于縣理置洧州，縣仍屬焉。

大業二年廢洧州以鄆陵屬許州洧水西北流入經縣西  
十里

鄆陵故城縣西北十五里

太丘城縣西南二十里陳寔嘗為此縣長

故陶城縣南五十里相傳晉陶侃征杜弼所築

臨潁縣上西北至六十里本漢舊縣屬潁川郡歷代因之大業四

年自故城移于今理開皇三年罷郡以縣屬許州建中二

年屬澠州貞元二年州廢依前屬許州

臨潁阜東西長五十里即龍脾崗也嵩高山東南三百里

有龍脾其地沃壤可居即此崗也今臨潁縣理在崗上

潁水西北自長社縣界流入

繁昌故城縣西北三十里魏文帝行至繁陽亭築壇受禪

因置繁昌縣此城也

舞陽縣上東北至州一百六十里本漢舊縣屬潁川郡在舞水之陽因

名漢封樊噲魏封司馬宣王並為舞陽侯皆此邑自漢至

晉不改宋省開元四年重于古城內置

扶溝縣望西至州一百一十里本漢舊縣屬淮陽國後漢屬陳留國

魏屬許昌郡高齊文宣帝自今縣北移于今理武德四年

置北陳州縣隸焉其年廢州以縣屬洧州九年洧州廢又

屬許州

洧水縣西二十二里

陳州淮陽開元戶五萬二千六百九十二鄉一百四十一  
元和戶四千三十八鄉三十一

禹貢豫州之域本太昊之墟周武王封媯蒲于陳春秋時楚滅之秦滅楚屬潁川郡漢高帝分潁川置淮陽國後漢章帝改為陳國獻帝末陳王寵為袁紹所殺國除為陳郡曹魏復為陳國以東阿王植為陳王植子志徙封濟北又為陳郡晉宋因之東魏孝靜帝以淮南內附置北楊州理項城乃于項城橋立北丹陽郡及穰陵縣高齊文宣以百姓守信不附侯景改北楊州為信州周武帝改信州為陳州開皇二年改為沈州大業二年廢沈州入陳州三年改

為淮陽郡武德元年復為陳州

州境東西一百六十九里南北二百八十里

八到西至上都一千五百二十里北至東都六百六十里

東至亳州二百里東南至潁州三百里

北至許州二百六十里西北至汴州三百一十里

西南至蔡州二百二十里東北至宋州二百二十五里

貢賦開元貢綿絹賦粟麥

管縣六宛丘太康項城南頓澠水西華

宛丘縣縣下本漢陳縣春秋時楚滅陳縣之秦漢仍為陳

縣漢屬淮陽國後漢屬陳郡晉屬梁國宋屬陳郡高齊文

元和郡縣圖志卷之八

宣帝省陳郡仍移項縣理于此隋文帝罷陳郡改項縣為宛丘縣

陳州州城枕蔡水周迴三十里

宛丘縣南三里爾雅陳有宛丘又丘上有丘為宛丘注四方高中央下曰宛

固陵縣西北四十三里項羽敗南走固陵此也

洧水西自許州鄆陵縣界流入

蔡水自西北流入經縣理東一里

州理城楚襄王所築即古陳國城是也庖犧氏神農氏並

都于此及楚項襄王為秦所伐失鄆郢徙都于陳卒為秦

所滅

弩臺在縣理古陳城南八十步後漢陳敏王曾孫寵善弩

射十發皆同處常于此臺教弩黃巾賊起寵有強弩千張

故唯陳國保全開元九年移孔子廟弩臺上東門池在州

城東門內道南詩陳風東門之池可以漚麻即此池

八卦臺及壇縣北一里古者伏羲氏始畫八卦于此

太康縣緊南至州本漢陽夏縣地屬淮陽國後漢屬陳國

後魏孝昌四年置陽夏郡以縣屬焉隋文帝改陽夏為大

業縣

蔡水西北自汴州尉氏界流入

元和郡縣圖志卷之八

渦水首受蔡水東流經縣北

縣理城即漢陽夏縣城夏后太康所築漢五年高祖追擊項羽至陽夏南羽敗走固陵是也

項城縣上西北至州一百里漢項縣古項子國春秋齊師滅項至楚

襄王徙都陳以項為別都按此城即楚築在漢屬汝南郡晉屬陳國隋文帝改項縣加城字屬陳州東晉孝武敗秦將苻榮攻陷壽春苻堅捨大軍於項城輕騎八千兼道赴之時有諛曰堅不過項堅出令曰敢言吾在壽春者援其舌衆諫不從堅遂敗

武丘縣東南四十里本名丘頭魏王陵密謀廢立司馬宣王將中軍討陵大軍掩至百尺堰陵自知勢窮軍到丘頭面縛水次因改丘頭為武丘以旌其功即此也

小汝水西南流入去縣五十里  
公路故城縣東四里漢末袁術所築

故誘城縣北三十里魏毋丘作亂西至項鄧艾督軍至樂嘉以誘之後人因謂之誘城

百尺堰縣東北三十五里司馬宣王討王陵軍至百尺堰即此地

南頓縣上北至州七十五里本漢舊縣屬汝南郡古頓子國後逼于

陳南徙故號南頓其城楚令尹子玉所築後漢世祖父欽

元和郡縣圖志卷之八

嘗為此縣令故號南頓君光武生于此縣中宋為南頓郡東魏于

此置和城縣北齊廢郡省縣入和城隋復為南頓縣屬陳

州武德六年省入頓城證聖元年以鄉有光武鄉名符武

氏遂于此置光武縣中宗復為南頓

潁水縣西北三十里

小汝水縣西南四十里

高陽丘縣南四十里應陽南頓人兄弟俱有名自比高陽

氏才子故號高陽丘

潁水縣上北至州八十四里本漢汝陽縣屬汝南郡晉屬汝南國宋

又屬汝陽郡隋開皇三年屬陳州十六年改汝陽為潁水

縣建中二年屬潁州興元二年潁州廢改屬陳州

潁水經縣北去縣三里

溉灌城縣東北二十五里本魏將鄧艾所築艾為興農使

行陳潁之間東至壽春艾以為田良水少不足盡地利遂

開築坡塘大興溉灌軍需豐足因名此城

乾谿臺在縣北三里左傳楚靈王有乾谿之臺即此也

西華縣上東至州八十里本漢蕩縣屬汝南郡後漢因之晉無西

華縣宋復置屬陳郡高齊省後魏太和中復置武城縣神

龍元年又為基城景雲復為西華

潁水縣南二十里

元和郡縣圖志卷之八



洧水縣西二十里

集糧城在縣西十里魏使鄧文營田築之貯糧故名

元和郡縣圖志卷第八終

元和郡縣圖志卷第九

河南道五

徐泗州節度使 徐州 宿州 泗州 濠州

蔡州節度使 蔡州 申州 光州

徐州彭城 開元戶四萬九千七百二 鄉九十二  
元和戶三千八百五十八 鄉八十九

今為徐泗節度理所

管州四 徐州 宿州 泗州 濠州

縣一十六 都管戶三萬七千二百五十二

本禹貢徐州之域春秋時為宋滕薛小邾偃陽之地六國時屬楚秦并天下為泗水郡楚漢之際楚懷王自盱眙徙

都之後項羽遷懷王于郴自立為西楚霸王又都于此漢  
改泗水郡為沛郡又分沛郡立楚國按楚國即今州理是  
也宣帝地節元年更為彭城郡尋復為楚國自漢以來或  
理彭城理下邳晉氏南遷又于淮南僑立徐州安帝始分  
淮北為北徐州宋永初二年加淮南徐州曰南徐州而改  
北徐州曰徐州明帝時淮北入魏梁初暫收太清之後尋  
復入魏徐州復理彭城仍立彭城郡高齊及後周不改隋開  
皇二年于此置總管罷郡其所領縣並屬徐州十四年  
廢總管府為彭城郡隋亂陷賊武德四年討平王充改置  
徐州總管府七年改為都督貞觀十七年罷都督初宋高

祖經畧中原以彭城險要置府于此至文帝時王玄謨又  
上表曰彭城南界大淮左右清汴城隍峻整襟衛周固自  
淮已西襄陽已北經塗三千達于齊岱六州之人三十萬  
戶常得安全寔由此鎮後魏大將軍尉元上表曰彭城宋  
之要藩南師來侵莫不用之以凌諸夏輿地志云郡城由  
來非攻所能拔按自隋氏鑿汴已來彭城南控堽橋以扼  
汴路故其鎮尤重

州境東西二百六十九里  
南北六百八十九里

八到西至上都二千八十里  
西至東都一千二百二里

南取堽橋路至定州五百里  
西南取蕭縣路至宋州三百十里

西南取埔橋路至濠州三百九十里  
西北至兗州三百四十里  
東南至泗州五百九十里  
東北至沂州三百五十里  
貢賦 開元 賦 貢 五色土各一斗 上細絹 用綿絹

管縣五 彭城 蕭縣 豐縣 沛縣 滕縣

彭城縣 望下 古大彭氏國也漢為彭城縣屬楚國後漢屬

彭城國宋屬彭城郡隋文帝罷郡為縣屬徐州

定國山在縣東四里魏武定五年慕容紹宗欲擊梁貞陽

侯蕭明營于此山

泗水在縣東去縣十步

州理城貞觀五年築其外城即古大彭氏國漢高祖定天

下以為楚國封弟交為楚王東晉分劉裕為宋公至宋武

帝以皇子義康為彭城王並都于此後宋平北將軍徐州

刺史薛安都乃舉城歸魏

呂梁故城在縣東五十七里春秋時宋之呂邑至漢以為呂

縣城臨泗水高一百四十尺週迴十七里此城東二里有

三城一在水南一在水中渚上一在水北並高齊所築立

鎮以防陳寇

曹公故城在縣東南六十五里在呂梁東岬或言曹公築

此以守呂布西岬有城臨水是布之所固也號曰呂布固

故城在縣北二十六里或曰古崇侯國兗州人謂實中

元和郡縣圖志卷之九

城曰垞

戲馬臺在縣東南二里項羽所造戲馬于此宋公九日登戲馬臺即此也

寒山堰在縣東南一十八里梁蕭明伐魏堰清水以灌彭城呂梁在縣東南五十七里蓋泗水至呂縣積石為梁故號呂梁陳將吳明徹以舟師北破下邳進屯呂梁堰泗水以灌徐州周將將軍烏丸軌達奚長儒率兵救援軌取車輪數百連鑠貫之橫斷水路然後募壯士夜決堰至明陳人始覺潰亂爭歸至連鑠之處生擒明徹

蕭縣上 東北至州六十里

本古之蕭國春秋時宋邑漢蕭縣屬沛郡北齊改為承高縣屬彭城郡開皇三年罷郡屬徐州改為龍成縣尋復為蕭縣

丁公山在縣東南二十里丁公追漢高帝處

緩與山在縣東二十五里宋高祖緩與里人蓋因里以名山也

智井在縣北二百里左傳楚子伐蕭還無社與司馬言因於智井而極之即此也

豐縣上 東南至州一百七十五里

本漢舊縣屬沛郡戰國屬梁後漢屬沛國晉同宋改屬北

元和郡縣圖志卷之九

濟陰郡北齊改郡永昌以縣屬焉隋改屬徐州  
豐西澤在縣西十五里漢高帝斬白蛇于此  
沛縣上東南至州一百四十三里

本秦舊縣泗水郡理于此蓋取沛澤為縣名漢興四年改  
名沛郡領三十七縣理相城于此為小沛魏分立譙郡又  
以沛為王國晉不改宋為沛縣改屬徐州隋文帝罷郡縣  
屬仍舊

微山上有微子冢去縣六十五里

泗水西北流入北去縣五十步

泡水即豐水也西去縣百五十步

縣理城即秦沛縣城也初陳涉起沛令欲以沛應之乃令  
樊噲召高祖沛令後悔閉城拒守高祖書帛射城上曰諸  
侯並起今屠沛父老乃殺沛令迎高祖立為沛公十二年  
高祖破黥布還過沛謂沛父老曰遊子悲故鄉吾雖都關  
中萬歲後吾魂魄猶思樂沛且朕自沛公以誅暴亂其以  
沛為朕湯沐邑

故留城在縣東南五十五里高祖令張良自捧齊三萬戶  
良曰始臣起于下邳與陛下會留乃封良為留侯故沛宮  
在縣東南一里高祖過沛置酒歌大風即此宮也  
泗水亭在縣東一百步高祖微時為亭長于此

滕縣上 南至州二百里

本古滕國漢蕃縣也屬魯國宋屬彭城郡漢末太傅陳蕃子逸為魯相改音皮後魏置蕃郡以縣屬焉北齊郡縣並廢隋于此置滕縣屬徐州按古滕國在縣西南十四里滕城是也

奚公山在縣東南六十六里奚仲初造車於此處

公丘故城在縣西南十五里夏侯嬰初為滕令故號滕公按此時高祖未立屬縣故滕為秦縣至武帝改為公丘縣屬沛國

故薛城在縣東南四十三里薛侯國也孟嘗君時薛中六

萬家其中高厚天下無比此田文以抗禦楚魏也合鄉故城在縣東二十三里即論語所謂五鄉是也

宿州符離上 元和戶八千六百七十六 鄉三十六

本徐州符離縣也元和四年以其地南臨汴河有堽橋為舳艫之會運漕所歷防虞是資又以蘄縣北屬徐州疆界闊遠有詔割符離蘄縣及泗州之虹縣置宿州取古宿國為名也

州境東西南北

八到西北至上都一千九百里

西北至東都一千四百里  
東南至泗州四百二十里  
東南至淮百里與濠州中分流為界從界至濠州一

百里

北至徐州一百五十里  
西至宋州三百三十里  
貞賦 開元 貢

管縣三 符離 蘄縣 虹縣

符離縣上 北至州一百五十里

本秦舊縣漢屬沛郡高齊時屬睢南郡開皇三年罷郡以  
縣屬徐州爾雅曰莞符離也以地多此草故縣取名

睢水自縣西北流入

故相城在縣西北九十里蓋相土舊都之所

靈壁故城在縣東北九十里漢二年漢王入彭城項羽以

精兵三萬人晨擊漢軍于靈壁東睢水上大破之睢水為  
之不流

蘄縣上 北至州二百三十二里 本漢舊縣漢屬沛郡後

漢屬沛國有大澤鄉陳涉起兵于此為狐鳴宋于此置譙  
郡齊以為北譙郡後魏改蘄縣為蘄城縣隋開皇三年去  
城字屬仁州即今宿州大業二年屬徐州八年屬譙州七

年復隸徐州

淮水西南流入經縣南七十里

渙水西自臨渙縣界流入

渦水南去縣一百里  
蘄水去縣三十里

元和郡縣圖志卷之九

虹縣上 西至州二百里

本漢舊縣屬沛郡虹音貢漢書作虹字梁武帝于此置貢城戍後魏復置虹縣周大象中省以地屬晉陵縣開皇十八年改晉為夏丘縣武德四年於今縣南百里故虹城重疊置虹縣屬仁州貞觀八年屬泗州貞觀十三年移今理縣臨汴河

赤坎故城在縣西南五十九里梁天監八年置赤坎戍潼陂一名萬安湖周迴二十里在縣北五里

垓下聚在縣西南五十四里漢高祖圍項羽於垓下大破之即此地也按漢汝縣屬沛郡垓下即汝縣之聚落名也

汶音絞圖經云項羽墓在縣南六里按羽死後高祖以魯公禮葬羽於穀城在今鄆州東阿縣界言在此俗說之謬也

廣濟渠按開元二十七年河南採訪使齊澣以江淮運漕經淮水波濤有沉溺之憂遂開廣濟渠下流自虹縣至楚州淮陰縣北十八里合于淮踰時畢功後以水流峻急行旅艱阻旋又停廢却由舊河

泗州臨淮開元戶三萬三百五十 元和戶四千一十五 鄉六十 鄉五十

禹貢徐州之域春秋時屬魯又為徐子之國後為楚所滅秦為泗水郡地漢興改泗水為郡武帝分置臨淮郡後漢



下邳太守理此自晉訖後魏並為宿預縣後魏于此置東  
徐州周宣帝大象二年改為泗州大業三年改為下邳武  
德四年復為泗州開元二十三年自宿遷縣移於今理

州境東西二百八十五里  
南北三百七十九里

八到西北至上都三千三百二十里  
西北至東都一千四百七十里  
東南陸行至揚州二百七十三里  
東水路至楚州二百二十里  
西南至濠州二百一十里  
西北至埭橋四百二十里

貢賦開元  
賦  
絹  
布  
麻布  
細貨布

管縣五 臨淮 宿遷 徐城 漣水 下邳

臨淮縣緊郭下

本漢徐縣地長安四年分徐城南界兩鄉于沙塾村置臨  
淮縣南臨淮水西枕汴河開元二十三年自宿遷移于今  
理

宿遷縣上 南至州二百一十里

春秋時宋人遷宿之地至漢為菑猶縣屬臨淮郡晉安立  
宿預縣開皇三年屬泗州寶應元年以犯代宗廟諱改為

宿遷縣

淮水入縣境南與楚州山陽縣分中流為界

舊州城梁將張惠紹北入軍所次憑固斯城塹其羅引水  
環之今城在泗水之中

元和郡縣圖卷之九

下相故城在縣西北七十里秦故縣也項羽即下相人也  
應邵曰相水出沛國亦曰下相

魯肅廟在縣東南一里肅臨淮人後人為之立廟

徐城縣中東至州五十里

本徐子國也周穆王末徐君偃好行仁義視物如傷東夷  
歸之者四十餘國穆王聞徐君威德日遠乘八駿之馬使  
造父御之發楚師襲其不備大破之殺偃王其子遂北徙  
彭城原東山之下百姓歸之號曰徐山按山今在下邳縣  
界楚漢之際項羽置東陽郡漢誅英布置徐縣屬臨淮郡  
後漢以臨淮郡合于東海明帝又分東海為下邳國理於

此晉太康三年復置徐縣屬臨淮郡梁于此置高平郡及  
高平縣開皇十八年改為徐城縣泗州理大徐城大業四年  
移于今理

淮水西南自虹縣界流入

永春湖縣南二里周迴三百六十三里其中多魚尤出朱  
衣付

大徐城在縣北三十里

徐君墓在縣北三十二里季札掛劍處

連水縣上西至州一百六十里

本漢瓜猶縣之地後漢為徐縣之地晉為宿遷縣之境宋

元和郡縣圖志卷之九

明帝于此置東海郡。又于城北置襄賁縣，屬焉。後魏改為海安郡。開皇三年，廢郡，以縣屬海州。五年，改襄賁為連水縣。因縣界有連水，為名。武德四年，置連州，縣屬焉。貞觀元年，廢連州，縣屬泗州。

海水在縣東北一百四里。

淮水西南自宿遷縣界流入。

沐水，俗名連水，西南自海州沐陽縣流入。

碩濩湖在縣北百一十六里，與海州朐山縣中分為界。下邳縣上，東南至州一百七十五里。

本夏時邳國，後屬薛。左傳：薛之祖奚仲遷於邳，是也。春秋併於宋。戰國時屬楚，後屬齊。至秦曰下邳縣，漢屬東海郡。魏志：曹公征呂布于下邳，生擒布，令東中郎將鎮下邳。宋改為下邳縣，屬東徐州。周改東徐為邳州，隋省邳州，以縣屬泗州。

嶧陽山在縣西六里。

泗水西自彭城縣界流入。

淮水自縣西流入，去縣六十里。

沂水經縣北，分為二水。一水於城北西南入泗，一水經城

東，屈農縣南，亦注泗，謂之小沂水。二上有橋，昔張子房過

黃石公於圯上，即此處也。南人謂橋為圯，故郟城在縣

元和郡縣圖志卷之九

東北一百五十里古郟子國城孔子問烏官于郟子即此地也

縣理城古郟國城也魏武征呂布于下邳決泗水引沂水以灌其城即此處也接下邳城有三重大城周迴十二里半中城周四里呂布所守也魏武擒布于白門即大城之門也小城累塼堅峻周二里許西南又有一小城周三百七十步征虜將軍石崇所築也石鼈屯晉穆帝升平初荀羨為北部都尉鎮下邳起田于東陽之石鼈在縣臨津郟界公私利之北齊廢帝乾明中尚書左丞蘇珍芝又議修石鼈等屯歲收數十萬石自是淮南軍防糧儲充足

濠州鍾離

開元戶二萬五百五十二元和戶二萬七百二

鄉四十一鄉四十二

禹貢揚州之域春秋時為鍾離子之國後為吳楚所爭之

地左傳楚子為舟師以畧吳疆滅鍾離又史記楚平王時

鍾離人與吳邊邑畢卑梁小僮爭桑而二邑交相攻滅秦

并天下屬九江郡漢置鍾離縣後隸九江郡晉立為鍾離

郡宋因之宋明帝失淮北地復立徐州于此後廢帝改號

北徐州梁因之以昌義之為北徐州刺史鎮鍾離魏鍾山

王元英將軍楊大眼率眾數十萬來寇鍾離城北沮淮水

魏人於州東劓揚州作浮橋晝夜攻城分番相代義之善射

每彎弓所向莫不應弦而倒一日戰數十合魏軍死者與

元和郡縣圖志卷之九

城中平會高祖遣曹景宗率軍二十萬來救魏軍大敗英  
 與大眼脫身而走因輕騎追至洛口州後入高齊文宣帝  
 改為西楚州隋開皇三年改濠州因水為名大業三年改  
 為鍾離郡南北朝皆為重鎮隋亂臨賊武德五年杜伏威附  
 改為濠州按濠州本屬淮南與壽陽阻淮帶山為淮南之  
 險貞元元年竇叅為相于是據淮割地隸屬徐州及徐州  
 節度使張建封死子愔為本軍所立常挫王師其時朝廷  
 幾失淮南之地蓋叅不學無術昧于疆理之制所由致也  
 自貞元以後州西渦口對岫置兩城刺史常帶兩城使以  
 守其要濠字中間誤去水元和三年字又加水焉

州境東西南北  
 一百六十里  
 一百一十里  
 一千五百一十里  
 二千三百七十五里  
 八到  
 北取虹縣路至上都  
 西北至東都一千五百一十里  
 東北至楚州盱眙縣二百二十里  
 從縣至楚州一百九十里  
 西南至壽州二百二十里  
 東南至滁州二百三十里  
 南至廬州三百三十里  
 東北至泗州三百二十里  
 西北至徐州四百五十里

貢賦開元  
 賦官純  
 純絹  
 綿布

管縣三  
 鍾離  
 定遠  
 招義

鍾離縣上  
 郭下

本漢舊縣屬九江郡至晉屬淮南郡安帝時因東郡燕縣

元和郡縣圖志卷之九

流入在鍾離者於此置燕縣至高齊復為鍾離縣  
塗山在縣西九十五里

淮水西南自壽州界流入

西濠水出縣西南莫邪山北入淮

東濠水出縣南濠塘山東北入淮

當塗縣故城本塗山氏國在縣西南百一十七里禹娶于  
塗山即此也

荆山堰在郡城西百一十二里梁天監十四年魏降人王  
足陳計於武帝求堰淮水以灌壽陽引北方童謠曰荆山  
為上格浮山為下格潼汜為激溝并灌鉅野澤帝遂發

徐陽人率二十戶取五丁以築之令太子右衛率康絢左  
衛將軍昌義之護作令戰士二十萬人於鍾城南起浮山  
堰北抵峴石至十四年四月堰將合淮水漂度輒復決潰或  
言江淮多蛟龍其性惡鐵于是東西二治故鐵器大則金  
釐小則鏤鉏數千萬斤沉于堰所猶不合緣淮百里內木  
石皆盡負者肩上皆穿士卒死者十七八五年四月堰乃  
成壽陽城戍移頓于公山淮水清人之墳墓皆歷歷見於  
水底或謂絢曰四瀆者天地所以節宣其氣不恒久塞  
既而昏霧三日霧解而堰決殺數萬人其聲若雷聞於三  
百里水中恠物随流而下或人頭魚身龍形馬首殊類詭恠

不可勝言

莊周臺在縣西南七里濠州水經其前莊子與惠子觀魚之所又云觀魚臺

定遠縣

上

北至州一百里

本漢東城縣地屬九江郡梁武帝天監初置屬定遠郡高齊改為大安郡仁壽元年廢郡改定遠縣為臨濠縣屬濠州國朝復為定遠縣

浴水經縣西四十里

陰陵縣故城在縣西北六十五里本漢縣也項羽敗于垓下將麾下八百騎潰圍南走灌嬰追羽至陰陵羽迷失道

問田父田父詒曰左左乃陷大澤以故漢兵及之

東城縣故城在縣東南五十里項羽自陰陵至此尚有二十人騎南走烏江亭灌嬰等追羽楊喜斬羽於東城即此地也

招義縣

上

西至州一百四十里

本漢臨淮縣屬臨淮郡後漢屬下邳郡宋孝武自淮北徙睢陵縣改為池南縣陳為招義縣大業元年為化明縣屬濠州武德七年更名招義縣

淮水西鍾離縣界流入

浮山堰在縣西北六十里梁天監十三年與荆山堰同時

元和郡縣圖志卷之九

修築

蔡州

蔡汝南

開元戶五萬一千二百一十  
元和戶一萬二百六十三

鄉一百七

今為蔡州節度理所

管州三 蔡州 申州 光州 縣十二

古豫州之域春秋時為蔡江黃道柏故蓼沈頓項息房呂  
十三國之地七國時屬魏秦兼天下為三川河東南陽潁  
川碭泗水節七郡之地漢立汝南郡領二十七縣理平輿  
宋元嘉中後魏太武率兵圍汝南郡太守陳憲拒守四十  
餘日魏人積屍與城齊不拔而退宋文帝又於懸瓠城今  
理置司州其後太武收河南地獻文改司為豫州周大象

二年改為舒州隋文改為豫州移入懸瓠城今理是也仁  
壽四年改為溱州大業二年改為蔡州三年罷州為汝南  
郡武德四年復置豫州寶應元年以避代宗廟諱復改為  
蔡州

州境東西四百一十七里

八到西北至上都一千四百三十里

南至申州二百五十里  
西至唐州二百一十里  
東至陳州二百二十里  
北至潁州三百六十里  
東南至光州三百二十里

貢賦 開元

賦 龜甲雙鵝鵝綾長安四年改為四窠雲綾

元和郡縣圖志卷之九

夫



管縣十二

汝南	汝陽	平輿	吳房	西平	朗山
新息	真陽	上蔡	新蔡	褒信	郾城

汝南縣 望 郭下

管四界

本漢舊縣也屬汝南郡晉屬汝南國宋屬汝陽郡隋開皇二年罷郡縣屬豫州仁壽四年改豫州為濬州以縣屬焉大業二年又移於今理屬蔡州

汝水經縣西南二里

州理城古懸瓠城也汝水屈曲形若垂瓠故城取名焉平

輿故城漢縣也古沈子國在縣東北六十里

鴻和波在縣東十里成帝時波溢為害翟方進為丞相以為決去波水其地肥美省隄防之費遂奏罷之王莽時嘗枯旱郡人追怨方進童謠曰壞波誰翟子威飯我豆食羹成芋魁反乎覆波當復誰者云兩黃鵠及建武中太守鄧晨使許陽為都水掾令復鴻和波陽曰昔成帝夢上天天帝怒曰何故壞我濯龍池于是乃回高下形勢起塘四百餘里數年乃立今廢

平輿縣 中 西至州六十二里

本漢平輿縣地屬汝南郡高齊廢大業二年重置十三年元和郡縣圖志卷之九

昭王世充置興州管平輿一縣武德中屬蔡州貞觀元年廢天授二年重置

汝水在縣南四十二里

葛陂周迴三十里在縣東北四十里費長房投杖成龍處吳房縣上東南至州九十里

本漢舊縣屬汝南郡後魏置襄城郡仍立遂寧縣以屬焉隋改為濯陽縣大業二年改為吳房縣

西平縣上東南至州一百五十里

本漢舊縣屬汝南郡後魏置即春秋時栢國也古韓地之分蘇秦說韓王曰韓有劔戟出於棠谿今此縣西界有棠

谿村是也縣又有龍泉水可以淬刀劔自漢至後魏皆為西平縣地隋末廢天授三年復置

朗山縣上東北至州九十一里

本漢安昌縣地屬汝南郡漢省後魏太武真君二年於朗陵故城復置隋開皇三年移于今理屬豫州十六年改為朗山縣

朗陵山一名大朗山在縣西北三十里

淮水經縣理南去縣一百二十里

道城古道國也在縣東北二十里

朗陵故城漢縣也在縣西南三十五里晉何曾所封之邑

元和郡縣圖志卷之九

六

也。

四望故城在縣東南七十里。後魏太和十一年，豫州刺史王肅於四望陂南築之以禦梁。太清二年，豫州刺史羊鷓仁以二魏交通，糧運懸斷，乃棄懸瓠，歸於義陽。上表曰：臣輒率所領，縮還舊鎮，仍留夏紹等，停四望城防備，即此城也。

新息縣上 西北至州二百里。

本息侯國為楚所滅，漢以為新息縣，屬南郡。周武帝于此置息州，領此縣。隋大業二年，州廢，改屬豫州。武德置于此，重置息州，貞觀元年廢，以縣屬豫州。

淮水自西流入，經縣南去縣五里。汝水自西流入，經縣北去八十里。

王梁渠在縣西北五十里。隋仁壽年脩築，開元中縣令薛務更加疏導，兩岍通管陂一十六所，利田三千餘頃。

珉玉坑在古息城東南五步，周迴一百八十步，深三尺。其玉顏色潔白，堪為器物。隋朝官採用，貞觀中亦令採取。其後為淮水所沒，開元中淮水東移，珉坑重出，其玉溫潤倍勝。昔時蔡州至今以為厥貢之首。

賈君祠在縣北一里，名彪，字偉節。後漢時為新息長人，例不養子，彪嚴其制，所活數千，僉曰賈父。後為立祠。

新息故城在縣西南十里

真陽縣 中北至州一百里

本漢慎陽縣屬汝南郡晉屬汝南國後魏改為真陽縣高齊改為保城縣開皇十六年改置真丘縣大業二年復為真陽縣因慎水為名也

淮水經縣南去縣八十里

慎水出縣西南二十里

上蔡縣 上南至州七十里

本漢舊縣也古蔡國晉上蔡縣屬汝南國後魏神龜三年於此置臨縣高齊廢隋文開皇十二年移於今理為上蔡

### 縣

蔡崗在縣東十里周迴五十里

汝水西去縣十五里

新蔡縣 上西北至州一百五十里

本漢舊縣古呂國也漢屬汝南郡晉屬汝陰郡宋屬新蔡郡東魏孝靜帝於此置蔡州開皇十六年於此置舒州領大寧縣仁壽二年改縣為汝大業二年改為新蔡縣屬蔡

### 州

汝水經縣南去縣

褒信縣 中西北至州一百八十里

元和郡縣圖志卷之九

本漢郟縣之地。後漢分立褒信縣。屬汝南郡。晉屬汝陰郡。宋改為褒信縣。大業二年改褒信縣屬蔡州。

淮水經縣南去縣七十五里。

汝水經縣東北去縣五十五里。

白亭在縣東南四十二里。左傳楚白公勝所封之地。

郟城縣緊東南至州一百八十里。

本漢七國時魏之下邑。史記楚昭陽伐魏取郟。西漢以為縣。屬潁川郡。光武謂賈復曰。郟最大。宛次之。復曰。臣請擊郟。帝執復手曰。執金吾擊郟。吾復何憂。謂此城也。宋元嘉二年將軍劉緬說曰。郟城有百年之福。若北朝保之未可。

敵也。遂遣將軍殷祖焚其倉糧。高齊於今縣置潁川郡。開皇三年廢。五年又於廢郡城中置郟城縣。屬許州。武德四年於此置道州。貞觀元年廢。以縣屬豫州。

汝水經縣西北去縣七十八里。

大激水上承汝水。自襄城至歧頰城。分流南為汝水。北為

激水。

小激水。縣西北六十里。至縣合為大激水。

邵陵故城在縣東四十五里。春秋齊桓公帥諸侯之師盟

於邵陵。此其處也。漢置邵陵縣。屬汝南郡。隋廢入郟城。征

羗故城在縣東南七十五里。本秦安陵縣。建武十二年來

元和郡縣圖志卷之九

欽征西羗有功故改名以封之

申州中義陽本屬淮南道貞元已後隸蔡州節度

開元戶二萬一千二百一十四  
元和戶六百一十四  
鄉四十二  
鄉二十一

禹貢荊州之域又古中國也鄭武公娶于申曰武姜在周為

侯伯後為楚所滅秦并天下屬南陽郡魏文帝分置義陽

縣自後省置不常宋元嘉末於此立司州自後入後魏為

郢州入梁為司州周武帝平齊改為申州大業二年改為

義州武德四年復置申州

州境東西一百七十八里

八到西至上都一千七百里  
西北至東都九百四十二里

東北至光州二百六十里  
南至安州二百六十里  
西北至唐州二百六十里  
西南至隨州二百三十里  
北至蔡州二百八十里

貢賦開元  
賦  
葛十疋  
布  
紵  
綿  
絹

管縣三 義陽 鍾山 羅山

義陽縣上  
郭下

本漢平氏縣義陽鄉之地也魏文帝分平氏立義陽縣江

左省義陽縣地入平春縣晉孝武帝改平春曰平陽隋開

皇三年改平陽為義縣屬申州大業二年改屬義州皇朝

復屬申州

元和郡縣圖志卷之九

淮水西自唐州桐柏縣界流入東北經縣去縣三十七里故曹城在縣東三十八里梁將曹景宗將兵侵魏所築故平靖關城在縣南七十六里舊有此關不知何代創立接義陽有三關之塞此其一也武陽黃峴二關在安州應山縣界長老云此關因山為障不營濠隍故名平靖關鍾山縣上西至州四十里

本漢鄆縣也屬江夏郡宋永嘉初屬義陽郡高齊于此置齊安郡後改為萬歲郡開皇三年罷郡為齊安縣仍屬申州四年以近鍾山改齊安為鍾山縣淮水經縣北四十里

溇水出縣南霸山去縣七十五里山石之間波流塞澁因以為名

石城在縣西南二十一里石城山本晉義陽縣所理羅山縣上西南至州一百一十里

本漢鄆縣地深武帝置西汝南郡於此開皇三年併入鍾山十六年于鍾山析置羅山縣屬申州武德四年置南羅州領羅山一縣八年州廢以縣屬申州羅山在縣西南九里

淮水經縣北去縣二十里

光州弋陽中本屬淮南道貞元已後隸蔡州節度

元和郡縣圖志卷之九

開元戶二萬九千六百九十五  
元和戶一千九百九十

鄉六十一  
鄉六十二

禹貢揚州之域春秋時弦國之地魯僖五年楚人滅弦  
子奔黃在秦屬九江郡在漢為西陽屬江夏晉安帝立光  
城縣理于此梁末於縣置光州大業二年罷州為弋陽郡  
武德三年改為光州總管府貞觀元年為光州總管府大

極元年自光山縣移今理

州境東西四百四十三里  
南北二百三十五里

八到  
西北至上都一千七百三十里  
東北至壽州四百三十里  
西北至東都九百二十里  
西南至申州二百六十里  
東南至大別山三百里  
西北至蔡州三百里

貢賦

開元 賦 萬十疋

生石斛六十斤

管縣五

定城 殷城 固始 光山 仙居

定城縣 郭下 本漢弋陽縣屬汝南郡自漢至蕭齊常為弋  
陽城武德三年置弦州領定城一縣貞觀元年省定城屬  
光州

淮水北去縣六十七里

黃國故城在縣西十二里春秋時黃國後為楚所滅

殷城縣 中 北至州 一百二十里 本漢期思縣地屬汝南郡宋僑立苞

信縣于此梁以苞信縣為義州隋開皇四年改苞信縣為

元和郡縣圖志卷之九

苗



殷城縣屬弋陽郡武德三年重置義州以縣屬光州  
澮水在縣西五里

定城關在縣南四十里高齊以南迫陳境因置此關隋廢  
溫湯在縣南山中其湯綠色

固始縣上西南至州一百五十五里

本漢封蓼侯之地春秋蓼國楚并之今縣城是也自東晉  
已後蓼縣省宋明帝失淮北地乃于僑立新蔡郡領固始  
一縣開皇七年改屬義州大業三年廢義州屬弋陽郡  
淮水經縣北八十里

茹陂在縣東南四十八里建安中劉馥為揚州刺史典築

以水溉田

孫叔敖祠在縣西北隅七十五里

光山縣上北至州三十里

本漢西陽縣也屬江夏郡魏屬弋陽郡宋孝武帝大明初  
於此立光城縣隋開皇三年廢入樂安縣十八年又置光  
山縣

光山一名弋山在縣西北八十里

淮水經縣七十里

木陵故關在縣南一百三十二里齊魏二境齊置此關以  
為禁防周因不改隋開皇九年平陳後廢

仙居縣中東至州一百里

本漢軹縣音第春秋時弦國楚滅之漢以為縣屬江夏郡至宋分立樂安縣天寶元年改為仙居縣西有仙居因以為名

谷水在縣北九里

軹縣故城在縣北四十里春秋時弦國之都也

仙堂上岐在縣西南十一里梁武大同元年百姓堰谷水為六陂以溉稻田

元和郡縣圖志卷第九終

元和郡縣圖志卷第十

河南道六

淄青節度使管十二州 鄆州 兗州 青州

齊州 曹州 以後分入下卷 濮州 密州

海州 沂州 淄州 萊州 登州

鄆州東平 大都督府 開元戶三萬三千三百八十七 鄉六十二 元和戶

今為淄青節度理所 自曹州以下分入下卷

管州十二

鄆州 兗州 青州 齊州 曹州 濮州  
密州 海州 沂州 淄州 萊州 登州

元和郡縣圖志卷之十

禹貢兗州之域春秋時屬宋郡魯附庸須句國音助太昊之後風姓左傳曰公伐邾取須句戰國時其地屬魏秦為薛郡地在漢為東平國屬兗州後漢封皇子蒼是為憲王宋及後魏並為東平郡周宣帝於此置魯州尋廢隋分兗州萬安縣置鄆州大業三年罷州為東平郡隋亂陷賊武德五年討平徐圓朗于今鄆城縣置鄆州為總管府本理鄆城貞觀八年以下濕移理須昌貞元三年升為都督府

州境東西一百八十七里南北二百六十四里西南至上都一千八百二十里西南至東都九百六十五里東北至齊州二百八十里東南至兗州一百九十里

西至曹州三百三十里北渡河至博州一百八十里

貢賦開元賦綿絹一十五疋

管縣十 東平 須昌 陽穀 壽張 盧縣

東河 鄆城 鉅野 平陰 中都

東平縣望郭下古宿國左傳曰公敗宋人盟于宿是也後齊為無鹽地漢於此置須昌縣屬東平郡縣理無鹽城隋別置須昌縣屬鄆州改漢須昌縣為宿城縣貞元三年移于州理改為東平縣

須昌縣望郭下

本漢舊縣屬東郡故須句國按此前須昌縣在今縣東南元和郡縣圖志卷之十

三十二里。須昌故城是也。隋改須昌為宿城縣，更立須昌縣于今理，屬鄆州。縣在州南四十五步。

濟水南自鄆城縣界流入，去縣西二里。

州理故須句城。左傳：任宿、須句、顓臾，皆風姓也。注曰：須句，雖列國而削弱，不能自通。魯私屬，若顓臾之比也。

無鹽故城在縣東三十六里，古宿國也。列女傳曰：無鹽有醜女，名宿瘤。齊宣王善之，立為夫人，即此縣女也。

清水石橋在縣西三里。隋仁壽元年造石作華巧，與趙州石橋相埒，長四百五十尺。

東平思王宇墓在縣東四十九里。漢東平思王宇，宣帝子，後薨葬于此。其冢松柏皆西靡，王奢侈，生葬所愛幸者，守冢者常聞號呼，數年後乃不復聞聲。

陽穀縣上，東南至州七十五里。

本漢須昌縣地。隋于此置陽穀縣，取東阿縣界陽穀亭為名也。屬濟州。天寶十三年，濟州為河所陷沒，以縣屬鄆州。黃河在縣北十二里。

故伏城在縣東南二里，蓋伏生所居，因號之。壽張縣緊，東北至州四十五里。

本漢壽良縣也。屬東郡。後漢光武以叔父名良，改曰壽張。屬東平郡。開皇三年，罷郡屬濟州。十六年，割屬鄆州。武德

四年屬壽州五年廢壽州屬鄆州

梁山在縣南三十五里漢書曰孝王北獵梁山是也壽州

故城在縣東南十五里隋末百姓築以為堡武德四年於

此置壽州

呂母垓在縣東南三十五里後漢東海呂母合衆於此充

州人謂城實中曰垓音直加反

盧縣縣東南至州一百里

本漢舊縣也屬泰山郡都尉理之濟北王所都後漢盧縣

屬濟北國宋屬北郡開皇二年罷郡縣屬濟州大業三年

復為濟北郡武德四年討平王充復為濟州按濟州理碣

碣城碣音若高反本秦東郡之荏平縣地也其城西臨黃河

晉末為河水所毀移理河北博州界事具博州宋元嘉二

十年寧朔將軍王玄謨前鋒入河平碣碣立戍守之都督

劉義恭以沙城不堪守召玄謨毀城而還後更城之後魏

畧得河南置鎮守八年於此置濟州至天寶十三載州為

河所隔廢

碣碣津在縣北一里後魏於此置關名濟州關隋末廢

劉公橋架濟水在縣東二十七里宋武帝伐燕過此造橋

故俗呼為劉公橋隋末廢貞觀元年重造長十二丈濶一丈

二尺

東阿縣 緊 南至州五十里

本漢舊縣也。春秋時齊之柯地。左傳曰：公會齊侯盟于柯。注曰：此柯今濟北東阿。齊之柯邑猶祝阿也。漢志東阿縣屬東郡都尉理。昔屬濟北國。開皇三年屬濟州。天寶十三年濟州廢縣屬鄆州。

魚山一名吾山在縣東南二十里。瓠子歌曰：吾山平兮巨野溢。魚佛鬱兮迫冬日。即此山也。曹子建每登此山有終焉之志。及亡葬于山下。

穀城山在縣東三十二里。黃石公出一編書與張良曰：後十二年孺子見我濟北穀城山下黃石。即我也。是其處也。

東阿故城在縣西二十里。漢東阿縣城也。晉太康後省。魏志程昱謂范令靳允曰：曹使君智殆天所授。君必固范。戍守東阿。則田單之功可立。謂此城也。水經注曰：東阿天井。巨若輪。深七八丈。每歲取此井水煮膠入貢。本草所謂阿膠也。

陽穀亭在縣東南四十二里。左傳齊桓公會諸侯于陽穀是也。

項羽墓在縣東二十七里。初羽為魯公。羽死後魯猶為楚守。漢王示以羽首。魯方降。羽死乃以公禮葬於此。

鄆城縣 緊 東北至州一百里

元和郡縣圖志卷之十

本漢壽良縣地左傳曰晉人執季文子于荅丘還待于郟  
按古郟城即今縣是也漢魏皆為壽張縣地開皇四年改  
為萬安縣十六年于此置郟城縣貞觀八年移郟州于須  
昌縣郟城依舊

黎丘在縣西四十五里春秋時黎侯寓于衛因以為名黎  
之臣子諷衛侯歸國作詩曰胡為乎泥中蓋惡其卑濕也  
鉅野縣望西北至州一百二十里

本漢舊縣也屬山陽郡鉅野澤在縣東五里即魯西狩獲  
麟處武德四年于此置麟州其地以是獲麟之地故以為  
名五年廢麟州以縣屬郟

獲麟堆在縣東十二里春秋時十四年經曰西狩獲麟大  
野澤一名鉅野在縣東五里南北三百里東西百餘里爾  
雅十數魯有大野西狩獲麟于此澤

蚩尤墓在縣東北九里今山陽鉅野縣有蚩尤肩髀冢按  
黃帝殺蚩尤于涿鹿之野身體異處故別葬焉

平陰縣上西南至州一百二十里

本漢肥城縣地屬泰山郡古肥子國開皇十四年于今縣  
西北二十八里置榆山縣大業二年移于今理仍改名平  
陰屬濟州天寶十三載州廢縣割隸郟州  
陶山在縣東三十五里范蠡葬處

黃河去縣十里

平陰故城在縣東北三十五里左傳曰晉侯伐齊侯禦諸平陰

故長城首起縣北二十九里齊湣王所築蘇代謂燕王曰齊有長城巨防足以為塞是也

左丘明墓在縣東南五十五里

中都縣上西北至州一百里

一本中都在兗州之末本魯國邑也定公以孔子為中都宰一年四方皆則之禮記曰夫子制于中都四寸之棺五寸之槨由中都宰為司寇故城在今縣西三十九里一名殷

密城至漢以其地為東平陸縣屬東平國齊高帝改平陸縣為樂平縣隋復改樂平為平陸縣屬兗州天寶元年改為中都割屬鄆州今却隸兗州

汶水北去縣二十四里又北入須昌縣界

桓水在縣西八十里晉桓溫進軍北次金鄉鑿鉅野三百里以通舟運自清水入河以是所鑿故曰桓水亦曰栢河

兗州魯郡都督府中開元戶六萬七千三百九十七鄉一百三十三

禹貢兗州之域兼得徐州之地春秋時為魯國按武王即位封周公於少昊之墟曲阜之地周公不就封留佐武王武王崩又相成王其子伯禽乃就封之魯自伯禽至頃公

元和郡縣圖志卷之十



三十四君為楚考烈王所滅六國時地屬楚秦滅楚以魯為薛郡漢高后時更為魯國後漢仍為魯國兗州所理不恒獻帝初平三年移兗州濟陰之鄆城以魏太祖曹操為兗州牧魏仍移兗州理東郡之廩丘晉不改永嘉之後陷于石勒北州流人南渡成帝立南兗州寄理京口宋武平河南又得其地置兗州後又屬魏宋文帝元嘉八年理廣陵二十八年理盱眙二十年復理廣陵大業元年於兗州置都督府二年改為魯州三年改為魯郡十三年為賊徐圓朗所據武德五年討平圓朗改魯郡置兗州貞觀十四年改置都督府謹按禹貢導沅水東流為濟截河南渡

東與荷澤汶水會又東北入于海兗州在濟河之間因濟水發源為名今郡理乃非其境至周置兗州始兼得今郡之地而濟水自王莽末入河同流于海則河南之地無濟水矣自後所說皆習舊名

州境東西二百三十一里  
西南至上都一千八百九十五里  
八到西南至宋州四百里

東至沂州三百八十里  
西至曹州三百七十里

東南至徐州  
西南至鄆州四百里

西北至鄆州一百九十里  
正北微東至齊州三百三十里

貢賦 開元 鏡花綾二十疋 防風二十斤

管縣十一

瑕丘、金鄉、魚臺、鄒縣、龔丘、乾封

萊蕪、曲阜、泗水、任城、中都見鄆州

瑕丘縣上郭下

本漢縣屬山陽郡即魯之負瑕邑也左傳曰季康子伐邾子益來囚請負瑕宋元嘉十三年立兖州理瑕丘城而瑕丘無縣至隋文帝割鄒縣汶陽平原三縣界立瑕丘縣屬

兖州

洙水東去縣二十三里

泗水東自曲阜縣界流入與洙水合

淮安王神通營在瑕丘故城中武德五年平賊徐圓朗屯兵之處也

又有管國公任瓌薛國公長孫順德原國公史萬寶壘列營相次各周迴五里

堯祠在縣東南七里洙水之西

金鄉縣望東北至州一百八十里

本漢東緡縣也屬山陽郡即古之緡國城左傳曰夏桀為仍之會有緡叛之陳留風俗傳曰東緡縣者故陽武戶牖鄉也漢丞相陳平即此鄉人也後漢於今兖州任城縣西南七十五里置金鄉縣蓋因穿山得金故曰金鄉屬山陽國

武德四年於此置金州五年廢為戴州貞觀中廢戴州縣屬兗州

昌邑故城在縣西北四十二里其中城周十餘里外城周三十餘里中有鐵柱出地數尺漢景帝三年吳楚趙膠西濟南菑川膠東七國俱反天子命條侯周亞夫將三十六軍擊吳楚亞夫至淮陽問父客鄧都尉策安出客曰莫若引兵東北壁昌邑以梁委吳將軍深溝高壘使輕兵絕淮泗口塞吳餉道吳梁相策乃以全制其極破吳必矣條侯從之吳王以正月起三月皆破滅即此城也

魚臺縣上東北至州一百九十里

本漢方與縣屬山陽郡高齊文宣帝廢開皇年復置

方與縣屬戴州貞觀十七年廢戴州縣屬兗州寶應元年改為魚臺縣因縣北有魯君觀魚臺為名

縣埋城即漢方與城地也

河水即濟水也一名五丈溝西自金鄉界縣流入去縣十里又東南流合泗水泗水東北自任城縣界流入經縣東與荷水合又東流入徐州沛縣界

觀魚臺即武唐亭也在縣北十三里隱公五年公矢魚于棠是也

太山府君祠在縣西十二里

元和郡縣圖志卷之十

鄒縣上

本漢鄒縣地故邾國魯之附庸魯繆公改邾為鄒因鄒山以  
為縣大業二年改兗州為魯州三年罷魯州為魯郡縣  
皆屬焉武德五年罷縣屬兗州按邾國之地陸終之子曹  
姓所封即今鄒縣是也今黃州也又為國之地陸終之後  
所封蓋陸終有六子各為國也

嶧山一名鄒山在縣南二十二里禹貢曰嶧陽孤桐即此也始皇二十

六年觀禮于魯刻石于嶧山晉建武初兗州寄理山上洛  
陽傾覆郗鑿獲歸州鄉人士並宗附之遂共推鑿為主與  
千餘家避難于嶧山中宗假鑿龍驤將軍兗州刺史鎮鄒

山後為石勒所侵逼鑿率文武自嶧山奔下邳

鳧山在縣東南三十八里詩曰奄有鳧繹遂荒徐宅即此  
山也

龔丘縣中南至州五十里

本漢寧陽縣之地屬泰山郡後漢改屬東平國高齊文宣  
帝移置平原縣於漢寧陽縣城北十七里今縣理也隋以  
此縣與德州平原縣同名以縣東南二十里有龔丘城遂  
改平原為龔丘縣屬兗州

青石山在縣西三十里後魏有青石山祠即謂此也其山  
都是一大石耳發地傑立高四十餘丈周迴三里上有石

池二所東西行列有類人功冬夏澄清初無所耗益祈雨輒應故古今祀之

故汶陽城在縣東北五十四里其城側土田沃壤故魯號汶陽之田成二年齊歸我汶陽之田謂此地也

乾封縣上西南至州一百六十里

本齊之博邑延陵季子適齊子死葬于嬴博之間至漢武帝封禪分嬴博二縣立奉高縣以奉山之祀後漢改博縣為博平開皇十七年改博平為博城縣乾封元年高宗封岳析長安以置乾封長安元年廢乃于岱山下改博城縣為乾封縣屬兗州

泰山一曰岱宗在縣西北三十里

社首山在縣西北二十六里

高里山亦曰蒿里山在縣西北二十五里

徂來山亦曰尤來山詩曰徂來之松後漢赤眉渠帥樊崇保守此山自號尤來三老

汶水源出縣東北原山西南流經縣理南去縣三里又有北汶嬴汶柴汶牟述征記曰太山郡水皆名汶按今縣界凡有五汶皆源別而流同也

開元十三年冬玄宗登封泰山登封之夕凝氛昏晦迅風激烈皇帝出齊宮露立以請及明清霽旗幡不搖事畢至山

下日又抱戴明曜五色千官稱賀其日大赦以靈岳昭感封泰山神為天齊王

岳廟在縣西北三十里泰山之南

萊蕪縣中 西南至州二百六十里

本漢縣也故城在今淄州東南六十里齊靈公滅萊二人流播邑落荒蕪故曰萊蕪後漢范史雲曾為此縣長百姓歌其清儉曰既中生塵范史雲釜中生魚范萊蕪至晉廢後魏移古羸縣於此貞觀元年廢入博城縣至長安四年又於廢羸縣置萊蕪縣取漢舊名也屬兗州  
韶山在縣西北二十里其山出鐵漢置鐵官至今鼓鑄不

絕

曲阜縣 上 西北至州四十五里

本漢魯縣即春秋時魯國伯禽所都其地即古炎帝之墟也自後或為魯國或為魯郡而縣屬焉高齊文宣帝省魯郡仍于魯城置任城郡開皇三年罷郡仍移汶陽縣理此屬兗州十六年改汶陽縣為曲阜縣  
防山在縣東二十五里禮記曰孔子既得合葬于防此是也

壽丘在縣東北六里皇甫謐以為黃帝生于壽丘在魯城東門之北

曲阜在縣理魯城中委曲長七八里今按季子臺及大庭氏庫及縣理城並在其上

洙泗二水東自泗水縣界流入又曲南流經縣北分為二流水側有一城為二水之分會也南為泗水北為洙水二水之間即夫子領徒之所居也

沂水亦名雩水源出縣東南八里垆澤俗名連泉澤在縣東南九里魯僖公牧馬之地詩曰駟之牧馬在垆之野是也闕里在縣西南三里魯城中北去洙水百餘步兩觀在縣東南五十步定二年雉門及兩觀災即家語孔子戲少正卯之處也

嬰相圃在縣西三里魯城中

孔子墓在縣西北三里魯城之北

靈光殿魯王所造在魯城內按文選漢景帝子名發封為魯王好理宮室而建此殿遭王莽亂宮室被焚建章皆隳壞而靈光殿巋然獨存

泗水縣上西南至州一百里

本漢卞縣之地即春秋之靈疇地漢為卞縣之地隋分汶陽縣於此城置泗水縣屬兗州

尼丘山在縣南五十里叔梁紇禱尼丘山而生孔子梁父山在縣北八十里西接徂萊山封禪書曰古者封泰

山禪梁父七十二家

龜山在縣東北七十五里詩曰菴有龜蒙定十一年左傳曰齊人來歸龜陰之田是也

泗水源出縣東陪尾山其源有四四泉俱導因以為名盜泉源出縣東陪北高陘山之陰淮南子曰孔子不飲盜泉之水

漏澤在縣東七十里此澤漏穴有五皆方丈餘深二丈已上其澤每夏積水秋冬漏竭將漏之時居人知之不過三日漏水都盡先以竹簿籬圍之水族山積也

菟裘故城在縣北五十五里魯隱公曰使營菟裘吾將老

焉

任城縣縣 東至州七十六里

本漢縣也屬東平國古任國太昊之後風姓也僖二十一年左傳曰任宿須句皆風姓也注曰任今任城縣也魏志曰文帝封鄆陵侯彰為任城王齊天保七年移高平郡於此任城縣屬焉開皇三年罷高平郡屬兗州

承注山在縣東南七十六里云女媧生處按今山下有女媧廟

桓公溝源出縣理西四十里蒙山之下宋武北征記曰桓公宣武以太和四年率衆平趙魏時遣冠軍將軍毛彪生元和郡縣圖志卷之十



鑿此溝號曰柏公溝於今四十九年矣溝已填塞公遺寧朔將軍朱超更鑿石通之

女媧陵在縣東南三十九里

魏王粲墓在縣南五十二里

青州北海

開元戶五萬五千一百三十一 鄉一百二

古少昊氏之墟禹貢青州之地舜時以青州越海遼遠分

為營州禹復置九州武王克商封師尚父於齊營丘周成

王少時命太公曰東至於海西至於河南至於穆陵北至

於無棣

穆陵山在今瑯琊沂水縣界無棣今景城郡屬縣也

五侯九伯實得征之

至二十九代為田和所篡和子孫強盛與燕趙韓魏楚俱

稱王五世至建為秦氏所滅分齊地置瑯琊二郡漢元年

更為臨淄項羽立田都為王都臨淄其年四月田榮擊都

走楚榮自立為王十二月楚擊榮走平原項羽立田

假為王榮弟橫擊假走楚橫立田廣為王三年韓信殺

廣漢立韓信為齊王五年信徙王楚六年以膠東等七

十餘城封皇子肥為齊王傳國至厲王昌國除武帝復封

次子闔為齊王後國除遂以齊為郡領縣十二理臨淄後

漢改齊郡為齊國曹魏明帝封子芳為齊王尋即帝位晉武

帝以弟攸為王子罔嗣永嘉末陷於石勒其後南燕慕

容德建都於此至慕容超宋武帝伐尅之以沈文秀為青

元和郡縣圖志卷之十

州刺史守東陽城為後魏將慕容白曜所陷遂入後魏大業三年罷州為北海郡領縣十隋亂陷賊武德二年海岱平定改為青州置總管府

州境東西二百七十里南北三百四十里

八到西南至上都二千四百五里西南至東都一千五百五里東北至萊州三百四十五里東至密州三百三十里南至沂州四百五十里西北至棗州三百二十里

貢賦 開元 賦 綿 絹 棗 糖 海物

管縣七

- 益都 臨淄 千乘 臨朐 北海 壽光 博昌

益都縣 望 郭下

本漢廣固縣之地魏於今壽光縣南十里益都城置益都縣屬齊國宋及後魏屬齊郡開皇三年罷郡縣屬青州淄水西去縣五十五里

廣固城在縣西四里晉永嘉五年東萊牟平人曹嶷為刺史所築有大澗甚固廣故謂之廣固初南燕慕容德議所都尚書潘聰曰青齊沃壤號東秦土方二千里四塞之固負海之饒可謂用武之國廣固者曹嶷之所營山川阻峻足為帝王之都德從之及義熙五年宋武征慕容超於廣固也城側有五龍口險阻難攻兵力疲弊河間人玄文說元和郡縣圖志卷之十

裕曰昔趙攻曹疑望風者以為浞水帶城非可攻拔若塞五龍口城當必陷石季龍從之疑請降後五日大雨震雷復開徙舟嶧陽冉閔之亂段龕據之慕容恪攻圍數月不尅又塞五龍口龕遂降後無幾又震開之今舊基猶存宜試修塞裕從之超及城中男女皆悉脚弱病者大半超遂出奔為晉所擒

臨淄縣

緊

南至州四十里

古營丘之地呂望所封齊之都也太公後二十九代康公為田和所滅和立為齊侯後稱王五代至王建為秦所滅秦立為縣城臨淄水故曰臨淄自漢至後魏並屬齊郡高

齊省開皇十六年移高陽縣理此改為臨淄縣屬青州

社山在縣西北二十五里一名愚公山愚公谷在山之陰牛山在縣西南二十五里昔齊景公遊牛山北望而嘆曰美哉國乎古而無死將何去此晏子對曰古而無死則太公下公之樂也君何與於此哉

營丘在縣北百步外城中爾雅曰水出其前經其左曰營丘今臨淄城中有丘淄水出其前經其左故曰營丘葵丘在縣西北二十里桓公會諸侯於葵丘

縣理即古臨淄城也漢齊郡亦理於此蘇秦說齊王曰臨淄城中七萬戶天下三人即二十一萬人又燕王謂蘇秦

曰吾聞齊地清濟濁河可以為固巨防可以為塞漢書田  
肯曰夫齊東有瑯琊即墨之饒南有泰山之固懸隔千里  
持戟百萬齊得十二焉此東秦也非子弟勿王漢六年封  
皇子肥為齊王盡得故齊地人能齊言者悉與之

齊雪宮故址在縣東北六里晏子春秋所謂齊侯見晏子  
于雪宮也

天齊池在縣東南十五里封禪書曰齊之所以為齊者以  
天齊池也

齊桓公墓在縣東南二十三里昭定山上貞觀十一年詔  
致祭禁二十步不令樵蘇

管仲墓在縣南二十三里

晏嬰墓在縣東北三里貞觀十一年詔十五步並禁樵蘇  
千乘縣上東南至州八十里

本漢舊縣也屬千乘國有鹽官後漢和帝永元七年改千  
乘國為樂安郡千乘縣仍屬焉武德二年於此置棗州八  
年廢棗州千乘依舊屬青州千乘者以齊景公有馬千駟  
敗於青丘今縣北有青丘縣因以為名

淄水南去縣二十八里

臨朐縣上北至州四十里

本漢縣也屬齊郡縣東有朐山因取為名開皇六年改為  
元和郡縣圖志卷之十

逢山縣屬青州取縣西逢山為名大業二年又改為臨胸縣

胸山在縣東南二里

逢山在縣西二十二里

破車峴在縣東南三十五里按峴高七十丈周迴二十里道阻險惡因名破車峴

北海縣緊西北至州百三十里

本漢平壽縣也屬北海郡隋開皇三年罷郡置下密縣於廢郡中屬青州十六年又於此置濰州取界內濰水為名大業二年廢濰州仍改下密縣為北海縣

海水在縣東北一百二十里禹貢曰海岱惟青州今按海接萊州西接壽光縣界

濰水南去縣五十五里

膠水東去縣八十五里與萊州膠水縣中分為界公孫弘墓在縣西

壽光縣緊西南至州七十里

本漢舊縣也屬北海郡後漢改屬樂安郡宋為壽光縣隋開皇六年於縣北一里博昌故城置壽光縣屬青州武德二年屬萊州八年廢萊州還屬青州

海水在縣東北一百十里東接北海縣界西接博昌縣界

元和郡縣圖志卷之十

淄澠二水西自千乘縣界流入去縣四十里  
博昌縣上東南至州一百二十里

本漢舊縣屬千乘國昌水其勢平博故曰博昌後漢千乘國為樂安郡博昌縣仍屬焉晉宋後魏並同高齊省仍自今縣東十二里樂陵故縣移樂陵縣理此屬樂安郡隋開皇三年罷郡樂陵縣屬青州十六年改為博昌縣

濟水北去縣百步又東北流入海  
海浦在縣東北二百八里即濟水流入海之處水口謂之海浦

薄姑故城在東北六十里齊舊都也

齊州上齊郡

開元戶四萬九千一百五十七

禹貢兗州之域春秋及戰國時屬齊國秦并天下為齊郡漢分齊郡立濟南國今州即濟南國之歷城縣理也景帝三年為濟南郡理東平陵屬青州晉永嘉之後郡移理歷城即今州理是也後為石勒所據慕容氏亦有其地義興五年劉裕平之宋元嘉九年分青州立冀州理歷城後魏將慕容白曜攻下歷城文帝改冀州為齊州與濟南郡並理隋開皇十三年罷郡以所領縣屬齊州大業三年罷州為齊郡隋末陷于寇賊武德元年海岱平定罷郡復州

州境東西三百八十二里南北一百四十二里

八到西南至上都二千一百五里  
東至淄州一千九十里  
西渡河至博州二百九十里  
正南微西至兗州三百三十里  
東北渡河至棗州三百五十里  
正北微西至德州三百四十五里

貢賦 開元 賦 貢 綿 絲 葛 絹

管縣九

歷城 全節 章丘 亭山 臨邑 臨濟  
長清 豐齊 禹城

歷城縣上郭下古齊歷下城對歷山之下漢為歷城縣屬濟南國晉屬南郡開皇三年罷濟郡縣屬齊州華不注山一

名華山在縣東北十五里齊晉戰于鞍齊敗績晉逐之三周華不注

州理城古歷下城也左傳晉平公伐齊戰于歷漢書酈食其說齊王田廣罷歷下軍守脩韓信度平原襲破歷下因入臨淄述征記曰歷城到營城三十里自城以東水瀾漫数十里南則迫山寔為險固也

神通寺在縣東七十里琨瑞山中符秦時沙門竺僧朗隱居也朗少事佛圖澄尤明氣緯隱于此谷因謂之朗公谷

全節縣上州七十里西南至本春秋譚國之地齊滅之漢以為東平陵縣屬濟南郡宋省東字後魏為東陵至周省其全節

縣本是隋末土人李滿率鄉人據堡。瞻以家財。武德二年歸國于堡。置譚州。及平陵縣。以滿為譚州總管。貞觀元年廢譚州。縣屬齊州。十七年燕亮構逆。滿及男君球固守。賊平。縣廢。有詔重置縣。改名全節。以旌其功焉。

濟水在縣北四十里。  
巨合城在縣東南一十三里。耿弇討張步。守巨里。即此城也。

章丘縣。上本漢陽丘縣也。屬濟南郡。高齊文宣天保七年。自高唐故城移高唐縣理於此。開皇十八年。以博州亦有高唐縣。改為章丘縣。屬齊州。取縣南章丘山為名也。武德

二年。屬譚州。貞觀元年。廢譚州。又屬齊州。

東陵山在縣南二十八里。莊子曰。盜跖死于東陵之上。龍盤山在縣東二十五里。上有神跡。是姜源所履處。

長白山在縣東南三十里。高二千九百丈。周迴六十里。濟水西去縣十七里。

縣理城即黃巾城也。濟水之南岬。漢獻帝建安中。黃巾賊張角之所守也。

亭山縣。上西北至。本漢平陵縣地。宋於此置衛國縣。屬

頓丘郡。開皇六年。改為亭山縣。屬濟州。縣東南有亭山。因以為名。



長白山在縣東北六十里齊記曰於陵城西三里有長白山陳仲子夫妻所隱也

百脉水出縣東北平地水源方百餘步百泉俱出合流故名之

臨邑縣州上六十里南至本漢舊縣也屬東郡至晉屬濟北國宋孝武帝建二年立東魏郡理臺城以臨邑縣屬焉開皇三年罷郡臨邑縣屬齊州武德二年屬譚州貞觀元年廢譚

州屬齊州

黃河在縣北七十里

濟水西去縣四十里

漯水北去縣七里

鹿角關在縣西北七十里大業三年廢

臨濟縣上西南至州一百二十里本漢管縣屬濟南郡開皇六年移朝

陽縣理於此屬齊州十六年改為臨濟縣

黃河在縣北八十里

濟水在縣南二十里

長清縣州上東北至本漢盧縣地開皇五年於此置鎮十

四年廢鎮置長清縣屬齊州因清水為名貞觀十七年廢

齊州屬臨濟縣

隔馬山在縣東南三十五里左傳曰晉侯伐齊帥遁夙

元和郡縣圖志卷之十

沙衛斬馬於隘以塞道後因為隔馬山

黃河北去縣五十五里

濟水北去縣十里

清水西南去縣十里

涓溝泊在縣西南五里東西三十里南北二十五里水族

生馬數州取給

廢四口關在縣西南五十里後魏置武德九年廢

石窰故城在縣東三十里

豐齊縣上 東北至本漢在縣也取縣東北在山為名屬

泰山郡大業二年省入歷城縣武德元年重置天寶元年

改為豐齊

岐陽山縣東南五十里

濟水西去縣二十六里

祝阿故城在縣東北二里禮記曰武王克殷封黃帝之後

於祝即謂此也

禹城縣上 東南至州本漢祝阿縣春秋時齊邑漢以為

縣屬平原郡開皇十六年改屬齊州天寶元年改名禹城

縣以縣西南三十里有禹息故城因而為名在州西北八

十五里

元和郡縣圖志卷之十終

元和郡縣圖志卷第十一

河南道七

曹州

濮州

密州

海州

沂州

萊州

淄州

登州

曹州  
上濟陰

開元戶七萬三千一百六十一

鄉二百四十九

禹貢豫州之域於周又為曹國之地後屬於宋左傳哀八年宋景公滅曹按曹國之地後北三十七里濟陰縣界故定陶城是也七國時屬宋為齊楚魏所滅三分其地齊得其濟陰東平漢為濟陰郡之地在濟水之南故以為名景帝中六年別為濟陰國宣帝甘露二年更名定陶哀帝更

元和郡縣圖志卷之十一

一

為濟陰郡屬兗州後魏於定陶城置西兗州周武帝改西兗州為曹州取曹國為名也大業三年改為濟陰郡隋亂陷賊武德四年平孟海公復為曹州

州境東二百五十九里  
南二百五十九里  
西二百五十九里  
北二百五十九里  
八到西南至上都一千五百二十五里

西南至汴州二百六十五里  
東至兗州三百七十里  
東北至鄆州三百三十里  
東南至宋州一百五十里  
西北至滑州二百

貢賦開元 貢 綿絹大蛇粟葶藶

管縣六 濟陰 冤句 乘氏 成武 南華 考成

濟陰縣縣下本漢定陶縣之地也屬濟陰郡開皇六年於

此置濟陰縣屬曹州皇朝因之

曹南山在縣東二十里詩所謂蒼兮蔚兮南山朝躋是也

汜水在縣南昔漢高祖既定天下即位于汜水之陽張晏

曰汜水在濟陰界取其汎愛弘大而潤下按今汜水縣東

亦有高祖即位壇據叔孫通傳云高祖為皇帝通於定陶

就其儀在濟陰是也

河音柯澤在縣東北九十里故定陶城東北禹貢曰導河澤

被孟渚

州理中城蓋古之陶丘也一名左城帝王世紀舜陶於河

元和郡縣圖志卷之十一

濱即禹貢之陶丘。今濟陰定陶西有陶丘是也。爾雅曰：再成為陶丘，成猶重也。定陶故城堯所居也。

古曹國在縣東北四十七里。堯先居唐，後居陶，故曰陶唐。氏史記曰：曹叔振鐸者，周武王弟，封於曹。哀八年，宋滅曹。執曹伯陽，自曹叔至伯陽，凡十八葉。又范蠡相越，平吳後，變姓名為朱公，居於陶，號陶朱公，亦此地也。

莘仲故城在縣東南三十里，蓋古之莘國也。伊摯耕于莘野，湯聞賢，聘以為相，即此地也。

三駮亭，古國也。在縣東北四十九里。湯伐桀，遂伐三駮，俘厥寶玉。注曰：三駮國名，今定陶是也。

寃句縣縣東至州四十七里，本漢舊縣也。漢初屬梁國，景帝時屬濟陰郡。開皇三年，罷郡以縣屬曹州。

煮棗故城在縣西北四十里。漢書樊噲攻煮棗屠之是也。濟陽故城在縣西南五十里。漢濟陽縣也。光武以建平元年生于濟陽縣，明照一室是歲有嘉禾生，一莖九穗，大於凡禾，因名秀光。武皇考為濟陽令。

袁本初故城在縣北七十里。袁紹所築故也。

乘氏縣縣南至州五十四里，本漢舊縣也。屬濟陰郡。開皇三年，罷郡

以縣屬曹州。大業末年，廢武德四年，重置。

孟海公南北二城在縣東西十五里。隋末，賊帥孟海公所

築

成武縣繫西至州一百里

本漢舊縣也屬山陽郡後漢改屬濟陰

郡隋於此置戴州成武縣屬焉大業二年省戴州縣移理

州城中後屬曹州武德五年于金鄉縣重置戴州縣又屬焉

貞觀十七年廢戴州縣又屬曹州

故稅城在縣西北二十九里昭帝封金日磾為稅侯

南華縣上東南至州一百二十里本漢離狐縣也屬東郡舊傳初置縣

在濮水南常為神狐所穿穴遂移城濮水北故曰離狐後

漢屬濟陰郡魏志李興從太祖遷離狐太守然則魏時離

狐郡也晉屬濟陰郡開皇三年罷郡縣屬曹州天寶元年

改曰南華英公李勣左僕射彭城郡公劉晏皆此縣人也

濮水在縣南五里昔殷紂使師延作靡之樂武王伐紂

師延至投濮水而死謂此水也

考城縣繫西南至州九十五里

古戴國也春秋隱十年宋人蔡人衛

人伐戴後屬宋楚威王改名曰穀漢以為菑縣國都城記

曰縣西南有戴水今名戴陂周迴可百餘里蓋本戴國取

此陂水為名也漢之興也其邑多菑年數不登故邑曰菑

孝章柴于岱宗過菑縣詔御史曰陳留菑縣其稱不令故

高祖鄙栢人之名武帝休聞喜而顯獲嘉祥其改菑縣為

考城縣至晉屬濟陰郡高齊天保七年省考城縣仍移成

元和郡縣圖志卷之十一

安縣理此開皇十六年改名考城縣屬宋州武德五年改屬曹州

癸丘在縣東南一百五十步左傳齊桓公會諸侯于癸丘是也

大劑波則戴波也在縣西南四十五里周迴八十七里與

宋州襄邑縣中分為界

濮州濮陽開元戶四萬六千九百二十一鄉九百十三

禹貢兗州之域春秋時為衛地左傳齊桓公會諸侯于鄆

注曰鄆衛地今東郡鄆城縣也戰國時屬齊在漢為濟

陰郡之鄆城也後漢獻帝于此置兗州晉置濮陽郡後改濮

陽國封王子允為王後為郡開皇十六年於此置濮州大

業三年廢濮州入東平郡隋末陷于寇賊武德四年封平

王充於此重置濮州

州境東西二百三十五里

八到西南至上都一千六百五十五里

西南至東都七百九十五里

東北至鄆州一百七十里

南至曹州二百一十里

北至黃河二十里

貢賦開元賦絹二十疋綿絹二十疋

管縣五

鄆城

雷澤

臨濮

濮陽

范縣

鄆城縣屬

本漢舊縣屬濟陰郡開皇十六年於此置濮

元知鄆縣圖志卷之七

五

州郟城縣屬焉。大業三年廢濮州。縣屬東平郡。武德四年  
重置濮州。郟城縣又隸焉。

黃河北去縣二十一里。

州理城在故郟城中。魏文帝以臨淄侯植為郟城侯。

雷澤縣上西北至本漢郟陽縣。古郟伯國。周武王封弟季

載于郟。漢以為縣。屬濟陰郡。開皇六年於此置雷澤縣。因

縣北雷夏澤以為名也。屬濮州。

歷山在縣西北十六里。史記曰：舜耕歷山。耕者讓畔。澠水

沮水二源俱出縣西北平地。去縣十四里。

雷夏澤在縣北郭外。澠沮二水會同此澤。

姚墟在縣東十三里。舜帝生於姚墟。

堯母廟在縣西南四里。

堯陵在縣西三里。自堯即位至永嘉三年二千七百二十

一年記于碑。貞觀十一年有詔禁人芻牧。春秋奠酌。

臨濮縣上北至本漢郟陽縣地。屬山陽郡。開皇十六年

分郟城南界雷澤西界置臨濮縣。屬濮州。南臨濮水。故以

為名焉。大業二年廢。武德四年重置。

清丘在縣西三十五里。

濮陽縣上東至本漢舊縣也。古昆吾國。即帝丘。顓頊之

墟也。昆吾即夏諸侯。為五伯之首。左傳曰：狄威衛。遷于帝



丘衛侯自濮丘徙濮陽縣秦置東郡理此漢仍為東都及  
濮陽縣也開皇十六年改屬濮州

黃河北去縣十五里

瓠子河上承黃河漢書武帝時河決瓠子東南注鉅野通  
於淮泗上使汲黯鄭當時與人徒塞之堤復壞是時武安  
侯田蚡奉邑食餼在河北河決而南則餼無水災乃言江  
西之決乃天事也非易以人力塞之乃不復塞後二十餘  
歲之比不登梁楚尤甚上使汲人郭昌率卒數萬人塞瓠  
子決河沉白馬玉璧自將軍已下皆負薪下淇園之竹以  
為楗上悼功之不成乃作歌于是卒塞瓠子築宮于其上  
名曰宣房其後王尊為東郡太守河水盛溢泛浸瓠子金  
堤尊躬率吏民沉白馬歎水神親執玉璧請神尊立不動  
而水漸退

范縣上西南至本漢舊縣也屬東郡春秋時晉大夫士會

之邑也高齊廢開皇六年又置范縣屬濟州十六年改為

濮州

故顧城在縣東二十八里夏之顧國也詩曰韋顧既伐昆  
吾夏桀注曰三國黨於桀皆為湯所誅

密州高密

禹貢青州之域兼得徐之地今州界於春秋之時為莒魯

元和郡縣圖志卷之十一

之地戰國時屬齊秦并天下屬瑯琊郡漢高帝十六年分齊立膠西國都高密宣帝更名高密國後魏永安二年分青州立膠州取膠水為名也開皇五年改膠州為密州取境之密水為名也隋亂陷賊武德五年山東底定改置密州

州境東西三百一十六里  
南北三百九十里  
西至上都二千七百四十五里  
西至東都一千八百八十五里  
南至海州三百八十四里  
西南至沂州三百七十里  
西北至青州三百三十五里  
東北至萊州三百四十五里  
東至大海一百一十里

貢賦 開元 賦 貢 細布 牛黃 海蛤 馳布

管縣四 諸城 高密 輔唐 莒縣

諸城縣郭上下本漢東武縣也屬琅邪郡樂府章所謂東武吟者也後漢屬瑯邪國晉屬東莞郡後魏屬高密郡隋開皇十八年改東武為諸城縣取縣西三十里漢故諸縣城為名

瑯邪山在縣東南百四十里史記曰始皇二十六年滅齊遂登琅邪作層臺於山上謂之琅邪臺周迴二十里秦王樂之因留三月徙黔首二萬戶於山下後十二年刊石立碑紀秦功德海在縣東一百五十里

盧水出縣東南廬山水側有勝火木野火燒死其炭不灰故東方朔有謂不灰之木者也

縣理東南百三十里濱海有鹵澤九所煮鹽今古多牧其利

濰州故堰在縣東北四十六里蓄以為塘方二十餘里溉水田萬頃

高密縣上西南至州百二十里本漢舊縣也文帝十六年分齊立

膠西國封齊悼惠王子卬為膠西王都高密世祖封鄧禹為高密侯高齊文宣帝省高密縣開皇中復置屬密州海在縣東南六十里

濰水在縣西南自諸城縣界流入去縣四十里昔韓信與楚將龍且夾濰水而陣信為萬餘囊盛沙過水引軍擊之信偽退且追北信決水且軍半不得渡遂斬龍且

膠水在縣東三十里夷安澤在縣北二十里周迴四十里多麋鹿蒲葦

龍且城在縣西南五十五里楚將龍且所築

鄭玄墓在縣西七十里

輔唐縣上東南至州百二十里本漢安丘縣也屬北海郡後漢屬北

海郡有渠丘亭故莒渠丘公所居也齊高文帝天保七年省隋分昌安縣置牟山縣大業二年改牟山縣為安丘縣

取漢書舊名也。屬密州。乾元二年改為輔唐縣。  
牟山在縣西南十三里。牟山縣取名於此。

涪水堰。三齊記曰：昔者堰涪水南入荆水，灌田數萬頃。今尚有餘堰，而稻田畦畛存焉。

莒縣上，東北至州一百九十里。故莒子國也。漢為莒縣。文帝二年封朱

虛侯章為城陽王。都莒。後魏亦以莒縣屬東莞郡。開皇三

年廢郡。莒縣屬莒州。大業三年罷莒州，以莒縣屬琅邪郡。

武德五年重置莒州。縣屬焉。貞觀八年廢莒州，以縣屬密

州。

濰山在縣東北八十三里。濰水所出也。

縣理在莒國故城中。城三里。並皆崇峻。唯南開一門。

子城方十二里。郭周迴四十里。

故曹公城在縣南七十二里。昔魏太祖征陶謙，拔五城畧

地東海于此築城，周迴四里。

漢海曲縣在縣東一百六十里。屬琅邪郡。有鹽官地。有東

呂鄉。東呂里，太公望所出也。王莽末，海曲縣有呂母者，其

子為縣令，枉殺乃散財以招少年。少年感母恩，問母所欲，

具言之，乃共起兵殺縣令。其後屯結至數萬，赤眉之興由

此始也。今東海縣有呂母國，即舊夕之所也。

海州東海。開元戶二萬三千七百二十八。鄉四十。

元和郡縣圖志卷之十一

禹貢徐州之域春秋時魯國之東鄙七國時屬楚秦置三十六郡以魯為薛郡後分薛郡為郟郡漢改郟為東海郡領三十七縣理在郟縣屬徐州後漢以為東海國封皇子彊為王晉惠帝封高密王子越為東海王梁武帝末年長江已北悉附後魏武定七年改青冀二州為海州高齊文宣帝移海州理琅邪郡改琅邪郡為胸山郡隋末喪亂臧君相竊據之武德四年君相以郡歸順改為海州

州境東西一百九十八里

八到西至上都取沂兗路二千五百五里

東南至揚州七百里  
東南至泗州連水縣取官河水路三百四十里陸路

二百五十里  
西北至沂州三百三十里  
西至徐州取下邳路五百六十里  
北至密州三百八十四里  
東至海二十里  
貢賦開元賦楚布絹綿

管縣四 胸山 東海 沐陽 懷仁

胸山縣郭上本漢胸山縣也屬東海郡後周武帝建德六年改胸山縣為胸山郡界內胸山為名也開皇三年廢郡

縣屬海州

羽山在縣西北一百里書曰殛鯀于羽山即此也

碩濩湖在縣南一百四十二里

龍且故城在縣南六十里

元和郡縣圖志卷之十一

鍾離昧故城在縣南百里項羽將鍾離昧所築昧即此縣人

東海縣上水浴西至州九十里本漢贛榆縣地俗謂之鬱州亦謂之

田橫島宋明帝失淮北地乃於鬱州上橋立青州地後入

魏改青州為海州又於此置臨海鎮高齊廢臨海鎮周

武帝復置東海縣後遂因之

小高山在縣北六十里田橫弟避漢所居之山也其山三

面絕壁皆百餘仞唯東南一道劣容行人

大海在縣東二十八里

贛榆故城在縣北四十九里隋末土人臧君相築

田橫國在縣北五十七里齊王田廣既死田橫乃代立為

王與灌嬰戰于瀛下橫敗走與其屬五百人入居海島即

此也

沐陽縣中東北至州一百六十里本漢厚丘縣地文帝元嘉四年於此

置縣屬南彭城郡至太清二年地入魏孝靜帝改為沐陽

郡在沐水之陽故以為名仍於郡東置懷文縣周武帝改

懷文縣為沐陽縣

沐水西自下邳縣界流入經縣南十步

碩濩湖在縣東八十里與胸山連水三分湖為界

懷仁縣中東南至州九十里本漢贛榆縣地梁於此置北海郡後魏

改置義唐郡開皇初廢郡移懷仁縣理於此改屬海州  
贛榆故城一名鹽倉城在縣東北三十里漢縣也屬琅邪  
郡

沂州

琅邪中

開元戶二萬七千四百

御五十五

禹貢徐州之域春秋時為齊地秦并天下置琅邪郡因琅  
邪山以為名也漢因之高后立營陵侯劉澤為琅邪王文  
帝元年徙澤為燕王以琅邪為郡晉武帝咸寧二年改封  
東海王睿為王王即帝位于江東是為東晉元帝元帝於  
郡城置發干戍以南軍鎮之自永嘉之後琅邪陷于胡寇  
成帝於丹陽江乘縣界別立南琅邪郡至宋武得河南尋

又沒於後魏莊帝置北徐州琅邪郡屬焉周武帝改北徐  
州置沂州以州城東臨沂水因以名之大業十二年亂離  
郡為徐圓朗所破武德四年討平圓朗復置沂州

州境東西三百二十一里

八到西至上都二千二百七十五里

東南至海州一千四百一十五里

西至兗州三百八十里

東南至泗州下邳縣二百七十七里

北至青州泗州四百五十五里

西至徐州三百五十五里

東至密州三百七十里

西北至淄州五百三十里

貢賦

開元

賦

紫石英  
黃銀

管縣五 臨沂 沂水 費縣 承縣 新泰

臨沂縣上 郭下 本漢舊縣也 屬東海郡 東臨沂水 故名之後

漢改屬琅邪國 晉屬琅邪郡 高齊省 開皇末 復置屬沂州

羽山在縣東南一百一十里 與海州朐山縣分界

沂水東去縣一里

王僧辯城在縣東北五十里 梁將王僧辯屯兵於此

王導故宅在縣東北三十八里

沂水縣上 二百里南至 本漢東莞縣 即春秋莒魯所爭之郟邑

也 城陽姑幕縣南有負亭 即郟也 俗變其字耳 後魏孝文

帝於此置新泰縣 開皇四年改為東安縣 十六年又於古

蓋城別置東安縣 而此改名沂水縣

沂山在縣北一百二十四里 周禮青州其鎮沂山

穆陵山在縣北一百九十里 管仲曰 賜我先君履 南至于

穆陵是也

大峴山在縣北九十里 宋高祖北伐 慕容超 大將公孫丑

樓說超曰 吳兵輕銳 難與爭鋒 且斷大峴 使不得入 上策

也 超曰 引使過峴 我以鐵騎蹙之 此成擒耳 不從 宋高祖

兵遂得入 初是役也 或曰 若嚴守大峴 軍無所資 何能自

返 高祖曰 鮮卑性貪 且愛其穀 必將引我兵 一入大峴 吾

何患焉 及師過大峴 高祖喜曰 天贊我也 遂大破之 五緝



之從征記曰大岷去半城八十里直度山二十五里崖坂峭曲石徑幽危四岳三塗不是過也

電山在縣西北二十八里出紫石英好者表裏映徹形若電狀故名電山今猶充貢

成平公營在縣北百五十六里周武帝拔鄴城齊王高緯先送其母妻於青州是日緯率十騎走青州周遣大將軍成平公尉遲勤率二千騎追之擒緯於青州南之雙溝周因授以青州總管立碑紀功

費縣上東南至古費國也隱元年傳曰費伯帥師城郎是後為魯季氏之邑至漢為費縣屬東海郡自宋至隋皆屬

琅邪郡大業末為賊潘當所破武德四年重置屬沂州

蒙山在縣西北八十里楚老萊子所耕之處

東蒙山在縣西北七十五里論語曰今夫穎水昔者先王以為東蒙主

南城縣城在縣南九十里史記齊威王使檀子守南城則楚人不敢為寇是也

承縣上東北至州一百八十五里本漢之承縣春秋時郟國也屬東海

郡開皇三年罷郡承縣屬徐州大業十三年縣為山城左君衡所破武德四年又於此置郟州又改蘭陵縣為承縣貞觀八年廢郟州縣屬沂州縣西北有承水因以名焉

抱犢山在縣北六十里。壁立千仞，頂寬而有水。此山去海三百餘里，天氣澄明，宛然在目。昔有遁隱者，抱一犢於其上，墾種，故以為名山。高九里，周迴四十五里。

蘭陵縣城在縣東六十里。史記曰：荀卿以儒者適楚，春中君以為蘭陵令，因家焉。

縣界有陂十三所，並貞觀元年已來修立，以溉田焉。

新泰縣上，東南至州二百六十三里。春秋時魯平陽邑也。宣八年，城平

陽。晉武帝太始中，鎮南將軍羊祜，此縣人也。表改為新泰

縣。屬泰山郡。隋開皇四年，屬莒州。大業二年，廢莒州，以縣

屬沂州。

蒙山在縣東南八十八里。書曰：蒙羽其藝。

障山在縣東八十里。出銷石、恒炬火等石。居人常採為

貨。

萊州東萊，開元戶二萬三千一百五。

鄉四十三。

禹貢青州之域，即古萊子國也。齊威之遷萊子於郕，在齊

國之東，故曰東萊。漢高帝四年，韓信虜齊王廣，分齊郡置

東萊郡，領縣十七。理掖縣屬青州。後魏獻文帝分青州置

光州。取界內光水為名。開皇二年，改光州為萊州。隋末陷

賊。武德四年，討平。秦順復為萊州。

州境東西四百二十八里，南北二百四十一里。

元和郡縣圖志卷之十一

去

八到西南至上都二千七百六十里

西南至東都一千九百里

正南至西至密州三百四十五里

貢賦開元賦黃銀文蛤絹綿資布滑石器牛黃

管縣四掖縣即墨昌陽膠水

掖縣郭上本漢舊縣也屬東萊郡按掖水出縣東南三十

五里寒同山故縣取為名開皇三年罷郡屬萊州

萬里沙在縣東北三十里郊祀志武定元封元年大旱禱

萬里沙

浮游島在縣西北四十里遙望島在海中若浮游然故名

海水在縣北五十二里

膠水西去縣七十五里

海神祠在縣西北十七里

即墨縣中西北至州本漢舊縣也屬膠東國城臨墨水

故曰即墨高齊文宣帝併入膠水縣開皇末又于此置即

墨縣屬萊州

大勞山小勞山在縣東南三十八里晏謨齊記曰太白自

言高不如東海勞昔鄭康成領徒於此

杜武故城在縣西六十里晉封張華為杜武侯

海在縣東四十三里又在縣南百里

元和郡縣圖志卷之十一

昌陽縣上 西北至州一百九十九里本漢舊縣也屬東萊郡置在昌水

之陽故名昌陽有鹽官開皇三年罷郡昌陽縣屬萊州

黃銀坑在縣東百四十里開皇十八年年州刺史辛公義

於此坑冶鑄得黃銀獻之大業末貞觀初更沙沃得之

奚養澤在縣西北四十里職方氏幽州其澤教曰奚養

膠水縣中 北至州一百里本漢膠東國之地後漢省膠東國為膠

東縣屬北海國後魏屬北海郡開皇三年罷郡屬萊州仁

壽元年改為膠水縣

即墨故城在縣東南六十里古東齊之地史記蘇秦曰齊

東有琅邪即墨之饒此其處也齊湣王時燕得樂毅伐齊

下七十餘城唯莒即墨不下田單設奇策破燕軍迎襄王

於莒盡復齊地封單為安平君漢書曰漢元年項羽徙齊王

田市於即墨為膠東王田榮怒殺市於即墨自立為王遂

并三齊之地漢膠東郡領八縣理即墨即此城也

平度故城在縣西北六十七里城西北有土山古今煮鹽

處

淄州淄川 開元戶三萬七千四百四 鄉七十一

禹貢青州之域周之九州為幽州之境職方氏幽州其浸

淄潯州蓋取淄水為名也春秋及戰國時屬齊秦為齊郡

之地在漢為濟南郡之般陽縣也開皇十六年於今理改

元和郡縣圖志卷之十一

置淄州隋亂陷賊武德元年重置淄州

州境東西一百一十五里南北一百八十二里

八到西南至上都二千二百九十五里東南至東都一千四百三十五里

東至青州一百二十里西北至兗州三百七十里北渡河至棗州二百一十里東南至沂州五里

賦貢防風

貞賦開元賦貢防風

管縣五 淄川 長山 鄒平 濟陽 高苑

淄川縣上郭下本漢般陽縣也屬濟南在般水之陽故名後

漢屬齊國晉省宋於此置貝丘縣開皇十八年改貝丘為

淄川縣屬淄州

淄水出縣理東南原山去縣六十里俗傳為理水功畢土

石墨數里之中波流若漆故謂之淄水

長山縣上東南至本漢於陵縣地也宋武帝於此立武

強縣開皇十八年改武強為長山縣取長白山為名屬淄

州武德元年置鄒州縣又屬焉八年廢鄒州依舊淄州

長白山在縣西南四十里

濟水西北去縣二十五里

鄒平縣上東南至州本漢舊縣也屬濟南郡開皇三年自

梁鄒城移平原縣入鄒平城屬齊州今理是也十六年改

屬淄州十八年改平原縣為鄒平縣復舊名也

元和郡縣圖志卷之十一

十九

黃河西北去縣八十里

濟水南去縣三十五里

濟陽縣上東南至州九十四里本漢梁鄒縣也屬濟南郡隋又於後

漢梁鄒城地置濟南縣大業二年省景龍元年於漢梁鄒

城置濟陽縣屬淄州

八會津在縣南一里相傳水陸所湊其路有八故名八會

濟水在縣南又東北入高苑縣界

高苑縣上南至州一百一十里本漢舊縣也屬千乘國後漢屬樂安

國宋於此置長樂縣屬渤海郡十八年改為會城縣大業

三年改為高苑縣取縣東南高苑故城為名隋末陷賊武

德元年重置高苑縣屬鄒州八年廢鄒州縣屬淄州

濟水北去縣七十步

千乘故城在縣北二十五里漢千乘國也

登州東牟中府開元戶二萬八千五百三十二鄉三十六

禹貢青州之域古萊子之國春秋齊侯威萊至漢為東萊

郡之地後魏孝靜帝分東萊於黃縣東一百步中即故城

置東牟郡高齊廢開皇三年改置牟州大業三年廢武德

初又置因文登縣人不從賊黨遂於縣理置登州

州境東西五百六十里南北一百六十五里

八到西南至上都三千里西南至東都二千一百四十里

元和郡縣圖志卷之十一

北至海三里  
西至海四里  
當中國往新羅渤海過大路  
正北微東至大海北岬都里鎮五百二十里  
東至文登縣界大海四百九十里  
東南至大海四百十里  
南至萊州昌陽縣二百里  
南至大海六十里

貞賦

開元

賦

牛黃  
麻布

水葱蓆

管縣四

蓬萊

牟平

文登

黃縣

蓬萊縣中郭下本漢黃縣之地屬東萊郡昔漢武帝於此望蓬萊山因築城以蓬萊為名在黃縣東北五十里貞觀八年於此置蓬萊鎮神龍三年析黃縣置蓬萊縣在鎮南一里即今登州所理是也

牟平縣

中

二百里

西至

本漢縣也屬東萊郡有鐵官鹽官在牟山之陽其地夷坦故曰牟平漢書齊悼惠王子將闔為牟平侯後屬萊州武德四年於中即城置牟州牟平縣屬焉

貞觀元年牟州及縣俱廢麟德二年析文登縣於此重置牟平縣屬登州

文登縣

上

二百二十五里

西北至州

本漢牟平縣也屬東萊郡高齊後

帝分牟平置文登縣屬長廣郡取縣界文登山為名開皇三年廢長廣郡文登縣屬萊州武德元年改屬登州

之果山在縣西北一百九十里史記曰秦始皇二十九年登之果刊石紀功封禪書曰齊有八祠之果山為陽主

元和郡縣圖志卷之十一

成山在縣東北百八十里。史記曰：始皇二十九年，又東遊登成山，升之杲，勒石紀功。郊祀記曰：齊有八祠，成山為日主，封禪書曰：七日，日主祠成山。

文登山在縣西北九十里。

海在縣南六十里，縣東一百八十里，三面俱至於海。縣東北海中，有秦始皇石橋，今海中時有堅石，似柱之狀。

東牟故城在縣西北百十里。漢高后二年，封齊悼惠王子興居為侯。

不夜故城在縣東北八十五里，屬東萊郡。春秋時，萊子所置，初築此城，有日夜出，故名之。

黃縣中東北至本漢舊縣也，屬東萊郡。開皇三年，罷郡屬

萊州。武德四年，屬牟州。神龍三年，置登州，黃縣割屬焉。漢

書曰：秦欲攻匈奴，遣糧使天下飛芻輓粟，起於黃，睡琅邪，負海

之郡，轉輸北河，率三十鍾而致一石。黃即今黃縣，睡即今直隸反北河朔方已北，六斛四斗曰鍾，計道路所費凡用百九十二斛，乃致一石。

萊山在縣東南二十里，封禪書曰：齊之八祠，六曰日主祠之萊山。

故黃城在縣東南二十五里，古萊子之國。春秋傳曰：齊侯滅萊。杜注曰：今萊黃縣是也。

大人故城在縣北二十里。司馬宣王伐遼東，造此城，運糧



船從此入今新羅百濟往還當由于此  
蓬萊鎮在縣東北五十里  
海瀆祠在縣北二十四里大人城上

元和郡縣圖志卷第十一終

元和郡縣圖志卷第十二

河東道一

河中府

赤河東郡

開元戶七萬二百七

元和戶一萬九千六百

鄉六十五

今為河東節度使理所

管州五

河中府

絳州

晉州

慈州

隰州

管縣三十七

都管戶四萬一千三百六十五

禹貢冀州之域按今州本帝舜所都蒲坂也春秋時為魏  
耿楊芮之地左傳曰晉獻公滅魏以賜畢萬服虔注曰魏  
在晉之蒲坂畢萬之後十代至文公列為諸侯至惠王僭  
號稱王至王假為秦所滅今州即秦河東郡地也漢元年

項羽封魏豹為西魏王。王河東。都平陽。二年，豹降。從漢王在滎陽。請歸侍親疾。至則絕河津。反為楚。盡有太原。上黨地。九月，韓信虜豹。定魏地。置河東。上黨。太原郡。文帝時，李布為河東守。文帝謂曰：「河東，吾股肱郡。故特召君耳。」後魏太武帝於今州理。置雍州。延和元年，改雍州為秦州。周明帝改秦州為蒲州。因蒲坂以為名。大業三年，罷州。又置河東郡。隋將屈突通守河東。高祖師次桑泉縣。通出守潼關。乃令鷹揚郎將堯君素王行本留鎮郡城。遂於今桑泉縣置河東郡。武德元年，罷郡。置蒲州。其年，堯君素為城人薛宋李楚客所殺。王行本仍堅守不賓。二年，置蒲州總管。三

年，行本歸化。自桑泉移蒲州於今理。九年，廢總管。置都督府。復為州。開元二年五月，改為河中府。仍置中都。麗正殿學士韓琬上疏，陳其不可。至六月，詔停。後為州。乾元三年

又改為河中府。大曆中，元載為相。又上建中都議曰：「自古

建大功者，未嘗不用天因地。故高祖保關中，光武據河內。

皆深根固本以制天下。臣等考天地之心，本聖人之意。驗

古往之事，切當今之務，則莫若建河中為中都。隸陝、魏、晉

絳、汾、潞、儀、石、慈、隰等十城為藩衛。長安去中都三百里。順

流而東，邑居相望。有羊腸底柱之險。羊腸在潞州壺關縣東南一百六里。濁

河孟門之限。孟門在慈州文城縣西南。以輶轅為襟帶。與

元和郡縣圖志卷之十二

關中為表裏劉敬所謂扼天下之亢而撫其背即此之謂  
 推是而言則建中都將欲固長安非欲外之也將欲安成  
 周非欲捨之也將欲制蠻夷非欲懼之也將欲定天下非  
 欲弱之也河中之地左右王都黃河北來太華南倚總水  
 陸之形勝鬱關河之氣色每歲白露既降涼風已高陛下  
 處金城湯池內綏華夏登信臣驍將外馭戎狄出於仲秋  
 還於農隙有漕濁泛舟之便無登高履險之虞不傷財不  
 害人得養威而特將如此則國有保安之所家無係虜之  
 憂矣疏奏不省初代宗自幸陝之後每歲八九月間京師  
 恟恟常惧戎戎復至將相之家皆裝儲糗為行李之備載

知人情不安遂獻此疏真因制置竊有兵權議亦宏博盡  
 當時利害然代宗採見載意議故不行或曰建中都江融  
 設險圖之首篇也融誅後書已不傳不知斯言何自而得

府境東西二百五里  
南北一百七十七里

八到西南至上都三百二十里  
東至東都五百八十五里  
東北至絳州取相鄉路

陝州二百四十里  
西至同州六十七里  
東南至魏州一百八十三里

至華州一百四十七里  
東南至魏州一百八十三里

貢賦開元貢  
麥麴扇  
竹扇  
漆匣  
乾棗  
鳳栖梨

管縣八 河東 河西 臨晉 猗氏 虞鄉 寶鼎

解縣 永樂 河東縣次赤本漢蒲坂地縣也屬河東郡開皇三年罷郡

元和郡縣圖志卷之十二

縣仍屬蒲州十六年後蒲坂縣於城東仍於今理別置河  
東縣大業二年省蒲坂縣入河東縣  
雷首山一名中條山在縣南十五里  
風陵堆山在縣南五十五里與潼關相對  
長源一名蒲坂在縣東二里其原出龍骨  
河水北自桑泉縣界流入  
媯汭水源出縣南雷首山尚書曰墜降二女于媯汭州城  
即蒲坂城也城中有舜廟城外有舜宅及二妃壇  
故陶城在縣北四十里尚書大傳曰舜陶於河濱  
故堯城在縣南二十八里

蒲坂關一名蒲津關在縣西四里魏志曰太祖西征馬超  
韓遂夜渡蒲津門即謂此也今造舟為梁其制甚盛每歲  
徵竹索價謂之橋腳錢數至二萬亦關河之巨防焉  
風陵故關一名風陵津在縣南五十里魏太祖西征韓遂  
自潼關北渡即此處也  
舜祠在州理舜城中貞觀十一年詔致祭以時灑掃  
伯夷墓在縣南五三十里雷首山南貞觀十一年詔致祭  
禁樵蘇

河西縣次赤本朝邑縣東北乾元三年因置河中府割朝  
邑縣置

臨晉縣次畿西南至府七十四里

本漢舊縣地也後魏改為北解縣

開皇十六年分猗氏縣於今理置桑泉縣因縣東桑泉故城以名為也天寶十二年改為臨晉

河水經縣西四十里

涑水在縣東二十三里

故解城本春秋時解梁城又為韓解縣城也在縣東南十

八里晉惠公許賂秦伯以河外列城五東盡虢略內及解

梁城是也桑泉故城在縣東十三里左傳曰重耳圍令

狐入桑泉謂此也

故司空魏國公裴寂墓在縣東北十七里

猗氏縣次畿西至府一百一十里本漢舊縣即猗頓之所居也東魏

恭帝二年改猗氏為桑泉縣周明帝復改桑泉為猗氏縣

屬汾陰郡開皇三年罷郡屬蒲州

涑水經縣南六里

故郟邑在縣西南四里左傳曰晉侯謀去故絳欲居郟瑕

氏之地韓獻子曰郟瑕氏土薄水淺不如新田遂遷新田

即平陽絳邑縣也

虞鄉縣次畿西至府七十里本漢解縣地也後魏孝文帝改置南解

縣屬河東郡周明帝武城二年廢南解縣別置綏化縣武

帝改綏化為虞鄉

壇道山一名百梯山在縣西南十二里山高萬仞躋攀者百梯方可升降故曰百梯山南有穴莫測深淺每有勅使投金龍於此兼醮焉

王官故城在縣南二里左傳曰秦伯涉河焚舟取王官

五老仙人祠在縣西十七里

寶鼎縣次畿南至府一百一十里一本漢汾陰縣也屬東河郡劉元海

時廢汾陰縣入蒲坂縣後魏孝文帝復置汾陰縣開元十

一年改寶鼎縣

黃河在縣北十一里趙簡子沉侯臣欒激之所也

汾水北去縣二十五里

后土祠在縣西北一十一里

殷湯陵在縣北四十三里

解縣次畿東北至府四十五里本漢舊縣也屬河東郡大業二年

省解縣九年自綏化故城移虞鄉縣於廢解縣理即今縣

理是也武德元年改虞鄉縣為解縣屬虞州因漢舊名也

仍於蒲州界別置虞鄉縣貞觀十七年廢虞州解縣屬河

中府

中條山在縣南二十里

鹽池在縣東十里

女鹽池在縣西北三里東西二十五里南北二十里鹽味

小苦不及縣東火池鹽俗言此池亢旱鹽即凝結如逢霖雨鹽則不生今火池與安邑縣池總謂之雨池官置使以領之每歲收利納一百六十萬貫

熨斗收在縣東北二十五里

通路自縣東南踰中條山出白徑趣陝州之道也山巔砦天左石壁立間不容軌謂之石門路出其中名之白徑巔焉

永樂縣次畿北至府九十里本漢河北縣地周明帝改河北縣為

永樂縣武帝省永樂縣以地屬芮城縣武德二年分芮城於縣東北二里永固堡重置永樂屬芮州七年移於今理

貞觀八年改屬河中府

中條山在縣北三十里

河水經縣南二里

永樂澗水源出條山經縣東二里又南入河

五老山在縣東北十三里堯升首山觀河渚有五老人飛

為流星上入昴因號其山為五老山

絳州絳郡開元戶八萬一千九百八十八鄉一百七十六元和戶一萬一千二百七十一

禹貢冀州之域春秋時屬晉左傳曰晉人謀去故絳欲居

邠瑕氏之地韓獻子曰邠瑕氏土薄水淺不如新田遂遷

新田注曰新田今平陽絳邑縣是也三卿滅晉其地屬魏

元和郡縣圖志卷之十二

戰國時亦為魏地。秦為河東郡地。今州即漢河東郡之臨汾縣地也。魏正始八年分河東汾北置平陽郡。又為平陽郡地。後魏孝武帝於今理西南二十里。正平縣界柏壁置東雍州。及正平郡。其地屬焉。孝文帝廢東雍州。東魏靜帝復置周明帝武城二年改東雍州為絳州。大業三年廢州為絳郡。初義師將西入關。大將軍進次古堆。去絳郡十餘里。通守陳叔達堅守不下。高祖命尉人曰。明日早下絳城。然後食。乃引兵攻城。自旦及辰破之。仍置絳郡。武德元年罷郡置絳州。總管三年復為絳州。州境東西三百六十五里。南北三百三十三里。

八到西南至上都五百九十里  
東南至東都取垣縣王屋路四百八十里  
東北至晉州一百四十里  
東至澤州四百四十里  
南至陝州二百里  
西北至慈州二百四十里  
貢賦開元貢 梨 蝟 防風 賦 資布

管縣九 正平 太平 萬泉 回沃 翼城 聞喜

絳縣 稷山 龍門

正平縣望下本漢臨汾縣地。屬河東郡。開皇三年罷郡改屬絳州。十八年改臨汾縣為正平縣。因正平故郡城為名也。

汾水東北自曲沃縣界流入

澧水東自曲沃縣流入

元和郡縣圖志卷之十一



栢壁在縣西南二十里。後魏明帝元年於此置栢壁鎮。太武帝廢鎮置東雍州。及正平郡。周武帝於此改置絳州。建德六年又自此移絳州於今稷山縣西南二十里。玉壁按栢壁高二丈五尺。周迴八里。

晉鹿祁宮在縣南六里。左傳曰石言於晉。魏榆師曠曰石不能言。或憑焉。抑又聞之作事不時。怨言動於人。則有非言之物而言。於是晉侯方築鹿祁之宮。今按宮南有澮水。北有汾水。俱西流。至宮西而合。隋末依宮餘趾築堡。今名修義堡。

晉靈公臺在縣西北三十一里。左傳曰晉靈公不君。從臺

上。彈人觀其避丸。即此臺也。

武平故關在縣西三十里。高齊時置。周平齊廢。

晉齊姜墓在縣南九里。申生之母也。

驪姬墓在縣南八里。

太平縣

繫南至州五十里

本漢臨汾縣地。屬河東郡。後魏太武

於今縣東北二十七里。太平故關城置。秦平縣屬平陽郡。周改秦平為太平。因關名。開皇三年罷郡。改屬晉州。十年改屬絳州。

汾水在縣東二十九里。

太平故關城在縣東北二十七里。

元和郡縣圖志卷之十一

白波壘在縣東南十二里後漢末黃巾賊於西河白波谷  
寇太原於此築壘

子奇壘在縣東三十里後秦王姚興遣弟義楊公平字子  
奇與征虜將軍狄伯支等步騎四萬伐魏攻平陽陷之遂  
據柴壁魏軍大至截汾水以守之平大敗將麾下三十騎  
赴汾水而死狄伯支等十將四萬人皆為魏所擒今按此  
壘西臨汾水壘側尚有柴村子奇投汾水即此處也

趙盾祠在縣西南十八里  
李牧祠在縣東北十三里

晉公孫杵臼程嬰墓並在縣南二十一里趙盾墓塋中

萬泉縣上東北至州一百二十里一本漢汾陰縣地屬河東郡又薛

通城者後魏道武帝天賜元年赫連勃勃僭號夏侵河外  
于時有縣人薛通率宗族千餘家西去漢汾陰縣城八十  
里築城自固因名之武德三年於薛通故城置萬泉縣屬  
秦州縣東谷中有井泉百餘區因名萬泉貞觀十七年廢

秦州縣屬絳州

曲沃縣緊西至州五十里本晉舊都絳縣地也漢以為絳縣屬

河東郡後漢加邑字屬郡不改晉改屬平陽郡後魏孝文  
帝於今縣東南十里置曲沃縣屬正平郡因晉沃曲為名  
開皇三年罷正平郡改屬絳州

絳山在縣南十三里出銅  
汾水西南去縣二十二里

澮水在縣南二里

絳水在縣界南三十里

漢絳縣本春秋晉都新田也在縣南二里周勃為絳侯即  
其地也今號絳邑故城

涇庭故城在縣西北二十里左傳曰曲沃武公伐翼次于涇庭是也

臺駘神祠在縣西三十六里左傳曰晉侯有疾卜臺駘為

崇問於子產子產曰昔金天氏有裔子曰昧為玄冥師

生允格臺駘能業其官帝用嘉之封諸汾川今晉主汾而

滅之由是觀之則臺駘汾神也

翼城縣望西南至州一百里本漢絳縣地屬河東郡後魏明

帝置此絳縣開皇末改為翼城縣屬絳州因縣東古翼

城為名也武德元年於此置澮州二年廢澮州縣屬

絳州

澮高山在縣東南二十五里澮水出焉其山出鐵隋於此

置平梁治澮水今改名翼水

故翼城在縣東南十五里晉故絳都也

故唐城在縣西二十里堯裔子所封也

聞喜縣望西南至州六十里本漢左邑縣之相鄉也武帝元始

元和郡縣圖志卷之十一

土

六年將幸緱氏至此聞南越破大喜因立聞喜縣屬河東郡後魏改屬正平郡開皇三年罷郡屬絳州。

景山在縣東南十八里。

董澤一名董池波在縣東北十四里左傳厨武子曰董澤之蒲可勝既乎。

桐鄉故城漢聞喜縣也在縣西南八里俗以此城為伊尹放太甲於桐宮之所孔注尚書曰桐湯葬地也按今地有放太甲處在偃師縣界非此也又漢大司農朱邑屬其子葬桐鄉者又在今舒州界亦非此也。

王官故城今名王城在縣南十五里左傳曰俘我王官。

祁奚墓在縣東二十二里今太原祁縣又有祁奚墓未詳孰是。

絳縣上西北至州八十里本漢聞喜縣地後魏孝文帝置南絳

縣其地屬焉因縣此絳山為名也屬正平郡恭帝去南字直為絳縣開皇三年罷郡改屬絳州義寧元年屬義城郡武德元年屬滄州改屬絳州。

備窮山在縣東北二十五里出鐵鉏穴五所。

絳水一名沸泉水出絳山東谷懸流奔壑一十許丈西北注於澮史記稱智伯率韓魏引絳水灌晉陽不沉者三板智氏曰吾始不知水可以亡人之國今乃知之於是韓魏

之君共殺智伯水在縣北十四里

晉文公墓在縣東二十里左傳曰文公卒將殯于曲沃出

絳柩有聲如牛貞觀十一年詔致祭五十步禁樵蘇

稷山縣東至州四十九里本漢聞喜縣地屬河東郡後魏孝文

帝於今縣東南三十里置高涼縣屬龍門郡開皇三年罷

郡縣屬絳州十八年改為稷山縣因縣南稷山以為名

也

稷山在縣南五十五里左傳曰晉侯理兵於稷以略狄土即

此地也

汾水在縣南五十里

玉壁故城在縣南十二里後魏大統四年東道行臺王思

政表築玉壁城因自鎮之八年高觀寇玉壁思政有倫攻

不剋周初於此置玉壁總管武帝建德六年廢總管城周

迴八里四面並臨深谷

稷祠在縣南五十里稷山上

羲和墓在縣東北十七里

龍門縣望東至州一百一十里古耿國殷王祖乙所都晉獻公滅

之以封趙夙秦置置為皮氏縣漢屬河東郡後魏太武帝改

皮氏為龍門縣因龍門山為名屬北郡開皇三年廢郡以

縣屬絳州十六年割屬蒲州武德三年屬秦州貞觀十七

元和郡縣圖志卷之十二

年廢秦州縣隸絳州

汾水去縣五里漢武帝行幸河東作秋風詞即此水也  
故耿城在縣南十二里古耿國也

伏龍原在縣西南十八里

黃河北去縣二十五里即龍門口也禹貢曰浮於積石至  
於龍門注曰龍門山在河東之西界大禹導河積石䟽決龍  
門即斯處也河口廣八十步巖際雋迹遺功尚存三秦記  
曰河津一名龍門水陸不通魚鱉之屬莫能上江海大魚  
集龍門下數千不得上之則為龍故曰曝腮龍門水經  
注曰其魚出鞏縣鞏穴每三月則上渡龍門得則為龍否則

點額而還

蜚廉故城在縣南七里

龍門關在縣西北二十二里

大禹祠在縣西二十五里龍門山上隋末摧毀貞觀九年  
奉勅更令修理

高祖神堯皇帝廟在禹廟南絕頂之上畫行幸儀衛之像  
蓋義寧初義旗至此也

晉州

平陽 開元戶六萬八百五十三  
元和戶六千五百六十七

鄉一百四十八  
鄉五十九

禹貢冀州之城即堯舜禹所都平陽也春秋時其地屬晉  
戰國時屬韓後將馮亭以上黨降趙又屬趙在秦為河東

郡地也。今州即漢河東郡之平陽縣也。永嘉之亂，劉元海僭號，稱漢建都於此。前趙錄曰：太史令宣于循之言於元海曰：蒲子崎嶇，非可久安。平陽，唐堯昔都，頤陛下都之。於是遷都平陽。後魏太武帝於此置東雍州。孝明帝改為唐州。尋又改為晉州。因晉國以為名也。高齊武成帝於此置行臺。周武帝平齊，置晉州總管。義旗初建，改為平陽郡。武德元年，罷郡置晉州。三年為總管府。四年為都督府。貞觀六年廢府，復為晉州。

州境東西三百二十四里，南北二百五十里。  
八到：西南至上都七百三十里，東南至東都六百二十四里。  
東北至汾州三百六十里，東至潞州三百九十里。

西至慈州二百二十里，東北至沁州二百九十里。  
東南至澤州四百一十里，西北至懷州二百五十里。  
貞賦：開元貞，蝟蠋，麻布。

管縣九：臨汾、襄陵、神山、岳陽、洪洞、霍邑。

趙城、汾西、翼氏。

臨汾縣：望郭下。本漢平陽縣，屬河東郡。在平水之陽，故曰平

陽。魏置平陽郡，平陽縣屬焉。開皇元年改平陽縣為平河

縣。三年罷郡，縣屬晉州。其年又改車河縣為臨汾縣。

平山一名壺口山，今名姑射山，在縣西八里。平水出焉。尚

書曰：壺口理梁及岐。

汾水北自洪洞縣界流入。

元和郡縣圖志卷之十一

滴水今名三文水東自襄陵縣界流入

堯廟在縣東八里汾水東

姑射神祠在縣北十三里姑射山東武德元年勅置

龍子祠在姑射山東平水之源其地茂林翳蔚俯枕清流

實晉勝境也

劉和墓在縣南三十五里和元海太子也

劉聰墓在縣西南十一里聰元海第四子也

襄陵縣緊西北至州二十六里本漢舊縣也屬河東郡高齊省周

平齊自臨汾縣移禽昌縣於今理屬晉州大業二年改禽

昌為襄陵取漢舊名也縣東南有晉襄公陵因以為名先

是以禽昌名者後魏禽赫連昌以置縣故也

浮山在縣東南七里

滴水在縣北十五里

黑水經縣北二十五里

晉賈充墓在縣西南十里

神山縣中西至州七十八里本漢襄陵縣地也武德二年僕射

裴寂奏分襄陵縣置浮山縣屬晉州因山為名至三年因

羊角山神人見又改為神山焉

羊角山在縣東南三十一里

黑山今名烏頭山在縣東四十四里黑水出焉



老君祠在縣東南二十里武德三年見神於羊角山下語  
曲沃縣人吉善行日報大唐天子得聖理一千年其年勅  
遣通事舍人柳憲立祠因改縣為神山

岳陽縣中西南至州一百五十里一本漢穀遠縣地後魏孝莊帝置

安澤縣屬義寧郡開皇十六年改屬沁州大業二年改為

岳陽縣因山為名義旗初建屬平陽郡武德元年罷郡改

屬晉州

烏嶺山在縣東三十里

千畝原在縣北九十里周迴四十里

東池堡在縣南三十三里今堡中見貯義倉北面絕崖三

面各二丈五尺周迴二里

洪洞縣望西南至州六十里本漢楊縣即春秋時楊侯國也晉

滅之以賜大夫羊舌肸漢以縣屬河東郡魏置平陽郡楊

縣屬焉開皇三年罷郡改屬晉州義旗初建改為洪洞縣

因縣北故洪洞鎮為名也

霍山在縣東北三十里亭具霍邑縣

汾水自趙城縣東流入

洪洞故城在縣北六里後魏鎮城也姚鼐序行記曰周建

德五年從行討齊師次洪洞百雉相臨四周重複控據要

險城主張元靜率其所部肉袒軍門即此也

禽昌故縣在縣東南二十四里。後魏太武帝禽赫連昌置。因以名焉。

師曠祠在縣東南二十五里。

霍邑縣上

南至州一百五十里

本漢壺縣也。屬河東郡。因甌水為

名。即周厲王所奔之邑。後漢順帝改為永安縣。屬郡不改。

後魏初省。及宣武正始二年。又置永安縣。開皇十八年改為

霍邑縣。屬晉州。因霍山為名。隋末喪亂。武牙即將宋老生

屯兵于此。義師之至也。老生陳兵據險。師不得進。忽有白

衣老父詣軍門曰。霍山神遣語。大唐皇帝若向霍邑。當東

南傍山取路。我當助帝破之。遣人視之。果有微道。高祖笑

曰。此神不欺。趙衰子。豈常負我耶。於是進師。去城十餘里。

老生戰敗。劉弘基斬之。遂平霍邑。置霍山郡。武德元年廢

郡。復置呂州。貞觀十七年廢呂州縣。又隸晉州。

霍山一名太岳。在縣東三十里。禹貢曰。壺口雷首山于太

岳。鄭玄注曰。今河東壺縣霍太山是也。

呂坂在縣西南十里有呂鄉。晉大夫呂甥之邑也。呂州取

名於此。

汾水經縣西二里。

甌水出霍山。經縣南一里。

普濟寺。貞觀八年奉詔以破宋老生於此。置寺。

周厲王陵在縣東北二十五里

趙城縣上南至州九十五里本漢瓠縣地即造父之邑也自漢

迄晉不改後魏太武帝廢趙城縣義旗之初分霍邑縣置

屬霍山郡因故趙城為名武德元年廢郡置呂州縣屬焉

貞觀十七年廢呂州縣屬晉州

汾水在縣西四里

霍山廟在縣東南三十里霍山上甚有靈驗貞觀五年勅

令修理

汾西縣中東西至州一百八十里本漢瓠縣地屬河東郡後漢改

瓠為永安縣高齊又於此置臨汾郡及臨汾縣開皇三年

改臨汾縣為汾西縣十六年改屬汾州十八年改屬呂州

大業二年改屬晉州義旗初屬霍山郡武德元年又屬呂

州貞觀十七年廢呂州又屬晉州

汾水在縣東三十五里

翼氏縣中西至州一百九十二里本漢倚氏縣地也屬上黨郡倚

音居義反至晉省後魏莊帝於倚氏城南置翼氏縣屬晉

州

馬嶺山在縣西三十里

沁水在縣東一里

慈州文城開元戶一萬一千二百七十五鄉三十

元和戶一千百七十七

元和即縣圖志卷之三

禹貢冀州之域春秋時晉之屈邑獻公子夷吾所居也左傳曰驪姬賂外嬖梁五與東闡嬖五使言于公曰蒲與二屈君之疆也不可無主乃使重耳居蒲夷吾居屈注曰二屈今平陽郡北屈縣也左傳屈產之乘亦此地秦兼天下縣屬河東郡漢北屈縣屬河西郡後魏孝文帝於北屈縣南二十一里置定河郡即今州理是也隋開皇元年改定陽郡為武城郡貞觀八年改為慈州州內有慈烏戍因以為名

州境東西五百五十一里南北二百一十二里西南至上都六百八十五里東南至絳州太平縣一百九十里  
北至濕州二百里西北至丹州一百八十里東南至晉州二百四十五里正西至黃河六十五里  
東南至東都七百二十五里西至龍門縣一百八十里

貢賦開元貢麻布 蠟白蜜

管縣五 吉昌 文成 昌寧 仵城 呂香

吉昌縣中郭下本漢北屈縣地也屬河東郡後魏孝文帝於今州置定陽郡并置定陽縣會有河西定陽胡人渡河居於此因以為名十八年改定陽縣為吉昌縣貞觀八年改置慈州縣依舊屬焉

壺口山在縣西南五十里

風山在縣北三十里山上有穴如輪風氣蕭瑟未嘗暫止

當其衝略不生草故以風為名

黃河北去縣六十里

姚襄城在縣西五十二里本姚襄所築其城西臨黃河控帶龍門孟門之險周齊交爭之地齊後主武平二年遣右丞相斛律明月左丞相平原王段孝先破周兵於此城遂立碑以表其功其碑見存齊氏又於此城置鎮開皇廢武德二年又置鎮九年廢城高二丈周迴五里也

文城縣中 東南至州六十五里本漢屈縣地屬河東郡後魏孝文

帝於此置斤城縣屬定陽郡開皇十六年改斤城縣為文城縣

孟門山俗名石槽在縣西南三十六里淮南子曰龍門未闢呂梁未鑿河水孟門之上名曰洪水大禹疏通謂之孟門水經注曰風山西四十里河水南出孟門與龍門相對即龍門之上口也實為黃河之巨阨今按河中有山鑿中如槽東流懸注七十餘尺

文城故城在縣北三十里故老曰此城晉文公為公子時避驪姬之難從蒲奔狄因築此城人遂呼為文城

昌平縣中 西北至州五十里本漢臨汾縣地屬河東郡後魏太

武帝分臨汾縣置太平縣孝文帝又分太平縣置昌平縣屬定陽郡開皇九年改屬耿州十八年又屬汾州大業二

年改汾州為文城郡。縣仍隸焉。貞觀八年改為慈州。縣又屬焉。

兩乳山在縣西南七十里。山有兩岫，望如乳形，因以為名。黃河北去縣七十九里。

倚梯故城在縣西南一百五十里。累石為之，東北兩面據嶺臨谷，西南兩面俯眺黃河，懸崖絕壁百餘尺。其西南角即龍門之上口也。以城在高嶺，非倚梯不得上，因以為名。城中有禹廟。後魏孝文西巡至此，立碑，碑今先在。

禹廟在縣西南一百五十里。龍門東岬上，其碑是後魏孝文帝所立。

晉荀息墓在縣東北六十里。

仵城縣中西南至州五十八里。本漢北屈縣地，屬河東郡。後漢於

此置仵城郡，領京軍縣。孝文帝改京軍縣為仵城縣。開皇三年廢仵城郡，改屬文城郡。皇朝改屬慈州。

石門山在縣北六十里。

柘定故城在縣西一里。周保定四年置，以高境因以為名。隋廢。

呂香縣中至州百二十里。本漢臨汾縣地也，屬河東郡。後魏

太武帝於此置邢軍縣，屬仵城郡。孝文帝改為平昌縣。開皇十六年省平昌入仵城縣。義寧元年於此置平昌縣。貞

觀元年改為呂香縣因舊呂香鎮為名屬慈州

馬頭山在縣南六十里其山峭嶷焉如馬首因以為名

橫嶺山在縣西北六十里

隰州大寧開元戶一萬八千五百八十三鄉四十八元和中戶二萬三千三百四十九鄉二十四

禹貢冀州之域春秋時為晉地七國屬魏秦為河東郡地

在漢為蒲子縣屬河東郡後魏初屬件城郡孝文改蒲子

為長壽縣太和十二年於此置汾州周宣帝大象元年於

今州東百步置龍泉郡隋開皇五年改為隰州大業三年

又改為龍泉郡武德元年又為隰州爾雅曰下隰曰隰以

州帶泉泊下濕故以隰為名

州境東西南北

八到東南取慈州路至上都八百八十五里

東南至東都八百八十里

東南至晉州汾西縣一百六十里

西至延州三百六十里

北至石州二百五十里

南至河一府四百七十里

東北至汾州二百七十里

東南至河中府六百里

貢賦開元麻布蠟白蜜麝香胡女布

管縣六隰川蒲縣大寧溫泉永和石樓

隰州縣中下本漢蒲子縣地也屬河東郡魏少帝分河東

置平陽郡蒲子縣屬焉劉元海僭號稱漢初理於蒲子後

徙平陽又於此置大昌郡以蒲子屬焉周宣帝改置長壽

縣開皇十八年改為隰川縣南有龍泉下濕因以為名屬隰州

蒲水源出縣東北石樓山

黃櫨谷水出縣東北黃櫨谷

故橫城在縣南三十五里隋仁壽四年楊諒作逆遣偽將吳子通屯兵築城於此橫絕蒲川道因以為名

蒲縣中西北至州一百一十里本漢蒲子縣地後魏於此置石

城縣後廢周宣帝於石城故縣置蒲子縣因漢蒲子縣為名也屬定陽郡開皇五年改屬隰州大業二年改為蒲縣五秃山在縣東北五十里山少草木故名五秃周迴七十

七里

常安原在縣西南四十里東西廣四十里南北長二十里作城故城在縣南六十三里後魏作城郡也

大寧縣中東北至州八十六里本漢北屈縣地也屬河東郡後魏

於此置作城縣尋廢周武帝又於廢縣西三里置大寧縣屬南汾州大業二年省武德二年於此置中州後置大寧縣以屬焉貞觀元年廢中州以縣屬隰州

孔山在縣西北二十五里上有穴如車輪三所東西相去各二丈其深不測因以名

黃河北去縣六十八里



蒲水一名斤水去縣六十步

浮圖鎮齊清河四年築隋移大寧縣理即今此縣理是也

溫泉縣

中 西南至州一百六十里

一本漢土軍縣地也後魏於土軍

故縣東七十里置新城縣屬土京郡太武改名嶺東縣孝

文改為新城縣武德三年於縣東南四十里置北溫州及

溫泉縣因縣南溫泉為名貞觀元年省北溫州及新城縣

以溫泉縣屬隰州

遠望山一名可寒堆在縣西七十里高五里周迴七十五

里

西陽泉源出縣東北去縣十里

永和縣

中 東至州八十里

本漢狐溝之涉縣屬河東郡後漢省

魏初復置狐溝縣屬河東郡魏廢高齊後主於其城置永

和鎮周宣帝廢鎮置臨河郡及臨河縣屬汾州開皇五年

改屬隰州十八年改臨河為永和縣以縣西永和關為名

也

棲山在縣西南二十二里

黃河東去縣六十里

狐溝故縣城在縣西南三十五里

石樓縣

中 東至州九十里

本漢土軍縣也屬西河郡晉省後魏

孝文帝於此城置土京郡即漢土軍縣蓋胡俗音訛以軍

為京也。開皇五年，又以土京屬隰州。十八年，改土京為石樓縣。因縣東石樓山為名也。

石樓山在縣東南六十里。水經注曰：蒲水出石樓山。黃河東去縣九十九里。

龍泉水出縣東南去縣十里。山下牧馬多，產名駒，故得龍泉之號。

縣理城，漢土軍城也。其城圓而不方，故謂之團城。

元和郡縣圖志卷第十二終

元和郡縣圖志卷第十三

河東道二

河東節度使

今為河東節度理所

太原府 開元戶一十二萬六千八百四十 鄉二百四十五  
元和戶一十二萬四千 鄉二百四十九

管州十一 太原府 汾州 沁州 儀州

嵐州 自嵐州已下分入下卷

石州 忻州 代州 蔚州 朔州

雲州

管縣四十五 都管戶一十五萬一千六百八十三

禹貢冀州之域。禹貢曰：既修太原。注曰：高平曰原。今以為郡名。舜典曰：肇十有二州。王肅注曰：舜為冀州之北。太廣分置并州。至夏復為九州。省并州合于冀州。周之九州復置并州。職方曰：正北曰并州。其山鎮曰恒山。藪曰昭餘。祁川曰滹沱。漚。夷。浸曰涿。易釋名曰：并，兼也。言其州或并或設。因以為名。春秋晉荀吳敗狄于大鹵。即太原晉陽縣也。中國曰太原。夷狄曰太鹵。按晉太鹵大夏墟平陽晉陽諸名其實一也。太康地記曰：并州不以衛水為號。又不以恒山為名。而言并者。蓋以其在兩谷之間乎。按今州本高辛氏之子實沈。又金天氏之子臺駘之所居也。左傳曰：昔高

辛氏有二子。伯曰閼伯。季曰實沈。居於大林。不相能也。日尋干戈。后帝不臧。遷實沈于大夏。主參。金天氏有裔子曰昧。為玄冥師。生允格。臺駘。以處太原。晉陽縣也。太原臺駘之所居。按今州。又為唐國。帝堯為唐侯所封。又為夏禹之所都也。帝王世紀曰：帝堯始封於唐。又徙晉陽。及為天子都平陽。平陽即今晉州。晉陽即今太原也。又曰：禹自安邑都晉陽。至桀。徙都安邑。至周成王。以封弟叔虞。是為晉侯。史記曰：成王與叔虞戲。削桐葉為珪。曰：以是封汝。周公請封之於唐。成王曰：吾戲耳。周公曰：天子無戲言。遂以封之。今州春秋時為晉國。戰國時為趙地。左傳曰：晉趙鞅入晉。

陽以叛。顏客曰：趙簡子居晉陽，至成公居邯鄲。史記曰：智伯率韓魏攻趙襄子，奔保晉陽，復為韓魏趙所滅。故其地屬趙。地理志曰：趙西有太原。秦本紀曰：莊襄王二年，蒙鰲攻趙，定太原。四年，初置太原郡。始皇置三十六郡，仍為太原郡。漢二年，魏豹反為楚，盡有太原上黨之地。九月，韓信虜魏豹，定魏地，置河東上黨太原郡。六年，以太原二十縣為韓國，徙封韓王信都太原。七年，信反，走入匈奴。十一年，封皇子為代王，都晉陽。文帝元年，立皇子參為太原王，都晉陽。地理志云：太原郡領二十一縣，屬并州。後漢末，省并州入冀州。魏文帝黃初元年，復置并州，改太原郡為太

原國。初，曹公圍袁尚於鄴。時袁紹外甥高幹為并州刺史。袁紹說幹曰：并州左有怕山之險，右有大河之固，北有強胡，宜速迎尚，并力觀變。幹不能用，故敗。晉惠帝時，并州之地盡為劉元海所有。其後劉曜徙都長安，自平陽以東盡入石勒。至符堅姚興赫連勃勃，並於河東郡置并州。後符丕為慕容垂所迫，奔於晉陽，稱帝。一年為慕容永所滅。後魏復為太原郡。周武帝建德六年，平齊，置六府於并州。後省六府，置并州總管。隋開皇二年，廢總管，置河北道行臺尚書省，今州理是也。九年，廢行臺，復置并州總管。大業元年，廢總管。三年，罷州為太原郡。隋季凌達寇盜充斥，場

帝以高祖為山西河東道撫慰大使太原郡留守仍遣武  
貴即將王威高君雅為副時賊帥歷山飛衆號十萬來寇  
郡境劉武周又殺太守王仁恭舉兵馬邑俄又攻破汾陽  
宮監裴寂晉陽令劉文靜勸高祖舉兵旬日間衆至數萬  
威君雅有疑心高祖斬之以徇時大業十三年也其年入  
關尅定京邑高祖輔政義寧元年太原郡仍舊不改武德  
元年罷郡為并州總管三年廢總管四年又置其年又改  
為上總管五年又改為大總管七年又改為大都督天授  
元年罷都督府置北都神龍元年依舊為并州大都督府  
開元十一年玄宗行幸至此州以王業所興又建北都改

并州為太原府立起義堂碑以紀其事二十一年分天下  
州郡為十五道置採訪使以檢察非法太原為河東道又  
於邊境置節度使以式遏四夷河東最為天下雄鎮節度  
理太原府管兵五萬五千馬一萬四千匹  
夜賜一百二十六萬匹段軍糧五十萬石  
兵軍太原府城內聖歷二年置管  
七十里調露中裴行儉破突厥置管兵七千七  
百人馬一千三百匹東南去理所八百餘里  
郡北三百里調露中突厥南侵裴行儉開置管兵九千五  
百人馬至百匹東南去理所八百餘里雁門今代州也

橫野軍

闕

安邊郡

東北百四十里開元中

千官人馬千八百匹西南去理  
所九百餘里安邊郡今蔚州

定襄郡

去理所百八十里管兵三千

雁門郡去理所五百里

樓煩郡

東南去理所二百五十里

元和郡縣圖志卷之十三

四

岢嵐軍樓煩郡北百里長安中李迥秀置管兵天寶元年

改北都為北京今太原有三城府及晉陽縣在西城太原

縣在東城汾水貫中城南流

州境東西南北

八到東南至儀州三百四十五里

西南至趙州五百六十里

西南至上都一千二百六十里

西南至沁州三百四十里

管縣一十三

太原

晉陽

榆次

清源

壽陽

太谷

祁縣

文水

交城

廣陽

陽曲

孟縣

貢賦

開元貢

甘草

龍骨

特生草

銅鏡

刺麻布

黃石銚人參

柏子仁蒲萄

太原縣赤郭

下

開元戶二萬一千六百五十六

元和戶

鄉四十

本漢晉陽縣地齊高河清四年自今州城中移晉陽縣於

汾水東隋文帝開皇十年移晉陽縣於今城中仍於其處

置太原縣屬并州大業三年罷州置太原郡縣仍屬焉隋

末移入州城貞觀十二年還遷於舊理在州東二里百六

十步

牢山一名看山在縣東北四十五里後魏書曰劉總遣子

榮襲晉陽猗盧救之遂獵牢山陳閱皮肉山為之赤其山

出金銚

潛丘在縣南三里爾雅曰晉有潛丘隋開皇二年於其上

元和郡縣圖志卷之三

五

置大興國觀

洞過水東自榆次縣界流入西去縣三十里入晉陽縣界  
陽曲故城在縣東北四十五里

陽直故城在縣東北二十里開皇十六年改陽曲縣理此

晉渠在縣西一里西自晉陽縣界流入汾東地多鹹鹵井  
不堪食貞觀十三年長史英國公李勣乃於汾河之上引  
決晉渠歷縣經鄠又西流入汾水

晉陽赤郭

開元戶一萬二千八百八十一

鄉二十五

本漢舊縣也屬太原郡至後魏並不改案此前晉陽縣理  
州城中高齊武成帝河清四年移晉陽縣於汾水東今太

原縣理是也武平六年於今理置龍山縣屬太原郡因縣  
西龍山以為名也開皇三年罷郡置并州十年廢龍山縣  
移晉陽縣理之大業三年罷州為太原郡縣仍屬焉皇朝  
因之在州南二里

懸甕山一名龍山在縣西南十二里山海經曰懸甕之山  
晉水出焉其上多玉其下多銅

蒙山在縣西北十里六國春秋曰前趙劉聰征劉琨不克  
略晉陽之人踰蒙山而歸即謂此也今山上有楊忠碑為  
周將討齊戰勝隋文開皇二年追紀功烈始建此碑忠即  
文帝之考謚曰武元皇帝

汾水北自陽曲縣界流入經縣東二里又西南入清源縣界

晉水源出縣西南懸甕山水經注曰晉水出懸甕山東過其縣南昔智伯造晉水灌晉陽城不沒者三版後人踵其遺跡蓄以為沼之水分為二派其北瀆即智氏故渠也其瀆乘高東北注入晉陽城以周灌溉東南出城注於汾水其南瀆於石塘下伏流東南出晉陽城南又東南入於汾今按晉水初衆出處砌石為塘自塘東分為三派其北一派名智伯渠東北流入州城中出城入汾水其次派東流經晉澤南又東流入汾水此二派即酈元所言分為二派

者也其南汾隋文開皇四年開東南流入汾水

洞過水東自太原縣界流入西入於汾晉水下口者也水經注曰劉琨之為并州也劉元海引兵擊之合戰於洞過即此水是也今按此水出沾縣北山沾即今樂平縣也水經縣東南二十五里入汾水

晉澤在縣西南六里開皇六年引晉水溉稻田周迴四十一里

府城故老傳晉并州刺史劉琨築今按城高四丈周迴二十七里今按城中又有三城其一曰大明城即古晉陽城也左傳言董安於所築史記云智伯攻襄子於晉陽引汾



水灌其城。不沒者三版。春秋後語云。智伯攻晉陽。決晉水灌之。城中懸釜而炊。今按城東有汾水南流。城西又有晉水入城。而史記云。引汾水。後語云。決晉水。二家不同。未詳孰是。高齊後帝於此置大明宮。因名大明城。姚最序行記曰。晉陽宮西南有小城。內有殿號大明宮。即此也。城高四丈。周迴四理。又一城南面。因大明城。西面連倉城北面。因州城。東魏孝靜帝於此置晉陽宮。隋文更名新城。煬帝更置晉陽宮。城高四丈。周迴七里。又一城東面。連新城。西面。因州城。開皇十六年。築今名倉城。高四丈。周迴八里。故唐城在縣北二里。堯所築。唐叔虞之子燮。父徙都之所也。

三角城在縣西北十九里。一名徒人城。捍胡城一名看胡城。在縣北二十三里。受瑞壇在州理倉城中。義旗初。高祖太武皇帝受瑞石於此壇。文曰。李理萬吉。

晉陽故宮一名大明宮。在州城內。今名大明城是也。昔智伯攻趙衰子。衰子謂張孟談曰。無箭奈何。對曰。臣聞董安于。簡主之才臣也。理晉陽公宮之垣。皆以荻蒿。槩牆之。蒿至於丈。於是發而試之。其堅則菌。籬之勁。不能過也。公曰。矢足矣。吾銅少。對曰。臣聞董安于之理。

晉陽公宮之室皆以鍊銅為柱質請發而用之則有餘銅矣高齊文宣帝又於城中置大明宮

竹馬府在州城中

汾橋架汾水在縣東一里即豫讓欲刺趙襄子伏於橋下襄子解衣之處橋長七十五步廣六丈四尺

晉祠一名王祠周唐叔虞祠也在縣西南十二里水經注曰昔智伯過晉水以灌晉陽其川上源後人蓄以為沼西際山枕水者唐叔虞祠水側有涼堂結飛梁於水上晉川之中最為勝處序行記曰高洋天保中大起樓觀穿築

池塘自洋已下皆遊集焉至今為北都之勝

介之推祠在縣東五十里

唐叔虞墓在縣西南十六里

高齊相國咸陽王斛律金墓在縣西南十七里

晉祠碑在乾陽門街貞觀二十二年太宗幸并州所置御製并書

起義堂碑在乾陽門街開元十一年玄宗幸太原所立御製并書

講武臺在縣西北十五里顯慶五年置

榆次縣畿

西去府五十六里

開元戶一萬五千四百三十七

無和戶

鄉三十

本漢舊縣即春秋時晉魏榆地左傳曰石言于晉魏榆注曰魏晉邑榆即州理名也史記曰莊襄王二年使蒙驁攻趙魏榆漢以為縣屬太原郡後魏太武帝并入晉陽縣宣武帝復置榆次縣高齊文宣帝省自今縣東十里移中都縣理之屬太原郡十年改中都縣又為榆次縣三年罷州為郡縣仍屬焉皇朝因之

麓臺山俗名鑿台山在縣東南三十五里

洞過水東自壽陽縣界流入經縣南四里又西南入太原縣界

中都故城縣東十里高齊移於廢榆次城即今縣理是也

鑿臺在縣南四里水經注曰洞過水西過榆次縣南水側有鑿臺智伯瑤刳腹絕腸折頭摺頤之處史記曰智氏信韓魏從而伐趙攻晉陽韓魏殺之於鑿臺之下說苑曰智氏見利趙之利不知榆次之禍皆謂此也今按其臺為洞過水所浸無復遺跡

原過祠俗名原公祠在縣東九里史記曰智伯率韓魏攻

趙之襄子懼乃奔保晉陽原過從後至於王澤見三人自帶以上可見自帶以下不可見與原過竹三節莫通曰為

我遺趙母卹原過既至以告襄子襄子齊三日親自剖竹有朱書曰趙母卹余霍泰山之陽侯天吏也三月丙戌余將使

汝反威智氏汝亦立我百邑襄子再拜受三神之令既威智氏遂祠三神於百邑使原過主之

麓臺山祠俗名智伯祠在麓臺山上

清源縣

畿東北至府三十九里

開元戶八千五百四十一鄉十七

本漢榆次縣地理志曰榆次有梗陽鄉魏成邑按梗陽在今縣南百二十步梗陽故城是也自漢晉皆為榆次縣地後魏省榆次縣地屬晉陽開皇十六年於梗陽故城置清源縣屬并州因縣西清源水為名大業二年省又為晉陽縣地武德元年重置

汾水經縣東去縣九里又東南入文水縣界

梗陽故縣城春秋晉大夫祁氏邑也在縣南百二十步左傳曰晉殺祁盈遂滅祁氏分為七縣成為梗陽大夫是也開皇十六年於其城內置清源縣

鷺城在縣東南二十二里晉陽春秋曰永嘉元年洛陽步廣里地陷有二鷺色黃蒼者飛冲天白者不能飛倉雜色故夷之象劉曜以為已瑞築此城以應之

闔沒墓在縣西南三里左傳曰梗陽人有獄魏成不能斷以獄上其大宗賂以女樂魏子將受之魏成謂闔沒死諫許諾退朝待於庭饋入召之比置三歎魏子問之對曰或賜小人酒不夕食饋始置恐不足中自咎曰豈將軍食之

而有不足及饋之畢願以小人之腹為君子之心屬饜而  
已魏子辭梗陽人

壽陽縣畿

西南至府一百五十里

開元戶五千一百六十七鄉十

本漢榆次縣地西晉於此置受陽縣屬樂平郡永嘉後省  
晉末山戎內侵後魏太武遷戎外出徙受陽之戶於太陵  
城南置受陽縣屬太原郡受陽縣即今文水縣是也開皇  
十年改受陽為文水縣又於受陽故城別置受陽縣屬并  
州即今縣是也大業三年罷州為太原郡縣仍屬焉武德  
三年置受州縣改屬焉貞觀八年廢受州縣屬并州貞觀十  
一年更名壽陽

方山在縣北四十里

洞過水東自樂平縣界流入在縣南五十里又西南入榆  
次縣界

馬首故城在縣東南十五里左傳曰晉分祁氏之田為七  
縣韓固為馬首大夫即其地也

神武故城後魏神武郡也在縣北三十里周廢

太谷縣畿

西北至府七十五里

開元戶一萬五百九十鄉二十

本漢陽邑縣地屬太原郡今縣東十五里陽邑故城是也  
後漢明帝以馮魴為陽邑侯後魏太武帝省景明二年復  
置陽邑縣屬太原郡即今縣是也高齊及周同開皇三年

罷郡屬并州。開皇十八年，改陽邑為太谷縣。因縣西太谷為名。大業三年，罷州為太原郡，縣仍屬焉。武德三年，分并州之太谷、祁二縣於此，置太州。六年，省太州，復以太谷、祁縣屬并州。

白壁嶺縣北七十五里。

蔣谷水，今名象谷水。源出縣東南象谷，經縣北四里，北入清源縣界。

陽武故城在縣東南十五里。

咸陽故城在縣西南十里。秦伐趙，築之以咸陽兵戍之，因名。

蘿孽亭，俗名落漢城，在縣西北十九里。

祁縣，畿

北至府一百里。

開元戶一萬五千七百八十二。鄉三。

本漢舊縣，即春秋時晉大夫祁奚之邑也。左傳曰：晉殺祁盈，遂滅祁氏，分為七縣，以賈辛為祁大夫。注曰：太原祁縣也。按漢祁縣在東南五里，故祁城是也。後漢訖後魏并不改。高齊天寶七年，省開皇十年，重置屬并州。武德二年，改屬太州。六年，省太州，還屬并州。

情山在縣東南六十里。

胡甲水，一名太谷水，東南自潞州武鄉縣界流入，又南入汾州平遙縣界。

故祁城漢祁縣城也。在縣東南五里。晉大夫賈辛邑。水經注曰：賈辛以貌醜，妻不為言，與之如臯射雉中之妻，乃笑。按左傳：魏獻子謂賈辛曰：昔賈大夫惡取妻而美，三年不言，御以如臯射雉獲之，其妻始笑而言。注曰：賈國之大夫，以此而言，則辛非射雉者。酈元所引為謬。

趙襄子城在縣西六里。

雲州故城後魏雲州城也。在縣西二十里。孝武帝永熙中。

寄理并州界，謂此也。

祁奚墓在縣東南七里。

後漢溫序墓在縣西北十四里。序本祁人，死葬洛陽，其子

夢序云：久客思故鄉，乃反葬焉。

後漢周黨墓在縣東南十四里。黨廣武人，世祖引見，伏而

不謁。

高齊唐邕墓在縣東南七十里。碑云：齊尚書令晉昌王。

文水縣畿 東北至府一百二十里 開元戶一萬二千六百六 元和戶 鄉二十三

本漢大陵縣地，屬太原郡。今縣北十三里大陵故城是也。

後魏省，仍於今理。置受陽縣，屬太原郡。開皇十年改受陽

縣為文水縣，因縣西文谷水為名。皇朝因之。天授元年改

為武興縣。神龍元年復為文水縣。城甚寬，大約三十里，百

姓於城中種水田。

元和郡縣圖志卷之三

汾水東北自清涼縣界流入經縣東十五里又西南入汾州隰城縣界

文水西北自交城縣界流入經縣西又南入隰城縣界大陵城漢大陵縣也在縣東北十里史記曰趙武靈王遊大陵夢處女鼓琴而歌異日數言所夢想見其狀吳廣聞之因進孟婉焉

平陶城漢平陶縣城也在縣西南二十五里屬太原郡後魏改為平遙縣後西胡內侵遷居京陵塞在今汾州界大于城在縣西南十一里本劉元海築令兄延年鎮之胡語長兄為大于因以為名

交城縣 畿 東北至府八十里 開元戶五千四百十三 元和戶 鄉十二

本漢晉陽縣地開皇十六年分晉陽縣置交城縣取古交城為名屬并州皇朝因之天授二年長史王及善自山北故交城縣移就却波村置

少陽山在縣西南九十五里其上多玉其下多赤銀高二百丈周迴二十里

羊腸山在縣東南五十三里石磴縈委若羊腸後魏於此立倉今嶺上有故石墟俗云太武帝避暑之所地理志上黨壺關亦有羊腸坂在今潞州界不謂此也

狐突山在縣西南五十里出鐵鉞



汾水西北自嵐州靜樂界流入

文谷水出縣西南文谷水經曰文水出大陵縣西山文谷

按大陵縣在今文水縣北十三里大陵故城是也文水發

源比城西北東南流入文水縣界行八十里

廣陽縣

西至府二百六十里

開元戶二千六百七十三鄉五

本漢上艾縣也屬太原郡後漢屬常山國晉屬樂平郡後

魏改石艾縣屬樂平郡不改開皇三年罷郡改屬遼州大

業三年省遼州後屬并州武德三年又屬遼州遼州今太

原府樂平縣理是也六年改屬受州貞觀八年廢受州後

屬并州天寶元年改為廣陽縣因縣西南八十里廣陽故

城為名也

浮山在縣東南三十五里

澤發水一名阜漿水亦名妬女泉源出縣東北董卓壘東

今其泉初出大如車輪水色青碧泉傍有祠土人祀之婦

人衽服靚粧必興雨電故曰妬女故老傳此泉中有神似

鯨晝伏夜遊神出水隨神而涌其水東北流入井陘縣界

廢受州城在縣西北三十里舊名塞魚城武德八年因故

跡築移受州里此貞觀八年廢

井陘故關在縣東八十里史記曰漢二年韓信與張耳欲東

下井陘擊趙王成安君陳餘聚兵井陘口二十萬廣武

君李左車說成安君曰井陘道狹車不得方軌騎不得成  
列假臣奇兵三萬從間道絕其輜重不至十日兩將之頭  
可致戲下餘不從故收今按井陘亦名土門

盤石故關在縣東北七十里

葦澤故關在縣東北八十里

董卓壘在縣東北八十里水經注曰澤發水出董卓壘東

妬女祠在縣東北九十里澤發水源

陽曲縣畿南至府開元戶八千一百二十二鄉十六

本漢舊縣也屬太原郡黃河千里一曲曲當其陽故曰陽

曲按此即陽曲縣今忻州定襄縣是也後漢末移於太原

縣北四十五里陽曲故城是也後魏又移於今縣南四里

陽直故城開皇三年改為陽直縣十年又移於今縣東北

四十里汾陽故縣十六年改陽直縣為汾陽縣因漢舊名

也煬帝又改為陽直縣移理木井城即今縣理是也武德

七年又移於今縣西十五里分置汾陽縣屬并州七年省

陽直縣改汾陽為陽曲縣因漢舊縣也

方山在縣東六十里

汾水西自交城縣流入經縣西南去縣三十里又東南入

太原縣界

縣城故木井城也東魏孝靜帝築城中有井以木為甃因

名之

狼孟故城在縣東北三十六里。史記曰：始皇十五年，大興兵至太原，取狼孟是也。漢以為縣，屬太原郡。晉末省。按城左右狹澗幽深，南面太塹，俗謂之狼馬澗。舊斷澗為城，今餘壁猶存。

故孟城，漢孟縣也。本春秋時晉大夫祁氏邑，在縣東北十里。左傳曰：晉殺祁盈，遂滅祁氏，分為七縣，以孟景為孟大夫。漢以為縣。

石嶺鎮在縣東北七十里。

孟縣畿

西南至府二百二十里

開元戶五千二百七十六

元和戶

本漢舊縣，屬太原郡。後漢及晉不改。按此，前孟縣在今縣西南陽曲縣東北八十里，故孟縣城是也。後魏省地，屬石艾縣。開皇十六年，分石艾縣置原仇縣，屬遼州。因原仇故城為名，即今縣是也。大業二年，改原仇為孟縣，因漢舊名。屬并州。皇朝因之。武德三年，割并州之孟壽陽二縣於此，置受州。貞觀八年，省受州，孟縣復屬并州。

白馬山在縣東北六十里。山海經曰：白馬之山，其陽多玉石，其陰多鐵。及赤銅，木馬之水出焉。山上有白馬關。後魏所置。

原仇山在縣北三十里。出人參鐵，錫。縣取此山為名。淳化

水西自代州五臺縣界流入南去縣百里

縣城本名原仇城亦名仇由城按韓子曰智伯欲伐仇由

國道難不通鑄大鐘遺之仇由大悅除塗將內之赤章曼

支諫不聽斬穀而馳仇由以亡蓋其地也

樂平縣

西南至府三百里

開元戶二千六百八十九

御五

本縣沾縣屬上黨郡

沾音丁念反

晉於此置樂平郡沾縣

屬焉又別置樂平縣後魏太武帝省樂平郡及縣孝明帝於

今儀州和順縣重置樂平郡及縣高齊移理沾城即今縣

是也開皇十六年於此置遼州縣屬焉大業二年省遼州

以樂平屬并州皇朝因之武德六年廢受州貞觀八年省

受州縣改屬并州

少山一名河逢山在縣西南三十里福地記曰河逢山在

樂平沾縣高八百丈可避兵水此即怕山之佐命也

沾嶺在縣西三十里

清漳水出縣西南少山山海經曰少山清漳水出焉今按

清漳樂平濁漳出潞州山子縣界

縣城即漢沾縣城也隋文帝更加修築

昔陽故城一名夕陽城在縣東五十里左傳曰晉荀吳假

道於鮮虞遂入昔陽戚肥子綿臯歸七國時趙成於此

汾州

西河開元戶五萬三千七十六

鄉一百一十四

元和戶八千三百四

鄉一百一十八

禹貢冀州之域其在虞舜十二州及周皆屬并州春秋時為晉地後屬魏謂之西河子夏居西河吳起為西河守皆謂此也秦屬太原郡漢武帝元朔四年置西河郡領縣三十六理富昌縣是也後漢徙理離石即今石州離石縣也獻帝末荒廢魏黃初二年乃於漢慈氏縣置西河郡即今州理是也晉惠帝時為劉元海所攻破郡遂廢後魏孝文帝太和八年復於慈氏舊城置西河郡屬吐京鎮按吐京鎮今隰州西北九十里石樓縣是也十二年改吐京鎮為汾州西河郡仍屬焉明帝時為胡賊所破因此移西河郡理平陽界高齊又於此城置南朔州周武帝廢南朔州宣帝

於此置汾州大業三年廢汾州還於隰城縣置西河郡皇朝初改為浩州武德三年又改浩州為汾州

州境東西一百六十四里  
南北一百八十五里  
八到西南至上都一千九十里  
西北至石州一百六十里  
東北至太原府一百七十里  
東南至沁州二百六十里  
貢賦開元貢 龍鬚席 石膏 賦 麻布 菽粟

管縣五 西河 孝義 介休 靈石 平遙  
西河縣望 郭下 開元戶一萬二千三百七十五 鄉二十五

本漢慈氏縣也曹魏於此置西河郡晉改為國仍改慈氏縣為隰城縣上元元年改為西河縣今域內有晉西河王

斌碑文字殘缺

謁泉山上有石室去地五十餘丈頂上平地可千頃相傳以為子夏石室

比干山在縣北一百一十里

文湖一名西河泊在縣東十里多捕魚之利

八門城在縣北十五里劉元海遣將喬嵩攻西河築營自

固營有八門因名

卜商祠在縣北四十里

孝義縣緊西北至州三十五里

開元戶一萬六百八十五

本漢慈氏縣地曹魏移西河郡中陽縣於今理永嘉後省

入隰城後魏又分隰城於今靈石縣東三十里置永安縣

貞觀元年以縣名與涪州縣名同改為孝義縣因縣人郭

興有孝義故以名焉

勝水在縣南一里

團城在縣西北十八里後魏築以防稽胡其城紆曲故名

團城

魏文侯墳在縣西五里

段干木墓在縣東北二十五里

介休縣

望西北至州六十五里

開元戶一萬一千三百八十三鄉二十三

本漢秦之舊邑在介山西因名之後魏明帝時為胡賊所

破至孝靜帝更修築遷朔州軍人鎮之因立為南朔州但  
領軍人不領郡縣其介休縣仍屬汾州高齊省介休入永  
安縣周武帝省南朔州復置介休縣宣帝改介休為平昌  
縣隋開皇末又改平昌為介休縣義寧元年於縣置介休  
郡武德元年改郡為介州貞觀元年廢介州以縣屬汾州  
介山在縣西南二十里  
雀鼠谷在縣西十二里  
汾水在縣北十二里  
鄆城泊在縣東北二十六里周禮并州之數曰昭餘祁即  
鄆城泊是也

郭林宗墳在縣東三里周武帝時除天下碑唯林宗碑詔  
特留

靈石縣上

北至州一百二十里

開元戶三千七百三十一 鄉八

本漢介休縣地隋開皇十年因巡幸開道得瑞石遂於谷  
口置縣因名靈石皇朝因之

介山在縣東四十二里

汾河在縣北十步深一丈闊三丈

晉胡堡在縣南三十五里義寧元年義師次於霍邑隋將  
朱金剛拒不得進屯軍此堡有霍山神凡靈事已具於霍  
邑縣叙事

平遙縣望 西北至州 開元戶一萬八千九百七 鄉三十八

本漢平陶縣地屬太原郡後漢隸西河郡魏以太武帝名

燾改平陶為平遙隋屬西河郡義寧元年於介休縣置介

休郡以平遙縣屬焉武德元年於此置介州縣屬不改貞

觀元年省州縣屬汾州

麓臺山在縣東南五十二里

京陵故縣在縣東七里漢京陵縣晉九原地也禮記注曰

九原晉卿大夫之墓地也

中都故縣在縣西十二里屬太原郡漢文帝為代王郡於

此

沁州陽城 開元戶六千五百一十 鄉一十三

禹貢冀州之域春秋時其地屬晉戰國屬韓在秦為上黨

郡地今州即漢上黨郡之穀遠縣地也開皇十六年於此

置沁州因州東沁水為名大業二年省沁州武德元年重

置

州境東西一百五十里 南北二百六十四里

八到西南至上都一千二十里 西南至晉州二百九十里

東北至太原府三百四十里 東北至洛州三百三十里 東南至東都六百三十里 西北至汾州二百六十里 西至晉州霍邑縣一百五十里

貢賦 開元貢 龍鬚蓆 賦 麻布

管縣三 沁源 和川 綿上

元和郡縣圖志卷之十三



沁源縣中郡下

開元戶二千二百五十四

鄉五

本漢穀遠縣地。舊在今縣南百五十里。孤遠故城是也。語音訛轉，故以穀為孤耳。後魏莊帝於今理，置沁源縣。因沁水為名也。屬義寧郡。開皇三年罷郡，置縣屬晉州。十六年置沁州，縣屬焉。

霍山一名太岳，在縣西七十八里。

沁水自綿上縣界流入，在縣東一里。

和川縣中下北至州七十里 開元戶二千八十

鄉四

本漢穀遠縣地。後魏莊帝於今縣南九里，置義寧縣，屬義寧郡。開皇三年罷郡，改屬晉州。十六年置沁州，縣屬焉。十

八年改為和川縣。大業二年省，武德元年重置。

烏嶺山在縣西十六里。

沁水在縣東十里。

并波水在縣東八十步。

異缺墓在縣南三十六里。

綿上縣中下南至州七十六里 開元戶一千八百一十五 鄉四

本漢穀遠縣地。開皇十六年置綿上縣，屬沁州。以縣西界有綿上地，因以為名。

羊頭山一名謁戾山，在縣東北五十里。沁水所出。

沁水一名少水，出縣東南二十四里。覆甌山，左傳曰：齊侯

伐晉封少水為京觀也

霍山在縣西南八十里

儀州樂平 開元戶七千九百九十五 元和戶一千六百五十一 鄉二十九 鄉二十

禹貢冀州之域春秋時其地屬晉戰國屬韓秦為上黨郡

地今州理即漢上黨郡之涅縣地也後漢於此置轅陽縣

屬上黨郡隋開皇十六年於轅陽故城置遼山縣屬并州

即今州理是也武德三年於此置遼州八年改為箕州因

遼山縣界箕山為名先天元年以與玄宗諱同聲改為儀

州因州東夷儀嶺為名也

州境東西二百五十里 南北一百九十五里

八到西南至上都一千六百四十里 西北至太原府三百四十五里

正東微南至洛州三百一十里 北至太原府樂平縣一百十里

西至東都七百八十里 西至太原府祁縣三百里 南至潞州一百一十里

貢賦元和貢 人參三十兩

管縣四 遼山 榆社 平城 和順

遼山縣中郭下 開元戶二千一百九十 鄉五

本漢涅縣地後漢於此置轅阿縣屬上黨郡晉改為轅陽

縣屬樂平郡後魏明帝改為遼陽開皇十年改置遼山縣

因縣西北轅山為名皇朝因之

箕山在縣東四十五里上有許由冢按司馬遷傳曰余登

箕山上有許由冢則在今洛州陽城縣不當在此

玉指山在縣東五十里

祝融祠在縣北二里

榆社縣中東至州一百一十里

開元戶二千七百一十

鄉六

本漢涅縣地晉於今縣西北三十五里置武鄉縣屬上黨郡石趙時改屬武鄉郡開皇十六年於此置榆社縣屬韓外今潞州襄涅因縣西北榆社故城為名大業二年省義寧二年又置武德三年於縣置榆州縣屬焉六年廢榆州以縣屬遼州後屬儀州縣城故武鄉城也石勒時築前趙錄曰石勒上黨武鄉人僭號後還今日武鄉吾之豐沛其復之三也

石勒漚麻池在縣北三十里即勒徵時與李陽所爭處今

枯涸絕有處所

平城縣下

東南至州九十里

開元戶九百五十四

鄉三

本漢涅縣也晉置武鄉縣地屬焉開皇十六年於趙簡子所立平都故城置平城縣屬遼州大業三年改屬并州武德三年改屬榆州六年省榆州改屬遼州貞觀八年改屬冀州先天元年改屬儀州

八賦嶺在縣西南三十里武鄉水所出

和順縣中南至州八十五里

開元戶二千一百二十九

鄉五

本漢沾縣地即韓之闕與邑也史記曰秦伐韓闕與趙惠

文王使趙奢救之。大破秦師。即此地也。開皇十年。於今理  
置和順縣。屬并州。因縣東北和順故城以為名。  
九京山在縣西十里。  
清漳水在縣北。

元和郡縣圖志卷第十三終

元和郡縣圖志卷第十四

河東道三

- 太原府 下
- 嵐州
- 石州
- 忻州
- 代州
- 蔚州

- 朔州
- 雲州

嵐州 樓煩 下 開元戶一萬七百二十六 鄉二十三  
元和戶六千三百八十二 鄉二十三

本并州之域。春秋屬晉。滅後為胡樓煩王所居。趙武靈  
王破以為縣。秦為太原郡地。在漢即太原郡之汾陽縣地  
也。漢末大亂。匈奴侵邊。自定襄已西。盡雲中雁門西河之  
間。遂空。建安中。曹公糾率散亡。立新興郡。晉末。陷劉元海  
後魏於今理。置嵐州。因州西奇奇嵐山以為名也。大業四年。

於靜樂縣界置樓煩郡。因漢樓煩縣為名。隋亂陷賊。武德四年平劉武周。置東會州。六年省東會州。重置嵐州。天寶元年改為樓煩郡。乾元二年復為嵐州。

州境東西三百一十里。南北二百七十八里。

八到東南至上都取太原路一千五百十里。東至忻州二百四十里。

西至黃河一百八十里。南至石州二百四十里。

東北至朔州三百七十四里。貢賦開元貢熊皮麻石蜜。

取石隰路一千三百七十五里。東南至太原府三百二十里。東北至代州三百里。河上有合河關從關至麟州百十里。

管縣四 宜芳 靜樂 合河 嵐谷

宜芳縣上 郭下 開元戶五千五百二十四 鄉十一

本漢汾陽縣地。屬太原郡。後魏於此置奇嵐縣。開皇十八年改為汾源縣。大業四年改汾源為靜樂縣。八年分靜樂置嵐城縣。屬樓煩郡。武德四年改為宜芳縣。奇嵐山在縣北九十八里。高二千餘丈。西北與雪山相接。

奇嵐鎮在縣西北九十里。

秀容故城在縣南三十里。劉元海感神而生。姿容秀美。因以為名也。

靜樂縣上 西至州四十五里 開元戶三千四百八十七 鄉五

本漢汾陽地。域內有堆阜三。俗名三堆城。開皇三年自今宜芳縣地。移奇嵐縣於三堆城。十八年改為汾源縣。大業

二年改為靜樂縣武德四年於縣置北管州因管涔山為名六年省縣屬嵐州

管涔山在縣北百三十里汾水源出焉初劉曜隱於此山神使二童子獻劔於曜曰管涔山王使謁趙皇帝獻劔伏伐城在縣北八十里隋樓煩郡所理也

隋汾陽故宮在縣北百二十里

樓煩關在縣北百五十里

天池在縣北燕京山上周迴八里陽旱不耗陰霖不溢故老言嘗有人乘車風飄墮池有人獲車輪於桑乾泉後魏孝文帝以金珠穿魚七頭放此池後亦於桑乾泉得之隋

煬帝嘗於池南置宮每夜風雨吹破宮竟不成今池側有祠謂之天池祠

合河縣中

東至州一百八十里

開元戶一千八百五十九 鄉四

本漢汾陽縣地後魏於蔚汾谷置蔚汾縣屬神武郡開皇三年罷郡縣屬石州大業二年改為臨泉縣四年屬樓煩郡武德七年改為臨津縣屬嵐州貞觀元年改為合河縣以城下有蔚汾水西與黃河合故曰合河

黃河在縣北三十五里

合河關在縣北三十五里

蔚汾關在縣東七十里

元和郡縣圖志卷之十四

隋長城起縣北四十里東經幽州延袤千餘里開皇十六年因古跡修築

嵐谷縣中南至州九十里開元戶四千六百五十七鄉九

隋大業中置苛嵐鎮壓草城川賊路長安三年於此置嵐谷縣景龍年廢開元十二年重置因取嵐谷為名

石州昌化開元戶九千二百六十二鄉三十二元和戶五百二十鄉三十二

禹貢冀州之域虞及周屬并州春秋時屬趙亦為白狄之地今步落稽其胄也在秦為西河郡之離石縣靈帝末黃巾大亂百姓南奔其郡遂廢魏黃初三年復置離石縣晉惠帝末劉元海起於河西攻陷郡縣其離石又沒於賊石

勒時改為永石郡後魏明帝改為離石郡高齊文宣帝於城內置西汾州周武帝改為石州大業二年又為離石郡武德元年改為石州五年置總管七年改為都督貞觀六年復為石州

州境東西一百九十里南北三百三里東南至東都一千九十里西南至上都一千二百五十里東南至汾州一百六十里西南至綏州二百三十里正南微東至隰州二百五十里北至嵐州二百四十里

貢賦開元貢胡女布三端龍鬚蓆五領麝香蜜蠟賦麻布

管縣五 離石 平夷 定胡 臨泉 方山

離石縣中開元戶二千七百七十三鄉五

本漢舊縣也屬西河郡縣東北有離石水因取名焉漢末荒廢魏黃初復置後隋劉元海石勒改為永石郡高齊文宣帝於此置昌化縣屬懷政郡後周復為離石屬石州隋氏不改皇朝因之

離石山今名赤洪嶺在縣西五十步高歆大破爾朱兆於赤洪嶺蓋此處也

盧城在縣東二十里晉并州刺史劉琨所築以攻劉曜

平夷縣中北至州五十一里開元戶一千五百七十一鄉四

本漢離石縣地周宣帝割縣西五十一里置平夷縣屬石州隋氏不改皇朝因之

黃河西去縣四十五里

寧鄉水在縣西南一百五十步

定胡縣中東至州九十五里開元戶二千六百九鄉五

本漢離石縣地周宣帝大象元年於此置定胡縣隋因之武德三年於縣置西定州貞觀二年廢州置孟門縣七年廢縣為孟門鎮八年廢鎮復為定胡縣

黃河去縣西二百步

孟門關在縣西一百步河東岍

臨泉縣中下南至州一百七十里開元戶一千五百九十六鄉五

本漢離石縣地周大象元年於此置烏突郡烏突縣隋開



皇元年改烏突郡為太和郡烏突縣為太和縣三年廢郡  
以泰和縣屬石州武德三年改泰和為臨泉縣  
臨泉水在縣北一百步縣因此水為名

黃河在縣北二十里

方山縣中南至州九十里開元戶一千三百五十三 鄉四

本漢離石縣地高齊文宣帝於此縣北六十八里置良泉  
縣屬離石郡大業三年移就今縣南三十五里方山置故  
名方山貞觀十一年移於今理

赤洪水在縣南五十里

三角戍在縣北七十三里

忻州定襄開元戶一萬四千四百三十八 鄉二十八  
元和戶四千二百四 鄉二十九

本并州之域春秋時為晉地戰國為趙地秦為太原郡地

今州即漢太原郡之陽曲縣也按漢陽曲縣在今州東四

十五里定襄縣理是也後漢末大亂匈奴侵邊自定襄已

西盡雲中雁門之間遂空曹公立新興郡以安集之理九

原即今州是也後魏武宣帝又於今州西北十八里故州

城移肆州理此因肆盧川為名也開皇十八年改置忻州

因州界忻川口為名也大業二年省忻州義旗初又置新

興郡武德元年廢郡復置忻州二年陷劉武周四年武周

平依舊置忻州

州境東西一百四十五里

八到南至上都一千四百四十里

南至東都一千七十里

南至上代州一百六十里

西至嵐州二百四十里

貢賦開元貢

麝香

扇十五枝

賦麻布

管縣二 秀容 定襄

秀容縣上郭下

開元戶七千一百三十八

鄉十一

本漢陽曲縣地屬太原郡後漢末於此置九原縣屬新興郡後魏莊帝於今縣東十里置平寇縣開皇十八年於此置忻州又於今縣西北五十里秀容故城移後魏明元所置秀容縣於今理屬忻州國朝因之

滹沱水在縣東三十二里

定襄縣上

東至州四十五里

開元戶五千五百三十二

鄉十七

本漢陽曲縣屬太原郡黃河千里一曲縣當其陽故曰陽曲後魏末移陽曲縣於太原界仍於此城置定襄縣屬新興郡高齊省武成帝移平寇縣於此開皇十六年移平寇於崞城今代州崞縣是也武德四年分秀容縣於漢陽曲城重置定襄縣

聖阜今名聖人山在縣東北二十里石上手足跡猶存滹

沱水西自秀容縣界流入

代州雁門都督府

開元戶一萬五千七十七

鄉四十八

元口印系圖志卷之十四

本并州之域春秋時為晉地戰國時屬趙史記曰趙襄子與韓魏共滅智伯分晉地則趙有代勾注之北今按勾注在州北三十五里雁門縣界西陘山是也秦置三十六郡雁門是其一焉漢因之後漢末匈奴侵邊其地荒廢周襄帝大象元年自九原城移肆州於今理隋開皇五年改肆州為代州大業三年改為雁門郡隋氏喪亂陷於寇境武德四年平代置代州都督府

州境東西三百二十里  
南北三百二十八里  
八到西南至上都一千六百里  
北至胡州一百二十里  
東北至蔚州四百里  
東南取崩石嶺至恒州五百四十里

南至東都一千二百三十里  
西至嵐州三百里

貢賦 開元貢 鵬翎五具 麝香

管縣五 雁門 繁峙 五臺 唐林 崞縣

雁門縣上 開元戶五千二百二十一 鄉十

本漢廣武縣地屬太原郡後漢改屬雁門郡開皇三年罷郡縣仍屬肆州後改肆州為代州縣屬不改十八年改廣武縣為雁門縣蓋避太子之諱也國朝因之夏屋山在縣東北三十五里史記曰趙襄子北登夏屋誘代王使厨人操銅斗擊殺之遂有代地

勾注山一名西陘山在縣西北三十里晉咸寧元年勾注碑曰蓋北方之險有盧龍飛狐勾注為之首天下之阻所

以分別內外也。漢高祖欲伐匈奴，不從婁敬之說，械繫於廣武，遂踰勾注，困於平城，謂此地也。

河神祠在縣南，開元九年，并州長史張說奏置。

繁時縣 中 西至州 六十里 開元戶一千五百九十三 鄉五

本漢舊縣，屬雁門郡。漢末匈奴侵寇，舊縣荒廢。晉又置繁時縣。周省，隋開皇十八年，重置於今縣東六十里。大堡戍大業十二年移於武州城。聖曆二年，以縣在平川，難於固守，遂東移於今理。其城三面枕澗，東接峻岨，極為險固。

秦戲山一名武夫山，在縣東南九十里。滹沱水出焉。

五臺縣 中 西北至州一百二十里 開元戶二千一百六十五 鄉五

本漢慮虜 上音閭 下音莫 縣屬太原郡。因慮虜水為名也。晉省後魏孝文帝復置，即今縣理是也。屬新興郡。高齊改屬雁門郡。大業二年改為五臺縣，因山為名也。

五臺山在縣東北百四十里，道經以為紫府山。內經以為

清涼山。

慮虜水在縣北十五里。

唐林縣 中 東北至州一百一十里

本漢廣武縣地。證聖元年分五臺、崞二縣置武延縣。唐隆

元年改為唐林縣。

滹沱水在縣東。

沙河在縣南二里

崞縣中 東北至州 五十里

開元戶二千七百四十八

鄉五

本漢舊縣因山為名屬雁門郡漢末荒廢晉初又置魏改為崞山縣後魏宣武帝移雁門郡理此開皇十年移平寇縣於此屬代州大業三年改為崞縣

滹沱水在縣東二百步

蔚州 興唐

開元戶四千八百八十七 元和戶一千五百六十三

鄉十一 鄉十二

禹貢冀州之域虞及周屬并州周禮并州川曰滹夷漢曰涑易今滹夷在靈丘涑易在飛狐皆在州境春秋時其地屬晉戰國時屬趙襄子弑代王有其地後武靈王置雲中

雁門代郡秦亦為代郡漢元年項羽徙趙王歇為代王二年陳餘迎歇還趙歇又立餘為代王三年韓信斬陳餘置代郡領縣十八東魏孝靜帝又於此置北靈丘郡周宣帝於今理置蔚州大業三年罷州置雁門郡武德四年平劉武周重置蔚州

州境 東西 南北

八到 西南至上都二千里

南至東都一千六百三十里

東北至瀋州界孔嶺關一百里從關至瀋州一百五十里

東至易州山路三百六十里 東南至定州取輓轡山路四百九十里

東至恒州取方秦嶺路四百九十里 西南至代州四百里

西至朔州二百八十里 北至天成軍二百八十里

貢賦

開元貢

熊皮

豹尾

賦麻布

管縣三 興唐 靈丘 飛狐

興唐縣 下 郭下 開元戶一千四百七十二

鄉四

本靈丘縣也開元十二年於州東北一百三十里橫野軍子城南置安邊縣屬蔚州天寶元年改為安邊郡仍自靈丘移州理於安邊城至德二年改為興唐郡仍改安邊縣為興唐縣倒刺山在縣東七十里亦號雪山俗傳靈仙居所與五臺山略等

漚夷河亦曰瓠蘆河上槽狹下流濶有似瓠蘆因名大韭多生於山野及平大韭魏孝文所種以濟軍需後沃壤處皆長三尺葉廣於馬蘭但味少短耳

橫野軍置在州城內

靈丘縣 中下 東北至州一百三十里 開元戶二千四百二十一 鄉五

本漢舊縣屬代郡後漢省東魏孝靜帝重置屬靈丘郡隋開皇三年罷郡縣屬州大業二年省蔚州改屬代州隋末陷賊武德六年又置靈丘縣屬蔚州

太白山在縣南十里山有鍾乳穴其深不測仰望穴中乳如懸穗焉

石銘徑嶺在縣西北八十里上有石銘題言與州北界故謂石銘徑

隘門山亦曰隘口在縣東南十五里壁立直上層崖刺天

有古道極險隘後魏明元帝置義倉之所

漚夷水一名澠水出縣西北高是山周禮曰并州其川漚夷謂此也

茲水出縣西枝迴山懸河五丈湍激之聲嚮動山谷樵棧之士咸由此度巨木淪渚久乃方出或落崖石無不粉碎開皇長城西自繁峙縣經縣北七十里東入飛狐縣界趙武靈王墓在縣東三十里

飛狐縣

下西至州一百五十里

開元戶九百九十二

鄉三

本漢廣昌縣地屬代郡後漢屬中山國晉又屬代郡開皇三年改屬蔚州仁壽元年改為飛狐縣因縣北飛狐口為

名也隋末陷賊武德六年重置寄理今易州遂城縣界遙屬州貞觀五年移還今所

磨笄山在縣東北一百五十里趙襄子姊為代王夫人襄子既殺代王迎其姊夫人曰以弟慢夫非仁也以夫怨弟非義也磨笄自刎百姓閔之為立祠

倒剌山在縣東北百二十里出佳大黃

飛狐道自縣北入媯州懷戎縣界即古飛狐口也鄙食其說漢王曰杜白馬之津塞飛狐之口此言皆一方之阨也又劉琨自代出飛狐口奔於安次亦謂此道也

三河治舊置鑪鑄錢至德已後廢元和七年中書侍郎平章

事李吉甫奏臣訪聞飛狐縣三河治銅山約數十里銅鑛至多去飛狐錢坊二十五里西處同用拒馬河水以水斛銷銅北方諸處鑄錢人工絕省所以平日三河治置四十五鑪鑄錢舊跡並存事堪覆覈今但得錢本令本道應接人夫三年已來其事即立救河東困竭之弊成易定援接之形制置一成久長獲利詔從之其年六月起工至十月置五鑪鑄錢每歲鑄成一萬八千貫時朝廷新收易定河東道久困鐵錢人不堪弊至是俱受利焉

朔州馬邑

開元戶六千三十元和平七百二十九

鄉十三鄉十六

禹貢冀州之域虞及周為并州之地春秋時為北狄地戰

國時屬趙秦為雁門郡地在漢即雁門郡之馬邑縣也史記曰匈奴圍韓王信於馬邑信降匈奴按馬邑即今州理是也漢末大亂郡遂荒廢建安中曹公又立馬邑縣屬新興郡晉改屬雁門郡晉亂其地為猗盧所據劉琨表盧為大單于封代公徙馬邑後魏都代地屬畿內孝文遷洛之後又於定襄故城置朔州葛榮之亂州郡又廢高齊文宣帝又於馬邑城置朔州即今理是也武成帝置北道行臺周武帝置朔州總管開皇罷總管大業三年罷州為馬邑郡皇朝改為朔州

州境東南四百八十里西北九十七里



八到西南至上都一千七百二十里  
南至東都一千三百五十里  
東至蔚州三百八十里  
西南至嵐州三百七十四里  
北至單于大都護三百五千里

東北至雲州三百四十里  
貞賦 開元貞 白鵬翎四具

管縣二 鄠陽 馬邑

鄠陽縣中 鄠下 開元戶三千六百五十八 鄉十八

本漢馬邑縣屬雁門郡漢末荒廢建安中又置屬新興郡  
晉又屬雁門郡晉末又廢高齊於此置招遠縣屬郡不改  
開皇三年罷郡改屬朔州大業元年改為鄠陽縣  
勾注山在縣東八十里  
河水在縣西三百里

州城本漢馬邑城也昔秦人築城於武周塞以備胡城將  
成而崩者數矣有馬馳走周旋反覆父老異之因依而築  
城乃不崩遂名馬邑

馬邑縣中 西至州 開元戶二千三百八十 鄉五  
五十里

本鄠陽縣地開元五年分鄠陽縣於州東三十里大同軍  
城內置馬邑縣建中年河中節度使馬燧權移州於馬邑  
縣焉

桑乾河在縣東三十里

雲州 雲中 開元戶三千一百六十九 鄉七  
下 元和戶 鄉七

禹貢冀州之域虞及周屬并州春秋時為北狄地戰國時

其地屬趙其後武靈王自代至高闕為塞而置雲中雁門  
代郡今州即秦雁門郡地在漢雁門郡之平城縣也史記曰  
漢七年韓王信亡走匈奴上自將逐遂至平城為匈奴所  
圍用陳平秘計得出是也漢末大亂匈奴侵邊自定襄以  
西雲中雁門西河遂空曹公鳩集荒散又立平城縣屬新  
興郡晉又改屬雁門晉亂劉琨表封猗盧為代王都平城  
後魏道武帝又於此建都東至上谷軍都關西至河南至  
中山隘門塞北至五原地方千里以為甸服孝文帝改為  
司州牧置代尹孝文遷都洛邑改置恒州孝昌之際亂離  
尤甚恒代之北盡為丘墟高齊文宣天保七年置恒安

鎮徙豪傑三千家以實之今名東州城其年廢鎮又置恒  
州周武平齊州郡並廢又於其所置恒安鎮屬朔州自周  
迄隋仍為鎮也隋亂陷賊武德四年平劉武周置北恒州  
七年廢貞觀十四年自朔州北界定襄城移雲州及定襄  
縣於此後為默啜所破移百姓於朔州開元十八年復置

雲州及雲中縣

州境東西一百七十七里  
南北四百九十里

八到西南至上都一千九百六十里  
東至幽州七百里

又東至天城軍六十里  
西至靜邊軍一百八十里

南至東都一千五百九十里

東至清塞城一百二十里

又東至納降守捉九十里與幽州分界

西南至太原府七百里

貢賦

貢 鵬翎五具

管縣一

雲中

雲中縣中本漢平城縣屬雁門郡漢末大亂其地遂空魏武帝又立平城縣屬新興郡晉改屬雁門郡後魏於此建都屬代尹孝文改代尹為怕州縣屬不改隋為雲內縣屬焉邑郡貞觀十四年朔州北界定襄城移於此後為默啜所破移百姓至朔州開元十八年改置雲中縣屬雲中白登山在縣東北三十里

火山在縣西五里山有火井深不見底以草投之則煙騰火發有火井祠

紇真山在縣東三十里虜語紇真漢言三十里其山夏積霜雪

單于臺在縣西北四十餘里漢武帝元封元年勒兵十八萬騎出長城北登單于臺即此也

元和郡縣圖志卷第十四終

元和郡縣圖志卷第十五



河東道四

澤潞節度使

今為澤潞節度理所

潞州

上黨大都督府

元開元戶六萬四千二百七十六

元和中戶一萬七百八十

鄉一百三十五

鄉一百二十

鄉一百二十

鄉一百二十

鄉一百二十

鄉一百二十

鄉一百二十

鄉一百二十

管州五潞州

澤州

邢州

洺州

磁州

磁邢洛

本河北

道令隸澤潞

節度管五

縣三十七

都管戶二萬六千二百四十三

禹貢冀州之域殷時為黎國春秋時屬晉又兼有潞子之國潞子嬰兒為晉所滅戰國時屬韓別為都以其遠韓近

元和郡縣圖志卷之十五

趙至趙孝成王時馮亭以上黨降趙復為趙地秦為上黨  
郡地後漢末董卓作亂移理壺關城即今州理是也周武  
帝建德七年於襄垣縣置潞州上黨郡屬焉開皇十年罷  
郡自襄垣縣復移潞州於壺關即今州是也州得名因潞  
子之國武德元年又於襄垣縣置韓州貞觀十七年廢開  
元七年以玄宗歷試嘗在此州置大都督府

州境東西二百九十三里  
南北三百三十六里

八到西南至上都一千三百三十里  
南至東都四百七十里

北至儀三百一十里  
東北至洛州四百五十里  
東取穴徑嶺道路至相州三百五十里  
西至晉州三百九十里

東南至澤州一百八十七里  
西北至沁州二百一十里  
貢賦 開元貢 人參 墨 賦 麻布

管縣十 上黨 長子 屯留 潞城 壺關 黎城

銅鞮 鄉縣 襄垣 涉縣

上黨縣 望 郭下 開元戶一萬一千三百八十三 鄉二十二

本漢壺關縣也開皇中分壺關置上黨縣屬潞州釋名曰  
黨所也在於山上其所最高故曰上黨

鷄鳴山一曰火山在縣東南七十六里

濁漳水在縣西南二十二里

州城漢壺關縣也上黨記曰曹公之圖壺關起土山於城

元和郡縣圖志卷之十五

西北角穿地道於城西內築界城以遮之  
五龍祠在縣東南二十里五龍山上慕容永所立以祭五  
方神

馮亭墓在縣西五里

長子縣緊 東北至府五十二里 開元戶二萬二百六十六

漢舊縣本春秋時地名左傳曰晉人執衛石買於長子是也慕容永僭號於此稱西燕為慕容垂所滅開皇九年移寄氏縣理此屬潞州十八年改寄氏為長子縣

發鳩山在縣西南六十五里濁漳水出焉

羊頭山在縣東五十六里後漢安帝時羌寇河東以任尚

為御史擊破於羊頭山謂此也

神農城後魏風土記曰神農城在羊頭山上山下有神農泉即神農得嘉穀之所

武訖嶺在縣南四十五里風土記曰秦趙戰於長平趙軍

敗退秦將白起逐至此名曰武訖嶺

屯留縣上 東南至府六十四里 開元戶八千一百六十六

本晉邑春秋曰晉人執衛行人孫蒯於屯留是也漢以為縣屬上黨郡高齊省開皇中重置屬潞州

絳水出縣西南方山去縣八十四里

潞城縣上 南至州四十里 開元戶七千四百六十四 鄉十六

元和郡縣圖志卷之五

本縣潞縣屬上黨郡即春秋時赤狄潞子嬰兒國也晉滅之後魏太武帝改潞縣為剡陵縣屬襄垣郡隋開皇十六年於此置潞城縣屬潞州黃阜山在縣西北二十五里劉聰將秦母剡敗晉將崔恕於黃阜

漳水一名潞水在縣北闕駟曰潞水在縣北為冀州漫即漳水也按王猛與慕容評相禦於潞川許甯水與軍人絹足水二石則此無他大川可以為漫所有唯漳水耳故士俗尚為濁漳為潞水也

武王塢在縣西北四十里塢東有後魏有天柱大將軍爾朱榮碑文曰建義元年東討逆賊鎮監着榮軍次上黨武王祠東有二狻兔從賊方而來天柱彎弓祝之曰中則擒葛榮不中則否應弦而殪遂擒榮

壺關縣

上西北至府三十里

本漢縣也屬上黨郡山形似壺故於此置關故名壺關開皇十六年分壺關置上黨縣大業二年省壺關併入上黨武德四年重置

羊腸坂在縣東南一百六里沾水出焉

漢壺關三老令狐茂墓在縣東北一十九里上書明庚太子寔者



曹公壘在縣東南一百二里曹公攻高幹所築

黎城縣中

西南至府一百二十里

古黎國春秋曰晉荀林父滅潞

立黎侯而還今縣十八里黎侯城是也漢為潞縣之地後

魏太武改潞縣為剡陵縣開皇十八年改剡陵為黎城縣

武德初屬韓州貞觀十七年廢韓州屬潞州古壺關在縣

東二十五里春秋齊國夏伐晉取八邑有孟口孟口即壺

口也聲相近故有二名

清漳水在縣東北五十里

濁漳水在縣西北五十六里

馮奉世墓及馮昭義墓在縣東二里

銅鞮縣

上東至州一百五十里

本晉大夫羊舌赤邑時號赤曰銅鞮

伯華漢以為縣屬上黨郡開皇十六年改屬沁州大業二

年省沁州復屬潞州武德六年屬韓州貞觀十七年廢韓

州復隸潞州

石梯山在州西三十里

關與城在縣西北二十里史記曰秦昭襄王攻趙關與趙

奢曰其險狹譬如兩鼠鬪於穴中將勇者勝遂破秦軍解

關與之圍

晉銅鞮宮在縣東十五里子產曰今銅鞮之宮數里

斷梁城在縣東北三十里下臨深壑東西北三面阻澗廣袤二

元和郡縣圖志卷之十五

里俗謂之斷梁城

叔向墓在縣東十八里

鄉縣中東至府一百七十里本漢涅氏地屬上黨郡晉始為武鄉縣屬

樂平郡石氏分上黨置武鄉縣屬焉開皇初廢郡縣屬潞

州晉縣元有武字後草創失其舊名

禿頂山在縣西北九十三里

石白嶺在縣北六十五里

護甲水在縣西北八十里

襄垣縣上南至州九十三里本漢舊縣屬上黨郡趙襄子所築因

以為名魏莊帝改屬襄垣郡開皇十六年改襄垣城置韓

州縣屬焉貞觀十七年廢州縣屬潞州

鹿臺山在縣南二十里

涅水在縣西北六十里

濁漳水在縣南二十一里

井谷關在縣東南四十里置在天井谷內深窾似井因以

為名魏武初遷鄴於此置關周建德六年廢

涉縣上南至州一百八十里本漢舊縣屬魏郡因涉河水為名晉屬

廣平郡後省開皇十年於故涉城重置涉縣屬磁州十六

年改屬韓州貞觀十七年廢韓州縣屬潞州清漳水一名

涉河在縣南一里

元和郡縣圖志卷之十五

澤州 高平 開元戶二萬二千二百三十五

鄉五十九

禹貢冀州之域春秋時屬晉戰國時屬韓魏後屬趙秦使白起破趙於長平即今州北高平縣西北二十一里長平故城是也秦并天下今州即上黨郡地又為上黨郡高都縣之地也後魏道武帝置建興郡孝莊帝改置建州周改建州為澤州蓋取獲澤為名也獲鳥怕反

州境 東西二百九十里  
八到 西南至上都一千一百四十里  
北至潞州一百四十九里  
北至太原府大路六百一十里  
西至絳州四百一十里  
東踰山至衛四百一十里

貢賦 開元貢 白石英五十斤 人參 賦 麝布  
元和貢 白石英 野鷄九十隻

管縣六 晉城 高平 陵川 沁水

陽城 端氏

晉城縣 上郭下 本漢高都縣屬上黨郡開皇三年改屬澤州十八年改為丹川縣因縣東丹水為名貞觀三年改置晉城縣

太行山在縣南四十里禹貢曰太行恒山至於碣石注曰三山連延東北接碣石

丹水在縣北十二里司馬山俗傳秦坑趙衆流血丹川故名丹水斯為不經也

元和郡縣圖志卷之十五

天井故關一名太行關在縣南四十五里太行山上

高平縣州上 南至八十里本漢涇音氏縣屬上黨郡在涇水之上

故以為名後漢改為玄氏屬建興郡高齊文宣帝省玄氏

縣自長平高城移高平縣理之仍改高平縣屬高都郡開

皇三年改屬澤州

頭顱山一名白起臺在縣西五里秦坑趙象收頭顱築臺

米山在縣東十里趙將廉頗積糧此山因名

涇水在縣西北三十六里

長平故城在縣西二十一里白起破趙四十萬衆於此盡

殺之

長平關在縣北五十一里

陵川縣中 西至州一百四十里

本漢涇氏縣地開皇十六年於此置陵川縣因川為名屬

澤州

太行山在縣西南百里

沁水縣中 東南至二百里本漢端氏縣地後魏莊帝於此置秦

寧郡及東永安縣高齊省郡而縣存開皇十八年改為沁

水縣

沁水在縣東北五十二里

古王離城在縣東北五十里秦時王離擊趙所築四面絕

元和郡縣圖志卷之十五

險

陽城縣中一百一十里東至州

本漢獲澤縣屬河東郡因獲澤為名也改屬澤州天寶元年改為陽城縣

析城在縣西南七十五里

獲澤在縣西北十二里墨子曰舜漁於獲澤

端氏縣中一百一十里本漢舊縣也史記曰趙成侯十六年與

韓魏分晉封晉君於端氏肅侯元年奪晉君端氏徙處屯

留漢以為縣屬河東郡晉屬平陽郡後魏屬安平郡開皇

三年罷郡屬澤州石門山在縣西南四十一里沁水在縣南一里

邢州鉅鹿開元戶五萬八千八百二十鄉一百二十元和戶三千六百九十三鄉三十三

禹貢冀州之域亦古邢侯之國邢侯為紂三公以忠諫被

誅周成王封周公旦子為邢侯後為狄所滅齊桓公遷邢

于夷儀按故邢國今州城內西南隅小城是也夷儀今龍

峒縣界夷儀城是也春秋時屬晉後三家分晉屬趙秦兼

天下於此置信都縣屬鉅鹿郡項羽改曰襄國蓋以趙襄

子謚名也趙歇為趙王張耳為常山王並理信都襄國今

州理龍峒城是也前趙嘉平元年石勒屯兵許昌張賓說

勒曰觀王彌有王青州之心遲迴未發者懼明公踵其後

也明公獨無并州之思乎勒從之遂長驅至鄴攻晉北中

即將於三臺張賓又進曰三臺險固攻守未卒下王彭祖  
劉越石大敵也宜及其未至密規進據牢城掃定并薊桓  
文之業可濟也却鞏襄國趙之舊都依山平險形勝之國  
可擇此二邑而都之王業可圖也勒於是進據襄國王浚  
遣兵五萬人來討勒之欲挑戰張賓諫曰夫用兵當以已  
所便擊彼所不便今段末杯強悍且宜示之以弱鑿北壘  
為突門二十餘道伏精卒候賊列守未定出其不意雷鼓  
奮勇直衝杯帳杯卒既奔則彭祖可指辰而定也勒從其  
計遂生擒末杯永嘉六年勒僭號遂定都焉至季龍徙都  
鄴為襄國郡石氏既滅罷之後魏復為襄國縣開皇三年

以襄國縣屬洛州九年改為龍峒縣十六年割龍峒等三  
縣置邢州以邢國為名也大業三年改為襄國郡武德元  
年改為邢州置總管二年陷竇建德四年討平之又為劉  
黑闥所陷五年擒之依舊為邢州

州境東西二百八十二里

八到西南至上都一千九百里

東北至趙州一百九十里

西踰山至儀州二百三十五里

貢賦開元貢文石師子絲布綿絹

管縣九 龍峒 堯山 鉅鹿 沙河

平鄉 南和 任縣 內丘

青山

龍峒縣郭上

古邢國也。秦以為信都。項羽更名曰襄國。漢因不改。石勒  
僭號。據之。勒未立前。襄國有讖曰。古在左。月在右。讓亡言。  
或入口。識者以為有襄國也。周武帝改為襄國郡。開皇三  
年。罷郡。縣屬洺州。九年。改為龍峒縣。以西北有龍峒。因名  
之。十六年。於此置邢州。龍峒縣屬焉。皇朝因之。  
土山在縣東百五十步。昔冉閔攻石。祇於襄國。為土山地  
道於此。

石井峒一名龍崗。在縣西北七里。峒上有井。大如車輪。石  
勒時天旱。沙門佛圖澄於此。握得一死龍。長尺餘。漬之以  
水。良久乃蘇。雨遂大降。因名龍峒。

夷儀嶺在縣西百五十七里。  
夷儀故城在縣西四十里。今俗謂之隨宜城。蓋語訛也。石  
勒墓在縣南十五里。

堯山縣上。西南至州八十里。本曰栢人。春秋時。晉邑。戰國時。屬趙。

秦滅趙。屬鉅鹿郡。漢書曰。八年。高祖從平城過趙。相貫高  
壁人栢人。要之置廁。上曰。栢人者。迫於人也。不宿去。後魏  
改人為仁。開皇三年。罷鉅鹿郡。屬趙州。大業三年。改屬邢。

州天寶元年改為堯山縣

泫水在縣西一里俗亦名曰脂溝

栢人故城在縣西北十二里

張耳臺在縣西北十二里

鉅鹿縣上西至州一百一十九里一本漢南樂力之反縣地開皇六年於

此置鉅鹿縣屬趙州取漢鉅鹿縣之名也武德元年於此

置起州又立白起縣二年隋實建德四年討平羅起州以

縣屬趙州貞觀元年改屬邢州

大陸澤一名鉅鹿在縣西北五里禹貢曰恒衛既從大陸

既作按澤東西二十里南北三十里葭蘆芰蓮魚蟹之類

充物其中澤畔又有鹹泉煮而成鹽百姓資之

沙河縣上北至州三十五里本漢襄國縣地開皇九年改襄國為龍峒縣

十六年分龍峒於此置沙河縣以沙河在縣南五里因以

為名

黑山在縣西四十里出鐵

磬口山在縣西南九十八里漢魏時舊鐵官也

平鄉縣上西至州九十里本春秋時邢國後為趙地始皇滅趙

以為鉅鹿郡亦大稱也張耳與趙王歇走入鉅鹿城王離

圍之即此地也後魏自平鄉故城移平鄉縣於此理之屬

廣平郡開皇三年屬洺州十六年改屬邢州

元和郡縣圖志卷之十五



濁漳水今俗名柳河在縣西南十里  
落漢水在縣西南十八里

沙丘臺在縣東北二十里殷紂所築又李光圍靈王於沙  
丘宮探雀穀食之而死又始皇東巡迴死於沙丘

南和縣縣西南至本漢舊縣屬廣平國後漢屬鉅鹿郡

石趙屬襄國郡周屬南和郡開皇三年屬洛州十六年改  
屬邢州

鴛鴦水經縣北五里

張賓墓在縣西十二里石勒軍師號曰右侯

任縣上西南至州三十八里本漢張縣地也在今縣西南渚陽城

是也後漢省趙於此置苑縣石氏滅廢開皇十六年於此

置任縣屬邢州大業三年省武德四年重置張城一名渚

陽城在縣西南二十七里漢張縣也石勒傳晉將王浚遣

石季龍盟就六眷於渚陽謂此也

內丘縣上南至州五十八里古邢國地在漢為中丘縣屬常山郡

晉於此立中丘郡石趙改為趙安縣後魏孝文帝復立中

丘縣隋室諱忠改為內丘開皇三年屬趙州大業二年改

屬邢州

鵲山在縣西三十六里昔扁鵲將魏太子遊此山採藥因

名

青山縣中

東南至州五十里

本漢中丘縣地開皇十六年於此置青山縣屬邢州縣界有青山因名大業二年省縣屬龍騰府武德六年析龍岡內丘兩縣重置屬邢州黑山一名青山在縣西二十里幽深險絕為逋逃之藪以周太祖諱黑因改黑山為青山縣取名焉

雷公山在縣西南八里漢末黑山群盜張飛燕等不立君長直以名號為稱多髯者謂之羝公大聲者謂之雷公時有雷公賊保此因以為名

洺州

廣平開元戶七萬七千一百五十

鄉一百四十六鄉一十七

禹貢冀州之域春秋時赤狄之地後屬晉荀林父敗赤狄於曲梁按曲梁即今州理地也七國時屬趙之敬侯始都邯鄲至幽王遷為秦所滅兼天下是為邯鄲郡地漢高帝分置廣平國自漢至晉或為國或為郡永嘉末胡虜竊號石勒據有其地石氏滅又屬慕容雋至子暉滅又屬符堅後慕容垂得山東其地復屬焉周武帝建德六年於郡置洺州以水為名大業三年罷州為永安郡武德元年又改為洺州兼置總管二年陷於竇建德四年討平又為建德舊將劉黑闥所陷尋討平之六年罷總管復為洺州

州境東西一百九十七里南北一百一十二里元初郡縣圖志卷之十五

八到西南至上都一千六百二十里  
 西南至東都二百六十里  
 西北至邢州一百二十里  
 東北至貝州二百二十里  
 東南至魏州一百二十四里  
 西徵北至儀州三百六十四里  
 貞賦開元貢綿細縑纈

管縣八

永年

鷄澤

洺水

肥鄉

清漳

曲周

臨洺

平思

永年縣望郭下

本漢曲梁縣屬廣平國後漢屬鉅鹿郡高齊文宣帝省曲梁置廣平縣開皇三年罷郡屬洺州仁壽元年改廣平為永年避煬帝諱也

洺水在縣南三里

鷄澤在縣西南十里左傳諸侯同盟於鷄澤今其澤魚鱉菱芡州境所資

廉頗臺在州城南十里十六國春秋冉閔遇慕容恪於廉臺十戰皆敗皇家平劉黑闥壘在縣西南十里洺水南貞觀四年於壘東置昭福寺碑岑文本詞

鷄澤縣上西南至州五十里

本漢廣平縣地開皇十六年於廣平城置鷄澤縣大業三年省武德四年重置

洺漳二水在縣東南二十五里合流東入平鄉縣界

洺水縣上

西至州五十里

本漢斥漳縣屬廣平國漳水經其城

其地斥鹵故曰斥漳開皇六年以縣近洺河改為洺水屬

洺州

衛漳故瀆俗名阿難渠在縣西二百步蓋魏將李阿難所導故名

黃塘坡在縣西北十五里晉龍驤將軍劉牢之救符丕追

慕容垂大軍於黃塘泉即此坡也

肥鄉縣上

西北至四十九里

本春秋時晉地七國時屬趙今縣

即漢邯鄲縣地魏黃初二年分邯鄲等二縣立肥鄉屬廣

平郡後魏省入臨漳開皇十年又置屬懿州十六年割屬

洺州

肥鄉故城在縣西二十二里

平原君墓在縣東南七里

清漳縣上

西北至七十里

本漢列人縣地按列人縣故城在今

肥鄉界開皇十六年於此置清漳縣南濱漳水因以為名

屬洺州

曲周縣上

西至州八十里

本漢舊縣屬廣平國鄴商為曲周侯漢

屬鉅鹿郡魏屬魏郡後魏宣武帝改置曲安縣屬廣平郡

高齊省開皇六年復置屬洺州大業二年省武德四年於

曲周故城重置

元和郡縣圖志卷之十五

漳水在縣西二十九里

阿難枯渠在縣南十四里

臨洛縣州東南至本漢易陽縣地屬後魏省入邠

邠縣開皇十六年移邠縣理陟鄉城在今邠縣界

仍於此中府城別置臨洛縣北瀕水因以為名屬礧州大

業三年割屬洛州

狗山在縣西十里山頂石上有狗跡因名武德五年太宗

親總戎討劉黑闥於此立官

平思縣上西至州八十三里本漢舊縣也屬魏郡宣帝以許廣漢

為平思侯魏省尋復置開皇三年罷屬洛州

康臺澤在縣東五里

礧州上滏陽元和庚一千四十一鄉一十三

本漢廣平郡武安縣之地周武帝於此置滏陽縣及武安

郡開皇十年廢郡於縣置礧州以縣西九十里有礧山出

礧石因取為名大業二年廢以縣屬相州皇朝永泰元

年重置以河東有礧州故此加石也

州境東西一百七里南北一百一十五里

八到西南至上都一千五百四十里西南至東都六百四十五里

南至相州六十五里正北微東至洛州一百十里

西至潞州三百四十里

貢賦開元貢 紗 絹 綿

管縣四

滏陽

邯鄲

昭義

武安

滏陽縣望

郭下

本漢武安縣之地魏黃初三年分武安立臨水縣屬廣平郡以城臨滏水故曰臨水以城在滏水之陽亦曰滏陽周武帝於此別置滏陽縣屬成安郡開皇三年廢郡縣屬相州十年於此置磁州滏陽屬焉大業二年廢磁州縣屬相州永泰元年重立磁州縣又割屬鼓山亦名滏山在縣西北四十五里滏水出焉泉源奮涌若滏水之湯也故以滏口名之八陁第四曰滏口陁山嶺

高深實為險阨

石季龍墓在縣西南十四里

佛圖澄墓在縣西南十七里

高齊神武陵在縣南三里

邯鄲縣上

南至州七十里

本衛地也後屬晉七國時為趙都趙敬侯立自晉陽始都邯鄲至幽王遷降秦遂滅趙以為邯鄲郡邯山名也單盡也城郭從邑故單字加邑魏以為縣屬廣平郡開皇十年置磁州邯鄲縣屬焉大業二年廢磁州縣屬洛州永泰年重立磁州縣還割屬

却山在縣東南五里

叢臺山在縣城內東北隅

洪波臺在縣西北五里

趙簡子墓在縣西南十二里

公孫杵臼程嬰墓在縣西十五里

趙奢墓在縣西北七里

樂毅墓在縣西南十八里

蘭相如墓在縣西南二十三里

昭義縣上 東南至州四十里 魏黃初三年於今滏陽縣置臨水縣

北齊天寶元年移理松蓋周武德六年廢永泰元年再置

仍改名昭義

武安縣上 東南至州九十里 本七國時趙地趙將李牧封武安君

即今縣也漢屬魏郡魏屬廣平郡開皇三年屬相州十年

割屬磁州大業二年磁州廢割屬洺州後置磁州又分隸

焉關與山在縣西南五十里趙奢拒秦軍關與即此山也

洺水西北去縣八十三里

武安故城在縣西南五里六國時趙邑也趙奢之故關與

秦軍鼓譟武安屋瓦皆動即此城也

元和郡縣圖志卷第十五終

元和郡縣圖志卷第十六

河北道一

懷州、魏州、相州、博州、衛州、貝州

澶州

懷州、河內

開元戶一萬三千一百七十五  
元和戶八千七百四十一

鄉八十九  
鄉三十五

今為河陽三城懷州節度理所管

懷州

河陽、汜水、溫縣、濟源、河清等五縣事具

河南府

高負冀州之域，覃懷之地，周為畿內，及衛邢雍三國。春秋時屬晉，七國時屬韓魏二國。秦兼天下，滅韓為三川郡。滅

元和郡縣圖志卷之十六



魏為河東郡。今州為三川郡之北境。河東郡之東境。楚漢之際。項羽立司馬邛為殷王。王河內。高帝二年。邛降。以其地為河內郡。領縣十八。理懷。後漢世祖南定河內。難其守。鄧禹舉寇恂。世祖謂恂曰。河內殷富。吾將因是而起。昔漢高祖留蕭何鎮關中。吾今委卿以河內。恂遂伐淇園之竹。理矢百餘萬。養馬三千疋。收租四百萬斛。以給軍事。由是東漢之業濟焉。晉河內郡移理野王。隋開皇三年。罷郡置懷州。武德二年。陷賊。其年於河清縣界栢崖城置懷州。四年。討平王充。自栢崖城移於今理。今屬河陽三城。州境東西二百一十七里。南北一百一十五里。

八到西南至上都一千一十里

西至東都一百五十里  
東至衛州二百六十里  
東南渡河至鄭州一百九十里  
北至澤州一百四十里

貢賦開元貢 絲 綿 絹 平細十疋 牛膝

管縣五 河內 武陟 武德 修武 獲嘉

河內縣望 開元戶一萬八百五十四 鄉二十一

本春秋時野王邑也。左傳曰。晉人執晏弱於野王。是也。漢以為縣。禹河內郡。隋開皇十三年改為河內縣。皇朝因之。太行山在縣北二十五里。禹貢曰。太行恒山。至於碣石。注曰。二山連延。東北接碣石。

太行陁在縣西北三十里連中斷曰陁述征記曰太行山首  
始於河內自河內北至幽州凡有八陁第一曰軹關陁今屬河南府濟源縣第二太行陁第三白陁此三陁今在河內  
在縣理西十一里第四滄口陁對鄴西第五井陁第六飛狐陁一名望都關  
第七蒲陰陁此三陁在中山第八軍都陁在幽州太行陁  
潤三步長四十里  
沁水在縣北四里  
丹水北去縣七里分溝灌溉百姓資其利焉  
濟水經縣西南去縣三十里  
新城壘在縣東北九里武德三年劉德威於此置營

武陁縣望 西北至州 開元戶七千九百九十九 鄉十六  
一百里

本漢懷縣地開皇十六年分修武縣置武陁縣理武德故  
城今縣東二十里武德故城是也屬殷州皇朝因之貞觀  
元年省殷州屬懷州

沁水在縣東一里故懷城在縣西十一里西漢河內郡並  
理之晉移郡理野王

故殷城在縣東南十里楚漢之際司馬卬為殷王都在此

武德縣望 西至州 開元戶一萬二百六十二 鄉二十  
四十七里 元和戶

本周司寇蘇忿生之州邑也左傳曰周與鄭人蘇忿生之  
田州陁懷注曰州今河內州縣是也漢以為州縣屬河

內郡隋開皇十六年改州為邢丘縣。遙取古邢丘為名也。  
大業二年改邢丘為安昌縣。取安昌侯張禹國城為名也。  
武德二年改為武德縣。  
太行山在縣北五十里。  
沁水北去縣二里。

安昌故城在縣東十三里。即張禹所封國城也。  
故大斛關在縣北一百六里。太行山上。

平牟坡在縣南二十三里。多菱蓮蒲葦。百姓資其利。周迴  
二十五里。

脩武縣

西南至州  
二百二十里

開元戶六千七百一十七  
元和戶

鄉十三

本殷之寧邑。韓詩外傳曰。武王伐紂。勒兵於寧。改曰修武。  
左傳曰。晉陽處父聘於衛。過寧。注云。汲郡脩武縣是。漢以  
為縣。屬河南郡。周武帝以為脩武郡。脩武縣屬脩武郡。開  
皇三年罷郡。屬懷州。武德初屬殷州。貞觀元年省殷州。依  
舊屬懷州。

太行山在縣北四十二里。

天門山。今謂之百家巖。在縣西北三十七里。以巖下可容  
百家。因名。上有精舍。又有鍛竈處。所即嵇康所居也。

濁鹿故城在縣界東北二十三里。魏文帝受禪。封漢帝為  
山陽公。居河內。山陽濁鹿城。即此城也。禪陵在縣北三十

五里獻帝陵也。以禪讓名。

獲嘉縣

望 西南至州 一百六十里

開元戶一萬十四 元和戶

鄉十九

本漢縣也。武帝將幸緱氏，至汲縣之新中鄉，得南越相呂嘉首，因立為獲嘉縣，屬河內郡。此前獲嘉縣理在今衛州新鄉縣西南十里。獲嘉故城是也。高齊又移於衛州共城，隋自共城移於今理。

同盟山在縣東北五里。武王伐紂，與諸侯同盟於此山。

七賢祠在縣西北四十二里。嵇阮祠也。

魏州

魏郡 開元戶十一萬七千五百七十五 大都督府 元和戶六千九百二十

鄉二百四十一 鄉四十五

今為魏博節度理所。

管州六縣四十三

都管戶墾田

魏州八縣

相州十縣

博州六縣

衛州五縣

貝州十縣

澶州四縣

禹貢兗冀二州之域，在夏為觀扈之國，春秋時為晉地。按沙麓崩在今元城東南四十里，是戰國時為衛魏二國地。秦滅魏，置東郡，滅趙，置邯鄲郡。漢高祖使韓信定河北，以秦邯鄲郡之南部、東郡之邊縣置魏郡，即今元城縣是也。後漢封曹操為魏王，理鄴。前燕慕容暉都鄴，其魏郡並理於鄴中也。於今州里置貴鄉郡，尋省。周宣帝大象二年，又於貴鄉郡東界置魏州。隋煬帝大業三年，罷州為武陽郡。

隋亂陷賊武德四年討平竇建德改置魏州其年又陷劉  
黑闥五年平黑闥置總管府七年改為都督府貞觀六年  
罷都督後為州

州境東西一百九十六里  
南北一百三十八里

八到西南至上都一千六百十里  
西南至東都七百五十里

東北至貝州二百一十里  
正東至相州二百八十里

西至洛州一百六十四里  
東北渡河至濮州一百九十里

東南至鄆州二百四十里  
賦開元貢綿細平

貢賦元貢綿細平

管縣八 貴鄉 元城 魏縣 館陶

寇氏 朝城 莘縣 昌樂

貴鄉縣望 三 郭下 本漢光武縣地後魏孝文帝

分置貴鄉縣屬昌樂郡隋開皇三年罷郡縣屬魏州大業

三年改屬武陽郡 皇朝因之武德初割屬魏州太湖故

瀆俗名王莽河西去縣三里

州城前燕慕容暉所築周宣帝於此置州理焉

古堰今名愜山在縣西九里成帝時河決金堤河堤使者

王延世募人蓋運土塞河之處以其愜當人情故謂之愜

元城縣望三十 郭下 本漢舊縣屬魏郡魏武侯公子元

元和即縣圖志卷之十六

食邑於此因名魏黃初二年於此置陽平郡高齊省元城縣入縣入貴鄉隋開皇六年復置貞觀十三年又省入貴鄉聖曆元年重置開元十三年移在州東北三百步沙麓在縣東十二里即春秋經所書沙麓崩漢書以為元后與之祥也

馬陵在縣東南一里齊將孫贖破魏軍殺龐涓於此五鹿墟在縣東十二里公子重耳乞食於五鹿人野人與之塊即此處也

王翁孺墓在縣東二百步元后之祖也  
東哲墓在縣東二十五里

魏縣

望三十六

東至州四十里

本漢舊縣屬魏郡後魏孝文帝分

魏縣置昌樂高齊省魏縣屬昌樂縣隋開皇六年又分昌樂置魏縣屬魏州皇朝因之

舊漳河在縣西北十里

新漳河在縣西北二十里

蓋寬饒墓在縣東南八里

狄仁傑祠在縣東南四里為魏州刺史百姓生為立祠此祠

在州城南門外此恐悞

館陶縣

縣二十五西至州五十里

本春秋時晉寇氏邑陶丘在縣西北

七里爾雅曰再城為陶丘趙時置館於其側因為縣名

元和即縣圖志卷之十六

漢魏郡。魏文帝改屬陽平郡。石趙移陽平郡理此。周大象二年。置屯州。以近屯河為名。隋大業二年。廢屯州。以屬魏州。

大河故瀆。俗名曰王莽河。在縣東四里。

屯氏河。俗名毛河。在縣西二里。

白溝水。本名白渠。隋煬帝導為永濟渠。亦名御河。西去縣十里。

寇氏縣。繫二十里。西至州六十里。本漢館陶縣地。隋開皇六年。分館

陶東界。置寇氏縣。因古寇氏邑為名。屬毛州。隋大業二年。廢毛州。縣屬魏州。

王莽河北。去縣十八里。

冉仲弓墓。在縣北二十五里。

朝城縣。繫三十里。西北至州一百里。本漢東武陽郡。在武水之陽。故

曰武陽。其後為縣。屬魏郡。開皇十六年。屬莘州。大業二年。

廢莘州。屬魏郡。貞觀十七年。廢。永昌元年。置。改名武聖。開

元七年。改為朝城。

武河。在縣東十步。

黃河。在縣東二十九里。

武陽臺。在縣西南一里。

扁鵲墓。在縣羅城西北隅。

元和郡縣圖志卷之十六

莘縣上二十一西至州一百里。本衛地。漢為陽平縣。屬東平郡。魏改屬陽平郡。隋開皇六年。又於樂平故城置陽平縣。屬魏州。八年。改清平為清邑縣。大業二年。改為莘縣。因縣北古莘亭為名。皇朝因之。

莘亭在縣北十三里。傳曰。衛宣公使太子伋之齊。使盜待諸莘。將殺之。二子伋壽爭相為死。即此地也。

昌樂縣望二十四北至州五十里。本漢舊縣。屬東郡。後漢省。後魏孝

文帝於漢舊昌樂城置昌樂郡。又昌樂縣。周武帝改屬魏郡。隋罷郡。改屬魏州。皇朝因之。王莽河西去縣十六里。

相州望郡。開元戶七萬八千。鄉一百五十一。元和戶。鄉二十九。

禹貢冀州之域。又為殷盤庚所都。曰殷墟。項羽與章邯盟於洹水南。殷墟是也。春秋時屬晉。戰國時屬魏。魏文侯使西門豹守鄴。是也。秦兼天下。為上黨。邯鄲二郡之地。漢高

帝分置魏郡。理鄴。後漢末。冀州理之。韓馥為冀州牧。居鄴。其後袁紹。曹操因之。建安十七年。冊命操為魏公。居鄴。黃初二年。以廣平。陽平。魏三郡為三魏。長安。譙。許。鄴。洛陽為五都。石季龍自襄國徙都之。仍改太守為魏尹。慕容暉平冉

閔。又自薊徙都之。仍置司隸校尉。符堅平鄴。以王猛為薊州牧。鎮鄴。後魏孝文於鄴立相州。初。孝文幸鄴。訪立州名。尚

元和郡縣圖志卷之六

九



書崔光對曰昔河亶甲居相聖皇天命所相宜曰相州孝  
文從之蓋取內黃東南故殷王河亶甲居相所築之城為  
名也至東魏孝靜帝又都鄴城高齊受禪仍都於鄴改魏  
尹為清都戶周武帝平齊復改為相州大象二年自故鄴  
城移相州於安陽城即今州理是也隋大曆三年改相州  
為魏郡武德元年復為相州後或為總管或為都督  
州境東西一百一十四里  
南北一百六十九里  
西南至上都一千四百四十里  
西南至東都五百八十里  
北至磁州六十五里  
北至洛州一百八十里  
東取臨洛縣北至邢州二百六十五里  
東至魏州二百一十里

貞賦開元貢 紗 鳳翮扇 胡粉 知母  
西至潞州三百五十里  
東南滑州一百三十里

管縣十 安陽 鄴縣 成安 內黃 堯城 洹水

臨漳 臨河 湯陰 林慮

安陽縣緊 郭下 本七國時魏寧新中邑秦昭襄王拔之

改名安陽漢初廢以其地屬陽陰縣晉於今理西南三里  
置安陽縣屬魏郡後魏并入湯陰隋開皇十年置安陽縣  
屬相州皇朝因之

韓陵山在縣東北十五里東魏丞相高歡破爾朱兆第於  
此山

洹水西南自林慮縣界流入

鄴縣緊二南至州四十里。本漢舊縣屬魏郡。晉以懷帝諱改鄴

為臨漳縣。石季龍徙都之。復改為鄴縣。冉閔及慕容暉洎

東魏高齊並都於此。其縣名直至隋氏不改。皇朝因之。

濁漳水在縣北五里。西門豹為鄴令。引漳水以富魏之河

內。後史起為鄴令。又引漳水溉鄴。人歌之曰。鄴有賢令。號

為史公。決漳水分灌鄴旁。終古為鹵。生稻梁。今天下井堰

即其遺址也。

故鄴城縣東五十步。本春秋時齊桓公所築也。自漢至高

齊魏郡鄴縣並理之。今按魏武帝受封於此。至文帝受禪。

呼為此郡都。

西門豹祠在縣西十五里。

魏武帝西陵在縣西三十里。

成安縣上四西南至州一百五十里。本漢斥丘縣地。屬魏郡。土

地斥鹵。故曰斥丘。陵其地盡屬鄴縣。高齊文宣帝分鄴縣

置成安縣。屬清都尹。周平齊屬魏郡。隋開皇三年改屬相

州。皇朝因之。

濁漳水西自滏陽縣界流入。

斥丘故城在縣東南三十里。本春秋時乾侯邑。漢以為斥

丘縣。左傳曰。公如晉。次於乾侯。

內黃縣紫三西北至州八十里本漢舊縣屬魏郡以河北為河

內南為外故此有內黃陳留有外黃後魏省隋開皇六年

重置內黃縣屬相州武德二年於黎陽置黎州縣屬焉

貞觀十七年廢州縣屬相州

湯水南去縣七里

黃澤在縣西北五里

故殷城在縣東南十三里殷王河亶甲居相因築此城永

濟渠本名白渠隋煬帝導為永濟渠一名御河北去縣二

百步

堯城縣上西至州四十里本漢內黃縣地晉於此置長樂縣高齊

省長樂入臨漳縣隋開皇十年分臨漳洹水二縣於此重

置長樂縣十八年改為堯城因所理堯城為名也

洹水在縣北四里

丹朱墓在縣東一里

洹水縣上二西南至州一百二十里本漢內黃縣地晉於此置

長樂縣屬魏郡後魏省孝文復置長樂縣高齊省入臨漳

縣周武分臨漳置洹水縣因以水為名屬魏郡隋開皇三

年割屬相州皇朝因之

洹水西自堯城縣界流入

鷓鴣波在縣西南五里周迴八十里蒲魚之利州境所資

元和郡縣圖志卷之六

志

永濟渠西去縣二里。

臨漳縣

上四西南至州六十里

本漢鄴縣地東魏孝靜帝分鄴

縣之地於鄴城中置臨漳縣周武帝平齊自鄴城移臨漳

縣於今理屬魏郡隋開皇三年改屬相州皇朝因之

東山池在縣西南十五里東魏相高澄所築引萬金渠水

為池作遊賞處

鸕鷀陂在縣東南三十里與洹水縣同利

袁紹墓在縣西北十六里

臨河縣

上二西北至州一百二十里

本漢黎陽縣地隋開皇六

年分置臨河縣屬衛州其城本春秋時衛築新城十六年

改屬黎州大業二年又改屬衛州武德二年重置黎州縣

屬貞觀十七年廢黎州以縣屬相州

黃河南去縣五里

湯陰縣

上二北至州四十里

本七國時魏湯陰邑也漢以為縣

屬河內郡縣有湯水因取名焉晉屬魏郡後魏省隋開皇

六年重置湯陰縣屬相州十六年改屬黎州武德四年分

安陽置蕩源縣屬衛州十六年改屬相州貞觀元年改為

湯陰從漢舊名也

蕩水西去縣三十五里

牖里一名姜城在縣北九里紂拘西伯之所也

元和郡縣圖志卷之十六

七

林慮縣上東至州一百一十里。本漢舊縣屬河內郡。以隆慮

山在北。因為名。後避煬帝諱。改曰林慮。屬朝歌郡。晉屬汲

郡。後魏太武帝省入鄴縣。文帝立。復屬魏郡。周武帝置林

慮郡。隋開皇三年罷郡。屬相州。武德二年又置巖州。五年

廢縣。又屬相州。

林慮山在縣西二十里。山多鐵。縣有鐵官。南接太行北道

連怕慮音

博州博平開元戶三萬七千四百七十。鄉七十四。元和中戶二千四百三十。鄉一十五。

禹貢冀州之域。春秋時齊之西界。聊攝地也。戰國時為齊

地。秦兼天下。今州即秦東郡地也。在漢為東郡聊城縣之

地。後魏明元帝於此置平原鎮。孝文罷鎮。置平原郡。葛榮

之據冀州也。又於今理置冀州。尋廢。孝武帝復置平原郡。

隋開皇三年置郡。十六年於今理置博州。大業二年省。隋

亂。宇文化及殺逆。自江都舉兵。至此。竇建德攻陷其城。化

及復自據。武德四年討平。竇建德重置博州。

州境東西一百五十七里。南北一百六十六里。

八到西南至上都一千七百九十里。西南至東都九百三十里。

西南至魏州一百八十里。西北至貝州一百九十里。

東北至德州一百六十里。東渡河至鄆州一百八十里。東渡河至齊州二百九十里。

貢賦

開元貢賦

平綾十疋 綿絹

管縣六

聊城

武水

堂邑

清平

博平

高堂

聊城縣三

郭下

本春秋時聊攝地晏子對景公曰聊攝

以東其人多矣漢以為縣屬東郡晉屬平原郡高齊改屬

濟州隋開皇三年改屬冀州十六年置博州縣屬焉

黃河南去縣四十三里

荏平故城在縣東五十三里在荏山之平地石勒之賤也

賣在荏平人師歆家為奴

四口故關在縣東南八十里隋於此置

武水縣

上八 東北至州六十里

本漢陽平縣地屬東郡隋開皇

八年改陽平為清邑縣十六年分清邑置武水縣屬莘州

即今博州武水縣理是也

在武水溝之南因名之大業三年廢莘州改

屬魏州貞觀元年改屬博州

黃河南去縣二十二里

堂邑縣

上二 東至州六十里

本漢清縣發干二縣之地屬東郡

隋開皇六年於此置堂邑縣屬毛州因縣西堂邑故城為

名大業二年改屬魏州武德四年又屬毛州貞觀元年廢

毛州改屬博州

樂平故城本漢清縣在縣東三十里後趙錄曰東海王使

征東將軍苟晞擊汲桑石勒與晞相持戰於平原陽平

元和郡縣圖志卷之十六

五

間為晞所敗桑奔樂平

堂邑故城在縣西北二十七里高帝五年陳嬰為堂邑侯

嬰孫午繼封尚館陶公主

清平縣上二東南至州八十里本漢清陽縣地屬清河郡隋開

皇六年自今貝州清河縣界移貝丘縣於今理屬貝州十

六年改貝丘為清平縣屬博州大業二年省博州改屬貝

州隋亂廢武德四年重置屬博州

博平縣上二西南至州七十里本齊之博陵邑也史記曰齊威

王伐晉博陵是也漢以為縣屬東郡晉屬平原國隋開皇

三年改屬毛州十六年改屬博州

故攝城在縣西南二十里晏子曰聊攝以東其為人多矣

即此縣也

高堂縣上二西南至州一百一十里本齊邑春秋夙沙衛奔高

堂以叛史記齊威王曰吾臣有盼子者使守高堂趙人不

敢東漁於河漢以為縣屬平原郡後魏屬濟州高齊改屬

平原郡隋開皇十六年改屬博州皇朝因之長壽二年改

為崇武縣神龍二年復舊名

黃河在縣東四十五里

華歆墓在縣東二十里

衛州汲郡開元戶三萬六百六十六

元和戶二千七百七十七

鄉六十七

鄉一十九

元初郡縣圖志卷之六

禹貢冀州之域。後為殷都。在今州東北七十三里。衛縣北界朝歌。故城是也。今州理即殷牧野之地。周武王滅殷。分其畿內為三國。詩國風邶鄘衛是也。邶封紂子武庚。鄘管叔尹之。衛蔡叔尹之。以監殷人。謂之三監。武王崩。三監及淮夷叛。成王既伐。管叔蔡叔以殷封康叔為衛侯。今郡及魏郡之黎陽河內之野。王朝歌皆衛之分。其後十五葉懿公為翟所滅。

更封於楚丘。今滑州衛南縣是也。河內殷墟更屬於晉。後又屬齊。戰國時屬魏。秦屬河東郡。在漢為汲縣。屬河內郡。魏黃初中置朝歌郡。屬冀州。晉武帝改朝歌為汲郡。仍屬

冀州。後魏孝靜帝移汲郡理枋頭城。今在衛縣界。又於汲縣置義州。以處歸附之人。周武帝改義州為衛州。隋大業三年改為汲郡。武德元年又改為衛州。二年陷。實建德四年討平。仍舊名焉。

州境東西二百三十六里。南北一百四十一里。西南至上都一千二百五十里。西南至東都三百九十里。東北至相州一百九十里。東渡河至滑州一百一十五里。正西至懷州二百六十里。正南渡河至鄭州二百三十里。東北至澶州二百五十里。西北踰山至澤州陵山縣二百四十里。

貢賦。開元貢絹。綿。賦。絹。綿。元



管縣五

汲縣

新鄉

衛縣

共城

黎陽

汲縣繫

郭下

本漢舊縣屬河內郡後魏於此置義州及

伍城郡伍城縣周改義州為衛州伍城縣屬衛州隋開皇

六年改伍城縣為汲州大業三年改屬汲郡武德元年重

置義州汲縣屬焉四年廢義州縣屬衛州

黃河西自新安縣界流入經縣南去縣七里謂之棘津亦

謂之石津濟左傳云晉伐曹之在衛東假道於衛之人不

肯還自南津是也宋元嘉中遣宣威將軍垣護之以水軍

守石濟亦是此處也

比干墓及廟在縣北十里太公廟在縣西北二十五里太公即河內汲人也

新鄉縣

繫十九

東至州四十八里

本漢獲嘉縣汲縣二縣地隋開

皇六年於兩縣地新築城中置新鄉縣屬衛州武德四年

屬殷州貞觀元年廢殷州縣屬衛州

清水在縣北一里

獲嘉故城在縣西南十里本漢舊縣越相呂嘉反武帝將

幸於汲縣中鄉得呂嘉首以為獲嘉縣

衛縣

繫十九

西南至州六十八里

本漢朝歌縣屬河內郡魏黃初

中朝歌縣又屬朝歌郡晉武帝改為汲郡隋開皇三年罷

郡縣屬魏州大業二年改朝歌為衛縣屬汲皇朝因之

黑山在縣北五十五里漢末犍固白統等起黑山聚眾十

元和郡縣圖志卷之十六

大

餘萬號黑山賊

蘇門山在縣西北十一里孫登所隱阮籍嵇康所造之處  
延津在縣西二十六里魏曹公遣于禁渡河守延津即此  
地也

枋頭故城在縣東一里建安九年魏武在淇水口下大方  
木為堰道淇水令入白渠以開運漕故號其處為枋頭晉  
太和四年桓溫北伐慕容暉時亢旱水道不通乃鑿鉅野  
三百餘里以通舟運自清水入河暉將慕容垂率衆八萬  
來拒溫大破之遂至枋頭軍糧竭盡溫焚舟步退垂以千  
騎追溫戰敗於襄邑亦謂此也後符氏克鄴改枋頭為

昌永縣十六國春秋曰晉劉牢之救符丕慕容垂率師至  
枋頭以拒之知晉軍盛乃退後魏嘗移汲郡理此  
陽河水出縣西北平地即紂斲朝涉之脰處

朝歌故城在縣西二十一里殷之故都也

鹿臺在縣西殷紂營之七年乃成高三里高十尺

共城縣上二東南至州六十二里本周共伯國厲王無道流崩

於豳共伯奉王子靖立為宣王共伯復歸於國漢以為縣

屬河內郡晉屬汲郡高齊省隋開皇四年加城字於此置  
共城縣屬衛州皇朝因之

白鹿山在縣西五十四里

元和郡縣圖志卷之十六

天門在縣西五十里

淇水源出縣西北沮洳山

故凡城在縣西二十里古凡伯國也

百門陂在縣西北五里方五伯許步百姓引以溉稻田此

米明白香潔異於他稻魏齊以來常以薦御陂南通漳水

黎陽縣上二西南至州一百二十里古黎侯國漢為黎陽縣在

黎陽山北屬魏郡漢屬黎陽郡隋開皇三年屬衛州十六

年又屬黎州大業二年省黎州縣屬衛州皇朝武德二

年重置黎州縣屬馬貞觀十七年黎州廢復屬衛州

大丕山正南去縣七里即黎山也尚書云東過洛汭至於

大伾注曰山再成曰伾

枉人山在縣西北四十二里或言紂殺比干於此

黎陽鎮故城在縣東南一里古翟遼城也翟遼於此僭號

皇朝改曰白馬鎮

袁譚故城在縣西南百步

曹公故城在縣西南一里是曹公攻譚時所築

白馬故關在縣東一里五步鄒食其說高祖曰杜白馬之

津即此處也後更名黎陽津慕容德自鄴將徙滑臺至黎

陽津風飄舡渡魏軍垂至三軍色懼昏而水合是夜濟訖

旦而魏軍至冰亦消泮德大悅改黎陽津為天橋津高齊

文襄征頽城仍移石濟關於此即造橋焉改名白馬關周  
又改名黎陽關

貝州

清河 開元戶八萬四千四百  
元和戶二萬一百二

鄉一百七十七  
鄉三十七

禹貢冀州之域春秋時其地屬晉七國時屬趙秦兼天下  
以為鉅鹿郡漢文又分鉅鹿置清河郡以郡臨清河水故  
號清河後漢以為清河國周武帝建德六年齊於此置貝  
州因立以為名隋大業三年又為清河郡隋末陷賊武德  
四年討平竇建德復置貝州

州境 東西二百四十九里  
南北一百九十里

八到 西南至上都一千八百二十里  
西南至東都九百六十里

南至魏州二百一十里  
正東至魏州二百三十里  
北至冀州二十一十里  
東至博州一百九十里  
西至邢州二百三十里

貢賦 開元貢綾絹  
賦綿絹

管縣十 清河 清陽 歷亭 東武城 宗城

經城 漳南 臨清 夏津 永濟

清河縣 緊四郭下 本漢信城縣地屬清河郡後漢省信城縣置  
清河縣至隋不改皇朝因之

故末極城在縣東北五十里十六國春秋曰鮮卑段末極  
自稱遼西公於此築城與石勒相持因為名

永濟渠東南去縣十里

元和郡縣圖志卷之十六

廿一

清陽縣縣四本漢舊縣也屬清河郡後漢省青陽縣其地屬甘陵縣隋開皇六年重置皇朝因之

甘陵在縣城內後漢清河王慶陵慶即安帝父也

歷亭縣上三西南至本漢東陽縣地屬清河郡後漢省東

陽縣其地屬郟縣郟音輸開皇十六年於此置歷亭縣遷取

漢歷縣為名皇朝因之

東陽故城在縣西十八里漢高祖以張相如為東陽侯

東武城縣上二西南至州本七國時趙邑也史記趙平原

君勝封東武城即此地也蓋以定襄有武城同屬趙故此加

東字以辨之屬新河郡隋開皇三年改屬貝州皇朝因之

自後魏以來山東貴族清河諸崔即此邑人也為天下之

甲族

宗城縣望五東北至本後漢章帝分立廣宗縣屬鉅鹿郡後

魏改屬廣宗郡隋開皇三年改屬貝州仁壽元年改宗城

縣皇朝因之

張甲河在縣南二十五里

漳水東去縣二十七里

經城縣上四東至本後漢分前漢堂陽縣於今縣西北二

十里置經城縣後魏省併入南宮縣孝文又於今理置經城

縣又置廣宗郡高齊省郡及縣仍置武強縣於此隋開皇

元和郡縣圖志卷之十六

六年移武強縣於此置經城縣屬貝州皇朝因之  
張甲枯河東去縣十里

漳南縣上二西南至州一百一十里本漢東陽縣之地隋開皇六年置  
東陽縣屬德州取漢東陽之名十六年改屬貝州十八年

改為漳南縣以漳水在縣北故名也皇朝因之

永濟渠在縣東五十里

漳水在縣北四十六里

臨清縣緊五州六十一里本漢清泉縣地後魏孝文於此置

臨清縣屬魏郡高齊省隋開皇六年復置臨清州屬貝州

皇朝因之

貝丘城在縣東南五十里漢貝丘縣城也城內有丘高五

丈周迴六十八步城因此為名春秋公田於貝丘是齊州

之地與此異也

永濟渠在縣城西門外

夏津縣上二西北至州九十里本漢鄒縣也呂他欒布皆為鄒侯

田蚡奉邑亦在鄒屬清河郡隋大業二年改屬貝州天寶

元年改為夏津縣

屯氏河在縣北

永濟縣緊四東北至州一百十里本漢貝丘縣地臨清縣之南偏大

曆七年田承嗣奏於張橋行市置西井永濟渠故以為名

永濟渠在縣西郭內濶一百七十尺深二丈四尺南自汲  
郡引清淇二水東北入白溝穿此縣入臨清按漢武時河  
決館陶分為屯氏河東北經貝州冀州而入渤海此渠蓋  
屯氏古瀆隋氏脩之因名永濟

澶州上頓丘

元和戶三千二百六十九

鄉一十七

本漢頓丘縣地武德四年分魏州之頓丘觀城二縣於今  
理置澶州因澶水為名又分置澶水縣貞觀元年廢澶州  
以澶水縣屬黎州今衛州黎陽縣理是大曆七年魏博節  
度使田承嗣又奏置澶州  
州境東西一百二十九里  
南北七十里

八到

西南至上都一千五百里  
西南至東都六百三十里  
西南至衛州二百五十里  
北至魏州一百一十里  
南至濮州濮陽縣一百一十里  
東至濮州范縣三十六里  
西至相州內黃縣七十里  
西至相州臨河縣八十里  
東北至魏州朝城縣九十四里

貢賦

開元貢 平細及絹  
賦 絕 綿 絹 粟

管縣四

頓丘 臨黃 觀城 清豐

頓丘縣

望下 本漢舊縣因縣東北頓丘以為名屬東郡晉

屬頓丘郡隋魏郡武德初割屬澶州廢還屬魏州大曆

初却屬澶州

元和郡縣圖志卷之十六

秋山在縣西北三十五里

黃河在縣南三十五里

額頊陵縣西北三十五里

帝營陵縣北三十里

衛康叔墓縣東北九十里

臨黃縣上西至州六十七里本漢觀縣地後漢改觀縣為衛縣後魏

孝文帝分魏縣置臨黃縣以北臨黃溝因以為名屬頓丘

郡隋改屬魏郡武德初割屬澶州廢還屬魏州大曆初

又割屬澶州

黃河南去縣三十六里

盧津関今古高陵津縣東南三十五里

魏長賢墓縣十五里貞觀七年追贈定州刺史即徵父也

觀城縣繫

西至州二十四里

漢觀縣古之觀國左傳曰虞有三苗

夏有觀危國語注曰觀國夏啓子太康之弟五弟所封也

在衛縣夏衰滅之漢以為縣屬東郡後漢改觀縣為衛國

縣屬東郡隋開皇六年改衛國縣為觀城縣屬衛州武德

四年以觀城屬澶州廢還屬魏州大曆初隸澶州

衛靈公墓縣東南四十二里

清豐縣上東至州二十五里本漢內黃縣地大曆七年於清豐店置

因以為縣

元和郡縣圖志卷之十六



黃河在縣南五十里

元和郡縣圖志卷第十六終

元和郡縣圖志卷第十七

河北道二

恒真節度使

恒州

常山

大都督府

開元戶四萬二千六百九十四

鄉八十七

今為恒真節度理所

管州六 縣四十五

都管戶六萬二千六百四

恒州 縣十

真州 縣九

深州 縣四

趙州 縣九

德州 縣七

棗州 縣五

禹貢冀州之域周為并州地春秋時屬鮮虞國戰國時屬趙秦兼天下為鉅鹿郡之地漢三年韓信東下井陘擊破陳

元和郡縣圖志卷之十七

餘趙王歇以鉅鹿之北境置恒山郡因恒山為名後避文帝諱改曰常山兩漢恒山太守皆理於元氏晉理於真定即今常山故城是也後魏道武帝登恒山郡城北望安樂壘嘉其美名遂移郡理之即今州理是也周武帝於此置恒山隋煬帝大業九年罷州以管縣屬高陽郡武德元年重置為恒州三年陷賊四年討平竇建德仍舊焉

州境東西二百一十里南北二百七十里

八到西南至上都一千九百九十里

西取太原路至上都一千七百六十里

東南至深州一百八十里

東北至定州一百二十里

西北取五臺山路至代州五百三十里

貢賦開元貢羅綿絹

管縣十 真定 橐城 九門 靈壽 行唐

井陘 獲鹿 石邑 房山 鼓城

真定縣 望二十一 郭下 本名東垣屬中山國以河東有垣縣故

此加東字高帝十一年代相陳豨反帝自攻拔之改曰真定屬恒山郡武帝改為真定國後漢復為縣屬常山郡後燕慕容垂都之後徙理盧奴開皇三年真定縣改屬恒州皇朝因之

滌水北去縣三十里

滹沱河南去縣一里

元和郡縣圖志卷之十七

故權城即古之提鄉也。縣北二十里。後漢建武元年賈復破青犢於射犬，追戰於真定之提鄉，大破之，即此地也。

高城縣緊十三西北至州五十八里。本漢舊縣，元鼎四年置，屬真

定國。後漢改屬鉅鹿郡。晉省。後魏重置。高齊改為高城縣。

隋開皇十八年復為高城縣。武德初屬廉州。貞觀二年改

屬恒州。

肥累故城，縣西南七里。春秋時肥子國，白狄別種也。滹沱

水去縣二十九里。

九門縣上西至本戰國時趙邑。漢於此置九門縣，屬常山

郡。高齊省。隋開皇六年重置義旗。初於此置九門郡，後廢

以縣屬恒州。

滹沱水在縣西九十里。

滌水北去縣二十三里。

靈壽縣中東至州本中山國都也。按中山武公，本周同姓。

其後桓公不恤國政，後樂羊為魏將，拔中山，封之靈壽縣。

於此置靈壽縣，屬常山國。後漢屬常山郡。隋開皇三年改

屬恒州。武德五年屬并州。七年改屬恒州。

滹沱水在縣西南二十里。

行唐縣上南至州本趙南行唐邑。惠文王初置。漢因為

縣，屬恒山郡。後魏去南字，為行唐縣。隋開皇三年改屬恒州。

元和郡縣圖志卷之十七

皇朝因之

玉女山縣北三十六里

潞水去縣南二十六里

井陘縣中東南至五州九十里六國時趙地秦始皇十七年王翦興兵

攻趙韓信張耳東下井陘擒成安君即此是也陘山在縣

東南八十里四面高中央下如井故曰井陘漢屬常山郡

隋開皇十六年於縣置井州大業二年廢縣屬恒州武德

元年重立井州貞觀十七年廢縣又屬恒州

綿蔓水在縣西南八十里韓信擊趙使萬人先行背水為

陣信曰陷之死地而後生謂此水也

獲鹿縣

中

東北至州五十里

本漢石邑縣地屬常山郡隋開皇十

六年於此置鹿泉縣以鹿泉在漢縣南因為名屬井州大

業二年省義寧初重置還屬井州貞觀二年改名獲鹿

飛龍山在縣南四十五里前趙錄曰王浚遣將祁弘率鮮

卑討石勒於飛龍山下勒大敗

草山音蔽今名抱犢山韓信伐趙使輕騎二千人持一赤

幟從間道草山而望後遂改為草山後魏葛榮之亂百姓

因山抱犢而死故以為名又云抱犢者古有其名也即道

家謂之北岳佐命是也名山記以為福地之數云可避兵

水也

元和郡縣圖志卷之七

井陘口今名土門口縣西南十里即太行八陘之第五陘也四面高中央下似井故名之韓信擊趙欲下井陘成安君陳餘聚兵井陘口號二十萬李左車說餘曰臣聞千里餽糧士有飢色今井陘之道車不得方軌騎不得成列行數百萬其勢糧食必在後願足下假臣奇兵三萬從間道絕其輜重足下深溝高壘勿與戰彼前不得闕退不得還吾奇兵絕其後野無掠擄不至十日兩將之頭可致麾下成安君儒者不從故敗述征記曰其山首自河內有八陘井陘第五四面高中央低似井故名之鹿泉出井陘曰南山下皇唐貴族有土門崔家為天下甲故今土門諸崔是

也源出博陵安平矣

石邑縣

繫十五東北至州三十里

本戰國時中山邑也史記趙武靈王

攻中山取石邑是也漢於此置石邑縣屬常山郡後漢至隋不改皇朝因之

鹿泉水一名陘水南去縣十里

趙他墓縣北十三里他真定人僭號南越帝文帝為其先人置守冢昆弟在者存閭之他遂釋黃屋左纛而稱名

房山縣

中東南至州八十里

本漢蒲吾縣地屬常山郡隋開皇十六

年置房山縣因縣北房山為名屬井州大業二年廢井州縣屬恒州武德四年又屬井州貞觀十七年又屬恒州其

城內實外險一名嘉陽城房山一名王母山在縣西北五  
十里漢武帝此山上立祠今王母觀是也

蒲吾故城在縣東二十里

鼓城縣中西北至州九十五里本春秋時鼓子國蓋白狄別種也

又漢曲陽縣地左傳曰晉荀吳圍鼓以鼓子鳶鞮歸漢下

曲陽屬鉅鹿郡隋開皇六年置昔陽縣十八年改為鼓城

縣屬鹿州大業九年改屬高陽郡貞觀元年屬定州大業

二年割入恒州

滹沱水在縣北十三里

魏收墓在縣北七里後魏北齊貴族諸魏皆此邑人也所

云鉅鹿曲陽人者是矣

後漢京觀在縣西南七里後漢皇甫嵩攻黃巾賊張角弟

寶於下曲陽首虜千餘人築為京觀

冀州信都開元戶九萬四千一百二十鄉一百八十五  
元和戶八千九百六十七鄉四十八

禹貢冀州堯所都也虞及三代同為冀州地爾雅曰兩河

間曰冀州冀近也兩河之間其氣相近春秋時屬晉七國

時屬趙秦屬鉅鹿郡漢高帝分趙鉅鹿立清河信都常山

其信都即今州理是也文帝又分立河間廣平二郡景帝

改信都為廣郡後漢初王郎僭號河北悉應光武自薊南行

至下博失道有白頭公曰努力信都為長安守光武至信

元和郡縣圖志卷之十七

信都太守任光果開門出迎即今州理是也明帝更名信都為樂成國後漢末韓馥為冀州牧公孫瓚欲襲之袁紹使高幹諷馥令以冀州讓紹馥素性怯因然其計馥長史耿武諫曰冀州北鄙帶甲百萬穀有十年袁紹孤客窮軍譬如嬰兒在股掌之上絕其乳哺立可餓殺奈何以州與之馥不從以州與紹遂領冀州牧及曹公破紹又理之文帝黃初中以鄴為五都之始移冀州理信都自石趙至慕容垂或理鄴或理信都符堅用王猛為冀州牧鎮鄴後魏冀州亦理於鄴仍於信都為舊冀州之理置長樂郡隋開皇三年罷郡為冀州大業三年復為信都郡隋末陷賊

武德四年討平竇建德改為冀州

州境東西二百六十里

八到西南至上都取相州路一千九百里

正南微北至趙州一百六十里北至瀛州二百四十里

西北至深州一百三十里東至景州二百一十里

東北至滄州一百二十里

管縣九 信都 衡水 南宮 武邑 下博

武強 棗強 堂陽 阜城

信都縣望 郭下 本漢舊縣信都國後漢屬安平國後魏

屬長樂郡隋開皇三年屬冀州皇朝因之

元和郡縣圖志卷之十七

衡水亦曰長蘆水即濁漳水之下流也西北去縣六十二里

辟陽故城在縣東南三十五里審食其為辟陽侯

煮棗故城在縣東北五十里漢煮棗侯國城六國時於此

煮棗油後魏及齊以為故事每煮棗油即於此城

衡水縣上南至州南至州本漢桃縣之地隋開皇十六年於今

縣置衡水縣在長蘆河西長蘆河則衡水故瀆也因以

為名

長蘆水縣南二百步

蘭相如臺在縣東北十二里

南宮縣望東北至州六十二里本漢舊縣屬信都國後漢書光武自

薊南馳至南宮遇大風雨引入道傍空舍馮異抱薪鄧禹

燃火帝對竈燎衣即此地也後漢屬安平國高齊省隋開

皇六年復置南宮縣皇朝因之

絳水故瀆縣東南六里

武邑縣上西南至州九十里本漢舊縣屬信都國後漢屬安平國

高齊省隋開皇六年復置冀州皇朝因之

長蘆水北去縣三十二里

觀津城在縣東南二十五里本趙邑也趙孝成王封樂毅

於觀津號望諸君又漢景帝母竇太后觀津人也

元和郡縣圖志卷之十七



武強湖在縣北三十二里

下博縣

上南至州一百里

本漢舊縣屬信都國以太山有博縣

故此加下字後漢屬安平國後魏屬長樂郡隋開皇三年

置郡屬冀州十六年屬深州皇朝因之貞觀年改屬冀

州

下博故城在縣南二十里即漢光武失道之處也光武自

滹沱南出至此失道不知所之遇白衣老父曰努力信都

為長安守去此八十里從之也

長蘆橋在縣南架長蘆水

武強縣

十一西南至州一百三十里

本漢武隧縣地也屬河間國晉於此

置武強縣屬武強郡高齊改屬長樂郡隋開皇三年改屬

冀州貞觀元年改屬深州後屬冀州

武隧故城在縣東三十一里秦破趙將扈輒於武隧斬首

十萬即此也

武強故城在縣西南二十五里漢將嚴不識以擊黥布功

封武強侯後漢王梁為武強侯

秦強縣

十二西北至州六十八里

本漢舊縣屬清河郡高帝以留盼

為秦強侯其地秦木強盛故曰秦強後魏屬長樂郡隋開

皇三年屬冀州皇朝因之

縣外城即姚弋仲之故壘也

元和郡縣圖志卷之十七

棘津故城在縣東北二十七里左傳曰晉荀吳師涉自棘津史記曰呂望東海人也老而無過賣食棘津

堂陽縣上 東至州六十五里本漢舊縣屬鉅鹿郡在堂水之陽按

長蘆水亦謂之堂水在縣南二百步縣因取名後漢屬安

平國高齊省隋開皇十六年重置屬冀州皇朝因之

阜城縣上 西南至州一百四十里本漢舊縣屬渤海郡後漢屬安平

國隋開皇九年改屬觀州大業二年復屬冀州武德四年

復屬觀州貞觀十七年廢觀州又隸冀州

符融壘在縣東北二十四里

深州上 饒陽 開元戶四萬二千二百一十五 元和戶一萬四千九十七

鄉七十五 鄉五十

禹貢冀州之域七國時為趙地秦為鉅鹿郡地漢為饒陽

縣地屬涿郡隋開皇十六年於饒陽置深州以州西故深

城為城大業二年廢深州武德元年討平竇建德四年復

置貞觀十七年又廢先天元年於今理重置

州境東九十里 西一百一十里

八到西南至上都取趙州路二千五十里

正西至恒州一百八十里 西南至趙州二百里

東北至瀛州二百四十五里

管縣四 陸澤 鹿城 饒陽 安平

陸澤縣上 郭下 本饒陽鹿城二縣地先天元年因置

元和郡縣圖志卷之十七

州割二縣置陸澤縣。禹貢大陸既作，此縣南三里，即大陸之澤，因名之。

鹿城縣上，東至州二十五里。本漢安定縣地，屬鉅鹿郡。隋開皇三

年於此置安定縣，取漢舊名，屬定州。十八年改為鹿城，取

縣東故鹿城為名也。改屬吳州。貞觀元年改屬深州。

衡漳水在縣十里。

滹沱河水在縣西北四十二里。

大陸澤在縣南十里。

饒陽縣望，南至州三十里。本漢舊縣，屬涿郡。在饒河之陽。隋

開皇三年改屬定州。十六年屬深州。大業二年省深州，改

屬瀛州。武德四年屬深州。

滹沱河北去縣四十五里。

州理城，晉魯城口也。公孫泉叛，司馬宣王征之，鑿滹沱入

沔水以運糧，因築此城。蓋滹沱有魯沱之名，因號魯口。後

魏道武皇始三年，車駕幸魯口，即此地也。燕薊故城在縣

東北三十五里，隋縣也。蓋因東北燕薊亭為名。

燕薊亭在縣東北四十五里。後漢光武自剡東南馳，晨夜

至饒陽燕薊亭，飢甚，馮異進豆粥。光武曰：得公孫豆粥，飢

寒俱解，公孫異字也。

安平縣上，東南至州五十三里。本漢舊縣，屬涿郡。高帝以鄴千秋

元和郡縣圖志卷之七

為安平侯後漢屬博陵郡後魏以來博陵諸崔即此邑人也隋開皇三年縣屬定州十六年改屬深州大業二年還屬定州武德四年又屬深州

派水今名疆河西自定州義豐縣界流入

滹沱河在縣南二十三里

趙州

趙郡 開元戶五萬一千四百三十 元和戶八千一百五十九

鄉九十九 鄉二百一十一

禹貢冀州之域春秋時屬晉戰國時屬趙秦為邯鄲郡地漢為常山郡平棘縣地又為趙國自兩漢及魏皆以封建子弟後魏明帝又於廣阿城置殷州高齊改殷州為趙州因趙國為名隋開皇十六年又於欒城縣置欒州大業二

年廢欒州以縣并屬趙州三年以趙州為趙郡武德元年

張志昂舉城歸國又改為趙州

州境東西二百五十里 南北一百一十七里

八到北至恒州一百一十里 西南至上都一千八百九十里

東北至棠城縣七十里從縣至定州一百二十里 正東微南至冀州一百六十五里 西逾山至太原府五百六十里

貢賦開元貢 絲綿絹

管縣九 平棘 元氏 臨城 栢鄉 高邑

贊皇 昭慶 寧晉 欒城

平棘縣上

郭下本春秋時晉棘蒲邑漢文帝三年濟

北王興居反遣棘蒲侯柴武擊之武帝時又有平棘侯薛

元和郡縣圖志卷之七

澤為丞相。蓋漢初為棘蒲，後改為平棘也。屬常山郡。隋開皇二年，改屬趙州。十六年，改屬藥州。大業二年，又屬趙州。皇朝因之。

斯波水，縣北三十五里。

槐水，一名白溝，河南去縣二十五里。

故藥城，縣西北十六里。春秋時晉邑。

千萬壘，縣南一里。後漢安帝永初元年，以御史任尚討羗，無功，檻車徵還。羗遂入侵河內。趙魏間百姓相驚，北軍侯朱寵將五營兵屯孟津。詔魏郡趙國常山等繕作塢壘六百一十處，此即其一也。

李左車墓，縣西南七里。

趙郡李氏舊宅，在縣西南二十里。即後漢魏以來山東舊族也。亦謂之三巷李家云。東祖居巷之東，南祖居巷之南，西祖居巷之西，亦曰三祖宅巷也。三祖李氏亦有地，屬高邑縣。

封斯村者，李氏舊茔，多在封斯。

元氏縣上，東南至州四十九里。本趙公子元之封邑。漢於此置元

氏縣，屬常山郡。兩漢常山太守皆理於元氏。後漢書帝紀

云：世祖光武皇帝建武四年，光武北征彭寵，陰后從行。生

孝明帝於元氏傳舍。又云：顯宗孝明皇帝永平五年冬十

元和郡縣圖志卷之七

月行幸鄴與趙王相會鄴常山三老言於帝曰上生於元氏願蒙復復詔曰豈沛濟陽受命所由加恩報德通其宜也其後元氏縣田租更賦六歲賜縣掾吏及門閭走卒錢又云肅宗孝章皇帝建初七年九月己酉幸鄴勞賜常山趙國吏人復元氏租賦三歲元和三年二月戊辰進幸中山遣使者祠北岳出長城癸酉還幸元氏祠光武顯宗於縣舍正堂明日又祠顯宗於始生堂皆奏樂復元氏租賦三月丙子詔復元氏七年徭役其兩漢元氏縣在今縣西北十五里故城是也晉屬趙國高齊廢隋開皇六年又置元氏縣屬趙州皇朝因之

飛龍山縣西北三十里前趙錄曰河瑞元年王浚使將和弘擊鮮卑務塵部十餘萬東討石勒戰於飛龍山勒師大敗

元氏故城在縣西北十五里即漢之舊縣也兩漢常山太守皆理於此城至隋末為劉黑闥所破其後移於今所開業寺在縣西北十五里即後魏車騎大將軍陝定二州刺史尚書令司徒公趙郡李徽伯之舊宅也

臨城縣

中

東北至百里本戰國趙房子邑也漢以為縣屬常

山郡自漢至隋不改屬趙州皇朝因之天寶元年改名臨城以縣西南十里有古臨城因改名焉

元和郡縣圖志卷之七

泝水在縣南二里出白土細滑如膏以之濯綿色若霜雪如蜀綿之得江津也故俗稱房子之纈魏都賦曰織纈房子是

敦與山在縣西南七十里沔水所出

栢鄉縣

上北至州六十一里

本春秋時晉鄆

音呼各反

邑之地漢以為

縣屬常山郡後漢光武即位於鄆南千秋亭五城陌因改曰高邑屬常山國高齊天保七年移高邑縣於漢房子縣東北界今高邑縣是也隋開皇十六年於漢鄆城南十八里改置栢鄉縣遙取古栢鄉縣以為名屬藥州大業二年改屬趙州皇朝因之

高邑故縣城縣北二十一里本漢鄆縣也

漢世祖廟一名壇亭縣北十四里鄆縣故城南七里即世祖即位之千秋亭也後於此立廟故後漢書帝紀云肅宗孝章帝元和三月丙子詔高邑令祠光武於即位壇是也

高邑縣

上東北至州五十五里

本六國時趙房子邑之地漢以為

縣屬常山郡魏屬趙郡高齊天保七年移高邑縣於其縣城東北十五里今縣是也隋開皇三年改屬趙州皇朝因房子故城在縣西南十五里本漢房子縣也

馮唐墓在縣東北二十八里趙人也

贊皇縣

中東北至州五十七里

本漢鄆邑縣之地屬常山郡隋開皇

元和郡縣圖志卷之十七

六年於此置贊皇縣。南有贊皇山，因以為名，屬欒州。大業二年，改屬趙州。皇朝因之。

贊皇山，縣東南二十六里。穆天子傳曰：至房子，登贊皇山。泚水在縣西南三十五里。韓信斬陳餘處，故李左車曰：陳餘軍敗於鄗下，身死於泚水上，是也。

濟水源出贊皇山，西北流去縣南十里。此自別是一濟水，應劭以為四瀆誤也。

百陵崗在縣東十里，即趙郡李氏之別業於此崗下也。崗上亦有李氏塋塚甚多。

昭慶縣望 東北至 本漢廣河縣，屬鉅鹿郡。後漢省，後魏

別置廣河縣。隋仁壽元年，改為象城縣。大業二年，又改為大陵縣，屬趙州。武德四年，復改為象城縣。取縣西北古象城為名。天寶元年，改為昭慶縣。

廣阿澤在縣東二十五里。爾雅曰：晉有大陵，廣阿，即大陸。別名淮南子曰：鉅鹿大陸，廣阿，咸一澤也。

任敖墓一名七里丘，在縣西四里。高帝時為御史大夫，封廣阿侯。

皇十三代祖宣皇帝建大陵，高四丈，周迴八十大。

皇十二代祖光皇帝啓運陵，高四丈，周迴六十步。二陵共

堊，周迴一百五十六步，在縣西南二十里。

元和鄆縣圖志卷之七

共



寧晉縣十二 西北至州四十三里本春秋時晉楊氏邑漢以為縣屬鉅鹿郡晉省後魏於此置瘦陶復漢舊名大業二年改屬趙州天寶元年改為寧晉

藥城縣中 東南至州三十九里本漢閔縣屬常山郡後漢省後魏

太和十一年於此置藥城縣取平棘縣舊棘城為名隋屬

藥州又改屬趙州皇朝因之

斯波水在縣西北二十里

德州平原開元戶六萬一千七百七十 鄉一百一十六 元和戶九千三百五十六 鄉二十五

禹貢兗州之域春秋時屬齊戰國時亦為齊地後秦兼天下

今州秦之齊郡漢分齊郡置平原郡後漢至晉平原為王國封建子弟後魏文帝於今州置安德郡隋開皇三年改為德州大業三年罷州為平原郡隋末陷賊武德四年討

平實建德復為德州

州境東西一百九十五里 南北二百一十九里 西南至東都一千七百九十里 東北至棣州二百四十里

八到西南至博州二百六十里 正南渡河至齊州二百四十五里 西南至貝州二百三十里 正北微東至滄州二百四十里 西至冀州二百一十五里

貢賦開元賦綾綿絹

- 管縣七 安德 平原 平昌 將陵 安陵

- 濟縣 長河

安德縣縣下本漢舊縣屬平原郡後魏屬安德郡隋開

皇三年廢郡改屬冀州九年改屬德州皇朝因之

黃河南去縣十八里

鬲津枯河在縣南七十里禹貢兗州九河既道鬲津即九

河之一鬲津至徒駭二百餘里今河雖不離此域也

馬頰河縣南五十里

鹿角故關縣東南七十五里

平原縣上東北至州本漢舊縣屬平原郡後漢屬平原

國後魏屬安德郡隋開皇三年罷郡屬冀州九年改屬德

州皇朝因之

黃河在縣南五十里王莽枯河縣南五里

管輅祠縣西南一里

平昌縣上西南至州本漢舊縣屬平原郡後漢屬平原

國隋開皇三年屬滄州十六年改屬德州皇朝因之

馬頰河在縣南十里久視元年開決又名新河

將陵縣望南至州本漢安德縣地屬平原郡隋開皇十

六年於此置將陵縣取安德縣界故城為名屬德州皇朝

因之

鬲津枯河南去縣一十里

王莽枯河西去縣十里

元和郡縣圖志卷之七

安陵縣

望

南至州一百里

本漢脩縣地晉立安陵縣屬渤海郡

本脩縣之安陵故以為名高齊省開皇六年重置屬冀州

九年立觀州縣屬焉望朝因之貞觀十七年觀州廢縣割

屬德州

脩縣

上

東南至州一百二十里

本漢脩縣即條侯國也景帝封周亞

夫為條侯漢條縣屬信都國後漢屬渤海郡晉改條為修

隋開皇三年廢渤海郡屬冀州五年改脩縣為脩縣屬觀

州皇朝武德初亦屬觀州貞觀十七年廢改屬德州

長河縣

上

東至州五十里

本漢廣川縣地屬信都國後漢屬清

河國魏封裴秀為廣川侯高齊省開皇六年復置屬冀州

九年改屬德州仁壽元年改廣川縣為長河縣皇朝因之

漳河自貝州漳南縣流入在縣西二十五里

王莽枯河東去縣五里

永濟渠縣西十里

張公故關縣東南七十里

棣州

樂安

開元戶二萬五千五百四十五

鄉四十八

禹貢青州之域春秋為齊地管仲曰北至於無棣漢為千

乘國曹魏屬安樂國晉石苞為樂陵公是也隋開皇十七

年割滄州陽信縣置棣州大業二年廢入滄州武德四年

又置棣州六年又廢貞觀十七年又置移於厭次縣即今州

元和郡縣圖志卷之十七

十九

理是也。天寶元年改為樂安郡。乾元元年復為棣州。

州境東西三百四十九里  
南北一百四十二里

八到西南至上都二千九十里  
西南至德州二百四十里  
西南至滄州二百五十里  
正北微西至滄州二百五十里  
西南渡河至齊州二百五十里  
東北至大海二百里

貢賦開元貢絹十疋  
賦絹粟綾

管縣五 厭次 滴河 渤海 陽信 蒲臺

厭次縣上 郭下 本漢富平縣屬平原郡。後漢更名曰厭

次。則厭次前已廢矣。相傳以秦始皇東遊厭氣至碣石次

舍於此。因名之。高齊省隋。開皇十六年重置。武德初屬德

州。貞觀十七年於此置棣州。

黃河在縣南三里

滴河在縣南四十里

通海故關在縣西南四十里

滴河縣上 東北至州八十里 本漢初縣屬平原郡。後漢省。隋開皇

十六年於此置滴河縣。因北有滴河以名之。屬滄州。貞觀

元年屬德州。十七年改為棣州。

黃河縣南八十里

滴河縣北一十五里。漢武帝鴻嘉四年河水汎溢為害。河

隄都尉許昌鑿此河通海。故以商字為名。後人加水焉。

渤海縣西至州七十里 本漢蒲臺縣地。垂拱四年分置渤海縣。屬

元和郡縣圖志卷之十七

棣州在州東一百一十里天寶五年以土地鹹鹵自縣西移四十里就李丘村置

大海在縣東一百六十里

陽信縣上 南至州六十里本漢舊縣屬渤海郡魏屬樂陵國後魏

置樂陵郡隋開皇三年罷郡屬滄州十六年於陽信縣置

棣州武德六年又置屬滄州貞觀十七年又割入棣州

鉤般河即九河之一經縣北四十里

蒲臺縣上 西北至州七十五里本漢濕沃縣地屬千乘國宋屬樂

陵郡隋開皇三年改屬滄州十六年改為蒲臺縣北有蒲

臺因為名也隋末廢武德三年重屬八年改屬淄州貞觀

十七年置棣州割蒲臺屬焉

海在縣東一百四十里

海畔有一沙阜高一丈周迴二里俗人呼為鬪口淀是濟

水入海之處海潮與濟相觸故名今淀上有甘井可食海

潮雖大淀終不沒百姓於其下煮鹽

黃河西南去縣七十三里

蒲臺在縣北三十里秦皇築此臺以望海於臺下縈蒲繫

焉今蒲生猶縈結

元和郡縣圖志卷第十七 終

元和郡縣圖志卷之十七

元和郡縣圖志卷第十八

河北道第三

易定節度使 定州 易州

滄景節度使 滄州 景州

定州 博陵 開元戶六萬五千四百六十 元和戶二萬六千八百三十二 鄉一百三十四 鄉一百一十四

今為易定節度理所

管州二 定州 縣十 易州 縣六

管縣十六 都管三萬六千四百二

禹貢兗州之域亦堯帝所封唐國之地春秋時鮮虞白狄之國左傳曰晉荀吳侵鮮虞是也戰國時為中山國與六

國并稱王後為趙武靈王所滅中山之地方五百里秦兼天下今州蓋秦趙郡鉅鹿二郡之地漢高帝分趙鉅鹿置常山中山二郡城中有山故曰中山景帝改為中山國封子勝為中山王成帝崩立中山孝王衍是為平帝後燕慕容垂僭號建都於此仍置中山尹後魏道武帝平慕容垂子寶為中山郡置安州又改為定州以安天下為名也隋開皇元年以中字犯廟諱改中山郡為鮮虞郡大業三年改為博陵郡遂取漢博陵郡為名也九年又改為高陽郡隋末陷賊武德四年討平竇建德復置定州復開皇之舊名也天寶元年改為博陵郡乾元元年復為定州

州境

東西一百七十四里

八到

西南至上都二千八十五里

西南至東都一千二百二十五里

東北至蔚州二百五十里

東至瀛州二百里

貞賦

西南取藁城路至趙州一百九十五里

管縣十

安喜

新樂

義豐

唐縣

望都

北平

無極

恆邑

深澤

恆陽

安喜縣

縣下

本漢盧奴縣屬中山國黑水故池在州城西

北去縣四里周迴百餘步深入不流俗謂水黑曰盧不流

曰奴因以名縣後燕慕容垂都中山故改盧奴為弗為縣

後魏平燕又改為盧奴高齊省盧奴移舊安喜縣於此屬

元和郡縣圖志卷之十八

中山郡隋改為鮮虞縣武德四年復為安喜縣按安喜故城在今縣東三十里本漢安陰縣後漢改為安喜縣蜀志曰先主嘗為安喜尉

澠水音苦反一名唐河在縣北八里

長星川南去縣八里

天井澤在縣東南四十七里周迴六十二里

新樂縣中南北至五里本春秋鮮虞國漢為新市縣之地隋開

皇十六年置新樂縣屬定州取新樂故城為名也新樂者漢成帝時中山孝王母馮昭儀隨王就國王為建國於樂里在西鄉呼為西樂城時人語訛呼西為新故為新樂

儀臺縣西南十三里後燕錄曰慕容麟與道武戰於儀臺

燕師敗績

木刀溝在縣東南二十四里溝傍人姓木名刀因為名

義豐縣緊西至州六十里本漢安國縣之地屬中山國魏明帝追

封后父毛嘉為安國侯晉屬博陵國隋開皇六年改為義

豐縣屬定州皇朝因之

澠水俗名唐河縣北五里

泝水縣西二十五里

解瀆故城縣東北九里本漢解瀆亭靈帝襲爵解瀆亭侯

桓帝崩無子竇武定冊迎立即靈帝也

元和郡縣圖志卷之十八



長林溝今名木刀溝經縣南三十三里

唐縣上東南至五十里本春秋時鮮虞邑漢唐縣之地即古唐侯

國堯初封於此今定州北有故唐城是堯所封也漢唐縣

屬中山國高齊省入安喜縣隋開皇十六年重置屬定州

皇朝因之

孤山蓋都山也縣東北五十四里

澠水一名唐水西去縣一百五十步

寡婦故城縣北九里後漢賈復追銅馬五幡賊於此築城

後人語訛轉呼為寡婦

八度故關縣西北二十里

倒馬故關縣西北一百一十三里以澠水東經倒馬關山

路險峭馬為之倒因以為名

望都縣上西南至五十里本漢舊縣屬中山國以堯山在北堯母

慶都山在南登堯山見都山故以望都為名後魏屬北平

郡高齊省隋開皇六年復置屬定州皇朝因之

唐水縣西南四十二里

湯城淀縣東南七里周迴三十里堯蒲菱芡靡所不生

柳宿城縣東南四十二里宣帝母王夫人微時泣別於柳

宿城即此地也

堯祠縣南四十里

元和郡縣圖志卷之六

北平縣上西南至州八十三里本秦曲逆縣地屬中山國陳平封曲逆侯後漢章帝巡岳以曲逆名不善改為蒲陰縣後魏孝明帝改名北平縣於今縣東北二十里置北平郡割中山國之蒲陰望都北平三縣屬之高齊省北平郡及蒲陰縣以北平縣屬中山郡開皇三年屬定州皇朝因之萬歲通天二年契丹攻圍七旬不下故改為狗中縣尋復舊名蒲陽山在縣西北四十里濡水縣西五里

安陽故關縣西北二十五里

無極縣上北至州八十里本漢無極縣屬中山國後魏太武省高

齊重置屬中山郡隋開皇三年改屬定州萬歲通天元年改母為無

滹沱水南去縣三十五里

涇邑縣中北至州五十里本七國時中山國之苦涇邑漢苦涇縣

也李克為中山相苦涇之吏上計入多於前李克曰苦涇無山林之饒而入多於前是擾亂吾人也遂免之漢屬中山國章帝改為漢昌魏文帝改為魏昌高齊省開皇十六年改置隋昌縣屬德州武德四年改曰唐昌天寶元年改曰涇邑

廉頗臺在縣西南十九里慕容恪與冉閔戰於魏昌冉閔

大敗即此也

木刀溝在縣南二里

深澤縣中西北至本漢南深澤縣也以涿郡有深澤縣故

此加南以別之屬中山國高齊省開皇六年分安平縣於

滹沱河北重置深澤縣屬定州皇朝因之

滹沱河縣南二十五里光武為赤眉所追至滹沱欲渡導

吏還言水深無船左右懼上使王霸前瞻水霸恐驚衆乃

言可渡比至水合以囊沙布冰上乃渡未畢數車冰陷今

名溝傍合處為危渡口

恒陽縣上東至州六十里本漢上曲陽縣屬常山郡後漢屬中山國

高齊天寶七年除上字但為曲陽縣屬中山郡隋開皇

十年改曲陽為石邑縣其年移石邑於井陘縣屬恒州七

年於此置恒陽縣屬定州以在恒山之南因以為名

恒山在縣北百四十里漢以避文帝諱改曰常山至周武

帝平齊復名恒山

長星溝水在縣西北十七里

郊壇縣東南十二里後燕慕容垂都中山置壇於此郊祭

後燕故苑縣西南十五里

恒岳觀在縣南百餘步

真君廟在縣東北十里嘉禾山下

元和郡縣圖志卷之六

恒岳下廟在縣西四十步

北平軍在州西三里開元十年置

易州上谷

開元戶三萬七千二百二十七  
元和戶五百六十九

鄉七十二  
鄉四十五

禹貢冀州之域虞及周為并州地春秋時屬燕晉戰國時

屬燕趙秦置三十六郡以為上谷郡漢分置涿郡今州則

漢涿郡故安縣之地隋開皇元年又屬易州因州南十三

里易水為名上谷郡遙取漢上谷以為名隋亂陷賊武德

四年又改為易州高陽軍在州城內開元二十年置

州境東西二百一十里  
南北四百四十七里

八到西南至上都二千三百四十五里  
西南至東都一千四百七十五里

東北至幽州二百一十里

北至媯州取故城頭略四百里

東至莫州一百九十里

西北至蔚州取飛狐路三百六十里

貢賦開元貢絢綿墨  
賦絹絲

管縣六

易縣

涑水

容城

遂城

蒲城

五迴

易縣上郭下

本漢故安縣屬涿郡文帝以申屠嘉為故安侯

隋開皇十六年於漢故城西北隅置易縣故城即燕之南

郡周迴約三十里

孔山在縣西南四十五里有鍾乳穴深涑水自蔚州飛狐

縣流入

元和郡縣圖志卷之十八

易水一名故安河出縣西寬谷中周官曰并州其寢涑易燕太子丹送荆軻易水之上即此水也

武陽故城縣東南七里故燕之下都

范陽故城秦范陽縣也縣東南六十二里在范水之陽故

蒯通說武信君使賜范陽令侯印趙地聞之不戰而下者

四十餘城

樊於期故城縣西十三里於期授首荆軻處

涑水縣上西南至州本漢道縣子由屬涿郡因省入涿縣

隋開皇元年又於此置范陽縣遙取漢范陽為名十年又

改為永陽縣屬幽州十六年改屬易州十六年以重名改涑

水縣之近涑為名

涑水一名巨馬河東北二里袁紹將崔巨業攻固安不下

公孫瓚擊破之於水死者六七千人即此水也石泉故城

縣西北三十里在衆山之內平山之中四周絕澗壁立五

丈水不周處路不容轍

容城縣上西北至州本漢舊縣屬涿郡高齊省入范陽縣

開皇元年改屬道縣天寶元年改為容城復漢舊名

遂城縣上北至州本漢北新城縣屬涿郡後魏除北字尋

又省隋開皇三年移後魏新昌縣於此屬易州十六年改

新昌縣為遂城按縣城即戰國時武遂城也趙將李牧攻

元和郡縣圖志卷之六

燕拔武遂方城即此也後魏孝武帝永熙二年以韓瓚為營州刺史行達此城值盧曹構逆就置南營州以瓚為刺史所部三千餘人並雄武冠時因號英雄城

蒲城縣中東北至州一百四里本漢北平縣屬中山國高祖以張蒼

為北平侯後漢世祖追銅馬五幅賊於北平破之即此後

魏於此置永樂縣天寶元年改為蒲城縣以縣北故蒲城

為名

五迴嶺在縣西北五十里高四十里許建安元年魏太祖

表封公孫度為永寧鄉侯度曰我王遼東何永寧也

五迴縣中東至州七十里本漢北平縣地開元二十三年刺史盧

暉奏置在五迴山東麓因名之二十四年刺史田琬以其

險隘東遷於五公城在今易縣西五十里

滄州景城上開元戶九萬八千一百五十七鄉一百七十九元和中戶九千五百一十四鄉三十九

今為滄景節度理所

管州二 管縣十二

滄州縣七 景州

禹貢冀州兗州之域後魏孝明帝熙平二年分瀛州冀州

置滄州以滄海為名大業二年罷州為渤海郡武德元年

改為滄州二年陷實建德四年討平建德州仍舊

州境東西三百二十二里南北四百五里

元和郡縣圖志卷之六

八到西南至上都二千二百二十里

西南至景州一千三百六十里

東南至棣州二百五十里

西北至德州二百四十里

東至大海一百八十里

賦開元貢柳箱

韋席

糖蟹

鱧鱒

管縣七

清池

長蘆

魯城

鹽山

饒安

樂陵 無棣

清池縣望下

本漢浮陽縣屬渤海郡在浮水之陽後魏屬

滄州隋開皇八年改為清池縣以縣東有件清池因以為

名池在縣東一里

件清池縣東南一十五里

長蘆縣上東南至州三百四十里

本漢參戶縣地周大象二年於此置

長蘆縣屬章武郡水經云長蘆水名也水傍多蘆葦因以

為名隋開皇屬瀛州貞觀後改屬滄州

參戶故城一名木門城在縣西北四十里

薩摩波在縣北十五里周迴五十里有蒲魚之利

魯城縣上南至州一百里本漢章武縣屬渤海郡有鹽官高齊省

隋開皇十六年於此置魯城縣

大海在縣東九十里

平魯渠在郭內魏武北伐匈奴開之

元和郡縣圖志卷之十八

鹽山縣

上西至州六十里

本春秋齊無棣邑也管仲曰北至於無

棣漢於此置高城縣屬渤海郡武帝以平津鄉封公孫弘

即此縣鄉也隋開皇十八年改為鹽山縣鹽山在縣東南

八十里

饒安縣

北至州九十里

本漢千童縣即秦千童城始皇遣徐福

將童男女千人入海求蓬萊至此城以居之故號漢以為

縣屬渤海郡靈帝置饒安縣以其地豐饒可一安人後魏

屬滄州隋不改

胡蘇河在縣西五十里

無棣河在縣南二十里

樂陵縣

上北至州一百三十五里

本燕將樂毅攻齊所築漢以為縣屬

平原郡即漢大司馬史高所封之邑後魏屬樂陵郡隋開

皇三年罷郡屬滄州

重合故城縣東二百步漢重合縣武帝封莽通為重合侯

無棣縣

上西北至州一百二十里

本春秋時齊之四履北至之地在漢

為信陽縣地隋開皇六年割信陽饒安置無棣縣以南臨

無棣溝因以為名屬滄州

橫海軍在州城西南開元十四年置

景州

上元和戶五千二十五

鄉一十五

本漢景城縣屬渤海郡隋開皇三年罷郡屬滄州十六年

元和郡縣圖志卷之十八

上



又於長蘆縣置景州大業二年廢武德四年重置貞觀元  
年廢以所屬分入滄州貞元二年於弓高縣重置

州境東西南北

八到西南至上都二千一百里

西南至東都一千二百四十里  
東北至滄州二百二十里

南至冀州二百一十里  
北至瀛州一百四十里

貢賦與滄州同

管縣五 弓高 南皮 景城 東光 臨津以後闕文

元和郡縣圖志卷之十八

元和郡縣圖志卷之六

元和郡縣圖志卷第十八終

元和郡縣圖志卷第十九

元和郡縣圖志卷之十九

元和郡縣圖志卷之十九

元和郡縣圖志卷之十九

元和郡縣圖志卷之十九

元和郡縣圖志卷之十九



元和郡縣圖志卷之十九

元和郡縣圖志卷之十九

元和郡縣圖志卷之十九

元和郡縣圖志卷之十九

元和郡縣圖志卷之十九

元和郡縣圖志卷之十九

元和郡縣圖志卷之十九

元和郡縣圖志卷之十九



元和郡縣圖志卷之十九

元和郡縣圖志卷之十九終

元和郡縣圖志卷之二十

元和郡縣圖志卷之二十

元和郡縣圖志卷之二十

元和郡縣圖志卷之二十

元和郡縣圖志卷之二十

元和郡縣圖志卷之二十

元和郡縣圖志卷之二十

六

元和郡縣圖志卷之二十



元和郡縣圖志卷之二十

元和郡縣圖志卷之二十

元和郡縣圖志卷之二十

元和郡縣圖志卷之二十

元和郡縣圖志卷之二十

元和郡縣圖志卷之二十

元和郡縣圖志卷第二十終

元和郡縣圖志卷第二十一

山南道

襄州 襄陽節度使 襄陽大都督府

開元戶三萬六千三百五十七  
元和戶十萬七千一百七

鄉七十七  
鄉一百六十一

今為襄陽節度使所理

管州八 襄州 鄧州 復州 郢州 唐州

隨州 均州 房州

縣三十八 都管戶一十四萬二千

禹貢荆豫二州之域於周諸國則穀鄧部盧羅都之地春秋時地屬楚秦兼天下自漢以北為南郡今鄧州南陽縣元和郡縣圖志卷之二十一

是也。漢以南為南郡。今荊州是也。後漢建安十三年，魏武平荊州，置襄陽郡。自赤壁之敗，魏失江陵，而荊州都督理無常處。吳將諸葛瑾、陸遜皆數入其境。自羊公鎮襄陽，吳不復入。永嘉之亂，三輔豪族流於樊沔，僑於漢水之側。立南雍州。孝武帝以朱序為南雍州刺史，符堅遣將苻丕攻臨襄陽，序為丕所擒。後堅敗，州復歸晉。安帝時，魯宗之為刺史，仍於州理。置寧蠻校尉。梁太清二年，岳陽王蕭譽為雍州刺史。兄河東王譽為元帝所殺，譽怒，以州北附西魏。尅江陵，以營為梁王都。江陵為西魏藩國，恭帝改雍州為襄州，因州南襄水為名也。按襄陵去江陵陸道五百里，勢

同輔車。無襄陽，則江陵受敵。自東晉庾翼為荊州刺史，將事北伐，遂鎮襄州。北接宛洛，跨對樊沔，為荊郢之北門。代為重鎮。周置總管，隋置行臺。皇家初，亦置山南道行臺。武德七年，廢行臺，置都督府。貞觀六年，廢都督府，改為州。永貞元年，昇為大都督府。州境東西二百四十六里，南北三百六十七里。

八到  
西北至上都一千八百五十里  
北至東都八百二十里  
東至隨州三百五十里  
南至江陵府四百七十里  
西至房州陸路四百二十里  
東南至郢州三百二十里  
西北至均州三百六十里  
水路五百八十四里

貢賦  
開元貢 火麻布  
元和貢 麝香  
庫路貢 竹扇、橙子  
元和郡縣圖志卷之二十一



柘木 弩材 漆器

管縣七 襄陽 臨漢 南漳 義清 宜城

樂鄉 穀城

襄陽縣望郭下本漢舊縣也屬南在襄水之陽故以為名魏

武平荆州分南郡置襄陽郡縣屬焉後遂不改峴山在縣

東南九里山東臨漢水古今大路羊祜鎮襄陽與鄒潤南

共登此山後人立碑謂之墮淚碑其文即蜀人李安所

製

萬山一名漢皋山在縣西十一里與南陽郡鄧縣分界處

古諺曰襄陽無西言其界從近

檀溪在縣西南初梁高祖鎮荆州聞齊王崩令蕭遥光等

五人輔政謂之五貴歎曰政出多門亂其階矣陰懷平京

師之意潛造器械多伐砍竹木沉於檀溪為舟裝之備恭

軍呂僧珍獨悟其旨亦私具檣數百張及義師起乃取檀

溪竹木裝戰艦諸將爭檣僧珍每船付二張事尅集今溪

已乾涸非其舊矣

州理中城在縣東邊一處有土赤色昔符丕攻襄陽朱序

用道法以朱沙燻之至今土色有異西北角夫人城符丕

之攻也朱序母深識兵勢登城履行知此處必偏受敵令

加修築寇肆力來攻果劔而退因謂之夫人城

元和郡縣圖志卷之二十一

劉琦臺縣東三里琦與諸葛亮臺梯登去言之所也諸葛亮宅在縣西北二十里

習郁池縣南十四里

臨漢縣縣南至二里本漢鄧縣地也則古樊城仲山甫之國也

西魏於此立安養縣屬鄧城郡周天和五年改屬襄州天寶

元年改為臨漢縣縣城南臨漢水魏將軍曹仁處樊蜀

將關羽圍樊使于禁龐德救之會漢水暴漲羽以舟師攻

禁遂降羽德瞑目不屈羽殺之故鄧城在縣東北二十

二里春秋鄧國也柏七年鄧侯吾離來朝是也楚文王滅

之

鄧塞故城在縣東南二十二里南臨宛水阻一小山號曰

鄧塞昔孫文臺破黃祖於此山下魏常於此裝治舟艦以

伐吳陸士衡表稱下江漢之卒浮鄧塞之舟謂此也

南漳縣中東北至州一百四十里本漢臨沮縣地按臨沮縣今在荆

州富陽縣西北臨沮故城是也後魏於此置重陽縣隋為

南漳縣

荆山在縣西北八十里三面險絕唯東南一隅纔通人徑

祖山在縣東北一百八里吳時朱然諸葛瑾從沮中乘山險

道北出沮中音祖去襄陽城百五十里按此是地名非山蓋

以地山相近因名或云司馬宣王鑿八疊山開路於此停

元和郡縣圖志卷之二十一

租也。

襄水出縣北一百一十里白石山。

義清縣州中五十八里東北至本漢中廬縣地也。西魏於此置義清

縣後因之中廬故縣在今縣北二十里本春秋廬戎之國

秦時謂之伊廬項羽下將鍾離昧家在伊廬也長渠在縣

東南二十六里派引蠻水昔秦使白起攻楚引西山谷水

兩道爭灌鄢城一道使沔北入一道使沔南入遂拔之

宜城縣上北至州九十五里本漢即音縣地也城東臨漢江古諺曰

即無東言其東逼漢江其地短促也宋孝武大明元年以

胡人流寓者立華山郡理之後魏改為宜城周改宜城為

道縣屬武泉郡開皇三年罷郡屬襄陽皇朝因之天寶元

年改為宜城縣

漢水在縣東九里

故宜城在南縣南九里本楚鄢縣秦昭王使白起伐楚引蠻

水灌鄢城拔之遂取鄢即此城也至漢惠三年改名宜

城

樂鄉縣中下二百二十里東北至本春秋時郟國之城在今縣北三

十七里郟國故城是也在漢為若縣地晉安帝於此置樂

鄉屬武寧郡大業三年改屬竟陵郡皇朝改屬襄州

漢水東去縣四十二里

穀城縣上 東南至州一百四十五里 本春秋時穀國左傳穀伯綏來朝

今縣北十五里故穀城是也漢為筑音逐陽縣蕭何子封筑

陽侯即此也開皇七年故為穀城縣屬襄州筑水在縣南

百二十步

鄧州上 南陽 開元戶三萬八千六百一十一 鄉五十八 元和中戶一萬四千一百四 鄉六十一

禹貢豫州之域周為申國戰國特屬韓蘇秦說韓惠王曰

韓西有宜陽東有穰消是也昭襄王取韓地置南陽郡以

在中國之南而有陽地故曰南陽三十六郡襄陽居其一

焉漢因之領縣三十六理宛城後漢於郡理置南都建安

中張繡屯兵於穰降魏於穰置萬州晉宣王夏侯伯仁

皆為都督或理宛或理新野永嘉五年為劉聰所沒成帝

咸康四年復歸於晉符堅之亂又沒前秦姚興時又復還

晉後魏孝文南侵又陷之梁普道中整尅還入魏太和中

置萬州理穰縣今鄧州所理是也開皇七年梁王歸入隨白

穰縣移萬州還江陵於穰縣置鄧州大業三年改為南陽

郡武德二年復為鄧州

州境東西五百九十里 南北三百八十一里 北至上都五百九里 東北至汝州四百七十五里 東至襄州一百八十里 西南至均州三百四十里 北至東都六百四十五里 東至唐州三百二十里

貞賦 開元貢 紵紵絲布一十疋

管縣七 穰縣 南陽 新野 向城 臨湍

菊潭 內鄉

穰縣望郭下 漢舊縣本楚之別邑取豐穰之義後屬韓秦武王攻取之封魏冉為穰侯漢以縣屬南陽郡後魏既尅南陽於此城置荊州開皇三年屬鄧州皇朝因之湍水音北至縣七里

六門堰在縣西三里漢元帝建昭中召信臣為南陽太守復於穰縣南六十里造鉗盧坡累石為隄傍開六石門以節水勢澤中有鉗盧王池因以為名用廣溉灌歲增多至三萬頃人得其利後漢杜詩為太守復修其陂百姓歌之曰

前有召父後有杜母

南陽縣繫西至州一百二十里本周之申國也平王母申后之家漢

置宛縣屬南陽郡更始即帝位代祖納陰后並於宛城魏代荊州都督所理至隋改為南陽縣屬鄧州精山在縣西北二十七里黃巾賊據宛城漢西鄉侯朱儁擊破之餘衆走保精山謂此也

涇水東去縣三里南都賦曰涇水蕩其胃是也

新野縣中州西北至本漢舊縣也屬南陽郡魏伐新野縣

為荊州都督所理王昶為都督即鎮此城晉惠帝立新野

郡開皇三年罷郡縣屬鄧州

元和郡縣圖志卷之二十一

涓水西去縣二百步

後漢西華侯鄧晨宅在縣北二十四里晨新野人世祖姊夫也初起兵新野王莽焚其冢墓汚其宅宗族怒曰幸自富足何故隨婦家入湯鑊中晨終無恨

陰皇后宅在縣東北擣衣石存焉

向城縣

上 西南至州一百九十里

本漢西鄂縣地春秋時向邑江夏

有鄂故此加西後魏孝文帝於古向城置向城縣屬比涓郡貞觀九年加屬鄧州

豐山在縣南三十二里有九鐘霜降則鳴

西鄂故城在縣南二十里張衡即此縣人故宅餘址猶存

魯陽關在縣北八十里今鄧汝二州於此分境荆豫徑途斯為險要張景陽詩云朝登魯陽關狹路峭且深博望故城在縣東南四十五里張騫封邑

臨湍縣

上 東南至州八十五里

本漢冠軍縣地後魏孝文帝割縣北

境置新縣屬南陽郡廢帝以近湍水改為臨湍隋文復改為新城天寶元年又改為臨湍縣

翼望山在縣西北二十里湍水出焉

冠軍故城在縣南四十里漢武帝以霍去病討匈奴功冠諸侯故封此縣以褒異之

後漢膠東侯賈復宅在縣南三十五里

元和郡縣圖志卷之二十一

楚堰在縣南八里擁斷湍水高下相承八重溉田五百餘頃

菊潭縣上東南至州一百五十里本漢鄱音音縣武陶戍之地後

魏廢帝因武陶戍置郡開皇三年罷郡以為菊潭縣因縣

界內菊水為名屬鄧州

菊水出縣東石澗山其傍多菊水極甘馨谷中三十餘家

不復穿井仰飲此水皆壽百餘歲王暢袁愧為太守命鄱

縣月送水三十斛飲食沐浴悉皆用之

內鄉縣上東南至州二百四十里本楚之析邑後屬於秦史記秦昭

王發兵出武關攻楚取析十五城是也漢以為縣屬弘農

郡後漢屬南陽郡後魏於此置析陽郡廢帝改為中鄉縣

開皇三年以避廟諱改為內鄉屬鄧州析水北自盧氏縣

界流入與丹水合古今謂之析水縣城即楚析縣也史記

楚頃襄王元年秦出武關斬楚衆五萬取析十五城漢高

祖入關下析鄆是也

復州竟陵開元戶五千二百三十二鄉一十一

禹貢荊州之域春秋戰國並屬楚史記白起拔郢東至竟

陵即此是也秦屬南郡在漢即江夏郡之竟陵縣地也晉

惠帝分江夏立竟陵郡周武帝改置復州取州界復池湖

為名也貞觀七年州理在沔陽縣寶應二年移理竟陵縣

州境東西四百三十里  
 南北六百九十里  
 八到西北至上都一千六百八十五里  
東至汴州陸路三百四十五里  
西北至鄆州陸路三百五十五里  
東至安州三百三十里  
南路至汴陽縣一百三十里  
自縣南至岳州水路五百里  
 貢賦開元貢白紵布一十疋

管縣三 竟陵 汴陽 監利

竟陵縣中下 漢舊縣也屬江夏郡舊縣在今鄆州長壽縣界竟陵大城是也周屬復州大業三年改復州為汴州縣屬不改武德初又屬復州

五華山在縣東北七十里縣城本古風城也古之風國即

伏羲風姓也南臨汴水

汴陽縣中下 北至州本漢雲杜縣地梁天監二年分置

汴陽縣即今縣東三十里汴陽故城是也今汴陽縣即後

魏所置建興縣大業三年改建興縣為汴陽郡武德改屬

復州

汴水在縣南八十步東入汴川縣界

馬骨湖在東南百六十里秋夏汎漲淼漫若海春冬遂涸

即為平田周迴一十五里

監利縣中下 東北至本漢華容縣地也晉武帝太康五

年分立監利縣屬南郡開皇三年改復州



大江在南一百三十里

郟州富水

開元戶五千六百九十九  
元和戶一萬一千九

鄉一十二  
鄉二十三

本江夏郡雲杜縣之地周地圖記曰蠻人酋渠田金生代居此地常為邊患梁普通末遣郟州刺史元樹討平之因置新州後魏廢帝二年改為温州因溫水為名也隋末廢温州縣並入安陸郡武德四年於今山縣重置温州貞觀十七年廢温州於長壽改置郟州

州境東西南北

八到

西北至上都一千三百八十五里  
西北至東都一千一百二十五里  
東南至復州三百里  
西南至襄州三百一十里

貢賦

正南微西至江陵府三百里  
東北至隨州三百九十里  
開元貢白紵布二十端

管縣三 長壽 京山 富水

長壽縣

上郭下

本漢竟陵縣地宋分置長壽縣理石城即今縣理是也屬竟陵郡魏文帝大統十七年於縣改置郟州

縣屬為後遂因之

漢水去縣十步

縣城本古之石城背山臨漢水吳於此置牙門戍城羊祐

鎮荊州亦置戍焉即今州理是也

京山縣

下西至州一百六十里

本漢雲杜縣地也隋屬温州大業二

元和郡縣圖志卷之三

土

年改為京山縣。皇朝溫州所理在此。貞觀十七年罷溫州縣屬郟。

大洪山在縣西北二百里。孤秀為衆山之傑。山多鍾乳。溫湯水在縣南十五里。擁以溉田。其收數倍。經其家多凶。

富水縣中。西南至州三百四十里。本漢安陸縣地。後漢分其地置新市縣。屬江夏郡。後漢有新市平林兵。謂此。後魏改新市為富水縣。取界富水為名。

富水南去縣一百步。

唐州。淮安。開元戶二萬一千五百九十七。元和戶四萬七百四十四。鄉四十五。鄉八十七。

禹貢豫州之域。春秋時為楚地。秦為南陽郡地。自漢迄宋。

皆同。後魏太和中於此置東荊州。理比陽古地。其後改為

淮州。開皇五年又改為顛州。貞觀九年改為唐州。

州境東西三百八里。

八到。西北至上都取葉縣路一千三百四十里。

西北至上都路至東都一千二百二十五里。

西至鄧州三百二十里。

南至隨州三百六十里。

東至蔡州二百四十里。

東南至申州二百六十里。  
東北至許州二百七十里。  
西南至襄州三百五十里。  
北至汝州葉縣一百八十里。自葉取龍興路至汝州。

貢賦。開元貢絹十疋。布。

元和郡縣圖志卷之二十一

管縣七 比陽 慈丘 桐栢 平氏 湖陽

方城 沘陽

比陽縣郭上本漢舊縣屬南陽郡比水所出故曰比陽後

魏屬江夏郡隋屬淮安郡貞觀改屬唐州

顯望崗在縣西北六十里

比水南去縣二里後漢代祖破甄阜梁丘賜於比水斬之

即此水也

舞陰故城在縣西北六十五里漢縣屬南陽郡曹公與張

繡戰引還舞陰即此城也

慈丘縣上州西南至本漢比陽縣之地後魏孝文於此置

江夏縣并置江夏郡領之開皇三年廢郡縣屬淮州十八

年改為慈丘取慈丘山為名

慈丘山在縣西五十里

比水出縣東南大湖山

桐栢縣中西北至州漢平氏縣之東界也梁於此置義

鄉縣開皇十八年改為桐栢山為名也

桐栢山在縣西南九十里禹貢曰導淮自桐栢出紫草天

木山俗名天目山在縣東北五十五里祖逖為豫州刺史

藏家口於木山即此山也山上有池時人號為天目

淮水出縣南桐栢山一名大復山

元和郡縣圖志卷之二十一

淮瀆廟在縣西六十里桐栢山東北

平氏縣中東北至州七十里本漢舊縣屬南陽郡晉屬義陽郡

其後為北人候掠縣皆丘墟後魏於平氏故城重置屬淮

州隋改屬淮安郡

醴水出縣東南桐栢山西流經縣北三里與淮同導西流

為醴東流為淮

湖陽縣中東北至州一百六十里古蓼國也左傳曰鄖人將與隋絞

州蓼伐楚注曰今義陽東湖陽縣是也地理志曰蓼國咎

繇後為楚所滅後魏孝莊帝於此立湖州貞觀元年廢以

湖陽屬唐州

方城縣上東南至州一百六十里本漢堵者音陽地也屬南陽郡在堵

水之陽故名後漢朱祐為堵陽侯梁於此置堵陽郡隋改

置方城縣取方城山為名也屬消陽郡貞觀改屬唐州

方城山在縣東北五十里即沮溺偶耕處左傳屈完對齊

柏公楚國方城以為城漢水以為池是也

堵水西去縣三十五里

沈陽縣中東至州一百里本漢棘陽縣地後魏於此置襄城郡領

襄城上馬二縣貞觀元年廢入湖陽縣開元十三年刺史

白知節奏復置天寶元年改為沈陽

隨州漢東開元戶一萬三千二百一十六元和戶一萬二千七百一十六鄉二十七

元和郡縣圖志卷之三十一

十四

本春秋時隨國與周同姓左傳曰漢東之國隨為大注曰  
今義陽隨縣也其後為楚所滅為南陽郡地漢立為隨縣  
屬南陽郡晉太康九年分義陽置隨郡自宋已還多以封  
建子弟為王後魏文帝大統十六年改隨州後遂因之  
州境東三百七十里南三百七十里西三百七十里北三百七十里  
八到西北至上都一千四百三里西至襄州一千一百六十五里  
東南至安州一百五十里西南至郢州三百九十里東北至中州二百四十里西至唐州三百六十里

貢賦 開元貢 羅綾 賦 絹布綿

管縣四 隨縣 光化 棗陽 唐城

隨縣上 本漢舊縣屬南陽郡即隨國城也歷代不改厲山  
亦名烈山在縣北百里禮記曰厲山氏炎帝也起於厲山  
故曰厲山氏

斷蛇丘在縣北二十五里即隨侯救斷蛇處

澁水在縣西四十里左傳曰楚武王伐隨莫敖屈重陰道  
梁澁

平林故城在縣東北八十八里王莽末關東起兵陳牧廖  
堪起兵號平林兵

李梁廟在縣南門外道西三十二步

元和郡縣圖志卷之二十一

光化縣州下西北至本漢隨縣地南齊武帝分其地立安化縣屬隨郡後魏文帝改為新化縣廢帝改為光化縣  
棗陽縣上東至本漢秦陽地屬南陽郡後漢分秦陽立襄陽縣周改為廣昌隋仁壽元年改為棗陽縣因棗陽村為名也

春陵故城在縣東南三十五里漢景帝子長沙王發子春陵節侯之邑也代祖即位幸春陵復其徭役改曰春陵後漢代祖宅在縣東南三十里宅南三里有白水東京賦所謂龍飛白水也

代祖父南頓君陵縣東二十七里

唐城縣上東南至本漢隨縣地梁於此置下澁戍後沒魏改為下澁鎮開皇三年改鎮為唐城縣大業二年廢開元二十四年採訪使宋鼎奏置

唐城山在縣北三十二里

均州武當開元戶九千八百五十九鄉二十  
元和戶八千一百八十二鄉二

漢南陽郡武當縣地也因山為名永嘉之亂雍州始平郡流人出在襄陽者江左因僑立始平郡以領之寄理襄陽宋孝武帝割武當縣以隸之後魏改始平郡為武當郡開皇三年罷郡置均州

州境東西南北

元和郡縣圖志卷之二十一

八到  
西北至上都九百里  
東北至東都八百八十五里  
東至鄧州二百四十里  
北至鄧州內鄉縣二百三十里  
東南水路至襄州三百六十里  
西至金州三百六十里  
南至房州三百六十八里

貢賦 開元貢 麝香 山鷄及毛 賦 絹布線麻

管縣三 武當 鄧鄉 豐利

武當縣郭下本漢舊縣屬南陽郡後漢初延岑起兵於此後遂空廢宋元嘉末移縣理延岑城貞觀十五年於此置均州

武當山一名恭山一名太和山在縣南八十里高二千五百丈周迴五百里迺陰長生於此得仙

漢水去縣西北四十里水中有洲名滄浪洲則禹貢云又東為滄浪之水

鹽池在縣東南百里池水四周上生紫氣池左右草木十餘里氣所染著上如雪霜嘗之鹽味土人謂之鹽花

鄧鄉縣上東至州一百一十三里一本漢錫縣古麇國之地也左氏傳曰楚潘崇伐麇至于錫穴是也漢錫縣屬漢中郡晉武帝改錫縣為鄧鄉縣隋初屬均州後隸房州貞觀又改屬均州

西山今名寶蓋山在縣西南三里其山南臨漢水

漢水西自豐利縣界流入南去縣三里東有滂灘冬即水淺而下多大石又東為淨灘夏水急迅行旅苦之歌曰冬滂夏淨斷官使命

豐利縣上東至州二百四十里本漢長利縣之地也理在長利川故

以為名宋於此僑置南上洛郡屬梁州後魏文帝改南上洛郡為豐利郡又立豐利縣隋以豐利縣屬金州貞觀八年改屬均州

錫義山一名天心山在縣東北六十五里山方圓百里形如城四面有門相傳以為靈仙所居漢水南去縣二十里

房州 房陵 開元戶一萬四千四百三十一 鄉三十四 元和戶四千四百

禹貢梁州之域古麇國之地左傳曰楚子伐麇成大心敗麇師於防渚闕駟以為防陵即春秋時防渚之得名蓋自此也戰國時屬楚秦為漢中郡地漢立房陵縣屬漢中郡後漢末立為房陵郡建安三十四年蜀先主遣宜都太守孟達征房陵殺太子申耽魏文帝時孟達降魏改房陵郡為新城郡後達叛魏降蜀司馬宣王擊殺之侯景之亂地後魏至周武帝改為遷州貞觀十年廢遷州自竹山縣移

房州於廢遷州解即今州理是也

州境東西五百二十三里南北三百六十九里

元和郡縣圖志卷之二十一



八到西北至上都一千六百六十八里  
東北至東都一千一百五十五里  
東至襄州四百二十里水路五百八十四里  
正西至金州五百四十里  
南至歸州山路五百里  
北至均州二百六十八里

貢賦元和貢麝香、茵草、石南、雷丸、賦麻布

管縣四 房陵 永清 竹山 上庸

房陵縣郭上本漢舊縣屬漢中郡後漢改防為房後魏以  
為光逸縣貞觀十年後改為房陵

房山在縣西南四十三里其山西南有石室似房因以為名  
建鼓山在縣南百一十三里與馬駿山連接二山並高峻  
冬夏積雪

筑水出縣西北華山經縣北二里魏遣夏侯泉與張郃下  
巴西集軍宕渠劉備屯軍筑口即此水也

趙王遷墓在縣北九里秦使王翦滅趙徙趙王遷於房陵  
永清縣中一百一十里下西至州本房陵縣地後魏廢帝分房陵東

景置大洪縣地周武帝改為永清縣屬遷州隋改屬房陵  
郡

沮水出縣西南景山東南入于漢江左傳曰江漢沮漳楚  
之望也

筑水經縣三里

大江故縣城在縣東六里

元和郡縣圖志卷之二十一

竹山縣中下 東至州本漢上庸縣古庸國也昔武王伐

紂庸人往焉故牧誓云及庸蜀羌髳微盧彭濮人注云庸

濮在江漢之南左傳曰庸率群蠻以叛楚使盧戢黎侵庸

後遂滅之至漢初立上庸縣屬漢中郡後漢於縣立上庸

郡後魏改置竹山縣因黃竹嶺以為名也

方城山在縣東南三十里頂上平坦四面險固山南有城

周十餘里

白馬塞山在縣西南三十五里初孟達為新城太守登此

山而歎曰劉封申耽據金城千里而不能守豈丈夫也

黃竹山在縣北百里山上竹色皆黃因以為名也

上庸縣中下 東至州本漢上庸縣地也按漢上庸縣今

竹山縣理是也蕭齊武帝分上庸縣地於此立新豐縣屬

上庸郡後魏改為孔陽縣因界內孔陽水為名開皇三年

罷孔陽縣仍移上庸縣理於廢孔陽縣理屬羅州貞觀十

年改屬房州

長蘿山在縣北四里

孔陽水在縣西五十步

元和郡縣圖志卷第二十一終

元和郡縣圖志卷第二十二

山南道三

興元府

漢中

開元戶  
元和戶

今為山南西道節度使

鄉鄉

管州十七

興元府

洋州

利州

鳳州

興州

成州

文州

扶州

集州

自集州下  
分入下卷

壁州

巴州

蓬州

通州

開州

閬州

果州

管縣八十八

禹貢華陽黑水惟梁州舜十二牧梁其一也春秋時及戰

元和郡縣圖志卷之二十一

國並屬楚之懷王時秦惠文王取漢中地六百里以為漢中郡秦二年項羽封高祖為漢王高祖欲攻羽蕭何曰語曰天漢其稱甚美遂從之後漢末張魯據漢中改漢中為漢寧郡曹公討平之復為漢中郡蜀先主破魏將夏侯妙才遂有其地為重鎮魏延蔣琬姜維相繼屯守其後鍾會既尅蜀又置梁州晉末李特據蜀漢中又為所有桓溫討平之譙縱時又失漢中縱滅又歸舊理自漢宋已還多理南鄭開皇三年罷郡所領郡縣並屬梁州大業三年罷州為漢川郡武德元年又改為褒州二十年又為梁州興元元年因德宗遷幸改為興元府按漢中當巴蜀捍蔽故先主初得漢中謂人曰曹公雖來無能為也及蕭齊明帝時後魏大將元英率兵十萬通斜谷圍南鄭刺史蕭懿拒守百餘日不拔而退

州境東三百九十九里  
西三百四十七里  
南四百四十七里  
北四百四十七里  
八到東至上都七百六十里  
東北至東都一千六十二里  
北至利州四百九十里  
西取巴嶺路至集州二百

北取太白山路至鳳翔府六百里  
西取斜谷路至鳳州三百八十里  
正西徵北至興州二百五十里  
東至洋州一百二十里

貢賦 開元貢 麻布 絲綿 絹

管縣六 南鄭 褒城 金牛 三泉 城固

西縣

南鄭縣次赤十本漢舊縣屬漢中郡幽王為犬戎所滅鄭桓公死之鄭人南奔居此故曰南鄭高祖都之蜀後主以魏延為南鄭侯後魏改為光義縣開皇元年又為南鄭巴嶺在縣南一百九里東傍臨漢江與三硤相接山南即古巴國

漢水經縣去縣一百步禹貢曰嶓冢導漾東流為漢裴秀云漢氏釋淮水改秩漢水為四瀆以其國所氏

褒城縣十四東至府三十三里本漢褒中縣屬漢中郡都尉理之故古褒國也當斜大路晉義熙末朱齡石平蜀梁州刺史理

此仍改包中縣魏又於此置褒中郡開皇元年以避廟諱改為褒內縣仁壽元年改為褒城

褒水源出縣西衙嶺川斜水與褒水同源而派分褒水東

漢中郡褒城縣斜水北流入渭經武縣及鳳翔扶風三縣者也漢孝武時人欲通褒斜道

及漕事下御史大夫張湯問其事因言抵蜀從故道多

坂迴遠今開褒水至斜間百餘里以車轉從斜下渭如此

漢中之穀可致山東從沔無限便於砥柱之漕其褒斜林

木竹箭之饒擬於巴蜀天子然之拜湯子卬為漢中守發

數萬人作褒斜道五百里道果便近而水多湍石不可漕

遂止

褒谷山在縣北五里南口為褒北口為斜長四百七十里褒國在縣東二百步褒姒之所出也

甘亭關在縣北九里今為戍

褒斜道一名石牛道張良令漢王燒絕棧道示無還心即此道也諸葛亮與兄瑾書曰前趙子龍退軍燒壞赤崖以北閣道緣谷有餘里其閣梁一頭入山腹立柱於水今水大而急不可安柱不可強也

金牛縣四 東至州一本漢葭萌縣地東晉孝武分置綿

谷縣武德二年分綿谷縣通谷鎮置金牛縣取秦五丁力士石牛出金為名

嶓冢山縣東二十八里漢水所出

嘉陵江經縣西去縣三十里

故關城俗名張魯城在縣西三十八里

三泉縣二 東北至府二本漢葭萌縣地屬蜀先主改為

漢壽縣武德四年置南安州又置三泉縣八年州廢以縣

屬梁州

城固縣二 西至州七本漢舊縣有鐵官屬漢中郡開皇

三年改屬梁州武德二年改屬唐固縣貞觀二年復舊

通關山在縣東北九里漢高祖北定三秦蕭何守漢中欲

修北道通關中故名通關山

元和郡縣圖志卷之二十二

漢水南去縣二里

黑水出縣西北太行山南流入漢諸葛亮牋曰朝發南鄭暮宿黑水

城固故城在縣東六里韓信所築晉平譙縱後梁州刺史嘗理於此也

西縣西至府一百里本漢沔陽縣地後魏分置嶠冢大業二年改為西縣

百牢關在縣西南三十步隋置白馬關後以黎陽有白馬關改名百牢關自京師趣劍南達淮左皆由此也八陣圖在縣東南十里諸葛亮疊門石為圖

諸葛亮墓在縣東南八里亮卒遺命葬漢中定軍山貞觀十一年勅禁採樵定軍山在縣東六十里

洋州洋川開元戶一萬八千八百八十九鄉四十八元和戶二千八百九十六鄉五十二

本漢秦中郡城固縣地先主分城固立南鄉縣為蜀重鎮晉改為西鄉縣後魏梁州刺史夏侯道遷以梁州內屬正

始中廢西鄉縣仍於豐寧戍置豐寧郡廢帝於此置洋州因洋水為名大業二年廢洋州置洋川鎮武德元年復於

西鄉立洋州

州境東西二百九十二里南北六百六十里

八到東北至上都六百四十里東北至東都一千四百九十里

元和郡縣圖志卷之三

東至金州五百里  
西至興元府一百二十里  
南至壁州西路五百六十里  
北至京兆府鹽屋縣五百里  
貞賦開元貢白交樓 火麻布 野紵布

管縣五 興道 黃金 洋源 西鄉 真符

興道縣古 郭下 本漢城固縣地後魏宣帝分置興道縣

理在興勢山上以為名武德元年置洋州以縣屬焉貞觀二十三年改為興道縣

興勢山在縣北二十里蜀先主遣諸葛亮出駱谷伐興勢山置烽火樓處通照即此山按三國時蜀以漢中建安未破魏將夏侯妙才後遂有漢川以魏延鎮守其後蔣琬

姜維相繼鎮於此即今郡也 興勢後主延熙七年將軍王平守之魏將曹爽等攻不克即今興道縣也 白帝先主章武元年屯之遂為重鎮後主建興十七年吳將全琮來攻不得即今雲安郡也 右並為重鎮 漢水經縣去縣一百步

儻谷一名駱谷在縣北三十里後主延熙二十年諸葛誕反於淮南分關中兵東下姜維欲乘虛向秦川率數萬人出駱谷聞誕已破乃還按駱谷在長安西南口曰儻谷北口曰駱谷中多反鼻地青攢地一名焦尾地常登竹木上能十數步積人中此地者即須斬肌去毒不然元和郡縣圖志卷之三十一



立死

駱水在縣城西一里

黃金縣

中 西南至州一百三十里

一本漢安陽縣地屬漢中郡後魏

文帝於此置黃金縣因黃金水為名黃水出縣西北百畝

山黃金谷南流入經縣西去縣九里其各水陸險艱語曰

山水艱阻黃金子午魏遣曹爽由駱谷伐蜀將王平拒

之於興勢張旗幟至黃金谷謂此山也

故鐵城在縣西北八十里城在山上言其險峻故以鐵為

名昔氏師楊難當寇漢川令魏興太守薩健據黃金戍姜

寶鐵城宋遣梁州刺史蕭思話攻拔之驛即子午道也舊

道在今金州安康縣界梁將軍王神念以舊子午道緣山

避水橋梁有數多有毀壞乃別開乾路更名子午道即此

路是也

洋源縣

中 西北至州一百二十里

一本漢晉西鄉縣武德七年析置

洋源縣因洋水以為名洋水在縣南三百步

西鄉縣

上 西北至州一百里

本漢城固縣地蜀先主置南鄉晉

武帝改為西鄉縣武德元年置洋州理在西鄉後移理

興道縣

洋水東去縣八里

貞符縣

中 南至州六十里

開元十八年置初名華湯縣天寶三

元和郡縣圖志卷之三十一

年廢八年王鈇奏開清水谷路復奏置其年鑿山得玉冊因改名貞符縣隸京兆府十一年以路遠改屬洋州

利州蓋思開元戶一萬一千八百八十一鄉三十二元利州下府元和戶二千四百四十四鄉二十七

本秦蜀郡地漢分巴蜀置廣漢郡按今州即廣漢郡之葭

萌縣地也蜀先主改葭萌為漢壽縣屬梓潼郡晉改漢壽

為晉壽梁天監以竺胤為太守隋夏侯道遷入後魏改立

西益州梁大通六年又克之始通劍路改西益州為黎州

武陵王蕭紀僭號於蜀以席薤為黎州刺史疑反州屬魏

復改黎州為西益州三年改西益州為利州大業三年改

為義城郡武德元年又改為利州州城西臨嘉陵江周

宣帝大象二年以豆盧勣為利州總管至任未幾而王謙

據之益州叛遣益州刺史達奚堪馬步十萬來攻利州於

子城南北起土山城內之人負戶汲援軍既至堪等敗走今

大城內東西南北有大池是達奚堪取土處也

州境東西三百三十里南北二百五里

八到東至上都一千二百五十里  
東北至東都一千一百一十里  
東北至興元府四百九十里  
東至集州三百里  
西至龍州四百里  
西北至交州四百九十里

貢賦開元貢乾天門冬麝香金蠟燭絲布賦布

管縣五 綿谷 益昌 葭萌 胤山 景谷

元和郡縣圖志卷之三十一

綿谷縣上九郭下本漢葭萌縣地東晉孝武分晉壽縣置興安縣開皇十八年改為綿谷縣因縣東南綿谷為名龍門山在縣東北八十二里出好鍾乳

穿山一名胡頭山出好鐵舊置鐵官又有山空鼉伏於空處皮可為甲刀箭所不能入

西漢水一名嘉陵水經縣西去縣一里也

潜水出縣東北龍門山書曰沱潜既道是也

益昌縣中下東北至州四十五里本漢葭萌縣地晉改置晉壽縣

周改為益昌縣屬閬郡隋改屬利州

晉壽故城在縣東南五十里本漢葭萌縣也按蜀先主自

葭萌取成都留中郎將霍峻守葭萌城張魯遣使誘之峻

曰小人頭可得城不可得也

小劍故城在縣西南五十一里小劍城去大劍戍四十里

連山絕險飛閣道通衢故謂之劍閣道自縣西南踰小山

入大劍口即秦使張儀司馬錯伐蜀所由路也亦謂之石

牛道又有古道自縣東南經益昌戍又東南入劍州晉安

縣界即鍾會伐蜀之路也

葭萌縣上北至州一百一十五里本漢葭萌縣地東晉於今縣南

置晉安縣隋改為葭萌縣取漢舊縣名也

嘉陵江在縣城南

元和郡縣圖志卷之三

九

胤山縣中下

西北至州一百一十五里本漢葭萌縣地後魏於今縣

西南十五里置義城縣義寧二年改名義清縣天寶元年改為胤山以縣北三十里有可胤山為名

縣城置立白崖山上武德四年築義清縣治焉唯三面有城皆臨絕嶮南面因嶮不更築城

景谷縣中下

西南至州六十六里

本漢白水縣地屬廣漢郡宋元

嘉十七年立人楊難當自稱大秦王進軍克葭萌獲晉壽

太守申坦因分白水置平興縣屬之沙州開皇十八年改

為景谷縣因縣北景谷為名大業二年廢沙州縣屬利州

縣城太平興城楊難當所築削山為城三角中有一井

傳豎眼所穿

木馬山在縣西南二十五里諸葛亮之出祁山也作木牛

流馬以供運於此造作因以名之

白水一名羗水經縣西一里

石門關在縣南十八里因山為阻昔諸葛亮鑿石為門因名之

鳳州

河池

開元戶四千一百二十元和戶三百五十八

鄉二十二鄉十二

禹貢梁州之域戰國時為秦地秦并天下為隴西郡地漢

高帝分隴西郡置廣漢郡武帝分廣漢西郡置武都郡領

縣九其屬有故道河池二縣今州即二縣之地也三國時

元和郡縣圖志卷之三十一

十

屬魏明帝大和三年其地沒蜀魏平蜀後復為雍州之地  
其地本氐羗所居後漢獻帝建安中有楊騰者為部落大  
帥騰子駒勇健多計畧始徙居仇池至宋武帝封楊盛為  
武都王其子立及難當亦相繼為王文帝元嘉十八年難  
當傾國南寇規有蜀土後魏太守貞君二年拓定仇池其  
年於此城立鎮太和元年置固道郡孝昌中以固道郡置  
南岐州廢帝三年改南岐州為鳳州因州境有鸞鷲山為  
名按成州同谷縣本是鳳州西界縣南有鳳凰山因為名  
大業三年改為河池郡武德元年復為鳳州  
州境東西四百八十里  
南北三百七十大里

八到東北至上都六百里  
東北至東都一千四百六十里  
東北至鳳翔府三百八十里  
東北至興元府三百八十里  
東至興州三百三十里  
北至隴州四百二十里

貢賦開元貢蠶一  
元和貢土布  
賦布麻

管縣四今梁泉、兩當、河池

黃花武德元年祈梁泉  
置寶應元年省

梁泉縣中下  
郡下開元戶一千八百一十八 鄉五

本漢故道縣地後魏太和元年於此置梁泉縣取縣西梁  
泉為名屬故道郡開皇三年罷郡縣屬鳳州皇朝因之  
三松山在縣南五里

故道水出陳倉縣之大散嶺西南流入故道川今州理即故道川也

迴車戍在縣南北六十里梁大靖五年西魏遣雍州刺史達奚武為大都督及行臺楊寬率眾七萬由陳倉路取迴車戍入斜谷關出白馬道謂此也

兩當縣中東至州開元戶一千六十六鄉三下五十里元和戶

本漢故道縣地屬武都郡漢高帝引兵從故道出襲雍謂此也永嘉之後地沒氐羗縣名絕矣後魏變文為固於此置固道郡領兩當廣鄉二縣因縣界兩當水為名或云縣西界有兩山相當因取為名開皇罷郡縣屬鳳州皇朝因

之

鷲鷲山在縣西二十里

尚婆水今名石砮水多盤石因以為名俗語音訛故云尚婆川中有鳥群飛二月從此向南八月從南還北音如蕭管俗云伎兒鳥春來則種米秋去則種麥人常以為農候

河池縣中東至州開元戶九百六十五鄉二下百七十里元和戶

本漢舊縣屬武都郡河池一名仇池按仇池山本名仇維山上有池似覆壺有瀑布其縣因山為名山在成州界去縣稍遠今縣所處謂之河池川故取以為名永嘉之後沒

於氏羗縣名絕矣。後魏於此置廣化郡。廣化縣。隋開皇三年。築郡縣。屬鳳州。仁壽元年。改為河池縣。復漢舊名。皇朝因之。

固道水。經縣城西。去城三十步。河池。成在縣城中。

髑髏堆。在縣東北四十三里。後魏討仇池於此。大破吳軍。築為京觀。俗號其地為髑髏堆。

興州

順政。開元戶二千四十五。元和戶二百四十五。

鄉八。鄉九。

禹貢梁州之域。戰國時為白馬氏之東境。秦并天下。屬蜀郡。漢武帝元鼎六年。以白馬氏置武都郡。今州即漢武都

郡之沮縣也。晉永嘉末。氐人楊苻搜自號氐王。據武都。自後郡縣荒廢。而苻搜子孫承嗣為氐王。其後楊難當又據下辨。自稱大秦王。難當弟伯宜為茹盧王。伯宜孫鼠分王武興。按武興即今州理是也。楊鼠既王武興。又得武都河池二縣之地。鼠子集始稱藩于魏。後謀叛魏。遂廢武興為藩鎮。其年改鎮為東益州。廢帝二年。改東益州為興州。因武興郡為名。大業二年。罷州為順政郡。武德元年。復置興州。按州城即古武興城也。初蜀以其處當衝要。遣蔣舒為武興督守之。及鍾會伐蜀。舒遂降魏。即其處也。城雖在平地。甚牢實。周迴五百許步。唯開西北一門。外有壘。三面

周匝

州境東西二百八十六里

八到東北至上都九百五十里

東北至東都一千八百十里

東南至興元府二千五百里

西至武州三百五十里

北至鳳州三百五十里

南至興元府三百五十里

南流至興元府三百五十里

開元貢鳩六十斤

硃砂賦布

管縣三 順政 長舉 鳴水

順政縣中下 開元戶一千一百八十八 鄉四

本漢沮縣地後魏廢帝分置漢曲縣屬順政郡開皇三年罷郡以漢曲縣屬興州十八年改為順政縣皇朝因之

武興山在縣北百里有多漆及黃蘗

嘉陵水經縣南去縣百步

沮水出縣東北八十二里以其初出沮洳然故名沮水亦此為名

興城關在縣南五里

大城戍在縣東南四十九里

楊名神祠在縣西南二里嘉陵水南山上即楊難當神也

土人祠之

長舉縣中 南至州 開元戶四百三十 鄉二

本漢沮縣地後魏於此分置長舉縣屬槃頭郡周武帝廢

元和郡縣圖志卷之二十二



樂頭郡縣改屬落叢開皇三年罷郡縣屬興州皇朝因之  
接溪山在縣西北五十三里出硃砂百姓採之

青泥嶺在縣西北五十三里接溪山東即今道路也懸  
崖萬仞上多雲雨行者屢逢泥淖故號為青泥嶺

嘉陵水去縣南十里

樂頭故城在縣南三里因水盤屈為名也

鳴水縣中東至州一百一十里開元戶四百二十七鄉二

本漢沮縣地也後魏宣武於此置落叢郡因落叢山為名  
又置鳴水縣因谷為名開皇三年罷郡縣屬興州皇朝因  
之

厨山在縣南三里極崇峻幽深多木蜜百姓資其利落叢

山縣西北十里出鐵

成州同谷開元戶四千九百五

禹貢梁州之域古西戎地也後為白馬氏國西南夷自冉

駝已來什數白馬最大有山曰仇池地方百頃其地嶮

固白馬氏據焉秦逐西羗置隴西郡秦末氏羗又侵據之

元鼎六年平西南夷置武都郡今州界二郡之地晉宋間

氏帥楊定楊難當竊據仇池自稱大秦王宋遣將軍裴方

明討平之後魏於此置仇池鎮理百頃峯上後又改為郡

梁改為秦州齊廢帝改為成州大業三年改成州為漢陽

郡武德元年復為成州本屬隴右道貞元五年節度使嚴震奏割屬山南道今於同谷縣西界泥公山上權置行成

州

州境東西三百九十三里南北三百九十四里

八到東至上都一千里東至鳳州一千八百六十里東至長恭縣五百四十里東南至武州三百八十里南至秦州一百八十里

貞賦開元貞蠟燭鹿茸防葵狼毒蠟

管縣三 上祿 同谷 長道

上祿縣中 本漢舊縣屬武都郡後魏改為嘉陵縣周武

帝改為倉泉縣開皇三年罷郡縣屬成州大業三年改為

上祿縣

仇池山在縣南八十里壁立百仞有自然樓櫓却敵分置均

調有如人功上有數萬人家一人守道萬夫莫向其池良

沃有工可以煎鹽楊氏故累世據焉

鷄頭山在縣東北二十里後漢將來歛從山道襲得畧陽

隗囂出其不意使將王孟將兵塞鷄頭道即此也州城即

楊難當所築也

同谷縣中 西北至州一百八十里一本漢下辨道也屬武都郡故氏

馬王國魏宣帝於此置廣業郡并白馬石縣恭帝改白石

元和郡縣圖志卷之三十三

其

為同谷縣開皇三年罷郡以縣屬康州大業屬鳳州貞觀元年屬成州

仙掌山在縣南五里

下辨水一名甘泉縣東北七十里

長道縣

下

南至州五十里

本漢上祿縣地後魏之天水郡也廢

帝改為長道縣又立漢陽縣屬焉開皇三年罷郡縣屬成

州十八年改漢陽縣為長道

析山在縣東十里蜀後主建興六年諸葛亮率軍攻析山

即此是也

漢水經其南有諸葛亮壘之左右猶有豐草蓋亮之所

植也

西漢水東北自秦州上封縣界流入

鹽井在縣東三十里水與岸齊鹽極甘美食之破氣鹽官

故城在縣東三十里在峭冢西四十里相承營煮味與海

鹽同

鄧公營在縣西南三里武德元年行軍元帥鄧國公實執

討薛舉餘黨營軍於此是也

文州

陰平

貞觀中屬隴右道

開元戶一千七百六十九

元和戶二百一十八

禹貢梁州之域戰國時氏羌據焉漢開西南夷置陰平道

元和郡縣圖志卷之二十二

凡邑有蠻夷曰道。以統兵衆。屬廣漢郡。永平之後。羗虜數反。遂置

為郡。後入於蜀。屬雍州。永嘉末。太守王鑒以郡降李雄。

自後氏羗據之。不為正朔。所班故江右諸志。並不錄也。至

後魏平蜀。始於此。置文州。理陰平郡。隋大業二年。罷州。縣

屬武都。隋末。又陷。寇賊武德元年。隴蜀平。復為文州。大曆

十四年。西戎犯邊。刺史拔城南走。建中三年。以舊城在平

地窄小。難守。遂移於故城東四里高原上。即今州理是

也。

州境。東西一百八十八里。

八到。東北至上都一千四百五十里。

東南至利州四百九十里。

西至扶州一百六十里。

東取山路至龍州三百六十里。

北至武州二百五十里。

貞賦。開元貢。麝香。蠟燭。

管縣二。曲水。長松。

曲水縣。中下。本漢之陰平道也。屬廣漢郡。晉為陰平縣。屬

陰平郡。永嘉末。地陷。李雄縣。遂廢。後魏平蜀。置曲水縣。屬

陰平郡。開皇三年。罷郡。縣屬文州。皇朝因之。

太白山。在縣南二百五十三里。其山巖谷高深。常多霜雪。

春夏不消。俗因名焉。

太白泉。一名羗水。經縣北。去縣一里。

鄧艾故城在縣東七里魏景元四年鄧艾伐蜀上言今賊既摧折宜遂乘之從陰平由斜徑經漢德陽亭出劍閣西百里去成都三百餘里奇兵衝其腹心破之允矣遂自陰平道伐蜀蓋此時所築城也

姜維故城在縣東七里後主命維於此築城與鄧艾相守

長松縣中下西南至州開元戶四百九十四鄉三

後魏之建昌縣也屬盧北郡開皇十八年改為長松縣屬

文州大業三年罷州縣屬武都郡武德元年復改屬文州

天魏山在縣北三十一里

盧北故城在縣東五十二里因葭蘆鎮為名也

扶州同昌貞觀中屬隴右道

開元戶二千一百九十五 鄉十四

禹貢梁州之域古西戎之地自秦漢迄魏晉屬蕃夷無所

建置後魏討定陰平鄧至羗立為寧州分置昌寧帖夷等

郡後改為鄧州因鄧至羗為名也開皇七年改為扶州大

業三年改為同昌郡武德元年重置扶州

州境東西三百九十里 南北四百一十九里

八到東北至上都一千六百里 東北至東都二千四百六十里

東北至文州一百六十里 西南至松州驛路三百三十里

東南至龍州六百里 西北至故芳州三百里

北至宏州四百里

貢賦 開元貢 麝香 當歸 芎藭

管縣四 同昌 帖夷 鉗川 尚安

同昌縣 中下 郭下 開元戶六百一十九 元和戶 鄉四

本漢後魏之舊縣也廢帝前元年置屬昌寧郡開皇初改

屬鄧州後屬扶州皇朝因之

鄧至山在縣東二十五里

白水經縣西至縣百步

鄧至故城在縣南三里

帖夷縣 中 西至州 開元戶五百六十六 元和戶 鄉四

本後魏廢帝元年置屬帖夷郡開皇三年屬鄧州七年改

屬扶州皇朝因之

白水經縣南去縣百步

安昌故城在縣東北三十二里後魏廢帝造寧同宇文昶

平彌陰平鄧至二蕃立寧州修築故城

鉗川縣 中 東至州一百三十里 開元戶四百一十八 元和戶 鄉三

後魏廢帝二年置因山為名屬尚安郡開皇三年屬鄧州

七年改屬扶州皇朝因之

羅夷山在縣東南五十八里

白水經縣南去縣二十八里

元和郡縣圖志卷之二十一

鉗川神祠去縣西北十里水旱人所請焉

尚安縣二中下東南至州一開元天四有一十九元和戶鄉三

後魏恭帝後三年置屬武進郡開皇三年屬鄧州七年改屬扶州皇朝因之

素嶺山在縣西北百六十八里

黑水源出素嶺山經縣三十步

元和郡縣圖志卷第二十二 終

元和郡縣圖志卷第二十三







元和郡縣圖志卷之三十一

元和郡縣圖志卷之三十一

元和郡縣圖志卷之三十三

六



元和邵縣圖志卷之三

元和郡縣圖志卷之二十三

元和郡縣圖志卷之二十三



元和郡縣圖志卷之三十三





元和郡縣圖志卷之二十三

十四

元和郡縣圖志卷之二十三

元和郡縣圖志卷第二十三終

元和郡縣圖志卷第二十四

元和郡縣圖志卷之二十四

元和郡縣圖志卷之二十四

元和郡縣圖志卷之二十四



元和郡縣圖志卷之二十四

元和郡縣圖志卷之二十四

五



元和郡縣圖志卷之二十四

元和郡縣圖志











元和郡縣圖志卷之二十四

十四

三

元和郡縣圖志卷之二十四

元和郡縣圖志卷之二十四

五

元和郡縣圖志卷第二十四終

元和郡縣圖志卷第二十五

江南道一



浙西觀察使

潤州 丹陽 開元戶九萬一千六百三十五 鄉一百八十七項  
 元和戶五萬五千四百 墾田六千七百二十七項

今為浙西觀察理所

管州六 潤州 常州 蘇州 杭州 湖州 睦州

縣三十七 都管戶三十一萬三千七百七十二 墾田五萬七千九百三十二項

本春秋吳之朱方邑 始皇改為丹陽 漢初為荊國 劉賈所封 後漢獻帝建安十四年 孫權自吳理丹徒 號曰京城 今元和郡縣圖志卷之二十五

州是也。十六年遷都建業於此為京口鎮。按州理或古名京城。說者以為荆王劉賈嘗都之。或言孫權居之。故名京城。今按荆字既不同。又孫權未稱尊號。已名為京。則兩說皆非也。按京者人力所為。絕高丘也。亦云非人力所為者。人力所為者。若公孫瓚所築。易京是也。非人力所為者。滎陽京索是也。今地名徐陵。即此京。非人力所為也。京上郡城之前浦口。即是京口。吳志曰。漢獻帝興平二年。長沙相王孫策創業江東。使將軍孫何領兵屯京地是也。吳志又云。魏將臧霸以輕船五百。敢死萬人。襲徐陵。攻燒城塹。即吳時。或稱京城。或稱徐陵。或稱丹徒。其實一也。晉永嘉亂

後。幽冀青并兗五州流人過江者。多僑居此州。吳晉以後。皆為重鎮。晉咸和中。郝鑿自廣陵鎮於此。為僑徐州所理。昇平二年。徐州刺史北鎮下邳。京口常有留局。後徐州寄理建業。又為南充州。後又為南徐州。隋開皇九年。賀若弼自廣陵來襲陷之。遂滅陳。廢南徐州。改為延陵鎮。十五年。罷鎮置州。東城東有潤浦口。因以名。隋氏喪亂。杜伏威竊據其地。武德三年。伏威歸化。六年。輔公祏叛。復據其地。七年。平公祏。依前置州。其城吳初築也。晉王恭為刺史。改創西南樓。名萬歲樓。西北樓名芙蓉樓。

州境

東西三百八里  
南北一百九十里

元和郡縣圖志卷之二十五

八到西北至上都二千六百七十里  
西北至東都一千八百一十里  
東南至常州一百七十里  
北渡江至揚州七十里  
正北微西至宣州四百里

貢賦開元貢 雜樂 紋綾 賦絲 紵布 自貞元已後 觀察使王偉李錡相繼兼領鹽鐵使務其進奉與楊 益相比元和 已後稍阜之

管縣六 丹徒 丹陽 金壇 延陵 上元 句容

丹徒縣望下 本朱萬地後名谷陽春秋魯襄二十八年齊 慶封奔吳與之朱方聚族而居之富於其舊後楚靈王 使屈申圍慶封於朱方克之盡滅其族即此地初秦以其 地有王氣始皇遣赭衣徒三千人鑿破長隴故名丹徒

北固山在縣北一里下臨長江其勢險固因以為名蔡謨 謝安作鎮並於山上作府庫儲軍實宋高祖云作鎮作固 誠有其緒然北望海口實為壯觀以理而推固宜為願江 今濶一十八里春秋朔望有奔濤魏文帝東征孫氏臨江 歎曰固天所以限南北也

蒜山在縣西九里山臨江壁絕安帝時海賊孫恩至丹徒 戰卒十萬率眾登山鼓譟動地引陣南出欲向京城時朱 武帝眾無一旅率所領橫擊大破之山多澤蒜因以為名 互父山在縣西北十里晉破符堅獲互賊置此山下因以 為名今土俗亦謂之金山

獸窟山一名招隱山在縣西南九里即隱士戴顓之所居也

東浦亦謂之潤浦在縣東二里北流入江隋置潤州取此浦為名也

永興寧陵在縣東南三十五里宋武帝追尊曰孝皇帝諱翹初仕郡為功曹

丹陽縣望西北去州六十四里本舊雲陽縣秦時望氣者云有王氣

故鑿之以收其勢截其直道使之阿曲故曰曲阿武德五年曾於縣置簡州八年廢天寶元年改為丹陽縣

劉繇城在縣西南二百四十步漢末繇為揚州刺史揚州

舊理壽春是時已為袁術所據故繇來建城號令江南衆數萬人後孫策東畧繇奔豫章

慶亭壘在縣東四十七里本蘇峻將管商攻略晉陵郗道微以此地東據要路北當武進故遣督護李閔築此距之今置埭

故湖在縣北百二十步周迴四十里晉時陳敏為亂據有江東務修耕績令弟諧過馬林溪以溉雲陽亦謂之練塘溉田數百頃

新豐湖在縣東北三十里晉帝大興四年晉陵內史張闓所立舊晉陵地廣人稀且少陂渠田多惡穢闓創湖成溉元和郡縣圖志卷之二十五



灌之利初以勞後免官後追紀其功超為大司農  
南齊宣帝休安陵在縣北二十八里高帝父也追尊為宣  
皇帝

高帝道成恭安陵在縣三十一里

武帝頤景安陵在縣東二十二里

景帝道生永安陵在縣東北二十六里明帝父也追尊為

景皇帝

明帝鸞興安陵在縣東北二十四里

梁文帝順之建陵在縣二十五里武帝父也追尊為文帝

武帝衍脩陵在縣東三十一里貞觀十一年詔令百步禁

樵採

簡文帝綱莊陵在縣東二十七里

金壇縣繫西北去州一百四十里本漢曲阿縣地隋於此置金山府隋

末亂離鄉人自立為金山縣武德八年廢垂拱二年又置

縣以婺州有金山改名金壇

延陵縣繫東至州一百里晉太康二年分曲阿之延陵鄉置延陵

縣蓋因季子以立名焉又漢地里志季子所居在今毗陵

本名延陵至漢始改然今縣北先有其祠或當采地所及

其地亦曰連陵

茅山在縣西南三十五里三茅得道之所事具仙經不錄

元和郡縣圖志卷之二十五

古神亭在縣西北二十五里。初孫策與太史慈遇於神亭，即此地也。吳志曰：太史慈渡江到曲阿，見劉繇，會孫策至，繇使慈覘輕重，獨與一騎卒過於神亭。策從騎十二皆韓當、宋謙、黃蓋輩也。慈便前鬪焉。策刺慈馬，得慈項上手戟，慈亦得策兜鍪。會兩家兵騎來赴，遂各解散。後策獲慈，解縛捉手曰：寧識神亭時耶？是時卿得我如何？慈曰：未可量也。策乃大笑。

上元縣繫東北至州一百八十里本金陵地。秦始皇時望氣者云：五百年後金陵有都邑之氣。故始皇東遊以厭之，改其地曰秣陵。輒北山以絕其勢。及孫權之稱號，自謂當之。孫盛以為

始皇建於孫氏四百三十七載，考其曆數猶為未及。晉之渡江乃五百二十六年，遂定都焉。開皇九年平陳於石頭城，置蔣州，以江寧縣屬焉。武德三年杜伏威歸化，改江寧為歸化縣。九年改為白下縣，屬潤州。貞觀九年又改白下為江寧。至德二年於縣置江寧郡。乾元元年改為昇州，兼置浙西節度使。上元二年廢州，仍改江寧為上元縣。鍾山在縣西北一十八里。按輿地志：古金陵山也。邑縣之名由此而立。吳大帝時蔣子文發神異於此，封文為蔣侯，改山曰蔣山。宋復名鍾山。梁武於西麓置愛敬寺。江表上已常遊於此，為衆山之傑。

覆舟山在縣東北十里鍾山西足也形如覆舟故名宋元嘉中改名玄武山以為樂遊苑初桓玄作亂使下範之屯覆舟山西衆餘二萬宋高祖帥義師食畢弃其餘糧躬先士卒以擊之執之等一時土崩

牛頭山在縣南四十里山有二峯東西相對名為雙闕晉氏初過江無闕王導指山鑿兩峯即此天闕山

方山在縣東南七十里秦鑿金陵以斷其勢方石山堦居切是所斷之地也

三山在縣西南五十里晉王璿伐吳宿於牛渚部分明日前至三山即此也

四望山在縣西北八里晉溫嶠伐蘇峻於四望山築壘以逼賊是也

蔡洲在縣西十二里江中晉盧循作亂戰士十餘萬舟艦數百里連旗而下宋高祖登石頭以望循軍初循引向新亭公顧左右失色既而迴泊蔡州公曰此成擒耳俄而循大敗而走

淮水源出縣南華山在丹陽湖屬兩縣界西北流經秣陵建康二縣之間入于江初王敦構亂王導憂將覆族使郭璞筮之璞曰淮水絕王氏滅即此淮也

玄武湖在縣北十里周迴二十五里

元和郡縣圖志卷之二十五

婁湖縣東南五里。吳張昭所創。溉田數十頃。周迴七里。昭封婁侯。故謂之婁湖。宋時為苑。

晉故臺城在縣東北五里。成帝時蘇峻作亂。焚燒宮室。都盡。溫嶠已下成議。遷都。唯王導固爭不許。咸和六年。使王彬營造。七年。帝遷于新宮。即此城也。

揚州故理在縣東百步。後漢末大理壽春劉繇為揚州刺史。始移理曲阿。吳長沙相王孫策定江東。置揚州於建業。其州解。王敦及王導所創也。後會稽王導子於東府城。顧州故亦號此為西州。及隋平陳。又於石城置蔣州。移揚州於江北之江都焉。

丹陽郡故城在縣東南五里。初丹陽內史。後改為尹。

石頭城在縣西四里。即楚之金陵城也。吳改為石頭城。建安十六年。吳大帝修築。以置財寶軍器。有成。吳都賦云。戎車盈於石城。是也。諸葛云。鍾山龍盤。石城虎踞。言其形之嶮固也。

秣陵故縣在縣東南四里。本金陵地也。秦改為秣陵。

湖屬故縣在縣東南七十里。

越城在縣南六里。本東甌越王所立也。吳王濞敗。先趨此城。後保丹徒。郭璞行於途中。贈白衣人袴褶。亦此城也。

建康故城在縣南三里。建安中。改秣陵為建業。晉復為秣

陵武帝又分秣陵水北為建業避愍帝諱改名建康東府城在縣東七里其地西則簡文帝為會稽王時邸第東則丞相會稽王道子府謝安覺道子伏領揚州仍先府舍故俗稱為東府而謂揚州僻為西州謝惠連祭吳漢君文即因修此府之城牆所為也

輔公祏城在縣東七里其地本齊文惠太子苑地也公祏搆亂築以為城其年公祏平城遂毀廢

賀若弼壘在縣北二十里隋平陳弼過江於蔣山龍尾築壘

韓擒虎壘在縣西四里隋平陳樹碑其文薛道衡之詞武

德七年趙郡王孝恭平輔公祏樹碑紀功與此碑相對李百藥之詞

吳大帝蔣陵在縣北二十二里

晉元帝屠建平陵明帝紹武平陵成帝衍興平陵並在縣北六里鷄籠山

康帝岳宗平陵在縣東北二十里蔣山西南

哀帝丕安平陵在縣北六里鷄籠山南

簡文帝皇高平陵孝武帝昌明平陵安帝德宗休平陵恭帝德文冲平陵並在縣北東二十里蔣山西南

宋武帝劉裕初寧陵在縣東北二十二里

元和郡縣圖志卷之二十五

文帝義隆長寧陵並在縣東北二十二里蔣山東南  
孝武帝駿景陵在縣西南四十里巖山

明帝或高寧陵在縣北十九里幕府山東南

陳武帝霸光萬安陵在縣東三十八里方山西北貞觀十

一年詔百步內禁樵採

文帝舊永寧陵在縣東北四十里蔣山東北

宣帝項顯寧陵在縣南四十里牛頭山西北

梁昭明太子安陵在縣東北五十四里查礪山

晉王導墓在縣西北十四里幕府山西

謝安墓在縣東南十里石子崗北

句容縣縣東北去漢舊縣也晉元帝興於江左為畿內第

二品縣有茅山本名句曲以山形似已字故句曲有所

容故號句容

赤山湖在縣南三十五里

茅山在縣東南六十里

竹里山在縣北六十里王塗所經塗甚傾險行者號為翻

車峴山間有長澗高下深阻舊說云似洛陽金谷宋武帝

初起自京口至江乘破桓玄將吳甫之於竹里移徵京師

即此處也

銅冶山在縣北六十五里山出銅鉛歷代採鑄

常州晉陵開元戶九萬六千四百七十五元和戶五萬四千七百六十七鄉一百八十七

禹貢揚州之地春秋時屬吳延陵季子之采邑漢改曰毗

陵晉東海王越謫于毘陵元帝以毘諱改為晉陵郡宋齊

因之開皇九年平陳廢郡於常熟縣置常州因縣為名後

割常熟縣入蘇州移常州理於晉陵縣隋亂陷于寇境武

德七年平仍舊置常州

州境東西二百一十二里南北二百九十里

八到西北至上都二千八百四十五里西南至蘇州一千九百八十里

東南至古宣州五百里正南微西至湖州松路三百里西北至潤州一百七十里

貢賦開元貢細紵紅紫二色綿布紙六十張

管縣五 晉陵 武進 江陰 無錫 義興

晉陵縣望郭下春秋時延陵漢之毗陵也後與郡俱改為晉

陵季札所居也墓在本縣北七十里申浦之西

武進縣望郭下吳大帝改丹徒為武進晉武復改武進曰丹

徒曲阿別置武進縣於丹徒縣東五十里梁武改武進為

蘭陵入晉陵垂拱二年又析晉陵西界立武進縣于州

江陰縣望東南去本漢此陵縣之既陽鄉晉太康二年置

既陽縣梁敬帝置江陰縣郡開皇九年罷郡縣屬常州

無錫縣望西北至州漢舊縣也東三十九里有梅里山吳

元和郡縣圖志卷之二十五

太伯葬處

義興縣

繫北至州一百二十里

本秦陽羨縣故城在荆溪南晉惠帝

時妖賊石冰亂楊土縣人周玘創義討水割吳興之陽羨并長城縣之北鄉為義興郡以表玘功陳廢郡為義興縣

荆溪是周處斬蛟龍處

蘇州

吳郡開元戶六萬八千九百八十三元和戶一十萬八百八

鄉一百一十八

禹貢揚州之地周時為吳國太伯初置城在今吳縣西北五十里至闔閭遷都於此後為越所并楚滅越而封黃歇於吳秦置會稽縣二十六里於吳項羽初起殺會稽太守

殷通即此也漢亦為會稽郡後漢順帝永建四年陽羨令

周喜山陰令殷重上書求分為二郡遂割浙江以東為會

稽浙江以西為吳郡孫氏創業亦肇迹於此歷晉至陳不

改常為吳郡吳興丹陽號為三吳隋開皇九年平陳改為

蘇州因姑蘇山為名山在州西四十里其上闔閭起臺外

郭城云是伍胥所築周四十七里

州境東西四百一十一里南北四百九十八里

八到西北至上都三千三百里西南至上都二千一百七十里

南至杭州三百七十里正南微西至湖州二百一十里東北至海三百三十里西北至常州一百九十里



貢賦開元貢細綺布元和貢絲葛十疋白石脂地床子吳地床

子三升

管縣七、吳縣、長洲、嘉興、海鹽、常熟、崑山

華亭

吳縣望郭下本吳王闔閭所都秦置縣

太湖在縣西南五十里禹貢謂之震澤周禮謂之具區湖中有山一名洞庭山

虎丘山在縣西北八里吳越春秋云闔閭葬于此秦皇鑿其珍異莫知所在孫權穿之亦無所得其鑿處今成深澗松江在縣南五十里經崑山入海左傳云越伐吳軍於笠

澤即此江

長洲縣望郭下本萬歲通天元年析吳縣置取長洲苑為名

苑在縣西南七十里

嘉興縣望北至州一百四十七里一本春秋時長水縣秦為由拳縣漢因

之吳時有嘉禾生改名禾興縣後以孫皓父名改為嘉興縣也

海鹽縣上西北至州一百二十七里二本秦縣漢因之其後縣城陷為柘

湖移於武原鄉後又陷為當湖移置山傍開皇元年廢縣

北屬杭州武德七年地入嘉興開元五年刺史張庭珪又

奏置

元和郡縣圖志卷之二十五

常熟縣 繫南去州一百里 本漢吳縣地 梁大同六年置常熟縣 武德七年移理海鹽 虞城今縣是也

崑山縣 繫西去州八十里 本秦漢婁縣 其城吳子壽夢所築 梁分置信義縣 又分信義置崑山縣 因縣有崑山 故取名焉

華亭縣 上西去州二百里 天寶十年吳郡太守趙居貞奏割崑山嘉興海鹽三縣置

華亭谷 在縣西三十五里 陸遜陸抗宅在其側 遜封華亭侯 陸機云華亭鶴唳此地是也

杭州 餘杭 開元戶八萬四千二百五十二 元和戶五萬一千二百七十六 鄉一百八十八 禹貢揚州之域 春秋時為吳越二國之境 其地本名錢唐

史記云秦始皇東遊至錢唐 臨浙江是也 漢屬會稽 吳志注云西部都尉理所 陳禎明中置錢唐郡 隋平陳廢郡為州

州境 東西南北 八到 西至 東都 三千四百里 西北至 東都 二千五百四十里 西南至 睦州 三百一十五里 西至 睦州 三百一十五里 東至 睦州 三百一十五里 西至 歙州 四百七十里 西北至 宣州 四百九十六里 東北至 蘇州 三百七十里

貢賦 元開元 黃藤紙 白編 橘 黃連 緋綾 白編 元開元 紋紗 白編 一十二疋

管縣八 錢唐 餘杭 臨安 富陽 於潛 塩官

新城 唐山

錢唐縣縣下本漢舊縣也。錢唐記云：昔一境逼近流縣，理靈隱山下，今餘趾猶存。郡議曹華信乃立塘以防海水，募有能致土石者，即與錢及塘成。縣境蒙利，乃遷理此地。於是改為錢塘。按華信漢時為郡議曹，史記始皇至錢唐臨浙江，秦時已有此名。疑所說為謬。隋平陳已後，縣頻遷置。貞觀四年定於今所。

靈隱山在州西北一十七里，界石山在州西南四十九里。

浙江在縣南一十二里。莊子云：浙河即謂浙江，蓋取其曲折為名。

折為名

江源自歙州界東北流，經界石山，又東北經州北理，又東北流入於海。江濤每日晝夜再上，常以月十日二十五日最小，月三日十八日極大，小則水漸漲，不過數尺，大則濤湧高至數丈。每年八月十八日，數百里士女共觀，舟人魚子沂濤觸浪，謂之弄潮。

餘杭縣縣東南去州七十里本吳地。吳興記云：秦始皇三十七年，將上會稽塗出此地，因立為縣。捨舟航於此，仍以為名。

由拳山，晉隱士郭文舉所居，傍有由拳村，出好藤紙。

臨安縣縣東南去州一百二十八里本吳大帝分餘杭縣立臨水縣。晉

元和郡縣圖志卷之二十五

改為臨安隋亂廢置無准垂拱四年巡撫使狄仁傑復奏置

富陽縣繫東北去州七十三里本漢富春縣屬會稽郡晉孝武太元

中避鄭太后諱改春為陽吳孫堅父子即此縣人縣有王

洲出橋為江東之最今先進貢

湖狀山在縣西南五十里甚幽邃重疊嶮遠每時有擾攘

人皆逃避於此山

於潛縣繫東北去州二百里本漢舊縣也縣西有替山因以為名舊

替字無水至隋加水焉武德七年置潛州領於潛臨水二

縣八年廢州縣屬杭州

天目山在縣理北六十里有兩峯峰頂各一池左右相對

名曰天目

鹽官縣上東南去州一百三十里本漢舊縣有鹽官吳志云孫權為將

軍陸遜始仕幕府出為屯田都尉即此地也武德七年省

入錢塘縣貞觀四年復置

海水在縣南七里

臨平湖在縣西五十五里溉田三百餘頃

新城縣上東北去州一百三十二里一本漢富陽縣地永淳元年分富春

西境置

唐山縣中東去州一百四十八里二漢於潛縣地萬歲通天元年置武隆

元和郡縣圖志卷之二十五

縣神龍元年改為唐山縣

湖州吳興 開元戶六萬一千一百三十三 元和戶四萬三千四百六十七

鄉一百二十二

禹貢揚州之域防風氏之國秦始皇徙越人於此吳歸命侯置吳興郡梁紹泰初改吳興郡為震州蓋取震澤為名陳初罷震州復為吳興郡隋平陳廢吳興郡仁壽二年於

縣置湖州

州境東西三百八里南北二百一十三里

八到西北至上都三千二百四十里西北至東都二千二百四十里東北至蘇州二千一百四十里正南微北至宣州三百七十里東北至常州和睦路三百里東至杭州私路一百九十里

貢賦開元貢 絳布 賦 糴粳米 絳布 元和貢 布三十端

管縣五 烏城 長城 安吉 武康 德清

烏城縣望 郭下 本秦舊縣越紀云始皇至會稽徙於越之人

於烏城吳興記云是景帝封孫皓為烏城侯及皓即位改葬父和於此遂立為吳興郡

雲溪水一名大溪水一名蒼水西南自長城安吉兩縣東北流至州南與餘不溪水等溪水合又流入于太湖在州北三十五里 吳興塘太守沈嘉之所建灌田二千餘頃

長城縣縣東南去州七十里 本漢烏城縣地晉武帝太康三年分其地置長城縣昔闔閭使弟天棨居此築城狹而長因以為

名

願山縣西北四十二里貞元已後每歲以進奉願山紫笋  
茶後上三萬人累月方畢

若溪水釀酒甚醲俗稱若下酒

安吉縣上東北去州一百四十里本漢故鄣縣地漢靈帝中平二年張

角作亂荆揚尤甚唯此郡守險阻固漢朝嘉之故分立為

縣

武康縣上東北去州一百五里本漢烏程餘不鄉之地漢末童謡云

天子當興於東南三餘之間故吳大帝改會稽之餘暨為

永興而分餘不鄉置永安縣屬吳興晉平吳改為武康

封山在縣東南十八里即家語云封嵎之山防風氏之國也

德清縣上北去州一百五里天壽二年析武康鄉置武原縣景雲二

年改為臨溪縣以臨餘不溪也天寶元年又改為德清縣

睦州新定  
開元戶五萬五千五百一十六  
元和戶九千五百一十四

禹貢揚州之域春秋時迭入吳越秦為丹陽郡為歙縣後

漢建安十三年吳大帝中即將賀齊討歙縣山賊平定分

歙為始新定黎陽休陽四縣與歙歙九六縣立新都郡

理始新縣晉武帝太康元年改新都為新安郡隋平陳廢

新安郡析新安縣置睦州後又改為睦州遂安郡隋氏喪

元和郡縣圖志卷之二十五

六

亂陷於寇賊武德四年討平汪華改為州取俗阜人和內  
外輯睦為義萬歲通天元年又自新安東移一百六十五

里建德即今州理是

州境東西北三十一里

八到西北至上都三千七百一十五里

西北至衢州二千八百一十五里

西北至歙州三百七十里

東南至婺州一百六十里

貢賦開元貢 交後 石炭 篛 紵 絲布

管縣六 建德 桐廬 遂安 清溪 分水

壽昌

建德縣上郭下本漢富春縣地吳黃武四年分置建德縣大

業末改為鎮武德四年復改為建德縣

浙江在州南十里又有東陽江東南自婺州界來至州南

注浙江

七里瀨在縣東北十里

桐廬縣緊西南至州一百五里本漢富春縣之桐溪鄉黃武四年分

置桐廬縣以居桐溪地因名桐廬

浙江在縣南一百四十步

桐廬江源出杭州於潛縣界天目山南流至縣東一里今

浙江

嚴子陵釣臺在縣西三十里浙江北岸也

遂安縣上東北去州一百九十里本漢歙縣地吳大帝使賀齊平黟歙

縣之南鄉安定里置新定縣晉武太康元年改為遂安

白石山在縣西七十里其山出白石英貢因以為名

清溪縣上東去州一百六十五里黃武元年分歙縣東鄉置始新縣晉

改為雉山以縣南有雉山因名之開皇九年併為新安縣

仁壽中復為雉山開元二年改為還淳今改為清溪

新安江自歙州黟縣界流縣東流入浙江

分水縣上東北至州一百八十五里一本桐廬之西境武德四年置七年

省如意元年改置盛武縣神龍元年復改為分水

壽昌縣中東北至州一百一十里本漢富春縣地吳分立新昌晉太康

元年改為壽昌皇朝因之

元和郡縣圖志卷第二十五 終



元和郡縣圖志卷第二十六

江南道二

浙東觀察使

越州會稽都督府

開元戶十萬七千六百四十五

鄉二百一十四

今為浙東觀察使理所

管州七

越州

婺州

衢州

處州

溫州

台州

明州

管縣三十五

都管戶一十萬四千三百六十七

禹貢揚州之域春秋時為越周禮吳越星紀之分夏少康

元和郡縣圖志卷之二十六

封少子無餘以奉禹祀號曰於越之國之稱始於茲矣後  
 代勾踐稱王與吳王闔閭戰敗之槁醉李故域在今嘉興  
 夫差立勾踐復伐之卒滅之并其地遂渡淮遷都瑯琊朝  
 貢周錫命為伯至六代王無疆為楚所滅楚以其地并  
 吳立為會稽郡後漢順帝時陽羨令周嘉上書以吳越二  
 國周旋一萬一千里以浙江山川險絕求得分置遂分浙江  
 以西為吳郡東為會稽郡自晉至陳又於此置東揚州隋  
 平陳改東揚州為吳州大業元年改為越州武德四年討  
 平李子通置越州摠官六年陷輔公祏七年卒平公祏改  
 摠官為都督

州境東西南北三百二十八里

八到西北至上都三千五百三十里  
 東至明州二千六百七十里  
 東南至台州四百七十五里  
 西北至杭州一百四十里  
 西南至婺州三百九十里

貢賦開元貢甘橘甘蔗葛根石蜜交梭白紗  
 自貞元已後凡貢之外別進異文吳綾及花鼓歛單  
 絲吳綾吳朱紗等織  
 麋之物九十數品

管縣七 會稽 山陰 諸暨 餘姚 蕭山 上虞

制縣

會稽縣望郭下山陰越之前故靈文國也秦立以為會稽山  
 陰漢初以為都尉隋平陳改山陰為會稽縣皇朝因之吳

元和郡縣圖志卷之二十六

越春秋云禹巡行天下會計修國之道因以會計名山仍為地號山陰縣秦舊地也隋改為會稽垂拱二年又割會稽西界別置山陰大曆二年刺史薛兼訓奏省山陰併會稽七年刺史劉少遊又奏置今復併入會稽宋略云會稽山陰編戶三萬號為天下繁劇

重山大夫種葬處

會稽山在州東南二十里

蘭亭山在州西南一十一里

大海在州四十里

鏡湖後漢永和五年太守馬臻創立鏡湖在會稽山陰兩

縣界築塘蓄水高丈餘田又高海丈餘若水少則洩湖

灌田如水多則閉湖洩田中水入海所以無凶年堤塘周

三百一十里都溉田九十頃

山陰縣望同會稽

諸暨縣望東北去州一百四十里

秦舊縣也界有暨浦諸山因以為

名越王允常所居

鳥帶山在縣北五十里出紫石英

餘姚縣望西北去州一百四十五里

本漢舊縣舜後支庶所封之地舜

姚姓故曰餘姚隋平陳武德四年復立仍置姚州七年廢

州四明山在縣西一百五十里

元和郡縣圖志卷之二十六

大海在縣北三十里

蕭山縣繫東北至州一百里本曰餘暨吳王弟夫槩邑吳大帝改

曰蕭山以縣西一里蕭山為名

浙江在縣西二十五里浦陽江在縣南一十五里

上虞縣上西去州九十六里故城西枕上虞江隋平陳廢貞元二年

刺史王密奏置

上虞江在今縣西二十八里北流

剡縣望西北去州一百八十五里漢舊縣故城今縣理西南一十二里

吳賀高為令移理今所隋末陷于李子通武德中以縣為

嵯州六年廢州縣依舊

天姥山在縣南八里

剡溪出縣西南北流入上虞縣界為上虞江

婺州東陽開元戶九萬九千四百九十九鄉一百九十八元和中戶四萬八千三十六鄉二百

禹貢揚州之域春秋時為越州西界秦屬會稽郡今之州

界分得會稽郡之烏傷大末二縣之地今本會稽西部

常置郡尉孫皓始分會稽置東陽郡陳武帝置縉州開皇

九年隋平陳置婺州蓋取其地於天文為婺女之分野隋

氏喪亂陷於寇境武德四年討平李子通置婺州六年輔

公拓叛州又陷沒七年平定公拓仍置婺州

州境東西三百三里南北四百五十六里

元和郡縣圖志卷之二十六

八到 西北至上都三千九百九十五里

正北至東都三千三百九十五里 正北至越州三百九十里 正北至睦州一百六十里 正北至衡州一百九十里 正北至處州二百六十里 水路一百八十里

貢賦 元和貢 布紙 絨 白藤 細紙 賦 絳布

管縣七 金華 義烏 永康 東陽 蘭溪 武義

浦陽

金華縣 望下 本漢烏傷縣地 獻帝初平二年分烏傷置長山

縣屬會稽郡 隋平陳改為吳寧縣 十二年又改為東陽

縣 十八年又改為金華縣 其長山一名金華 故取名焉

東陽江有二源 一南自永康縣界流入 一東自義烏縣界

流入 至縣界南合為一 謂之東陽江

金華山在縣北二十里 赤松子得道處 名出龍鬚草

義烏縣 緊西南至州一里 一本秦烏傷縣也 吳烏銜塊助之 烏

口皆傷時以為純孝所感 乃於其處立縣曰烏傷 武德四

年於縣置綢州縣 屬焉 又以改烏傷為義烏

永康縣 望西北至州一百九里 本漢烏傷縣地 吳大帝分烏傷之南

界置隋廢 武德四年於縣置麗州 八年廢州 縣屬婺州

東陽縣 望西去州一百五十里 一本漢烏傷縣地 垂拱二年分義烏縣

置取舊東陽縣名也

蘭溪縣 緊東南去州五十里 咸通五年割金華縣西界置

元和郡縣圖志卷之二十六

蘭溪在縣南七里東北流入東陽江

武義縣上北至州五十里天授二年分永康西界以為武義縣

浦陽縣上西南至州一百二里天寶十三年分義烏縣北界置

浦陽江在縣西北四十里出桑溪山嶺東入越州諸暨縣

衢州信安上開元戶六萬二千二百八十八元和戶一萬七千四百二十六鄉一百二十四

本舊婺州信安縣也武德四年平李子通於信安縣置衢

州以州有三衢山因取為名六年陷輔公祏廢州垂拱二

年復置

州境東西六百一十里南北二百一十五里

八到西北至上都三千九十五里西南至建州七百里西至信州二百五十里

東至婺州一百九十里東南至處州四百五十里

貢賦開元貢綿紙紵布黃連葛粉葷扇元和貢綿紙

管縣四 信安 常山 龍丘 湏江

信安縣望郭下本春秋姑蔑之地漢大末縣也獻帝初平三

年分大末立新安縣屬會稽郡晉太康元年以弘農有新

安故改名信安皇朝置州縣屬焉

常山縣上東去州八十里本大末縣地隋初置定陽縣隋末廢咸

亨五年於今縣東四十里置常山縣因縣南有常山為名

廣德二年本道使薛兼訓奏移此於舊縣西四十里即今

縣是

龍丘縣繫西去州七十二里本春秋姑蔑之地越西部也杜注云今

東陽大末縣越絕書謂之姑婺州改太末為龍丘因縣東

龍丘山為名隋末廢貞觀八年又置

須江縣上北去州九十五里武德四年置衢州分信安縣南境置須

江縣八年並廢永昌元年秋復置以縣南有須江溪因以

為名

盈川縣本漢太末縣地如意元年分龍丘兩縣

穀水江在縣東南一里

處州縉雲開元戶三萬三千二百七十八鄉七十六元和戶一萬九千七百二十六鄉三十六

禹貢揚州之域春秋為越國秦滅越置會稽郡後越王無

諸七代孫閔君搖佐縣有功立為東越王都東甌今温州

永嘉縣是也後以甌地為回浦縣屬會稽世祖改回浦為

章安晉立為永嘉郡梁陳因之開皇九年隋平陳改永嘉

為處州十二年又改為括州大業三年復改為永嘉郡武

德四年討平李子通後立括州仍置總管府七年改為都

督府貞觀元年廢府天寶元年為縉雲郡乾元二年復為

括州大曆十四年以與德京廟諱同音改處州貞元六年

刺史齊抗以舊州湫隘屢有水災北移四里就高原上

州境東西南北

八到西北至上都四千一百五十五里西北至婺州二百六十里

元和郡縣圖志卷之二十六 西北至衢州四百五十里

東南水路至溫州二百七十里  
東北至台州四百九十里  
西北至建州水路九百里陸路四百九十里

貢賦元和貢

蠶 綿 絳布 蜜 綿

麻布 樹皮布 小綾 繒 綿 紬

管縣六 麗水

松楊

縉雲

遂昌

青田

龍泉

麗水縣上

郭下

本後漢松楊縣地隋平陳乃分松楊縣之東

鄉立括蒼縣取括蒼山為名屬處州後因之不改大曆十

四年改為麗水麗水本名惡溪以其湍流岨嶮九十里間

五十六瀨名為大惡開皇中改為麗水故皇朝因之以為

縣名

松陽縣

上東去州一百九十二里

一本漢回浦縣之地屬會稽後漢分立

此縣有大松樹大十八圍因取為名開皇九年廢十二年

後置皇朝因之

縉雲縣

上西南至州八十五里

萬歲登封元年分麗水縣東北界婺

州永康南界置因山為名

縉雲山一名仙都一曰縉雲黃帝煉丹於此

遂昌縣

上東去州一百四十里

吳赤烏二年分太末縣置遂昌縣晉太

康元年改為遂昌武德八年廢景雲二年刺史孔琮復奏

置

青田縣

中西北去州一百五十里

本麗水縣之鄉也名景雲二年刺史

孔琮奏於此分置青田縣

青田溪在縣西南一十八里

元和郡縣圖志卷之二十六



龍泉縣 中東至州三 乾元二年越州刺史獨孤峻奏割遂

昌松陽二縣置 龍泉湖在縣南二里

温州 永嘉 開元戶三萬七千五百五十四 元和戶八千四百八十四 鄉七十八 鄉一十六

本漢東會稽東部之地 初閩君搖有功於漢封為東甌王

晉大寧中於此置永嘉郡隋廢郡地入處州武德五年杜

伏威歸化於縣理置東嘉州尋廢六年輔公祏為亂於丹

陽永嘉安固等有姓於華蓋山固守不陷凶黨高宗上元

元年於永嘉縣置温州

州境 東西二百四十里 南北七百二十里 西北至處州二百七十里 東至大海八十里

八到 西北至上都四千四百二十五里 西北至東都三千五百六十五里

貢賦 開元貢 元和貢 正北微西至台州五百里 西南至福州水陸路相兼一千八百里 綿紵布 鮫魚皮三十張 魚皮

管縣四 永嘉 安固 橫陽 樂成

永嘉縣 上郭下 即漢回浦縣之東甌鄉晉立為縣上元二年

於此置温州縣移在州東百八十步

永嘉江一名永寧江在州東三里

華蓋山在州東一里

安固縣 上北去州七十七里 本漢回浦縣地後漢改回浦為章安吳分

章安於此立羅陽縣少帝改曰安陽晉太康元年更名安

固前上元二年自處州割入温州

元和郡縣圖志卷之二十六

安固山在縣北一里

安固江在縣南一里

橫陽縣上北去州一百五里本晉太康元年分安固南橫嶼屯置隋

平陳廢入安固縣大足元年又分安固縣再置

橫陽山在縣南二百七十里東臨大海

橫陽江在縣南一百里

樂成縣上去州一百二十四里本漢回浦縣地東晉孝武分永寧縣

置隋廢載初元年復置大海在縣東一十一里

台州臨海開元戶五萬鄉一百一十五鄉九十五禹貢揚州之域春秋時為越地秦并天下置閩中郡漢立

南部都尉本漢之回浦鄉分立為縣楊雄解嘲云東南一

尉西北一侯是也後漢改回浦為章安縣吳大帝時分章

安永寧置臨海郡隋平陳廢郡為臨海縣武德四年討平

李子通於臨海縣置海州五年改海州為台州蓋因天台

一山為名六年輔公祏叛州從陷沒七年平定公祏仍置

台州

州境東西三百九十三里南北四百三十五里

八到西北至上都四千五百里  
東北至東都三千一百四十五里  
東至大海一百八十里  
正南微東至温州五百里

東北至越州四百七十五里  
正西微南至處州四百九十里

貢賦開元貢乾姜三百斤

元和貢甲香三千斤

鮫魚皮一百張

元和郡縣圖志卷之二十六

管縣五 臨海 唐興 黃巖 樂安 寧海

臨海縣縣下本漢回浦縣地後漢更名章安吳分章安置

臨海縣屬會稽武德五年改置台州縣屬焉

臨海江有二水合成一水一是始風溪一是安樂溪至州

城西北一十三里合

唐興縣上東南至州一百一十里三國時吳分章安南置始平縣晉武

帝以雍州有始平改為始農肅宗上元二年改為唐興

天台山在縣北一十里

赤城山在縣北六里實為東南之名山

黃巖縣上北去州一百五里前上元二年割臨江南界置

黃巖山在縣西南二百三十里

大海在縣東七十里

樂安縣上東去州一百五里東晉穆帝永和三年分始平南鄉置樂

安縣屬臨海郡歷代因之開皇九年廢武德五年改屬前

上元二年復置於孟溪之側今縣是也

樂安溪源在縣西馮溪山流經縣南又東入臨海縣界

寧海縣上西南去州一百五十里晉穆帝永和三年分會稽之鄞縣置

寧海郡開皇九年廢郡併入章安縣永昌元年於廢縣東

二十里又置初載元年移就縣東一十里

大海在縣東六里

明州餘姚

開元戶四十八十三  
元和戶

右本會稽之鄞縣漢句章縣地也春秋越王句踐平吳徙夫差於甬東韋昭云即句章東決口外洲是也武德四年於縣立鄞州八年廢開元二十六年採訪使齊澣奏分越州之鄞縣置明州以境內四明山為名句章故城在今州西一里

州境東西南北

八到

西北至上都三千八百五里  
西北至東都二千九百四十五里  
西至越州二百七十五里  
東北至大海七十里  
西南至台州臨海縣一百六十至州二百五十至都四百一十里  
元和貢海尉子橘子紅蝦米鱸子紅蝦鮓烏爛骨

貢賦

管縣四 鄞縣 奉化 慈溪 象山

鄞縣中郭下本漢舊縣也屬會稽郡隋平陳省入句章武德

八年再置仍移理句章城後屬明州

大海在縣東一百七十里

翁州入海二百里即春秋所謂甬東地也越滅吳請吳王居

甬東吳王曰孤老矣不能事君王乃縊其洲周環五百里

有良田湖水多麋鹿

奉化縣上北去州六十里本漢之鄞地開元二十六年採訪使齊

澣奏置奉化縣

赤莧山在今縣東一十里

元和鄞縣圖志卷之二十六

慈溪縣上東南去州七十里本漢鄞縣地開皇二十六年齊澣奏置慈溪縣

慈溪在縣南二十二里

大海在縣北六十里

象山縣中西北至州水陸相兼一百六十里本漢鄞縣地神龍元年監察御

史崔皎奏於寧海縣東界海曲中象山東麓彭姚村置縣

東至大海二十里南至大海三十五里東北至大海四

十里正北至大海並一十五里唯西南有陸路接台州寧

海

元和郡縣圖志卷第二十六終

元和郡縣圖志卷第二十七

江南道三

鄂岳觀察使

鄂州江夏開元戶一萬九千一百九十九鄉三十三今為鄂州緊元和戶三萬八千六百一十八鄉三十七

鄂岳觀察理所

管州六 鄂州 沔州 安州 黃州 蘄州 岳州

計縣三十五 都管戶七萬二千二百四十七

禹貢荊州之域春秋時謂之夏汭漢為沙羨之東境自後

漢末謂之夏口亦名魯口吳置督將於此名為魯口屯以

其對魯山岍為名也三國爭衡為吳之要害吳常以重兵

元和郡縣圖志卷之二十七

鎮之魏明帝問司馬懿曰二虜宜討何者為先對曰吳以中國不習水戰故敢散東關允攻敵死扼其喉春其心夏口東關敵之心喉若陸軍以向皖引權東下為水軍向夏口乘其虛而擊之此神兵從天而降晉庾翼為荊州曾理於此義熙初劉豫表以為夏口二州之中地居形要控接湘川邊帶漢沔請荊州刺史劉道規鎮夏口即今州理是也至六年自臨鄣徙理夏口即今州理是也宋孝武以方鎮太重分荆湘江三州之八郡為郢州以分上流之勢隋平陳改郢州為鄂州二城本夏口城吳黃武二年城江夏以安屯戍地也城西臨大江西南角因磯為樓名黃鶴樓三國時黃祖為太守吳遣凌統攻而擒之禰衡過害亦此地也東南角樓名焦度樓宋沈攸之自荊州稱兵至此時焦度領兵在此城守東南角攸之攻之不克遂退走因名焦度樓

州境

東西四百七十四里  
南北三百八十八里

八到

東至江州六百里  
西至江州一千四百里  
西至沔州隔江七里  
西南至岳州五百一十里  
西北至安州二百九十里  
西北至黃州二百里

貢賦

開元貢  
元和貢

銀

銀  
銀

銀

元和郡縣圖志卷之二十七

管縣五 江夏 永興 武昌 唐年 蒲圻

江夏縣望郭下本漢沙羨縣地屬江夏郡東晉以汝南流人

僑立汝南郡後改為汝南縣開皇九年改為江夏縣屬鄂

州

黃鶴山在縣東九里

江水西南自蒲圻縣界流入又北對崢嶸洲劉毅破柏立

於此又北流經黃軍浦相傳吳將黃蓋屯軍處

曹公城在縣東北二里梁武起義遣將曹景宗所築頭陀

寺在縣東南二里

鸚鵡洲在縣西南二里

永興縣縣西北至州四百里本漢鄂縣地吳大帝分立新陽縣隋

開皇九年改為富川十八年改為永興縣

石鼓山在縣西六十里上有三石鼓鳴天即雨

大江水在縣西北十五里

下雉故縣在縣東南一百四十里漢伍被謂淮南王安曰

守下雉之城絕豫章之口是也

陳永興故縣城東五十里東臨江水俗云伍子胥所築

武昌縣縣西至州一百七十里舊名鄂本楚熊渠封中子紅於此稱

王至今武昌人事鄂王神是也離騷云乘鄂渚而反顧漢

以為縣屬江夏郡武帝以封姊號鄂邑長公主建安二十

元和郡縣圖志卷之二十七

五年吳大帝以下雉尋陽新城柴桑沙羨武昌六縣為武昌郡黃武初自建業徙都廢黃龍九年於此即尊位還都建業皇太子登留守武昌以陸遜輔之嘉禾元年太子還建業立皇子奮為齊王居武昌諸葛恪不欲諸王處濱江兵馬之地徙居豫章甘露元年歸命侯又都之揚土百姓沂流供給以為患苦陸凱上疏曰武昌土地實危險而堵确非王都安國養人之處且童謠言寧飲建業水不食武昌魚寧還建業死不止武昌居於是還都建業改為江夏縣後為武昌

樊山在縣西三里謝玄暉詩曰釣臺臨講闕樊山開廣宴謂此也

西塞山在縣東八十五里竦峭臨江

孫權故都城在縣東一里餘本漢將灌嬰所築陶侃相溫為刺史並理其地

唐年縣上西北至州六百三里本漢沙羨縣地天寶二年分置唐年

縣

葛仙山在縣北六十里

壺頭山在縣東北六十里

下烏故縣西南一百六里因雋水為名

蒲圻縣上東北至州四百一十里本漢沙羨縣地晉武帝改為沙陽今

元和郡縣圖志卷之二十七



縣一里沙陽故縣城是也。吳大帝分立蒲圻縣，因蒲圻湖為名，本屬長沙郡。隋割屬鄂州。

赤壁山在縣西一百二十里，北臨大江，其北岬即烏林。與赤壁相對，即周瑜用黃蓋策焚曹公舟船敗走處。故諸葛亮論曹公危於烏林是也。

雋水源出縣東南。

大嶠水西北流入江。

蒲圻湖在縣南七十五里。

呂蒙城在縣西南八十里。孫權以蒙為橫野將軍，為周瑜破曹公定荊州於此鎮守。

沔州漢陽 開元戶五千二百八十六 鄉十二  
元和戶二千二百六十一 鄉十二

本漢安陸縣地。晉於今州西臨嶂山下置託陽縣，江夏郡。自上昶城移理焉。後郡又移理夏口，託陽縣屬郡下不改。入陳廢。隋開皇九年置成，十七年廢成，改置漢津縣，屬沔陽郡。大業二年改為漢陽縣。武德四年分沔陽郡於漢陽縣，置沔州及縣，並自臨嶂山下故城移於今理。

州境 東西二百五十二里 南北二百四十六里

八到 西至上都二千二百五十里 東渡江至鄂州七里

西北至隨州四百三十五里 西北至安州二百八十里

東北至東都二千四百四十里 西至復州竟陵縣三百四十里 西取桐嶼路至復州四百六十里 東北至黃州二百二十里

貢賦 關元貢 白綺布一端 元和貢 麻貨布一端

元和郡縣圖志卷之二十七

管縣二 漢陽 漢川

漢陽縣中郭下縣本末已具州序

魯山一名大別山在縣東北一百步其山前枕蜀江北帶

漢水山上有吳將魯肅神祠 臨嶂山在縣西六十里

大江水南自復州沔陽縣界流入去縣東二十步東北流

入黃州界

漢水一名沔水西自漢川縣界流入

純陽縣因此水為名

却月故城在縣北三里劉表將黃祖所守處

漢川縣中東至州一百五十里一本漢陽縣地武德四年分置漢川縣

固漢水為名也

內方山在縣南九十里

小別山在縣東南五十里春秋吳伐楚令尹子常濟漢而

陣自小別至於大別即此也

漢川水在縣南二里西北自鄂州界流入

赤壁草市在縣西八十里古今地書多言此是曹公敗處

今按三國志劉表卒其子琮代立在襄陽劉備屯樊琮降

曹公備隨南走曹公以江陵有軍實恐備先據得之自當

陽倍道追備一日夜行三百里遂克江陵又自江陵追備

至巴丘遂至赤壁孫權遣周瑜程普各領兵萬人與劉備

未敵曹公。曹公過於赤壁，因風縱火，曹公大敗，遂取華容道。步歸，退保南郡。瑜等復追之，曹公留曹仁守江陵，自徐北歸。據此而言，則赤壁不在漢川也。何則？曹公既從江陵水軍至巴丘，赤壁又在巴丘之下。軍敗，引還南郡。周瑜水軍退，並是大江之中，與漢川殊為乖繆。蓋是側近居人見崖岸赤色，因呼為赤壁，曹公敗處也。

安州

安陸中府

開元戶二萬二千二百二十八

元和戶一千八百一十八

鄉三十五

春秋時，鄭國後為楚所滅。漢為安陸縣。高帝六年，分南郡置江夏郡於此。領縣二十四。後漢移理沙羨。曹魏、齊、王莽時，王基為荊州，自城上徙徙江夏郡理之。以逼夏口。在今

州西北五十三里。山祖故城是也。江夏郡自後漢末，當吳魏二國之境。永嘉南遷後，又當符秦、石趙與東晉犬牙為界。自後魏、周、隋與宋、齊、梁、陳交爭之地。故江夏前史所載，或移於沙羨，或移於上祖，或移理魯山城。南北二朝兩置江夏郡。吳理武昌。曹魏與晉俱理安陸。故漢所理江夏郡，前書多言在安陸。其雲夢縣東南四里，涇水之北，有江夏古城。周所理，據山川言之。此城南近夏水，餘趾寬大。則前漢江夏郡所理也。宋武帝分江夏置安陸郡。後魏大統十六年，改為安州。

州境

東西二百一十九里，南北三百二十五里。

元和郡縣圖志卷之二十七

八到 西北去上都一千九百七十里

東至黃州三百一十里

西北至東都一千一百六十里

西北至隨州一百五十五里

東南至沔州二百八十里

貞賦

開元貞

紵布一十八疋

賦

綿紵

管縣六

安陸

應山

雲夢

孝昌

吉陽

應城

安陸縣

上郭下

本漢舊縣屬江夏郡隋改屬安州其城三重

西枕湏水

陪尾山一名橫山在縣北六十里禹貢云熊耳外方桐栢

至於陪尾即此也

湏水故清發水也西北自隨州流入注于沔謂之郟口春

秋吳敗楚於柏舉從之及于清發是也

雲夢澤在縣南五十里史記司馬相如傳曰楚有七澤其小者名雲夢方九百里左傳云邲之子女弃子於夢中無雲字云楚子濟江入雲中後無夢字以此推之則雲夢二澤本自別矣而禹貢及爾雅皆曰雲夢者蓋雙舉二澤而言之故後代以來通名一事故左傳曰敗於江南之雲夢也

應山縣

中南至州一百八里

本漢隋縣地梁大同以隋州北界應濃

山或置應州又分隋縣置永陽縣開皇十八年改永陽為

應山縣

石龍山在縣東北二十五里有石盤回屈曲若龍形

元和郡縣圖志卷之二十七

八

澧山關因古澧山縣為名武德八年縣廢即齊志所謂武陽關也在州東北二百四十里在縣東北一百三十里北至中州一百五十里

百雁關按圖經云者有雁息其上故以為名在州東北二百里在縣北九十里北至中州九十里東至澧山關一百里

平靖關因古平靖縣為名後魏大統十七年置隋大業二年廢齊志云義陽有三關此則其一在州北一百七十里在縣北六十五里北至中州九十里東至百雁關一百六十里

雲夢縣中北至州七十里本漢安陸縣地後魏大統末於雲夢古城置雲夢縣

雲夢澤在縣西七里事已具上

孝昌縣中西北至州本漢安陸縣地宋於此置孝昌縣屬江夏郡隋改安州也

吉陽縣中西至州一百三十里本漢安陸地梁於此置平陽縣其故城今理是也西魏改為京池縣隋大業二年改為吉陽因縣北吉陽山為名

應城縣中東北至州八十里本漢安陸縣地宋於此置應城縣故浮城縣在縣西北三十五里即古蒲騷城也左傳莫敖

狃於蒲騷之後，鄧人軍於蒲騷是也。後魏於此置浮城縣，隋廢。

孔山故城在縣東北一百二十里。

平靖故城在縣西四十里。

吉陽故城在縣北五十里。

黃州齊安

開元戶一萬三千七十三

鄉二十八

本春秋時邾國之地，後又為黃國之境。戰國屬楚，秦屬南郡。二漢為江夏郡，西陵縣地。魏為重鎮，文帝黃初中，吳先揚言欲攻於江北豫州刺史滿寵度其元襲西陽，遂先為之備，權聞之，尋亦退還。後吳克邾城，使陸遜以三萬人城

而守之。至晉為西陽國，封子弟為王。蕭齊於此置齊安郡。

開皇三年罷郡置黃州，因古黃國為名也。

州境東西二百一十里，南北三百三十七里。

八到：西北至上都二千二百八十里，東南至蘄州二百三十里，西南至鄂州二百三十里，南至大江一百步。

西北至東都一千四百七十里，西至安州三百一十里，北至光州二百六十里。

貢賦

開元貢

紵質布十疋

賦絹布綿麻

管縣三：黃崗、黃陂、麻城。

黃崗縣

郭上、郭下

本漢西陵縣地，故城在今縣西二里。蕭齊於

此置齊安縣，開皇十八年改為黃岡，因縣東黃岡為名。

大江水西自黃陂縣界流入，經州南一百二十八里，東入

蕪州界

故郟城在縣東南一百二十里古郟國也後為楚所滅漢以為縣

西陽故城在縣東南一百三十里漢縣也屬江夏郡

大活故城在縣北二百三十五里隋於此置關鎮

黃陂縣中東北至州一百二十里本漢西陵縣地三國時劉表為荊州

刺史以此地當江漢之口懼吳侵軼建安中使黃祖於此築城鎮過因名黃城鎮周大象元年改鎮為南司州并置黃陂縣隋初改為鎮後復為縣

白沙關西至大關六十里在州西二百四十里北至光州

界二十五里

大活關東北至光州二百八里西至安州澧山關一百里在縣北二百里

大江水在縣南一百一十九里西南自江夏縣界流入又東入黃岡縣界

武湖在縣南四十九里黃祖閱武習戰之所後宋謝晦舉兵叛為檀道濟所破賊走武湖成生執之即此地也

龍驤水在縣南七十二里相傳晉龍驤將軍王濬率舟師伐吳屯軍於此

石陽故城在縣西二十三里吳聞魏文帝崩征江夏圍石

陽不克而還即此也

安昌故城在縣西南七十里高齊築以捍陳寇

麻城縣中南至州一本漢西陵縣地梁於此置信安縣開

皇十八年改為麻城縣

龜頭山在縣東南八十里舉水之所出也春秋吳楚戰於

栢舉即此地也

穆陵關在縣西北八十八里置在穆山上

陰山關北至光州殷城縣二百里在州東北二百一十里

在縣東北一百一里西至穆陵關一百里

穆陵關西至白沙關八十里在州北二百里至光州一百

四十九里在縣西北一百里

蕲州蕲春

開元戶二萬六千八百九

鄉五十一

禹貢揚州之域春秋戰國並屬九江郡在漢為蕲春縣地

屬江夏郡三國時屬魏使廬江謝奇為蕲春典農屯皖

呂蒙襲擊破之後於吳復置蕲春郡晉孝武帝改白蕲陽

以鄭太后諱故也高齊於此立齊昌郡後陷於陳改為江

州周平淮南改為蕲州

州境東西三百三十九里

八到西北至上都二千五百一十里

東北至舒州二百五十里

東北至壽州三百七十里

西北至東都一千七百里

西北至黃州二百三十里



貢賦

開元貢

白細紵布

白紵布一十五端

管縣四

靳春

黃梅

靳水

廣濟

靳春縣

郭下

本漢舊縣屬江夏郡

因靳水以為名也晉改為靳陽開皇十八年復改靳春縣

靳水西南經縣三里源出東北大浮山一名靳山

翻車故城在縣東南八十二里九江王黠布背項籍歸漢

因築此城近翻車水因以為名

黃梅縣

上西至州一百四十里本漢靳春縣地隋開皇九年置新蔡

縣屬新州仁壽元年改為黃梅縣因縣北黃梅山為名縣

城晉驃騎將軍郭默所築

大江水在縣南一百里

太子湫在江之岨梁武帝初下建業留丁貴嬪於此生太子因以為名

九江故城在縣西南七十里漢九江王黠布所築

靳水縣

上東南至州七十二里

本漢靳春縣地宋於此置浠水縣北

齊改為蘭溪鎮武德四年改為縣天寶六年以名重改為

靳水縣也

廣濟縣

中西至州五十里

本漢靳春縣地武德四年以此地衝要

置永寧縣天寶元年以名重改為廣濟縣

江水在縣南一百二十里

元和郡縣圖志卷之二十七

十三

積布山在縣南一百里南臨大江壘石壁立形如積布故以為名俗謂之積布磯

岳州

巴陵下

開元戶九千一百六十五元  
和戶一千五百三十五

鄉二十一

本巴丘地古三苗國也史記三苗之國左洞庭右彭蠡春秋及戰國屬楚秦屬長沙郡吳於此置巴陵縣宋文帝又立為巴陵郡梁元帝改為巴州隋開皇九年改為岳州大業三年為羅州武德六年復為岳州

州境東西三百九十一里南北四百五十里

八到西北至上鄉二千二百二十五里西北至江陵府五百七十里

南至潭州五百五十里西至潭州四百四十里

西北至東都一千八百六十五里東北至鄂州五百一十里北至復州沔陽縣五百五十里

貢賦

開元貢元和貢

細絳布

賦麻絳布魚白絳練布七疋

管縣五

巴陵

華容

湘陰

沅江

昌江

巴陵縣上郭下本漢下雋縣之巴丘地也下雋屬長沙郡故城在今蒲圻縣界吳初巴丘置大屯戍使魯肅守之復改為巴陵縣自晉已後遂因之蜀志曰西增白帝之兵東益巴丘之戍又周瑜卒於巴丘皆此地也昔羿屠巴蛇於洞庭其骨若陵故曰巴陵

君山在縣西三十里青草湖中昔秦始皇欲入湖觀衡山遇風浪至此山上泊因號焉又云湘君所遊止故名之大江在縣北五里

巴陵城對三江口。岷江為西江，澧江為中江，湖湘江為南江。

彭城洲在縣東北九十四里。宋元嘉三年，荊州刺史謝晦反，臺遣劉彥之進討，軍次彭城洲，彥之軍敗，退保隱磯，即此處也。

侯景浦在縣東北十二里，本名三湘浦。景既克建業，自統兵西趣荆陝，先遣其將朱子仙任約襲郢州，湘東王繹令王僧辯拒之，景軍大敗，燒營退走。天監中，寶誌道人為符書云：起自汝蔡，訖于三湘。侯景東起于懸瓠，汝水之南而敗於巴陵，三湘之浦也。

洞庭湖在縣西南一里五十步，周迴二百六十里，湖口有一洲名曹公洲。曹公征荊州還於巴丘，過疾，燒船歎曰：郭奉孝在不使孤至此。

巴丘湖又名青草湖，在縣南七十九里，周迴二百六十五里。俗云即古雲夢澤也。

澧湖一名翁湖，在縣南十一里。爾雅云：河水決出還復入者為澧。左傳定公四年，吳人敗楚於雍澨，五戰入郢，即此是也。

陶侃故城在縣東北八里。

華容縣中東至州一百六十里。一本漢孱陵縣地，吳分置安南縣，隋平

陳以縣屬岳州開皇十八年改為華容縣

方臺山在縣南三十二里出雲母徑有長四尺者可以為屏風掘時忌有聲响則所得麈尾

赤亭湖在縣南八十里侯景攻巴陵遣將任約等入湖湘東王使胡僧祐陸法和夜以大艦過湖口因風縱火鼓譟而前賊窮聚湖中俄然崩潰即此也

赤亭故城在縣西南七十里城據絕景原三面臨水極為阻隘梁湘東王遣胡僧祐據城以擒任約

湘陰縣中下北至州本春秋時羅子國秦為羅縣今縣東北六十里故羅城是也宋元徽二年分益陽羅湘西三縣

### 立湘陰縣

玉筍山在縣東北七十五里屈原放逐居此山下而作九歌焉

湘水南自長沙縣界流入又北入青草湖昔王延壽有異才年二十而得惡夢作夢賦年二十一溺死於湘浦即斯川也湘水至清雖深五六丈了了見底

泊水東北自洪州建昌縣界流入西經玉筍山又西經入羅國故城為屈潭即屈原懷沙自決之所又西流入于湘水

舜二妃冢在縣北一百六十三里青草湖上

屈原冢在縣北七十一里

沅江縣中下東北至州三百七十里本漢益陽縣地梁元年分置重華

縣隋平陳改為安樂縣開皇末又改為沅江縣

關州在縣東南五十八里建安二十年孫權以先主得蜀

使二求荊州先主言須得涼州相與權患之乃遣呂蒙襲

長沙零陵桂陽三郡先主引兵五萬下公安令關羽入益

陽此州蓋羽屯兵之處故以為名

沅江水西北自龍陽縣界流入與華容縣中分為界

昌江縣中下西北至州六百五十里後漢分長沙為漢昌縣孫權改為

吳昌縣神龍三年析湘陰於故吳昌城改置昌江縣

汨水在縣東北四十里

元和郡縣圖志卷第二十七 終

元和郡縣圖志卷之二十七

七

元和郡縣圖志卷第二十八

江南道四

江西觀察使

洪州

饒州

虔州

吉州

江州

袁州

信州

撫州

宣歙觀察使

宣州

歙州

池州

洪州

豫章望都督

開元戶五萬五千四百五十九  
元和戶九萬一千一百二十九

鄉九十四  
鄉一百一十

今為江南西道觀察理所

管州八

洪州

饒州

虔州

吉州

江州

袁州

信州

撫州

管縣三十八

都管計戶二十九萬三千一百八十

禹貢揚州之域春秋時楚之東境吳之西境七國時全為楚地秦滅為九江郡惠帝元康二年於郡理立江州晉元帝時江州自豫章移理武昌郡自後或理湓城或理尋陽或理半洲並在湓城側近隋開皇九年平陳置洪州因洪崖井為名武德二年改為總管府七年改為都督府

州境 東西一千六百一十五里 南北一千一百五十五里

八到 西北至上都三千八百七十五里 西至東都二千二百七十五里 東至饒州四百四十里 西至潭州一千一百三十五里 東至撫州二百一十九里 北至江州六百三十里

貢賦 元開元貢 葛 紵布 丹參 旋覆花 元和貢 細葛布一十五疋

管縣七 南昌 高安 新吳 豐城 建昌 武寧

分寧

南昌縣 望 郭下 漢高六年置隋平陳改為豫章縣實應元年

六月改為鍾陵縣十二月改為南昌縣

高安縣 繫東至州一 本漢建城縣武德五年改為高安仍

於縣置清州八年廢州復為縣屬洪州

新吳縣 上 東至州一 後漢靈帝中平中分海昏縣置開皇

九年省入建昌武德五年又置舊隸楚今新屬吳故曰新

吳

豐城縣 上 北至州一 本漢南昌縣地晉武帝太康元年移

元和郡縣圖志卷之二十八

於今縣南四十一里名豐城即是雷孔章得寶劍處也

建昌縣緊北至州一百二十里東三里故海昏城即漢昌邑王賀所

封今縣城則吳太史慈所築

武寧縣上東至州三百六十里長安四年割建昌界置

分寧縣上東南至州六百五十里貞元十六年刺史李巽奏分武寧縣

西界置因名焉

饒州鄱陽開元戶一萬四千六十二元和戶四萬六千一百一十六鄉二十鄉六十九

本秦鄱陽縣也屬九江郡鄱陽記云在揚州已午之間孫

權分豫章立為鄱陽郡梁承聖二年改為吳州至陳光大

元年省吳州依舊置郡隋開皇九年平陳改鄱陽為饒州

其城即吳芮為番令所居城

永平監置在鄆下每歲鑄錢七千貫

州境東西六百五十九里南北四百六十一里東至南至

八到西北至東都二千三百二十里西至北至

貢賦開元貢楚金楚金紵布杭米

管縣四 鄱陽 餘干 樂平 浮梁

鄱陽縣上郭下秦置孫權分豫章置鄱陽郡理於此晉武帝

改為廣晉隋開皇九年改廣晉為鄱陽以在鄆水之北故

曰鄱陽

餘干縣上東至州一百里漢餘汗縣淮南王云田於餘汗是也縣

元和郡縣圖志卷之二十八



因餘汗之水為名開皇九年去水存干名曰餘干

樂平縣上西至州一本漢餘汗縣地後漢靈帝於此置樂

平縣南臨安江北接平林因曰樂平

銀山在縣東一百四十里每歲出銀十餘萬兩收稅山銀

七千兩

浮梁縣上西南至州武德五年析鄱陽東界新平縣尋廢

開元四年刺史韋玠再置改名新昌天寶元年改名浮梁

每歲出茶七百萬馱稅十五餘萬貫

虔州南康開元戶三萬二千八百三十七鄉五十七

孫權嘉禾五年分廬陵立南部都尉理零都晉武帝太康

三年罷都尉立為南康郡至永和五年移理贛開皇九年

平陳罷為南康郡為虔州大業三年罷虔州復為南康郡

武德五年又再置虔州蓋取虔化水為名也

州境東西北一千四百二里

八到西北至上都一千一百二十五里

東至建州一千五百八十五里

西至郴州一千一百一十二里

南至循州一千六百一十四里

北至吉州四百七十四里

貢賦開元貞絳布乾薑

元和貞絳布蠶梅

管縣 贛縣 南康 信豐 大庾 零都 虔化

贛縣上郭下。貢水西南自南康縣來。章水東南自寧都縣來。

二水至州北合而為一。通謂之贛水。因為縣名。

南康縣上東北至州八十里。本漢灌嬰所置南壄也。屬豫章郡。獻帝

初平二年析南壄置南安縣。晉太康五年改為南康。

信豐縣上北至州一百九十五里。獻帝初平二年分南壄立南安縣。晉

武帝改為南康。永淳元年析南康更置南寶。天寶元年改

為信豐。

大庾縣上東北至州二百二十里。南康記云。前漢南越不賔遣監軍姓

庾討之。築城於此。因之為名。隋以為鎮。神龍初廢鎮為縣。

寧都縣上西北至州一百七十里。漢初所置。因寧都水為名。

虔化縣上西南至州四百七十六里。本漢贛縣地。吳寶鼎三年初置新

都。晉太康元年改為寧都。隋開皇改寧都為虔化。

安遠縣上西北至州五百二十里。梁大同中於今縣南七十里安遠水

南置安遠縣。開皇中廢。貞元四年刺史路應重奏分寧都

縣地置

吉州上廬陵。開元戶三萬四千四百八十一。鄉七十四。元和戶四萬一千二十五。鄉六十九。

本秦廬陵屬九江郡。獻帝興平二年分豫章於此置廬陵

郡。晉太康中移郡於石陽縣。今舊州東北故城是也。隋開

皇中改廬陵為吉州。有吉州因為名焉。

州境東西四百二十里。南北六百九十二里。

元和郡縣圖志卷之二十八

八到西北至上都三千六百五里

東北至都二千七百九十里

西至衡州九百一十里

南至虔州五百二十里

北至洪州五百七十六里

貢賦

開元貢

白紵布

茶

陟釐

管縣五 廬陵 安福 永新 太和 新淦

廬陵縣上 本漢石陽縣 晉移郡於此 隋改為州 又改名

石陽縣為廬陵 因廬水為名

安福縣上 東至州一百二十里 本漢安平縣 後漢改為平都郡 屬廬

陵 吳分置安城郡 隋廢郡為安復縣 武德中改為安福縣

永新縣東 北至州一百二十里 本漢廬陵縣地 吳歸命侯所置 屬安

城郡 隋開皇中廢 明慶四年又依舊置

太和縣上 北至州一百里 隋開皇九年平陳 分廬陵縣置西昌縣

十年改為太和

新淦縣上 南至州二百七十里 本漢舊縣 豫章南部尉所居 縣有淦水

因以為名 陳割屬巴山郡 開皇中廢郡 縣屬吉州

江州上 海陽 開元戶二萬一千八百六十五 鄉四十一

禹貢荆揚二州之境 揚州云 彭蠡既豬 今州南五十二里

彭蠡湖是也 荊州云 九江孔殷 今州西北二十五里 九江

是也 然彭蠡以東為揚州界 九江以西屬荊州界 春秋時

為吳之西境 吳後為楚 滅後為楚地 秦屬廬江郡 漢屬淮

元和郡縣圖志卷之二十八

六

南國晉太康十年以荆揚二州疆域曠遠難為統理分豫  
章鄱陽廬江等郡之地置江州因江水以為名理豫章至  
惠帝分廬江之潯陽武昌之柴桑置潯陽郡自東晉元帝  
至蕭齊或理半洲至陳武帝於潯陽置西江州復理豫章  
文帝天嘉元年省西江州江州自豫章復理潯陽隋文帝  
平陳置江州總管移理淦城大業三年罷江州為九江郡  
武德四年討平林士弘復置江州五年又置總管七年改  
為都督貞觀二年罷都督府州理城古之淦口城也漢高  
帝六年灌嬰所築漢建安中孫權經此城權自標地令人  
掘之正得古井銘云漢六年顏陰侯開井云三百年當塞

後不滿百年當為應運者所開權以為已瑞井極深大江  
中風浪井水輒動晉咸和四年後將軍郭默殺平南劉胤  
叛於此城陶侃討默築以攻之默乃以布囊盛米為壘以  
應陶今稱云陶公壘

州境東西五百九十九里  
南北一百七十七里

八到西至上都二千七百六十里  
西北至東都一千九百五十里  
東至宣州一千八百里  
西至鄂州五百九十三里  
南至洪州三百二十五里  
西北至蘄州二百八十九里

貢賦開元貢葛  
元和貢錄  
生石斛

管縣三 潯陽 彭澤 都昌

潯陽縣縣下本漢舊縣屬廬江郡居在潯水之陽故曰潯陽隋平陳改潯陽為彭蠡縣大業二年改潯城縣武德五年復改為潯陽縣

廬山在縣東三十二里本名鄣山昔匡俗字子孝隱淪潛景廬於此漢武帝拜為大明公俗號廬君故山取號周環五百餘里

巢湖故城在縣東四十二里按楚有二巢在廬江六餘縣其南巢築所奔處蓋此地

柴桑故城在縣西南二十里

半洲故城在縣西九十里按吳將孫慮黃武二年出鎮於

此築城

宮亭湖神廟在縣東南九十里

彭蠡縣上西南至州二百里本漢舊縣屬豫章郡置彭蠡湖南因以為名開皇元年廢彭澤別置龍城縣至十八年又改為彭澤縣

澤縣

馬當山在縣東北一百里橫入大江甚為險絕往來多覆

溺之懼

江水西自都昌縣界流入經縣北二十五里東北流入秋

浦縣界

都昌縣上西北至州一百五十里本漢彭澤縣地武德五年分置都昌

元和郡縣圖志卷之二十八

縣以縣北有都村配以昌字取嘉名也

彭蠡湖在縣西六十里與潯陽縣分湖為界

釣磯山在縣南百一十二里昔陶侃常釣此得一梭化為

龍而去

彭澤故城在縣北四十五里晉陶潛為令理此城

左里故城在縣西南九十五里盧循為宋祖所敗自蔡洲

南走還此潯陽聞大軍將至欲走豫章乃悉力柵斷左里

及大軍至將戰高祖所執麈竿折幡沉水眾懼公笑曰

往年覆舟之戰幡竿亦有折今者復然賊必破矣即進攻

柵賊投水死者萬餘人遂大破

袁州宜春

開元戶二萬二千三百三十五  
元和戶一萬七千一百二十六

鄉四十一  
鄉四十一

本秦九江郡地在漢為宜春縣屬豫章郡晉平吳後屬荆

州東晉已來屬江州開皇十一年置袁州因袁山為名大

業三年罷袁州為宜春郡武德五年討平蕭銑復置袁州

州境東西五百二十六里  
南北二百二十五里

八到西北至上都二千九百七十二里  
西北至東都二千七百七十里

東至洪州七百四十里  
西至潭州五百二十六里

南至吉州三百一十七里  
北至洪州五百二十五里

貢賦

開元貢 紵麻布

管縣三 宜春 新喻 萍鄉

元和郡縣圖志卷之二十八

宜春縣上。本漢舊縣。灌嬰定江南所築城。晉武太康元年以太后諱春改為宜春縣。隋開皇十一年於縣置袁州。移縣於城東五里。復改為宜春。

新喻縣上。西南至州一百五十里。本漢宜春縣地。吳孫皓分置新喻縣。因

渝水為名。今日新喻因聲變也。

萍鄉縣上。東至州一百四十二里。本漢宜春縣地。吳寶鼎二年分立萍

鄉。先隸吉州。開皇十一年屬袁州。以地多生萍草。因以為

名。

信州上。饒中。元和戶二萬八千七百一十。鄉六十四。

本漢餘汗之地。三國時又分鄱陽郡葛陽縣之地。陳改為

弋陽。今州所理在弋陽縣東一百里。乾元元年祖庸使洪

州刺史元載奏置。

州境東西南北

八到西北至上都三千六百三十里

西北至東都三千八百二十里  
東至衢州二百五十里  
西北至饒州五百里  
東南至建州五百里

貢賦元和貢 綿 藤紙

管縣五 上饒 玉山 弋陽 永豐 貴溪

上饒縣上。本吳所置。隋平陳省。乾元二年重立。

玉山縣上。西至州九十里。證聖二年分常山、須江等縣置。乾元二

元和郡縣圖志卷之二十八

年自衢州割入信州

弋陽縣上東至州一百里後漢分餘汗東界立葛陽縣自吳至陳

並屬鄱陽郡開皇中因失印改為弋陽縣乾元二年自饒

州割屬信州

永豐縣中西北至州四十五里本弋陽縣進賢鄉永豐里之地乾元

元年置因里為名

貴溪縣上東至州二十里永泰元年洪州觀察使李勉奏割樂

平餘干二縣在貴溪口因以為名

撫州臨川

開元戶二萬四千九百八十八元和戶二萬四千七百六十七

鄉四十八鄉五十一

本禹貢揚州之境秦屬九江郡漢屬豫章吳太平中改置

臨川郡隋開皇九年改為撫州大業十二年又改為臨川

縣武德五年又改為州

州境東西北西四百七十八里

八到北至東都二千四百九十五里

東至饒州四百七十里

南至吉州四百五十六里

南至虔州一千三百八十里

北至洪州二百四十里

貢賦開元貢葛十疋元和貢葛十疋

管縣四臨川南城崇仁南豐

臨川縣上郭下後漢和帝永元八年析南城縣為臨安縣開

皇九年改為臨川縣

元和郡縣圖志卷之二十八



南城縣上東南至州一百三十里漢分豫章郡立為南城縣

崇仁縣上東北至州一百里本漢臨汝縣之地吳少帝太平二年分

臨汝為新建縣屬臨川郡梁普通三年改巴縣開皇中改

為崇仁

南豐縣上西北至州二百六十里本漢南城縣地吳少帝分以為南豐

縣隋平陳省入南城景雲二年又置先天二年又廢開元

八年復置

宣州宣城

開元戶八萬七千二百三十一

鄉一百六十七

今為宣歙觀察理所

管州三 宣州 歙州 池州

管縣二十

都管戶九萬一千七百六

禹貢揚州之域春秋時屬楚秦為鄣郡漢武改為丹陽郡

領縣十七理宛陵即今理是也漢有銅官輿地志云定陵

縣銅官山者漢採銅所治也漢順帝立宣城郡東晉或理

蕪湖或理姑孰或理赭圻開皇九年平陳改郡為宣州移

於今理武德二年置總管府七年改為宣城郡乾元二年

復為宣州之理城周封楚子熊繹於此漢丹陽郡亦治此

城俗傳晉相彞所築

州境東西四百八十六里

八到西北至上都取潤州路三千七十里

西北至東都取和淞路二千一百五十里

正北微東至潤州四百里

正南微西至和州二百五十里南至池州三百四十里

西渡江至廬州六百四十里

負賦開元負絳綺等物與淮南兩浙相比自負元後常貢之外別進五色線

管縣十宣城南陵涇縣當塗溧陽溧水

寧國廣德太平旌德

宣城縣望下本漢宛陵縣屬丹陽郡後漢順帝置至晉

屬宣城郡隋自宛陵移於今理

敬亭山州北十二里即謝眺賦詩之所

青弋水州西九十九里

南陵縣望東至州一百里本漢春穀縣地梁於此置南陵縣仍於

縣理置南陵郡隋平陳廢郡縣屬宣州

鵲頭鎮在縣西一百一十里即春秋時楚伐吳敗於鵲岸

是也沿流八十里有鵲尾洲吳時屯兵處

梅根監在縣西一百三十五里梅根并宛陵監每歲共鑄

錢五萬貫

銅井山在縣西南八十五里出銅

利國山在縣西一百一十里出銅供梅根監

戰鳥山在縣西北一百二十里臨大江本名孤圻山昔相

溫于緒圻討賊屯軍山下夜中衆鳥鳴賊謂官軍已至一

元和郡縣圖志卷之二十八

時驚潰因以為名

春穀故城在縣西一百五十里

赭圻故城在縣西北一百三十里西臨大江吳所置赭圻屯處也晉哀帝時相溫領揚州牧入朝恭政自荊州還至赭圻詔止之遂城赭圻鎮焉後城被火災乃移鎮姑熟涇縣繫東北至州一百五里本漢舊縣因涇水以為名屬丹陽郡晉屬宣城郡武德七年於此置猷州八年廢以縣屬宣州陵陽山在縣西南一百三十里陵陽子明得仙處微嶺山在縣東南二百五十里涇水所出也蓋山在縣西南二百八十里下有舒姑泉昔舒氏女化為

此泉聞絃歌則有雙鯉湧出

當塗縣繫東南至州一百九十三里一

本漢丹陽縣地其當塗縣本屬九

江郡漢為侯國左傳禹會諸侯塗山注云在壽春東北以塗山為邑故以為名焉晉武太康初分丹陽置于湖縣成帝時以江北之當塗縣流人過江在于湖者僑立為當塗縣屬淮南郡大業十年廢于湖縣以當塗屬宣州

牛渚山在縣北三十五里山突出江中謂之牛渚圻津渡處也始皇二十七年東巡會稽道由丹陽至錢塘即從此渡也晉左衛將軍謝尚鎮於此温嶠至牛渚燃犀照諸靈怪亦在于是

博望山在縣西三十五里與和州對峙江西岸曰梁山兩山相望如門俗謂之天門山上皆有却月城宋車騎將軍王玄謨所築

赤金山在縣北一十里出好銅與金類淮南子食貨志所謂丹陽銅也

九井山在縣南十里殷仲文九日從相溫登九井賦詩即此山也

龍山在縣東南十二里相常與僚佐九月九日登此山宴集

丹陽湖在縣東南七十九里周迴三百餘里與溧水分湖為界

蕪湖水在縣西南八十里源出丹陽湖西北流入于大江漢末湖側亦嘗置蕪湖縣吳將陸遜晉謝尚王敦皆嘗鎮此

姑熟水在縣南二里縣名因此

慈湖在縣北六十五里吳將竺融於此屯兵晉成帝咸和二年陶侃與蘇峻戰于慈湖侯景之亂兵至慈湖梁人聞之大恐

採石戍在縣西北三十五里西接烏江北連建業城在牛渚山上與和州橫江渡相對隋師伐陳賀若弼從此渡隋

平陳置貞觀初次鎮為戍

溧陽縣緊西南至州二百四十里本漢舊縣屬丹陽郡以立溧水之陽

為名吳特置屯田於此隋屬蔣州注今潤州上元縣西石頭城是蔣州理也又屬潤州大業二年屬宣州

平陵山在縣南十八里晉成帝時李完圍韓晃於此山斬

之高四十八丈

溧水在縣南六里

溧水縣上南至州二百二十五里本漢陽縣地隋開皇十一年宇文述

割溧陽之西丹陽之東置

中山在縣東南一十五里出兔鹿為筆精妙

丹陽湖在縣西南二十八里與當塗縣分中流為界

因城湖在縣南一百里周迴九十里多蒲魚之利

寧國縣上西北至州一百一十里本後漢末分宛陵南鄉置屬丹陽郡

晉屬宣城郡其後武德中廢天寶三年復置

五湖水在縣東北四里

廣德縣緊西至州一百六十五里後漢分故鄣縣置屬丹陽郡宋為經安

縣仁壽三年屬湖州大業二年移於今理屬宣州至德二

年改名廣德

桐汭水在縣西五十里春秋楚子期伐吳至桐汭是也

太平縣上東北至州二百八十里本涇縣地天寶四年宣城郡太守李

元和郡縣圖志卷之二十八

和上奏割涇縣西南十四鄉里

黃山在縣西南四十里上有泉水側多黃連

旌德縣上北至州二本太平之地以縣界闊遠永泰土賊

王方敵據險作叛招討平之奏分太平置旌德縣

歙州新安開元戶三萬一千九百六十一元和戶一萬六千七百五十四鄉七十二

禹貢揚州之域春秋時屬越秦皇為丹陽郡歙縣之地其

後或屬新都或隸新安郡或立新寧郡隋開皇十二年置

歙州武德中置都督貞觀廢

州境東西四百一十九里

八到西北至上都取陸路四百八十五里取宣州潤州路二千四百五十里

東至杭州四百七十里 東至睦州三百七十里 西南至饒州七百里 正北微東至宣州三百里

貢賦開元貢 元和貢 紵 麻布一十五疋 竹簾

管縣六 歙縣 黟縣 休寧 婺源 績溪 祁門

歙縣上郭下本秦舊縣也縣南有歙浦因以為名晉後屬新

都郡或屬新安郡或屬新寧郡隋初省十一年又置十二

年置歙州及縣

北黟山在縣西北二百六十八里宣歙二州分界處

布射山一名勤山在縣北二十里吳志歙賊金奇萬戶屯

於此

烏聊山在縣東南二百六步上有毛甘故城後漢末賊毛

元和郡縣圖志卷之二十八

甘萬戶屯於此吳將賀齊討平之

浙江西自休寧縣界流入

黟縣上東至州一本漢舊縣理在黟川因以為名屬丹陽

郡隋平陳省入休寧縣十一年復置隸宣州十二年改隸

歙州按縣南有墨嶺出墨石又昔貢柿心木縣由此得名

說文黟字從黑旁多後傳誤遂寫黟字

林歷山在縣西南一百五十里昔吳大帝使賀齊討黟歙

山賊之帥陳僕祖山等二萬戶屯北山之四面壁立高數

十丈徑路危狹不容方楯賊乘高下石不可得攻齊乃陰

募輕健士密于隱險賊所不備處以戈帖山為緣道夜令

勇士潛上懸授人遂大破之忽賊中有善禁者官軍刀劍

不得拔弓弩矢發多還自向賀齊令曰吾聞虫有毒者兵

有刃者可禁其無刃者不可禁乃多作韌木白楮選異力

精卒五千人攻之禁果不行賊遂大敗

休寧縣上東至州六十六里本秦歙縣地屬丹陽郡後漢建安中賀

齊封黟歙山賊分休陽縣其後頻有改易隋開皇九年改

為休寧縣屬婺州十二年屬歙州

橫郭山在縣東南八十四里

浙江一名浙江源出縣東南橫郭山東流經歙縣又東南

入睦州界

元和郡縣圖志卷之二十八

婺源縣上東北至州二百九里本休寧縣西南界開元二十六年平

妖賊洪氏始置此縣以婺源水遠城三面因以為名

善山在縣南五十里與惡山隔溪相對俗謂之夫婦山

績溪縣中下西南至州六十六里本梁大通元年於此置梁安縣武德

中廢大曆二年刺史長孫全緒奏分歙縣置此縣北有乳

溪與徽溪相去一里並流離而復合有如績焉以為名

祁門縣中下東至州一百七十九里一本古昌門地漢黟縣之南境永泰

元年草賊方清於此為置昌門縣以為守備刺史長孫全

緒討平之因其舊城置縣趾其舊號以縣東北一里有祁

山因改為祁門縣大曆五年又移於東面臨大溪西枕小

山

池州池陽下元和戶一萬七千五百九十一鄉三十四

本漢鄣郡之域吳於此置石城縣梁昭明太子以其水魚

美故封其水為貴池今城西枕此水隋廢石城縣入南陵

縣開皇中於此置秋浦縣永泰二年江西觀察使李勉奏

置池州因武德四年總管左難當所奏舊名取貴池以為

州號也

州境東西南北

八到西北至上都取宣州路三千四百一十里取江州路二千五百三十里

西北至東都取宣州路二千五百一十里取江州路二千五百三十里

東北陸路至宣州三百四十里



貢賦

管縣四 秋浦 青陽 至德 石棗

秋浦縣上郭下 隋開皇十九年於石城故城置屬宣州永泰

二年李勉奏置池州新縣屬縣

烏石山在縣西一百四十里應德初為賊陳庄方清所據

赤條破平之

大江水在縣北七里

貴池水在縣西七里

秋浦水在縣西八十里

青陽縣上西南至本漢涇縣地天寶元年洪州都督徐輝

奏於吳所立臨城縣南置屬宣州在青山之陽為名永泰

二年隸池州

至德縣中東北至州本漢石城至德二年刺史宋若思奏

置因年號為名初屬尋陽郡乾元元年改屬饒州永泰三

年割屬池州

堯城在縣南四百里

舜城在縣北二十里舊傳兩帝南巡至此

石棗縣中西北至本漢丹陽郡地至吳大帝封韓當為石

棗城侯因此置縣其後屢有廢興永泰二年洪府都督李

元和郡縣圖志卷之二十八

勉奏割秋浦青陽涇三縣於吳所置陵陽城南五里置  
陵陽山在縣北三十里賓子明於此得仙  
石棣在縣西北一百三十里有兩橫石壅江有如棣鳥因  
名之

元和郡縣圖志卷之二十八終

元和郡縣圖志卷第二十九

江南道五

湖南觀察使 潭州 衡州 郴州 永州 連州

道州 邵州

福建觀察使 福州 建州 泉州 漳州 汀州

潭州 長沙 中都督府 開元戶二萬一千八百 元和元一萬五千四百四十四 鄉六十九

今為湖南觀察理所

管州七 潭州 衡州 郴州 永州 連州 道州

邵州

禹貢荊州之域春秋為黔中地楚之南境秦并天下分黔  
元和郡縣圖志卷之二十九

中以南之沙鄉為長沙郡以繞湘川下言長沙郡地者皆南境按東方南郡有萬里沙祠自湘川至東萊地可萬里故曰長沙漢初以吳芮有功封長沙王至景帝封其子發為王因入朝有詔諸王起送舞王但張裒而已帝恠而問之對曰臣國地狹小不足以回旋帝悅益以武陵桂陽二郡自漢至晉並屬荊州懷帝分荊州湘中諸郡置湘州南以五嶺為限北以洞庭為界漢晉以來亦為重鎮今按其俗雜有夷人名徭自言先祖有功免徭役也隋開皇九年平陳改為潭州取昭潭為名也又置總管府大業中罷牧置都尉府三年罷長沙郡武德四年又置潭州總管府也

年改為都督府

州境東西一千六十里南北五百七十五里八到西北至上都二千四百四十五里正南微東至衡州四百六十五里里北至岳州水路五百五十里東至洪州九百八十里東南至袁州五百二十五里

貢賦開元貢葛布十五疋元和貢絲葛十五疋

管縣六 長沙 醴陵 瀏陽 益陽 湘鄉 湘潭

長沙縣繫郭下本漢臨湘縣屬長沙國隋改為長沙縣屬潭

州

嶽麓山在縣西南隔湘江水六里蓋衡山之足也故以麓為名

雲母山在縣北九里列女傳長沙雲母服之不朽也銅山在縣北百里楚鑄銅處

昭山在縣南七十里臨湘水下有旋潭甚深無底州之得名因此也

湘水南自衡山縣界流入於岳州湘陰縣界

故尉城在縣西北七十里孫權發程普為長沙縣西部都尉以防樊羽因立此城

故陶闕在縣西南五里晉杜弢據湘州反陶侃討之因置此城

賈誼宅在縣南四十步

吳芮墓在縣北四里

陶侃墓在縣南二十三里

醴陵縣中下西北至州本漢臨湘縣地禹貢岷山導江東

別為沱又東至於醴是也後漢置此縣屬長沙郡吳封顧雍為長沙侯而家人不知是也隋平陳省入長沙武德年復置

瀏陽縣中下西至州本漢長沙縣地吳置瀏陽因縣南瀏

陽水為名隋平陳廢景龍二年復置

益陽縣上東南至州本漢舊縣屬長沙國在益水之陽因

名隋平陳屬潭州

瀕水一名茱萸江南自邵州流入經縣南三十步縣西有

關羽瀨南對甘寧故壘昔羽屯兵水北孫權令魯肅甘寧拒於此水寧謂肅曰羽聞吾咳唾之聲必不敢渡則成擒也羽夜聞寧分處曰與霸聲也遂不渡茱萸江蓋水在縣東南蓋山東北流入瀕水

關羽故壘在縣西一十五里

湘鄉縣繫西北至州本漢湘南縣之湘鄉也後漢立為縣

屬零陵郡自吳至陳並屬衡陽郡隋省入衡山縣武德四

年復置

石魚山其石色若雲母開族一重若魚形刻畫燒之作魚

膏鼻在縣西四十五里

龍山有鍾乳穴在縣南二百四十里水在縣南四十五

里煮水一石得鹽五升

湘潭縣繫東北至州一百四本漢湘南縣地吳分立衡陽

縣晉惠帝更名衡山歷代並屬衡陽郡隋改屬潭州天寶

八年改名湘潭

涓湖溉良田二百餘頃縣西七十里

湘水經縣理東

衡州衡陽開元戶一萬三千五百一十三鄉四十四元和中戶一萬八千四十七鄉四十四

秦屬長沙郡漢為鄱縣地吳分長沙之東郡為湘東郡晉

以郡屬湘州開皇九年罷郡為衡州以衡山為名

州境東西六百五十里

八到西北至上都二千九百五里

東北至吉州九百一十里

貞賦元開元貞金水銀大麻紵絲

管縣六 衡陽 攸縣 茶陵 耒陽 常寧 衡山

衡陽縣縣下本漢鄱縣地吳分置臨蒸縣屬衡山郡天寶

初更名衡陽郡縣仍屬縣城東傍湘江北背蒸水响樓

山即衡山也在縣北七十里

湘水西南自永州祁陽界入

蒸水至臨蒸縣北東注于湘謂之蒸口

鄱湖在縣東二十里可釀為酒晉紀武帝平吳薦鄱酒于

太廟是也

蒸陽故城在縣西一百七十里

攸縣下西南陸路至州本漢舊縣武德四年分湘潭縣置

以北帶攸溪為名

茶陵縣西南水路至州本長沙縣界齊永明七年入湘東

郡開元九年為湘潭縣武德四年置茶陵縣貞觀九年廢

聖曆元年復舊以南臨茶山縣以為名

耒陽縣西北至州一本秦縣因耒水在縣東為名漢屬桂

陽郡隋改為耒陽屬衡州後漢蔡倫即此縣人有宅基在

元和郡縣圖志卷之二十九

縣西一里

雨瀨在故縣西南每旱賽之則雨降

常寧縣下西北至州陸路一百八十里本秦耒陽縣地吳分耒陽置新平

縣宋元徽中三洞蠻抄掠州縣遂移就江東因蠻寇止息

遂號新寧即今理是東俯潭水西枕宜江天寶元年改名

為常寧湘水在縣北六十里

衡山縣上西南至州一百二十里本漢陰山縣以縣東百二十里有陰

山為名至梁武天監中分陰山立湘潭縣天寶八年改為

衡山湘水在縣東

衡山南嶽也一名岫嶺山在縣西三十里南嶽記云衡山

者朱陵之靈臺火臺之寶洞又云赤帝館其嶺祝融託其

陽以其宿當翼軫度應機衡故為名又曰上如車蓋及衡

軛之形山高四千一十丈

衡岳廟在縣西三十里南嶽記曰南宮四面皆絕人獸莫

至周回天險無得履者漢武帝移於江北置山隋文帝復

移於今所

郴州桂陽中

開元戶三萬二千一百七十六元和中戶一萬六千四百三十七

鄉五十

東漢長沙郡地漢分長沙南境立桂陽治郴縣領一縣隋

平陳改為郴州大業中復為桂陽郡武德四年為郴州桂

陽監在城內每年鑄錢五萬貫

元和郡縣圖志卷之二十九

州境 東西五百九十六里 南北三百三十三里

八到 東至虔州一千二百七十五里 西北至上都三千二百七十五里

北至東都三千一十五里 西至道州五百三十五里

東南至韶州四百一十里 西北至衡州三百七十一里

貢賦 開元貢 元和貢 同 細白紵

管縣八 柳縣 義章 義昌 平陽 資興 高亭

臨武 藍山

柳縣 郭下 本漢舊縣 項羽從義帝之所都也 歷代屬柳陽

郡 隋屬柳州

馬嶺山 在縣東北五里 昔蘇眇學道於此 得仙 其舊宅在

州東半里 俯臨城 餘跡猶存

石井山 在縣東北八十里 有風母獸 既死 張口向風 則生

劉洞 在縣西北二十三里 出偃鼠如牛 將為災 乃出獻詠

散落其尾 悉為小鼠

涑水 自柳侯山注來

程鄉 吳錄云 程鄉出酒

橫溪水 俗謂之貪泉 飲者輒冒于貨財

柳水 出經縣東一里

溫水 在縣北 常溉田 十二月種 明年三月熟 又可一歲三

熟

義帝祠 在縣南一里 墓在縣西一里

元和郡縣圖志卷之二十九



義章縣中下西北至州一百一十五里本漢柳縣地隋末蕭銑分置屬柳州武德因而不改開元二十三年自縣北移於今理却據魯嶺前臨通江

章水在縣北六十五里

義昌縣中下西北至州三百三十里東漢柳縣地至東晉分置汝城縣屬桂陽郡隋改為扈陽縣天寶元年改為義昌

平陽縣上東至州九十九里東漢柳縣地東晉陶侃於今理南置屬平陽郡至陳俱廢隋末蕭銑分置武德因而不改七年省八年復置

銀坑在縣南三十里所出銀至精好俗謂之偶子銀別處

莫及亦出銀鑛供桂陽監鼓鑄

資興縣中下西至州一百二十里本漢郡縣後漢於此置漢寧縣吳改曰陽安晉改為晉寧至隋省開皇十一年又置改為晉興

貞觀廢咸通三年又置改為資興南府來江北帶長嶺

高亭縣中下南至州九十里本漢便縣晉省陳復置至隋省入柳

縣開皇十三年宇文融奏割柳縣北界置安陵縣安陵水在縣北百步因以為名天寶元年改為高亭縣以縣東一

百三十里高亭山為名

臨武縣中下北至州二百一十三里東漢舊縣以南臨武溪水因以為名

歷代屬桂陽郡為柳州縣屬不改

元和郡縣圖志卷之二十九

八

桐栢山在縣西北六十里

鷄水在縣南即桂水也

藍山縣中東北至州三百二十里本漢南平縣至隋廢咸通中復置於

今理天寶元年改為藍山縣

九嶷山在縣西南五十里

永州零陵

開元戶二萬七千五百九十元和中戶八百九十四

鄉四十八鄉四十五

秦屬長沙郡漢為長沙國武帝分置零陵郡領縣十至宋封晉恭帝為零陵王隋文開元九年平陳置永州因水為名大業三年復為零陵郡四年又置永州史記舜葬九疑即此地也

州境東西三百三十二里南北五百六十一里

八到西北至上都三千一百五十五里西南至桂陽五百五里

東北至衡州陸路五百七十里西南至道州水路二百六十里西至叔州南即溪山懸險不通無里數

貢賦

開元貢元和貢

細葛石鷺

管縣四

零陵

祁陽

湘源

灌陽

零陵縣

上郡下

本漢泉陵縣地隋平陳改為零陵縣自改泉

陵故移於此

湘水經州四十餘里

石室山在縣北一里呂蒙所築

祁陽縣上南至州路一百八十里

本漢泉陵縣地屬零陵郡吳分泉陵

武德四年復置於今理貞觀元年省四年又置石鷲山在縣西北一百一十里出石鷲克藥

湘水經縣南三十步

湘源縣上東北至州一百三十里本漢沘陽縣地至隋改置湘潭縣屬

永州

湘水經縣東

灌陽縣中北至州六十里本漢零陵縣地大業末蕭銑析湘源

縣置武德七年廢上元二年呂謹奏置

灌水在縣西南一百二里

連州連山

開元戶一萬八百八十元和中戶五千二百七十

鄉二十二

秦為長沙郡之南境漢置桂陽郡至陳為桂陽縣隋文帝開皇十年置連州因黃連扇為名大業改為熙平郡武德

四年復為連州

州境東西二百四十二里南北四百一十里

八到東北至上都三千六百六十五里東至韶州陸路五里西南至封州方百三十里取連州桂嶺路三百七十里

西北至東都二千四百五里東南洛瀨至廣州八百九十里西至賀州疾路二百七十里東北渡嶺至郴州三百九十里

貞賦開元貞細紵布元和貞鍾乳

管縣三 桂陽 陽山 連山

桂陽縣上中下本漢舊縣屬桂陽郡吳采齊並屬始興郡梁

陳屬陽山郡隋屬連州

貞女硤在縣東南一十里

黃連嶺在縣西南一百五十里

陽山縣中下西北至州水本漢舊縣為南越置關之邑故

其關在縣西北四十里茂漢口史記尉他音他移檄陽山關曰

盜兵且至急絕道聚兵自守今陽山北當騎山嶺路秦於

此立陽山關漢破南越以為縣後漢省晉重置在注水南

梁天監六年置陽山郡以縣屬焉隋開皇十年屬連州神

龍二年移於注水北即今縣理也是界諸山各出乳穴

連山縣中下東至州一百六十里自漢至齊為桂陽郡之地梁武帝分

桂陽置桂陽廣惠縣開皇十年改為廣澤屬連州仁壽元年

改為連山

滑水今為黃連水

道州江華開元戶二萬七千四百四十八鄉六十

秦屬長沙郡漢屬長沙國武帝分長沙置零陵郡吳分零

陵置滎陽郡今州是也以郡在營水之南因以為名隋末

陷寇賊武德四年平蕭銑置營州貞觀八年改為道州

州境東西二百九十五里西北至東都二千一百五十五里

八到西北至上都三千四百一十五里東北至微北至郴州五百三十五里

南踰嶺至賀州四百四十里正南踰嶺至韶州四百二十里

貢賦開元貢細絳元和貢同

元和郡縣圖志卷之二十九

管縣五、弘道、永明、延唐、大曆、江華。

弘道縣上郭下本漢營浦屬零陵郡隋改永陽縣貞觀八年省入營道縣天寶六年改為弘道縣

大陽原在縣南五十步多小斑竹相傳云舜崩之後二妃尋湘水以手拭淚把竹遂成斑也

營水南自江華縣流入

永明縣中東北至州一百一十里本漢營浦縣隋改為永陽縣武德四

年移於州西南貞觀八年省天后又置天寶元年改為永明

延唐縣上西至州一百里本漢合道縣之地屬零陵漢景帝時零

陵文學於合道舜祠下得玉璫是也至隋自奔巢水口移

營道縣於此武德四年移營道於州郭內于此置唐興縣

天寶元年改為延唐縣

九疑山在縣東南一百里舜所築也九山相似行者疑惑

故為名

舜廟在縣下

合水今名逢水源出九疑山

春陵故縣北五十里長沙定王封中子買為春陵侯是

也

大曆縣中下西北至州二百二十里本漢營道縣之地大曆二年觀察

使韋之晉奏析廣延縣于州東置因年號為名

元和郡縣圖志卷之二十九

江華縣中北至州一百一十三里一本漢馮乘縣也故城縣南七十里至

隋不改武德四年分馮乘縣置江華縣屬營州八年屬道

州營水出縣東北

淮安王子廟在縣南七十二里荆州記云淮安王被誅其

子奔至此城門化為石今名東塘神

邵州邵陽開元戶一萬二千三百二十元

秦為長沙郡地漢為昭陵縣屬零陵郡吳分置邵郡今州

是也宋齊並為邵陵王國隋開皇十年以邵陵郡屬潭州

隋末陷於寇賊武德四年平蕭銑屬南梁州貞觀十年改

為邵州

州境東西曲屈一百二十里南北水路七百三十四里

八到西北至上都二千八百八十四里東南至永州三百二十里東至衡州三百五十六里

北至東都二千五百五十五里東北至潭州陸路五百三十里

貢賦開元貢黃蠟麻布元和貢銀

管縣二 邵陽 武岡

邵陽縣郭上郭下本漢昭陵縣屬長沙國後漢改昭陽縣晉武

帝改為邵陽因邵水之陽為名

武岡縣上東北至州四百三十里本漢都梁縣地屬零陵郡吳寶鼎元

年改為武岡縣因武岡為名一云晉武帝分都梁縣置梁

天監元年以太子諱經故為武強武德四年復舊

元和郡縣圖志卷之二十九

都梁山在縣東北一百三十里

福州長樂開元戶三萬一千六十七 中都督府元和戶一萬九千四百五十五 鄉六十六 鄉八十一

今為福建觀察理所

禹貢揚州之域本閩越秦并天下以閩中下郡作三十六郡之數今州即閩中郡之地也下言閩中地者皆禹貢揚州之域漢初又為閩越國其後無諸從諸侯之師滅秦率人佐漢立無諸為閩中王之故地郡又有治縣按治即今台州章安故縣是也後漢改為東侯官吳於此立曲都都尉主請徙之人作舩于此晉置晉安郡領縣八屬揚州南朝以封子弟為王梁簡文帝初置封曹安王不為皇太子是也陳廢帝改

為豐州又為泉州因泉山為名大業三年改為閩州二年改為建安郡武德六年改為泉州八年置都督府景雲二年又為閩州開元十三年改為福州都督府因州西北福山為名兼置經畧使仍置嶺南道割屬江南東路

州境東西南北

八到

西北至上都五千二百九十五里  
東北至温州水路曲屈一千八百里山路險阻  
正北微西至建州六百五十里  
西南至汀州水路曲屈一千三百六十五里  
東南水路至海一百六十里  
東至大海七十里

貢賦

開元貢 絹綿 絳布 海蛤 白焦  
元和貢 海蛤 乾薑

管縣九

閩縣

侯官

長樂

福唐

連江

長溪

尤溪

古田

永泰

閩縣郭上下本漢治縣地也屬會稽郡後漢改為東侯官吳  
改屬建安郡晉以侯官為晉安郡開皇九年改為原豐縣  
又改為閩縣皇朝因之

海在縣東南一百六十里

東湖在縣北三里

西湖在縣西二里

侯官縣縣北至武德二年於今州西北三十一里置八年

廢長安三年重置貞元五年觀廢使鄭叔則奏移於州郭

長樂縣上西至州本隋閩縣地武德六年分置長樂縣因

為名

石九嶺縣南四十里與福唐縣分界

大海在縣東七十里

海潭山縣東一百二十里山在大海中周迴三百里

福唐縣縣東北至州水聖曆二年析長樂縣東南界置萬

安縣天寶元年改名福唐

大海在縣東四十五里

丹步渡在縣南百步其水謂之無患溪

連江縣縣西南至州水陸本漢治縣地晉分立溫麻縣武

德六年移於連江之北改為連江縣

連江在縣南三百里東流入海

元和郡縣圖志卷之二十九



海在縣東五里

長溪縣中下西南至州水路八百里

長安二年割置晉溫麻蕪縣北四

鄉置長溪縣

長溪在縣南四十五里流入大海

尤溪縣中下東南水路至州八百里

開元二十九年開山洞置縣東水

路公流至侯官縣西水路沂流至汀州龍巖縣

古田縣中下東至州七百里

開元二十九年開山洞置與連江接界

與沙縣分界

永泰縣中下東北至州二百五十里

永泰二年觀察使李承昭開山洞

置縣東水路公流至侯官縣西沂流至南安縣南北俱抵大

山並無行路

建州建安

開元戶二萬八百元

和戶一萬五千四百八十

鄉四十

本秦閩中地也漢于其地立治縣屬會稽郡後漢改治為

東侯官吳孫永安二年以會稽南部都尉分為建郡今

州即其地也宋齊梁皆以封子弟為王開元十年罷郡以

縣屬泉州隋氏喪亂建安縣人擁衆自保武德四年歸附

遂于建安縣置建州

州境東西南北

八到西北至上都四千六百九十五里

正南微東至福州六百里

西北至東都三千八百三十五里

東北至處州山路九百里

西北至撫州八百三十里

正北微東至衢州七百里

元和郡縣圖志卷之二十九

十六

貢賦開元貢金花練蕉葛布賦綿絹鼠皮

管縣五

建安縣上本漢治縣之地後改為東侯官又立建安縣因遂不改

建陽溪一名建安水在州西四百步南流入福州界

浦城縣繫東南至州三百六十里本漢興縣吳永安三年改曰吳興隋

平陳省入建安武德四年又省載初元年復置改曰唐興

天授二年為武寧神龍元年復為唐興天寶元年改為浦

城梨嶺在縣東北八十里與弋陽縣分界

邵武縣上本漢治縣之地吳于此立昭武縣晉改

為邵武

飛猿嶺在縣西一百七十里

邵武溪水源出飛猿嶺東南流經縣西

將樂縣中下東北至州四百五十里吳永安三年置開皇九年省武德

八年復立

將樂溪水源出百丈嶺東北流經縣界

建陽縣中東南至州一百六十里本上饒縣地吳分置建平縣晉太元四

年改為建陽開皇十年省入建安武德四年重置

建陽溪水源出縣北温嶺南流經縣界

泉州上清源開元戶三萬七百五十四元和中戶三萬五千五百七十一

元和郡縣圖志卷之二十九 十七 鄉三十四

舊泉州本理在今閩縣武德六年置景雲二年改為閩州  
開元中改南福州今泉州本南安縣也久視元年縣人孫  
師業訢稱赴州遷遠遂于南安縣東北界置武榮州景雲二  
年改為泉州即今理是也

州境東西四百里  
南北三百三十里

八到西北至上都五千六百九十五里  
東北至福州三百七十里

西北至東都四千八百四十五里  
正南至漳州三百五十里

東至大海一百里  
南至大海一百里

貢賦開元貢

蠟燭  
綿二百兩

賦

紵布  
蚶蛇胆

紵麻

管縣四 晉江 南安 莆田 仙遊

晉江縣上郭下開元六年刺史馮仁知緣州郭無縣請析南

安縣東置在晉江之北因名

南安縣繫東北至州八十里本漢治縣地後漢為侯官縣地晉為晉

安縣地陳立為南安縣因縣南安江取以為名

海在縣東南九十里

莆田縣上西南至州一百五十里本南安縣地陳廢帝分置莆田縣開

皇十年省武德六年復置貞觀政隸閩州景雲二年割屬

泉州大海在縣東一十五里

仙遊縣中南至州一百方十里聖曆二年析蕭城西界于今縣北十

五里置清源縣天寶元年改為仙遊仍移于今理

仙遊山在縣西三十里縣因為名

元和郡縣圖志卷之二十九

漳州漳浦 開元戶一千六百九十  
元和戶一千三百四十三 鄉十一

本泉州地垂拱二年析龍溪南界置因漳水為名初置于  
今漳浦縣西八十里開元四年改移就李澳川即今漳浦  
縣東二百步舊城是十二年自州管内割屬福州二十二  
年又改屬廣州二十八年又改屬福州乾元二年緣李澳  
川有瘴遂權移州于龍溪縣置即今州理是也

州境東西三百七十里  
南北三百九十里

八到西北至上都六百五十里  
東至大海二百五十里  
西北至東都關  
西北至潮州四百八十里  
南至大海二百十里  
北至汀州九百里

貢賦開元貢 鮫魚皮  
元和貢 同 甲香 蝟

管縣三 龍溪 漳浦 龍巖

龍溪縣中下 陳介晉安縣立屬南安郡後屬閩州開元二  
十九年割屬漳州縣東十五里至山險絕無路西二十里  
至山南三里至山北十六里至山

海去縣五十四里

漳浦縣中下 東北至州 垂拱中析龍溪南界置

龍巖縣中下 東北至 先置在汀州界雜羅口名雜羅縣屬

汀州天寶二年改為龍巖縣大曆十二年皇甫政奏改隸

漳州廢懷恩縣在州西南三百一十里垂拱二年置屬漳

州開元二十九年廢今置鎮

汀州臨汀 元和戶二千六百一十八 鄉一十一

元和郡縣圖志卷之二十九

開元二十一年福州長史唐循忠於潮州北廣州東福州西光龍洞檢責得諸州避役百姓共三千餘戶奏置州因長汀溪以為名

州境東西南北

八到北至都取建州路六千二百九十五里西北至東都五千三百三十五里

東北至福州水陸相兼屈曲一千三百五里東北至建州水陸相兼一千五百里東南至漳州九百里西至虔州水陸相兼一千二百里正南微西至潮州一千三百五十里

貢賦開元貢 蠲 偃鼠皮

管縣三 長汀 沙縣 寧化

長汀縣中下 郭下白石溪水在縣南二百步下流入潮州界

沙縣中下 西南至 州一百八十里本宋置屬建安郡開皇十六年廢武德四

年又置屬建州開元二十三年割屬汀州因沙丘以為名

溪水自縣西來經縣郭東北流入建安溪

寧化縣中下 西南至 州六百里本沙縣地開元二十二年開山洞置

縣西與虔化縣接

玄武山在縣北五里

元和郡縣圖志卷第二十九 終

元和郡縣圖志卷之二十九

元和郡縣圖志卷第三十

江南道六

黔州觀察使

黔州

黔中

都督府

元

和

戶

二千

九

百

六

十三

一

十

一

一

一

一

一

一

一

一

一

一

一

今為黔州觀察理所

管州十五

黔州

涪州

夷州

思州

費州

南州

珍州

溱州

播州

辰州

錦州

叙州

溪州

施州

獎州

管縣五十一

本漢涪陵縣理後漢獻帝時分為四時縣置屬國都尉理

元和郡縣圖志卷第三十

涪陵至蜀先主增置一時又改為郡永嘉後地沒蠻夷經二百五十六年至宇文周保定四年涪陵蠻帥田思鶴以地內附因置奉州建德三年改為黔中大業三年又改為黔安郡因州隨州郡之名遂與秦漢黔中郡大牙難辨其秦黔中郡所理在今辰州西二十里黔中故郡城是漢改黔中為武陵郡移理義陵即今辰州叙浦縣是後魏移理臨沅即今州是秦漢黔所理是今辰錦叙獎溪澧朗施等州是秦漢黔中郡之地與今黔中及夷費思播隔越峻嶺東有沅江水及諸溪並合東注洞庭湖西有巴江水一名涪陵江自牂牁北歷播費思黔等州北注岷沔以山川言

之巴郡之涪陵與黔中故地炳然分矣貞觀四年於州置都督府總施業辰智牂克舊應莊九州其年自今州東九千里故用城移於涪陵江東彭水之南聖曆九年罷都督府景龍二年又罷莊州都督府復以播州為都督府景龍二年罷播州都督府復以黔中為都督府開元二十六年又於黔中置採訪處置使以都督軍城為使又隸五溪諸川入黔中道仍加置經畧使天寶元年改為黔中部六年都督蕭克齊以舊城傾欹移築城於江畔乾元二年復為黔州大曆四年以辰錦等五州為辰錦觀察使至十年奉勅却隸黔府

州境東西五百四十五里

南北二百九十八里

八到西北至上郡取陵江府路三千六百五十里

西北取萬開州路至上郡二千五百七十里

西北至東三千四百四十五里

東南至思州二百八十里

貢賦開元貢黃蠟 調入布充

管縣六 彭水 黔江 洪杜 洋水 信寧 都濡

彭水縣上郭下 本漢酉陽縣之地屬武陵郡自吳至梁陳並

為黔陽縣地隋開皇十三年蠻帥內屬於此置彭水縣

伏牛山在縣北一百里

左右鹽泉今本道官收其課

黔江縣中下西至府二百里 本漢酉陽縣地隋開皇五年置石城縣屬

庸州大業二年廢武德元年又置天寶元年改名黔江

洪杜縣中下北至府二百三十里 武德元年析彭水縣於今縣北十八里

置因縣一里洪杜山為名麟德二年移於今理

洋水縣中下東北至府一百六十里 本武德二年於今縣東置盈隆縣貞觀

十年移於今理先天元年改為盈川以縣南有盈川山為

名天寶元年改為洋水以縣西三十里洋水為名

西南至夷州五百里

西南至播州一百里

西北至涪州三百三十里

北渡江山路至忠州四百里

賦竹布

絳麻布

賦竹布

賦竹布

賦竹布

賦竹布

賦竹布

賦竹布

賦竹布

賦竹布

賦竹布

賦竹布

賦竹布



都濡縣中下北至本貞觀二十年析泮水縣置以縣西北

六十里有都濡水為名也

涪州涪陵  
開元元六年九百九  
元和元三年五百五

鄉二十六  
鄉二十一

禹貢梁州之域春秋時屬巴國秦為巴郡地華陽國志曰

涪陵巴之南鄙從枳縣入泮涪水枳縣即今涪州所理是

也與荆楚界相接秦將司馬錯由之取黔中地漢為涪陵

縣地蜀先主以為涪陵郡武德元年立為涪州在蜀江之

南涪江之西故為名上元二年因黃草峽有獠賊結聚江

陵節度呂誼請隸於江陵置兵鎮守元和三年中書侍郎

平章事李吉甫奏曰涪州去黔府三百里輸納往返不踰

一旬去江陵一千七百餘里途經三峽風波沒溺頗極艱

危自隸江陵近四十年衆知非便疆理之制遠近未均望

依舊屬黔府

州境東西南北

八到東取江陵路至上都水陸相兼三千三百二十五里至京都三千六百里

水路至萬州六十里從萬州北開州道宣縣及洋州路至上都二千三百四

十里東至忠州三百五十里西至俞州水路二百四十里

東南至黔州水路三百三十里西北陸路至渠州陵山縣三百七十里

東至江陵府水路一千七百里

貢賦開元貢 麩金 大鐵刀 菊醬  
元和貢 連頭 白蜜 布一疋

涪陵縣中下本漢舊縣屬巴郡漢時赤甲軍多取此縣人

元和郡縣圖志卷之三十

蜀置涪陵郡開皇廢郡縣屬渝州武德元年置涪州縣改屬焉

鷄鳴硤山在縣西十五里先主特涪陵人反蜀將鄧艾討焉至鷄鳴硤見猿母子相抱艾引弩射中猿母其子拔箭以樹葉塞瘡艾投弩水中嘆曰吾傷物之性其死矣果亡州城本秦枳縣城也自李雄據蜀此地積為戰場人衆奔波或上或下相溫定蜀以涪郡理枳縣城

開池在縣東三十里出剛鐵工人以為大刀樂溫縣中下東南至州一百一十里本漢枳縣地周明帝分置巴縣武德二年改為樂溫縣因樂溫山為名在縣南三十里縣出荔枝

武龍縣中下東北至州二百五十里本漢涪陵縣地武德九年分立武

龍縣涪江水在縣南屈北流注於蜀江

賓化縣中下東北至州三百里本漢枳縣地周武成三年省入巴

縣貞觀十一年分巴縣置隆化縣西永隆山為名先天元

年以犯廟諱改為賓化

夷州義泉開元戶一千四百八十七鄉一十一

本徼引蠻夷之地自漢至梁陳並屬牂牁郡累代恃險多

不賓附大業七年置綏陽縣屬明陽郡武德四年改為夷

州貞觀元年廢四年於黔州都上縣復置

州境東西二百九十里南北二百九十里

元和郡縣圖志卷之三十

八到東北至上都取江陵府四千一百五十五里 西至東都二千九百零五里  
北取富州路至上都三千七十里 北至黔州五百八十里

西南至播州二百四十里 東至費州三百里  
東北至涪州四百里

貢賦 開元貢 斑布 賦 麓布  
元和貢 葛粉三十斤

管縣五 緩陽 都上 義泉 洋川 寧夷

緩陽縣 中下 郭下 本漢特柯郡之地 隋大業十二年巴郡丞梁

榮招慰所置

緩陽山在縣北二十九里縣為名

都上縣 中下 西北至 州五十二里 本漢特柯郡之地 隋大業十二年招慰

所置其處是酋豪者領都集之所因以為名

義泉縣 中下 東北至 州一百里 隋大業十一年招慰所置以帶山泉為

名屬義州武德中於此置寧州貞觀十七年州廢以縣屬

夷州

洋川縣 中下 東至 州一百里 武德二年於今縣東北置屬義州貞觀

十四年於今理置

寧夷縣 中下 西北至州 一百九里 隋大業八年置屬明陽郡武德四年

屬州永徽後廢

思州 寧夷 開元戶三千四百零二 鄉十  
元和戶四百二十九 鄉六

楚為黔州地秦拔之置郡自漢至吳並為武陵郡西陽縣

地頭分置黔陽縣至梁陳不改隋開皇九年置婺川縣屬

庸州 庸州黔江 縣地是也 大業二年廢武德四年於縣置婺川郡貞觀

元和郡縣圖志卷之三十

四年改為思州以思邛水為名

州境東西六百三十里  
南北五十二里

八到西北至上都取江陵府路三千九百二十五里  
至東都三千七百二十五里

西北水路至黔州二百八十里  
南至費州水路四百里  
西南至夷州四百里  
東南至錦州常豐縣五百里

負賦開元貞  
元和貞  
蠲十五斤  
朱砂

管縣三 婺川 思王 思邛

婺川縣中下本漢酉陽縣地屬武陵郡自晉至陳並為黔

陽縣地至隋開皇十九年置因川為名

內江水一名涪陵水在縣西五十步

思王縣中下北至州  
水路三百里武德三年置相傳云漢時陳丘為牂牁

太守阻兵保據思邛水漢將夜郎王數萬破丘於此安撫

百姓時人思慕遂為縣名

思邛縣中下南北至州  
二百九十里開元四年招緝生夷所置

費州涪州  
下開元戶二百

大古徼外蠻夷地漢武元鼎六年通西南夷置牂牁牁郡

隋文帝於此置涪川縣屬黔州煬帝改為黔安郡貞觀四

年分 思州涪川扶陽縣置費州

州境東西  
南北

八到西北取江陵路至上都四千三百三十五里至東都四千一百二十五里  
北至思州水路四百里  
西南至播州四百里  
正南徼西至牂牁州一百九十里

東至樊州水路相兼六百里

元和郡縣圖志卷之三十

貢賦 元和貢 膾四十斤

管縣四 涪川 名田 城樂 扶陽

涪川縣 中下 本漢牂牁郡之地 隋開皇五年置 取涪水為名

內江水 經縣北 一百五十步

名田縣 中下 西南至 武德三年置 初置屬思州 貞觀八年屬

費州

涪陵江水 經縣南 五十步

城樂縣 中下 東西至州 武德四年置 初屬思州 貞觀八年

割屬費州

扶陽縣 中下 東南至 武德置 屬思州 貞觀四年 屬費州

南州 南州 開元戶 一千一百二十四

周屬雍州 戰國為巴國 界秦為巴郡 之地 漢為巴郡 江州之境 其男女露頭 徒跣 衣皆左衽 周閔帝拓定巴境 以江州置七州 郡 武德二年 割渝州 置領六縣 又改為夔州 四年 復為南州

州境 東西二百一十里 南北一百八十九里

八到 西北至上都 二千一百六十里 北至渝州江津縣 三百三十里 西北至東都 東至契丹 上六千里 西至沒丁山 八十里 南至濠州 二百七十里

貢賦 開元貢 班布

元和郡縣圖志卷之三十

管縣二、南川、三溪。

南川縣中下郭下本漢江州之地武德二年置陰陽為南川  
羅綠山在縣南十二里山多楠木堪為大舡

焚溪水在縣南十四步

三溪縣中下西北至州二百四十里貞觀五年置以縣內有焚溪東溪葛

溪三溪合流故為名其縣城甚高險

焚溪水在縣西

玆州夜郎開元戶二千六百

本徼外蠻夷之地貞觀十六年置

州境東西南北

八到西北至上都五千五百五十里北至東都四千五百四十五里  
東南至播州二百里北至濠州二百四十里西接夷獠界

貢賦

管縣三、夜郎、麗羣、洛源

夜郎縣中下郭下

麗羣縣中下

洛源縣中下

右並貞觀十六年開山洞置并置夜郎麗羣洛源三縣並  
在州側近或十里二十里隨砍畬種田處移轉不常厥所

濠州下濠漢開元戶八百九十二

本巴郡之南境貞觀十六年有渝州萬壽縣人牟智才上

元和郡縣圖志卷之三十

封事請於西南夷實渝之界招慰不庭建立州縣至十七年置以南有溱溪水為名

州境東西南北

八到東北至上都三千四百三十四里 東北至東都四千二百九十一里

取琿播夷路至黔府一千三百里 正南微東至琿州三百里

貢賦開元貢 茄子 膾四十斤 褚皮布 絳布 黃蠟年貢二十斤

管縣二 榮懿 扶觀

榮懿縣中下 貞觀十七年與州同置

扶觀縣中下 貞觀十六年與州同置以縣東扶觀

山為名

播州播州下 元和戶

本西南徼外蠻夷之地夜郎且蘭戰國屬楚秦亦常置吏至漢武平西南夷置牂牁郡貞觀元年於牂牁北界置麟州十一年省十三年置播州景龍三年置都督府先天二年罷都督

州境東西南北

八到東北至上都取江陵路四千三百五十五里

北取萬開州路至上都三千七百七十里

東南至東都四千一百四十五里  
東北至黔州八百里  
東北至牂牁北界巴江鎮七百里

貢賦 元和貢 膾二十斤

管縣三 遵義 帶水 芙蓉

元和郡縣圖志卷之三十

遵義縣中下本恭水貞觀十四年改為羅蒙十六年改今

名夷牢水經縣北一里

帶水縣中下貞觀九年置牂牁盈縣屬朗州十三年屬

播州十四年改為帶水縣因縣北有帶水為名

芙蓉縣中下貞觀五年置在芙蓉山上因為名後移

於山東三里即今理是又有舍月胡刀湖江羅為四縣並

貞觀中置今廢

辰州廬溪開元戶五千三百二

鄉十三

禹貢荊州之域春秋時屬楚秦為黔中郡漢為武陵郡沅

陵縣也按後漢書高羊氏省畜犬曰盤瓠帝妻以女有子

十二人皆賜名山廣澤其後滋漫今長沙武陵是也光武

時尤盛其渠帥精夫相單程守據險為寇精夫者蠻為渠

帥者也漢遣將軍劉尚發兵萬餘人乘泝流水入武漢擊

之山深水急舟船不得上蠻緣路徼戰漢軍皆沒後遣伏

波將軍馬援守至臨沅擊破之其單程守悉降蠻平因置

吏陳文帝於此置沅臨郡開元九年改為辰州取辰谿為

名謹按辰蠻戎所居也其人皆盤瓠子孫或曰巴子兄弟

入為五谿之長今酉谿在州西次南武谿次南沅谿次南

辰谿次東熊谿次東南朗谿其熊朗二谿與鄱元水經注

雖不同推其次第相當則五谿盡在今辰州界也景雲二

元和郡縣圖志卷之三十一



年置都督府開元中罷

州境東西一千二百五十七里南北一千四百二十七里

八到西北至上都二千五百一十里東至朗州路浴流四百六十里南水路至叔州五百三十八里正北微東至澧州七百五十里

貢賦開元貢犀角光明砂四斤元和貢光明砂藥砂

管縣五 沅陵 盧溪 麻陽 叙浦 辰溪

沅陵上郭下 本漢舊縣屬武陵郡陳屬沅陵郡隋平陳屬辰

州 壺頭山在縣東四十九里即馬援攻五谿蠻置營之所初

援軍下雋似阮反 有兩道可入從壺頭路近而水險從克道

則途夷而運遠克州在澧州西五百里武德所置崇儀縣東北一里故克城是南至沅陵縣一百二十里

中即將耿況欲從克道援以為如進壺頭搃其咽喉克賊

自破遂進營於此賊乘高守隘水迅船不得進會暑甚士

卒多疾死援穿岬為室以避炎氣武陵記云今山邊有石

窟即援穿空室處

明月山下有明月池沅陵記云兩岸素山崖石披雪寒

松如插翠在縣東二百里

沅江在縣南六十里

秦黔中故郡城縣西二十里

盧溪縣中東北至州一百六十里 本漢沅陵縣地梁天監十年置盧州隋

元和郡縣圖志卷之三十

三

末蕭銑於此置盧溪縣以南溪為名武德後因而不改  
盧水在縣西二百五十里即武溪所出武陵記云溪山高  
可萬仞山中有盤瓠石窟可容數萬人窟中有石似狗形  
蠻俗相傳即盤瓠也又有斑蛇四眼大十圍不知長幾里  
麻陽縣中下東北至陳天嘉三年於麻陽麻口置戍垂拱  
四年置龍門縣尋改為麻陽因戍為名  
三山谷一名辰山在縣西南八百三十五里  
苞茅山有刺而三脊在縣西南三百五十里  
叙浦縣上西北至州三百八十五里本漢義寧縣地離騷云入叙浦而遭  
迴即此也武德四年分辰溪置此縣

車靈故城在縣南一里靈則吳之叛臣入叙溪以自保號  
車王後為吳將鍾離殺之

辰溪縣

中下西北至州一百六十里

本漢辰陵縣屬武陵郡後曰辰陽

以在辰水之陽為名離騷云朝發枉渚夕宿辰陽是也隋  
平陳改為辰陽

五城山在縣東南三百六十二里武陵記云楚威王使將  
軍莊躡定黔中因山造此城

沅江水在縣南二百步

錦州

盧陽下

開元戶三千一百三

鄉十一

本漢辰州盧陽之地也垂拱三年以地界濶遠分置錦州

元和郡縣圖志卷之三十

以州理前溪水多文石望之似錦因名長安四年移於伏  
溪水灣曲中置即今理是唯東西平地餘三面並臨溪岬

州境東西南北

八到北至東都二千九百五十里  
東北水路至辰州七百里  
東北至溪約五百里  
南至思州八百里

西北至上都三千二百一十一里  
南陸路至興州五百四十里

貢賦

管縣五、盧陽、洛浦、招喻、涇陽、常豐

盧陽上下、岳拱三年與州同置在盧水口因以為名長安

四年移於今理

晃山在縣南一百里山出丹砂

洛浦縣中下、南至州先天二年分大鄉縣置以縣西洛浦

山名縣東西各有石城一甚險固犵獠反亂居人皆保其土

招喻縣中下、西南陸路至州八十里岳拱三年析辰州盧溪縣置

涇陽縣中下、東至岳拱三年析麻陽縣置在坡山西趾山

甚高險百姓食坡山溪水

常豐縣中下、東南至岳拱三年置初名萬安天寶二年改

為常豐

磨匿山在縣東五十里

叙州潭陽、開元戶四千九百四十七  
元和戶一千六百五十七

秦置黔中郡漢為武陵郡舞陽縣之地荆州記舞溪獠猓

元和郡縣圖志卷之三十一

之類其縣人但羈縻而已溪山阻絕非人跡所履又舞陽  
為許萬家皆咬地鼠之肉能鼻飲隋初於此置辰州貞觀八  
年分辰州龍標縣置巫州天授二年改曰沅州開元十三  
年以沅原聲相近復為吳州天寶元年改為潭陽郡大曆  
五年以境接叙浦改為叙州

州境東西南北

八到

東北至東都二千七百八十八里  
北流至辰州五百三十八里  
南踰嶺至融州水路共一千五百里  
西南踰嶺至吉州水路共二千一百里

北至上都三千四十八里  
西泝流至獎州八百里

貞賦

管縣三 龍標 朗溪 潭陽

龍標縣上郭下本漢舞陽縣輿地志縣本治在舞水之陰後  
漢省入辰陽縣隋初於此置辰州煬帝廢州武德七年置  
龍標縣因龍標山為名

朗溪縣中下北至州漢鐔音城縣之地晉安帝省貞觀八  
年析龍標縣置在朗溪之側因為名

沅溪水西南自獠界流入  
潭陽縣中下東至州先天二年析龍標縣置在舞水東岬

溪水在縣南二里

溪州靈溪

開元戶四百七十七  
元和戶八百八十九

漢屬武陵郡為沅陵遷陵二縣之地梁置大鄉縣天授割

元和郡縣圖志卷之三十

辰州大鄉三亭二縣立溪州

州境東西六百八十里

八到西北至上都二千八百七十八里

北至東都二千六百二十八里

正東微南至辰州三百方十里  
本營三亭縣自縣西水陸路相兼五百里至黔江縣又西二百里黔州  
東北至澧州水陸相兼千三百里山路險阻若遇霖潦則不通行  
其三亭縣與施州接界山路峻不通行

貢賦開元貢

朱砂 黃連 朱砂十斤 黃贈二百斤

管縣二 大鄉 三亭

大鄉縣上郭下蕭梁置已具州叙

齊方城在縣東二百一十二里秦時武安君所築

陋城在縣東南六十七里漢播海將軍韓說所置

三亭縣中下東至州水路三百七十里本漢遷陵縣屬武陵郡隋廢入大鄉

縣貞觀九年分大鄉復置因鄉西十五里有三亭古城為名

酉水南有龍標故城蜀將馬德信所築其城甚寬大在龍標山

石門洞在縣一百五十里其嶮峻纜通一舟

黔山在縣西五十里後漢時陸康伐蠻假此即禱請為援

諸樹木皆有人馬之形因平郡寇改為武神山

施州清江開元戶三千四百七十大鄉一十六

春秋巴國之界七國為楚巫郡之地秦屬黔中郡漢為巫

縣之地巫縣即今夔州巫山縣是也吳分立沙渠縣至梁

元和郡縣圖志卷之三十一

夫

陳不改周武帝建德三年於此置施州隋改為清江縣義  
寧二年復置郡

州境東西六百一十八里  
南北四百九十五里

八到西北至上都  
西北至東都二千三百八十五里  
西至萬州六百八十五里  
北至夔州五百里  
東至叙州七百六十六里  
南至黔州四百八十五里

貢賦開元貢  
清油  
黃連十斤  
蜜  
蠟  
黃連  
藥子  
元和貢  
黃連十斤  
藥子二百顆

管縣二、清江、建始

清江縣中下本漢南巫縣之地吳沙渠縣開皇五年置清

江縣屬施州置在清江之西因以為名

清江一名夷水昔廩君浮工舟於夷水者即此也

建始縣中下南至州本漢巫縣之地後周以前無縣邑建

德三年於此置業州并置建始貞觀八年廢以縣屬施州

獎州龍溪開元戶一千七百四十  
元和戶三百四十九  
鄉六

本漢武陽縣地貞觀八年於此置夜郎屬巫州長安四年

於此置舞州開元十三年改為鶴州二十年又改為業州

大曆五年又改為獎州

州境

八到北至上都三千八百四十八里  
東北至東都三千五百八十八里  
西南沂流松溪至費州五百七十里  
西南沂流至梓州七百七十里  
東沿流至叙州八百里  
南至梓州羈縻鶴州三百里

貢賦年貢  
熟牂二十斤

管縣三 峨山 渭溪 梓薑

峨山縣中下 本夜郎縣天寶元年改為峨山其南本在渭溪之南長壽初移於此溪耳

渭溪縣中下西至州水 聖曆元年析峨山縣於渭漢東置因以為名

渭溪水北自錦州渭陽縣流入也

梓薑縣中下東北至州 建中四年自特柯洞外克州割屬

樊州

元和郡縣圖志卷第三十終

元和郡縣圖志卷第三十一

劍南道上

西川節度使

今為西川節度理所

管州二十六成都府 彭州 蜀州 漢州 邛州

簡州 資州 嘉州 戎州 雅州自雅州已下分入下卷

眉州 松州 茂州 翼州 維州 當州

悉州 靜州 柘州 恭州 宜州 黎州

嵩州 姚州 協州 曲州

管縣一百七

元和郡縣圖志卷之三十一

成都府 益州

開元戶十三萬七千四十六  
元和戶四萬六千一十

鄉二百五十二  
鄉二百四十二

禹貢梁州之域古蜀國也歷夏商周武王時庸蜀羌髳微  
盧彭濮皆助伐商及周衰蜀僭號稱王秦惠王元年蜀人  
來朝八年因五丁伐蜀滅之封公子通為蜀侯於成都置  
蜀郡以張若為守因蜀山以為郡名也始皇三十六郡蜀  
郡不改其理本在青衣在今嘉州龍遊縣界漢高帝王蜀  
分蜀置廣漢郡初有漢中廣漢巴蜀四郡武帝遣唐蒙通  
西南夷又置牂牁越雋犍為益四郡因分雍州之南置益  
州焉後公孫述據成都改益州為司隸蜀郡為成都郡吳  
漢討述平之州郡復舊靈帝末劉焉為益州牧初理綿竹

後遇天火焚燒城闕府庫蕩盡遂徙理成都焉子璋繼立  
後以州降先主獨益州置牧蜀郡置守魏景元四年鍾會  
鄧艾平蜀昔武帝改蜀郡為成都國以皇子穎為王惠帝  
時李雄竊據桓溫討平之簡文帝時符堅遣將鄧羗楊安  
伐蜀益州並沒于秦孝武大元八年平蜀安帝時譙縱又據  
益州叛朱齡石討平之至梁武陵王蕭紀竊號於蜀其兄  
兄湘東王繹討之斬于白帝西魏廢帝二年地並入于魏  
益州置總管至周并省郡與州同理成都開皇三年置西  
南道行臺大業三年罷州為蜀郡武德元年改為益州總  
管府三年置西行臺龍朔三年復大都督府開平二十一  
元和郡縣圖志卷之三十一



年又於邊郡置節度使以式道四夷都為劔南節度理都

兵三萬四千七百八人馬三千匹西杭吐蕃南撫蠻樣統圍

九依賜八千萬匹軍糧七萬石臨翼郡通化郡北百四十里管

結營蜀郡城內營兵一萬四維州今維州天寶軍平戎城東八十

維川郡通化郡西二百七十里管蓬山郡維州北管兵五里在維川郡東

開元二十年章仇兼蓬山郡維州北管兵五里在維川郡東

瓊置管兵一千人也蓬山郡維州北管兵五里在維川郡東

郡北百里管兵二千八百平戎城恭化郡南八十里開元

人交川今松州是也臨邛郡西二百里管兵江源郡

兵千人去蜀郡八盧山郡臨邛郡西二百里管兵江源郡

百恭化今為恭州盧山郡臨邛郡西二百里管兵江源郡

貞觀二十一年裴行方置洪源郡開元三年陸象先置管

管兵五百人江源今當州洪源郡開元三年陸象先置管

昆明軍趙嵩郡南開元中移置管寧遠城越雋郡西昆明

管兵三百雲南郡管兵二千三百澄川寨雲南郡東六百

五十人雲南今姚州澄川寨雲南郡東六百

南溪郡瀘川郡西二百五十里管兵二歸城郡南管兵四

百人歸城今飛天寶元年改蜀郡大都督一十五年玄宗

州靜川今靜州幸蜀改為成都府

州境東西二百九里

八到東北至上都二千一十里

正東北至上都二千一十里

正東至簡州一百五十里

正西至簡州一百五十里

正東至眉州一百五十里

北至漢州一百里西南至邛州二百六十里

貢賦元開元貢羅八尺布八尺高杼禪布綾羅高杼衫段絲布

管縣十成都華陽靈池犀浦廣都

郫縣 溫江 新繁 雙流 新都

成都縣次赤郭下本南夷蜀侯之所理也秦惠王遣張儀司馬錯定蜀因築城而郡縣之自秦漢至國初已來前後移徙十餘度所理不離郡郭

武擔山在縣北百二十步

大江一名汶江一名流江經縣南七里蜀守李冰穿二江成都中皆可行舟溉田萬頃蜀中又謂流江為懸塔橋水此水濯錦鮮於他水

州城秦惠王二十七年張儀所築初儀築城屢頽不立忽有大龜周行旋走巫言依龜行處築之遂得堅立城西南樓百有餘尺名張儀樓臨山瞰江蜀中近望之佳處也

南外城中有文翁學堂一名周公禮殿華陽國志云文翁立學精舍講堂作石室一曰玉室李膺記云後漢中平火延學觀廂廊一特蕩盡唯此堂火焰不及鍾雖古而巧異特奇壁上悉圖古之聖賢梁上則刺史宣尼及七十弟子齊永明中劉瑱更圖焉朱齡石平譙縱勒宋武帝檄文於石壁之室代王更以丹青增飾古畫仍加豆盧辨蘇綽之像

少城一曰小城在縣西南一里二百步蜀都賦云亞以少城接乎其西

錦城在縣南十里故錦官城也

摩訶池在州中城內

萬里橋架太江水在縣南八里蜀使費禕聘吳諸葛祖之禕嘆曰萬路里之路始于此橋因以為名西南兩江共七橋李冰所造言上應七星漢世祖遣吳漢伐蜀謂之曰安軍宜在七星橋間

昇仙橋在縣北九里相如初入長安題其門不乘高車四馬不過汝下

江瀆祠在縣南八里

盤石城在縣東三十里

先主廟在縣南一十里

鄧艾廟在縣西二里

華陽縣次赤管縣東界郭下本漢廣都縣地貞觀十七年分蜀縣乾

元二年改為華陽縣本蜀國之號因以為名

宋興山在縣北三十里

笮江水在縣南六里

靈池縣次畿西至府六十里久視元年長史孝道廣奏分蜀縣

廣都置東陽縣天寶元年為靈池縣因以南靈池為名

武侯山在縣東南十五里

分棟山在縣東十五里其山北連秦隴南入資瀘其於東

川郡此為隔門也

安江在縣北四十里

犀浦縣次畿

東至府二十七里

本成都縣之界垂拱二年分置

犀浦縣昔蜀守李冰造五石犀沉之於水以厭怪因取其  
事為名

都江水在縣北四里

黃花水在縣南八里

廣都縣次畿

北至府四十二里

本漢舊縣元朔二年置蜀號三

都者成都成都廣都也先主以蔣琬為廣都長諸葛亮曰  
琬託志忠雅當贊王業非百里之才即此也隋仁壽二年

避煬帝諱改為雙流縣今廣都縣龍朔三年長史喬師望

重奏置

大塔山在縣東四十里有阿育王塔因名

牛飲水在縣西三里

諸葛亮宅在縣南一十九里

郫縣次畿

東至府五十里

本郫邑蜀望帝治汶山下邑曰郫是

也秦滅蜀因而縣之不改

平樂山在縣西二十五里

郫江一名成都江經縣北去縣三十一里

故郫城在縣北五十步晉惠帝大安二年李雄殺汶山大

元和郡縣圖志卷之三十一

六

守陳君遂竊據郫城自稱大都督益州牧刺史羅尚教攻  
之後尚為雄所敗委城夜遁雄遂尅成都自郫遷據焉  
溫江縣次畿東至府七十五里本漢郫縣地也後魏於此置溫  
江縣屬蜀郡開皇三年廢入郫縣仁壽三年於郫東境置  
萬春縣貞觀元年改名為溫江縣  
大江俗謂之溫江南流經縣一里出赭金  
皂江在縣西十里  
新繁縣次畿東南至府六十里本漢繁縣也屬蜀郡因繁江以  
為名也周改為新繁開皇三年省武德三年分廣都縣地  
重置因周舊名也

郫江名成都江經縣西去縣十一里

雙流縣次畿

北至府四十里本漢廣都縣也隋仁壽元年避煬

帝諱為雙流因以縣在二江之間仍取蜀都賦云帶二江  
之雙流為名也皇朝因之龍朔三年又別立廣都縣  
宜城山在縣南十二里出紫草

諸葛亮舊居在縣東北八十八里今謂之葛陌孔明表云  
薄田十頃桑八百株即此地也

新都縣次畿

南至府四十八里

本漢舊縣也屬廣漢郡開皇十

八年改為興樂縣武德二年分成都縣地重置

麗元山在縣北八里

元和郡縣圖志卷之三十一

新婦峴在縣北七里

諸葛亮八陣在縣北十九里

彭州濛陽 開元戶五萬一百二十七 鄉一百一十八 元祐戶九千八百八十七 鄉八十八

禹貢梁州之地漢分梁州為益州即漢益州繁縣地也垂

拱二年於此置彭州以岷山導江之出山處兩山相對古

謂之天彭門因取以名州

州境東西一百七十六里 南北七十一里

八到東北至上都一千九百八十五里 東南至東都二千八百四十五里 西北取灌口路至茂州三百七十里 西北至蜀州一百二十里 東南至成都府一百里 東至漢州七十五里

貢賦元和貢交梭羅

管縣四 九隴 導江 唐昌 濛陽

九隴縣望郭下 西至州二里 本漢繁縣地舊曰小邽言土地肥

良比之邽縣也梁於此置東益州後魏改為九隴郡取九

隴山為名也開皇三年罷郡為九隴縣屬益州皇朝因之

後改屬彭州

白鹿山在縣西北六十一里

九隴山在縣西二十五里連峯遷迤凡有九曲

導江縣望東至州五十八里 本漢邽縣地武德元年於灌口置

盤龍縣尋改為灌寧縣二年又改為導江縣取禹貢岷山

導江之義也屬成都垂拱二年割入彭州

元和郡縣圖志卷之三十一

玉壘山在縣西北二十九里蜀都賦由玉壘而為守  
灌口山在縣西北二十六里漢蜀文翁穿湔江溉灌故以  
灌口名山又灌口山西嶺有天彭關亦曰天彭門兩石相  
立如闕故名之蜀後主以建興十四年至渝江登觀坂者  
汶江之流初白馬故侵掠益州刺史皇甫晏表討之軍至  
都安屯觀坂蜀郡何旋進表諫曰今所安營地名觀坂自  
上觀下反上之象漢高悟栢人岑彭忌岑亡不可不察晏  
不納其夜果敗

盤龍山在縣北二十里

大江自西茂州界流入按孫卿子曰江出汶山其源可以  
濫觴及至江津下方舟避風不可涉也

蚕崖關在縣西北四十七里其處江山險絕鑿崖通道有  
如蚕食因以為名漢於此置縣後廢

灌口鎮在縣西二十六里後魏置自灌坂迄于頃山五百  
里間兩岬壁立如有瀑布飛流十里而九昔人以為井陘  
之阨

捷尾堰在縣西南二十五里李冰作之以防江決破竹為  
籠圓徑三尺長十丈以石實中累而壅水漢成帝時瓠子  
河決王延塞之用此法也漢書所謂下淇園之竹以為捷  
望帝祠在灌口鎮城內

李冰祠在縣西三十三里

司馬相如墓在縣東十二里

唐昌縣望 東至州三十里本即縣導江九隴三縣之地儀鳳二

年於此分置唐昌縣

江水在縣西北四里

白水在縣北三里

昌化山在縣北九里

九隴山在縣北十三里

嚴君平墓在縣西南十里

濛陽縣隸 北至州四十里本九隴縣雒新都新繁什邡五縣之

地儀鳳三年於此分置濛陽縣在濛江之水北因曰濛陽

彌濛本在縣南五十步

羅江水在縣北十里

蜀州唐安 開元戶五萬二千六百 鄉八十八 元和戶一萬四千五百八

禹貢梁州之域秦滅蜀為蜀郡在漢為郡之江源縣也李

雄據蜀分為漢原郡晉穆帝改為晉原郡後魏平蜀後移

犍為郡理此東三十里因省晉郡以併之仍於此西十里

立多融縣取舊郡名也開皇年改屬益州皇朝初因之垂

拱二年割晉原等四縣屬蜀州

州境東西南北

元和郡縣圖志卷之三十一



八到 東北至上都二千一百一十五里  
東北至東都二千九百一十五里  
東北至成都府一百五十里  
東南至眉州一百七十里  
西南至邛州八十三里  
西北至彭州一百二十里

貢賦

開元貢 羅十八疋 木蘭皮  
元和貢 白羅 木蘭皮

管縣四 晉原 青城 新津 唐興

晉原縣

望郭下本漢江原縣屬蜀郡李雄時改為漢原晉為

晉原周立多融縣又改為晉原屬益州後因之垂拱改屬

蜀州

鶴鳴山在縣西七十九里絕壁千尋張道陵天師學道於

此

多融山在縣西南

斜江水出鶴鳴山經縣西四十里

青城縣

望南至州四十一里本漢江源縣地周武帝於此置青

城縣因山為名屬犍為郡開皇三年罷郡縣屬益州垂拱

二年改為蜀州開元十八年改為青城

青城山在縣西北三十二里仙經云此是第五洞天上

流泉懸澗一日三時灑落謂之潮泉

大江經縣北去縣二里

弩機水如弩箭水流甚急故名之縣東南四十里

新津縣

望西北至州八十里本漢犍為郡武陽縣地故城東七

元和郡縣圖志卷之三十一

里人未津有新津渡謂之新津市周閔帝元年於此立新津縣垂拱二年割入蜀州

天社山在縣南三里在城郭南百里北枕大江南接連嶺每土益有難人多依焉

唐興縣望西北至州四十里本漢江南縣地後魏於此置立犍

為郡開皇三年罷郡又徙犍道縣於此大業二年廢入新

津縣武德元年于廢州置唐隆縣屬益州垂拱二年割入

蜀州先天元年以犍諱改為唐安至德二年改為唐興縣

鄣江一名皂江經縣東二里出犍金

汶井江在縣西二十里

漢州德陽開元戶四萬二千五百鄉一百六元和戶三千一百一十三鄉一百六

禹貢梁州之域秦為蜀郡地漢分蜀郡為廣漢郡金州即

廣漢州之雒縣也開皇三年罷郡縣屬益州皇朝初因之

至垂拱二年于雒縣分置漢州

州境東西六十八里南北一百九十九里

八到東北至上都一千九百一十里東北至東都二千九百七十里

南至成都府一百里正西微南至彭州七十五里東至梓州二百一十里東北至綿一百八十里

貢賦開元貢布二十疋交梭羅元和貢綿子布紵布

管縣五 雒縣 綿竹 德陽 什邡 金堂

雒縣望下本漢雒縣也屬廣漢郡縣南有雒水因以為名

元和郡縣圖志卷之三十一

開皇三年屬益州垂拱二年割屬漢州

雒水在縣東一里

馬蹄水在縣南二里

綿水在縣東三十里

君平卜臺在縣東一里

鷹橋在縣南二里

綿竹縣紫南至州九十里本漢雒縣也屬廣漢郡尉理之有紫

崑山綿水所出初劉焉為益州牧從事賈龍選吏卒迎焉

徙治綿竹撫約離叛陰蓄異計其後遇天火燒蕪乃徙治

成都開皇十八年改名孝水縣境有孝子姜詩泉故取為

名大業三年復為綿竹屬郡武德中屬益州垂拱二年割

入漢州

紫崑山在縣西北三十里

鹿堂山在縣西二十二里

綿水出縣紫崑山蜀都賦浸以綿洛謂此水也蜀人稱卑

繁曰膏腴綿洛為浸沃

綿竹故城在縣東五十里諸葛瞻于此戰敗

德陽縣紫西南至州四十五里本漢綿竹縣地後漢分綿竹縣立

德陽屬廣漢郡周閔帝元年郡縣並廢武德三年復置屬

益州垂拱二年割屬漢州

鄧艾平蜀京觀在縣北三十三里艾以景元四年征蜀大破諸葛瞻於綿竹臺以為京觀初瞻在涪而艾已入江油瞻曰吾內不除黃皓外不制姜維進不守江油吾有三罪何面而反退就綿竹埋人脚而戰父子死焉秦宓定其地曰三造亭在縣北五里初太守夏慕三造其門故以為名

姜詩泉在縣北三十九里詩母好江水一旦泉涌舍側味如江水

鹿頭戍在縣北三十八里

什邡縣

望南至州四十二里

本漢舊縣屬廣漢郡高祖封雍齒為

什邡侯應劭曰汁音十故曰什邡俗名雍齒城周閔帝改為方亭縣武帝省武德三年復置垂拱二年割入漢州

洛通山在縣西三十九里李冰導洛通山謂此也

雍齒城在縣南四十里

金堂縣

上北至州五十二里

本漢牛鞞縣地屬犍為郡咸通二

年蜀郡長史李崇義析雒縣新都及簡州金水三縣置以縣界連金堂山故以為名舊屬益州垂拱二年割屬漢州

昌利山在縣東北十里

望蜀山在縣東南二里

中江水在縣東北一里

毗江水在縣西二里

邛州臨邛

開元戶一萬三千五百十二  
元和戶二萬五千一百七十六

鄉六十三  
鄉六十五

禹貢梁州之域秦為蜀郡地今州即蜀州之臨邛縣地也

宋及齊梁不置郡縣唯豪家能服獠者名為保主惣屬益

州梁益州刺史蕭範于蒲水口立柵為城以備生獠名為

蒲口頓武陵王蕭紀于蒲口頓改置邛州南接邛來山因

以為名領依政一縣大業二年廢以縣屬雅州武德元年

割雅州依政等五縣置邛州

州境東西二百八里  
南北一百一十里

八到東北至東都二千三百七十里

南至眉州一百七十里  
西至雅州一百七十里

北至蜀州八十里  
西至羗夷一百三十里

貢賦

開元貢絲布一十疋  
元和貢絲布一十疋

管縣七、臨邛、大邑、安仁、依政、臨溪

火井、蒲江

臨邛縣縣下本漢地也屬蜀郡晉末李雄亂後為獠所侵

後魏廢帝二年定蜀復于舊城置臨邛縣仍置臨邛郡開皇

三年罷郡以縣屬邛州大業二年屬雅州武德復屬邛

州

銅官山在縣南二里鄧通所封後卓王孫買為陶鑄之所

白木水經縣南二里

元和邛縣圖志卷之三十一

火井廣五尺深三丈在臨邛縣南一百里以家火投之有聲如雷以竹筒盛之特行終日不滅蜀都賦云火井沉熒於幽水

卓王孫宅在縣南五里

大邑縣上東南至州四十九里本漢江原縣地咸通二年割晉原

縣之西界置

鶴鳴山在縣西北三十七里

七里池在縣西七里

安仁縣緊西南至州二十八里本秦臨邛縣地武德二年割臨邛

依政唐興等縣置貞觀十七年廢咸通元年依舊置

斜江水經縣南五里

依政縣上西至州五十七里本秦臨邛縣地後魏于此置依政

縣屬蒲陽郡開皇三年罷郡以縣屬邛州大業屬雅州武

德復屬邛州

噫棘山在縣南四十里山南眉州丹陵縣界

白木水東南經縣南十里

州城西漢末公孫述為導江卒正治臨邛謂此城也

臨溪縣中下東至州六十二里本秦臨邛縣地也後魏恭帝于

此置臨溪縣屬蒲源郡開皇三年罷郡縣屬邛州後因之

縣城三面據險北面平坦

元和邛縣圖志卷之三十一

孤石山在縣東十九里有鐵鑛大如蒜子燒合之成流支鐵甚剛因置鐵官

火井縣中下東北至州六十里本秦臨邛縣地後魏于此置縣屬雅州武德元年割依政等五縣置邛州縣屬焉縣有鹽井

蒲江縣中下西北至州六十三里本秦臨邛縣之地後魏恭帝置廣

定縣仁壽元年改廣定為蒲江縣南枕江水因以為名後因之

車應山在縣南八十里

蒲江水經縣南二百步

鹽井距縣二十里

簡州陽安開元戶二萬二千二十三鄉三十九元和戶二千五百二十二鄉四十

禹貢梁州之域秦為四郡地漢武帝分置犍為郡今州即

犍為郡之牛鞞音鞞縣也李雄據蜀夷獠內侵因茲荒廢南

齊于此置牛鞞戍隋仁壽三年於此置簡州因境有賴簡

池為名大業二年省武德三年復置

州境東西二百一十三里南北一百八十八里東南至資州三百二十里

八到東北至上都二千一百七十里正西微北至成都府一百五十里

東北至東都二千九百里正東微南至普州二百四十里東北至梓州三百一十里正西至陵州一百八十里

貢賦開元貢

元和貢細一十五尺

管縣三 陽安 金水 平泉

陽安縣上 郭下 本漢牛鞞縣也後魏恭帝二年于此置陽安

縣屬武康郡開皇三年罷郡縣屬益州武德三年置簡州

縣又來屬

分棟山在縣西七十七里

中江水即牛鞞水也昔羅尚秉牛鞞水凍征李雄即此水

也

賴簡池在縣東九十六里

陽明鹽井在縣北十四里又有牛鞞等四井公私仰給

金水縣上

南至州一百五十里

本漢唐郡之新縣地也縣有金堂

山水通於巴漢東晉義熙末刺史朱齡石帥建平生征蜀

仍於東山立金泉戍後魏平蜀置金泉縣隸金泉郡開皇

三年罷郡以縣屬益州武德元年以避神堯諱改為金水

縣屬簡州

金堂山在縣北二十四里

銅官山在縣北四十九里 大渡津在縣北三十里

平泉縣中 北至州四十八里 本漢牛鞞將縣地也後夷獠所居

後魏恭帝二年置婆閔縣屬益州十八年改為平泉縣以

縣內有泉源出於平地故以為名仁壽三年置簡州以縣

元和郡縣圖志卷之三十一

大



屬之皇朝因之

大塔山在縣西北六十三里與分棟山連屬南入陵州界

赤水經縣南七十步

上軍井下軍井並鹽井也在縣北二十里公私資以取給

婆閨故城在縣南四十六里

資州

資陽 開元戶一萬八千五百二十二 元和戶一千四百九十九

鄉五十三 鄉五十五

禹貢梁州之域秦保蜀為蜀郡在漢即犍為郡資中縣地也

李雄之亂夷獠居之後魏廢帝二年析武康郡之陽安縣

置資州取資水為名也大業三年改為資陽郡武德元年

復為資州

州境東三百四十八里

八到東北至遂州路至上都二千三百三十里

西北至簡州三百二十里

正北至微東至普州一百七十里

正西至昌州二百六十五里

東至合州五百六十五里 西南至榮州二百卒里

貢賦 開元貢 赧金 賦 綿絹 麻布

管縣八 龍水 清溪 月山

盤石縣 郡下 本漢資中縣地後為夷獠所居

周武帝于漢資中故城置盤石縣屬資中郡開皇三年罷

郡屬資州皇朝因之

牛鞞水合內江水南去縣二十步多魚鱉亦出麩金

資陽縣上東南至州一百二十里本漢資中縣也屬犍為郡李雄

亂蜀縣廢荒後魏廢帝二年始通巴蜀開拓資中周明帝

于資中縣置資陽縣因資水為名屬資陽郡開皇三年罷

郡縣屬資州

牛鞞水東去縣二十一里

王褒墓在縣西北十五里褒資中人也宣帝夜祠金馬碧

雞道病死

內江縣中西北至州九十八里本漢資中縣地名後漢分置漢安縣

李雄之後陷于夷獠周武帝天和二年于中江水濱置

漢安戍其年改為中江縣屬資中郡隋文避廟諱改為內

江縣屬州皇朝因之

鹽井二十六所在管下

丹山縣中南至州一百三十里本漢資中縣地貞觀四年于此置丹

山縣取界內崇丹山為名也

銀山縣中西北至州四十八里本漢資中縣地隋為內江縣地義寧

二年分置銀山縣因縣界銀山為名

鹽井一十一所在管下

龍水縣中東至州一百二十里本漢資中縣地義寧二年招慰夷

獠于此分置龍水縣以縣西北有溪屈曲繞城如龍因以

為名

清溪縣 中下 西南至州一百三十里 本漢資中縣地自晉訖梁夷獠

所居大業十二年于此置牛鞞縣因牛鞞水為名也皇朝

初因之天寶元年改為清溪縣

月山縣 中下 東至州五十里 本漢資中縣地義寧二年分置月

山縣

內江水在縣南一里

嘉州 中府 開元戶二萬二千九百一十二 鄉五十三 犍為 元和戶一千九百七十五 鄉六十五

禹貢梁州之域秦為蜀郡今州即漢犍為郡之南安縣地

也後夷獠所侵梁武陵王蕭紀開通外徼立青州遂取漢

青衣縣以為名也周宣帝二年改為嘉州境接近漢之漢

嘉舊縣因名焉大業二年併嘉州入眉州八年改為眉州

郡武德二年改為嘉州割通義洪雅等四縣別置眉州

州境 東西南北

八到 東北至上都二千三百五十里 東北至東都三千二百一十里 北至眉州一百四十里 東至涼州二百一十里 正北至微州一百九十里 正西至微州一百二十里 東南至戎州陸路三百二十里

貢賦 開元貢 元和貢 同 楚金 絹 綿 小布 麻

管縣八 龍遊 夾江 綏山 羅白 峨眉

玉津 平羗 犍為

龍遊縣縣下本漢南安縣地也周武帝保定元年于此立  
平羗縣開皇三年改為峨眉縣九年又于峨眉山下別置  
峨眉縣改州理平羗縣為青衣縣取青衣水為名也十三  
年改名龍遊以隋將伐陳理舟艦于此有龍見江水引軍  
而前故名縣皇朝因之  
青衣水經縣南去縣三里  
蘇稽戍在縣西南三十里  
夾江縣上東南至州七十五里本漢南安縣地開皇十三年割平  
羗龍遊二縣地于夾江廢戍置夾江縣屬嘉州大業二年  
割眉蜀州武德元年却隸嘉州

青衣水經縣西

綏山縣中東至州四十里本漢高安縣地大業十一年招慰生

獠立以為縣因山為名屬眉山郡武德元年割屬嘉州

綏山在縣西南二百一十九里在峨眉山西西南其高無極

峨眉山在縣南六里

小峨眉山在縣南六里

羅日縣中東北至州九十五里本漢南安縣地麟德二年招慰生

獠于今縣西南一百八十三里置沐州及羅日縣前上元

三年州縣俱廢儀鳳三年重置嘉州羅日獠中山名因以

名縣

峨眉山在縣西四十里

大渡水在縣北二百步

峨眉縣上 東至州七十五里

本漢南安縣地周武帝于此置平

羗縣後改平羗為峨眉縣又以為青衣縣乃別立峨眉縣

枕峨眉山東麓故以為名屬嘉州大業三年割入眉州皇

朝武德又屬嘉州也

峨眉山在縣西七里蜀都賦云抗峨眉于重阻兩山相

對望之如峨眉故名此山亦有洞天石室高七十六里

中峨眉在縣東南二十里有古穴初總容人行數里漸寬

有鐘乳穴有蝙蝠其大如筐

車剛水在縣北二十里

玉津縣中 西北至州三十九里

本漢南安縣地李雄時夷獠自牂

牁入居焉蕭紀置青州之地大業十一年于此置玉津縣

以江有壁玉津故名以為名皇朝因之

峨江在縣城下

玉津鎮在縣城中

平羗縣中下

南至州一十八里

一本漢南安縣地周武帝置平羗

縣因境內平羗水為名開皇四年改州理平羗縣為峨眉

縣仍于今東六十里別立平羗縣大業十一年夷獠侵汶

移於今理

熊耳峽在縣東北三十一里

犍為縣中下西北至州一百五十六里一本漢南安縣地周於此置沉

犀郡并立武陽縣開皇三年廢郡以縣屬戎州又改武陽

為犍為縣前上元二年割屬嘉州

大江在縣西十步

大鹿山在縣北一里

沉犀故城在縣東南三里

戎州南漢開元戶六千七百八十七中府元和戶一千二百九十三

禹貢梁州之域古獫狁國也初秦軍破滇通五尺道至漢武

帝建元六年遣唐蒙巴蜀卒通西南夷自獫狁道扭样柯鑿

石開道二十餘里通西南夷置獫狁縣屬犍為郡今州即

獫狁縣也戎獠之中最有人道故其字從人李雄竊據此

地空廢梁武帝大同十年使先鐵討定夷獠乃立戎州即

以鐵為刺史後遂不改

州境東西五百六十里南北七百一十三里

八到東北取嘉眉州水陸相兼至上都二千七百里

東北至東都三千五百六十里

東北至瀘州水路三百一十里陸路三百四十里

北至崇州三百一十里西南至石門鎮三百里

西北至嘉州水路三千五百里陸路三百二十里

西南至南詔所屈羊直咩城二千三百里

貢賦開元貢葛布麻布葛五疋元和貢荔枝煎四斗

管縣五 獫道 義賓 開邊 南溪 歸順

夔道縣中本漢舊縣也屬犍為郡永嘉後荒廢梁於此

立戎州周保定三年改夔道為外江縣大業三年改為夔

道縣出荔枝一樹可收百五十斗

黃泉山在縣西北五十九里

汶江流經縣東北去縣十步

馬湖戍在縣西二十一里

義賓縣中東南至州一百六十里一本漢南安縣地屬犍為郡天寶

元年改為義賓屬戎州

大秋溪在縣東南一十三里有秋溪鹽井蓋因此水為名

也

開邊縣中東北至州六十五里本漢夔道地周為外江縣地開皇

六年於此縣北一百三十里野容川置歸順縣後上元二

年獠賊叛亂因而荒廢永泰二年復於今理

小梨山在縣南四十七里

大梨山在縣南六十里

南廣水在縣西北一里

鹽泉鎮在縣西南八十里

南溪縣中西至州五十里本漢夔道縣地梁於此立南廣縣屬

廣漢郡以縣屬戎州仁壽二年改為南溪縣避煬帝諱也

皇朝因之

平蓋山在縣東三十里多荔枝

可廬山在縣南五十里山多邛竹

汶江經縣南去縣十步

歸順縣中下 聖曆二年析邛駝縣地以生獠戶置

元和郡縣圖志卷第三十一 終

元和郡縣圖志卷第三十二

劍南道中

西川下

雅州 眉州 松州 茂州 翼州 維州

當州 悉州 靜州 柘州 恭州 宜州

黎州 雋州 姚州 協州 曲州

雅州廬山 開元戶六千五百八十九 鄉二十二 鄉二十四

禹貢梁州之域秦滅蜀為郡即嚴道縣也李膺記曰自晉

永嘉崩離李雄竊據此地蕪廢將二十紀夷獠居云魏後

廢帝二年置蒙山郡於此開皇十三年置蒙山縣并鎮仁



壽四年罷鎮改置雅州因州境雅安山為名大業三年以雅州為臨邛郡武德元年復為雅州

州境東西五百三十九里南北四百三十五里

八到東北至上都二千三百四十里西南至黎州二千四百十里

東北至東都二千二百里西北至西山谷口和順鎮九十里

貢賦元和貢、楚金、落雁木、賦、綿、葛

管轄州十一

管轄五、嚴道、百丈、名山、廬山、榮經

嚴道縣中郭下本漢舊縣屬蜀郡漢遷淮南王長於嚴道

邛縣有邛蠻夷曰道後魏於此置始陽縣大業三年改始

陽為嚴道縣

蒙山在縣南十里今每歲貢茶為蜀之最

長墳嶺在縣西南二十七里道至險惡

平羗水經縣東二里

多切鎮在縣西北三十二里

壠越鎮在縣西三十六里

百丈縣中西南至州八十六里本秦嚴道縣地貞觀八年於此置

百丈縣今按鎮城東有百丈穴故以為名

隴西山在縣西北三十里

大池水經縣東去縣十五步

元中邛縣圖志卷之三十二

撫人戍在縣西南二十里

名山縣中下

西南至州四十二里

本秦嚴道縣地後魏於此置蒙

山縣屬蒙山郡開皇十三年改為名山縣因縣西北名山

為名也屬邛州仁壽四年改屬雅州

名山在縣西北十里

弱棟坂在縣東北八里長二里道至險阻

名山水在縣東二百步東南入平羗水

盧山縣中

東南至州七十里

本秦嚴道縣地仁壽元年於此置

盧山鎮三年於此置鎮盧山縣因山為名屬邛州後屬雅

州皇朝因之

盧山在縣西北九里其山西北連延入夷獠界正北即邛

州火井縣界

浮圖水一名車盧水經縣西南五里

羅帶水經縣東五十步

靈關鎮在縣西北六十里車靈山在下山有峽口似門闕

三丈長二百步關外即夷獠界

榮經縣中下

東北至州一百一十里

一本漢秦嚴道縣地也武德三

年於此置蒙經縣

邛來山在縣西五十里本名邛笮山故笮人之界也山巖

峭峻山竹高節實中堪為杖因名山也

銅山在縣北三里即文帝賜鄧通鑄錢之所後以山做與卓王孫取千足其山今出銅鑛

九折坂在縣西八十里王陽為益州刺史經此歎息謝病去官後王尊為益州刺史至此叱馭而過

邛來水東流經縣北三里

邛來鎮在縣西南八十七里

石門戍在縣西南三十五里

眉州通義

開元戶四萬二千八百三十六元和戶五千八十四

鄉六十五鄉七十二

禹貢梁州之域在漢即犍為郡陽武縣之南地梁太清二年武陵王蕭紀開通外徼於此立青州取漢青衣縣為名也

後魏二年平蜀改青州為眉州因峨眉山為名也武德元年改眉州為嘉州二年於通義縣復置眉州

州境東西南北

八到東北至上都二千二百一十里東南至嘉州二百四十里正西微北至邛州一百七十里北至成都府二百里

南北至東都三千七十里東至陵州七十里西北至蜀州一百七十里

貢賦

開元貢元和貢

麩金

獠麻布

甘子

管縣五

通義

彭山

丹稜

洪雅

青神

通義縣郭下

本漢武陽縣之南境也後魏於此置通義縣

屬齊通郡開皇三年罷郡以縣屬眉州皇朝因之

大江一名汶江經縣東去縣三里出麩金

白戰山在縣東北二十五里西臨汶江

彭山縣南去州六十六里本漢武陽縣也秦惠王時張儀司

馬錯伐蜀之之王開明拒戰不勝退走武陽獲之即其地

也漢昭帝時犍為郡自犍道移理武陽周武帝於此置隆

山郡以境內有犄鼻山地形隆起故為名隋開皇三年罷

郡以隆山屬益州貞觀元年割屬眉州先天元年以犯諱

改為彭山縣

犄鼻山亦曰打鼻山在縣南十五里宋譙縱據蜀朱齡石

伐之命臧喜奇外出兵譙縱遣將譙小荀引兵塞打鼻以

禦之即此也山形孤起東臨江水昔周鼎淪於此水或先

其鼻遂以為名

大江一名汶江亦曰導江在縣東七里

犍為故城在縣西北五里漢犍為郡也武德建元六年分

巴蜀二郡立犍為郡

彭亡城亦曰平無城彭祖家於此而死故曰彭亡後漢岑

彭擊公孫述至武陽所營地名彭亡聞而惡之欲徙會日

暮而止是夜蜀刺客詐為亡奴降彭遂刺殺彭初岑彭至

其地改曰平無若言巴蜀已平無復賊也

警堰在縣西南二十五里擁江水為大堰開六水門用灌

郡下公孫述僭號犍為不屬述攻之功曹朱遵拒戰於六

水門是也。

丹稜縣上

東北至州七十三里

本南齊之齊樂郡也。周明帝置齊

樂縣。武帝改為洪雅縣。開皇十二年因縣南有洪雅鎮。就

立洪雅縣。仍改今理為丹稜縣。屬眉州。皇朝因之。

三青山在縣東北四十五里。

思蒙水在縣西北二十五里。

洪雅故城在縣東百五十步。

洪雅縣上

東北至州百二十里

一本漢齊郡之南境也。自晉迄宋

夷獠有其地。周武帝攘却夷獠。立洪雅鎮。開皇十三年改

洪雅為丹稜縣。更於此置洪雅縣。兼帶洪雅鎮。屬眉州。縣

西有洪雅川以名縣。

可暮山在縣西北三十九里。山多材木。公私資之。

青衣水一名平羗水。經縣南一里。

青神縣中

北至州六十里

本漢南縣地也。李雄之後。夷獠內侵。

西魏恭帝遷於此。置青衣縣。屬眉州。開皇三年

罷郡。徙縣。唐郡理屬眉州。皇朝因之。

青神即青衣神。在今嘉州界。

汶江經縣東三里。

青神故城在縣南二十三里。

松州交川

開元戶七百二十

禹貢梁州之域古西羗地也羗水本出自三苗蓋姜姓之別也其國近南嶽及舜流四凶徙之三危濱於賜支至于河首綿地千里賜支者禹貢所謂折支者也夏桀之亂犬夷入居岐邠之間成湯伐而攘之及武王伐商羗鬻會於牧野周襄西戎來寇殺幽王於驪山及秦穆公得戎人由余逐霸西戎闢地千里其後子孫分別各自為種所居無常依逐水草以戰死為吉利病終為不祥婦人孕身六月而生產子不避風雪性剛猛得西方金行之氣始皇時務力併六國兵不西行故羗種得以繁息漢武北逐匈奴西逐諸羗乃渡河湟築令居塞始置護羗校尉列河西四郡隔

絕羗胡後漢至於魏晉或降或叛至後魏鄧至王象舒治者並衆羗也帝為羗豪因地名自號為鄧至王其後子孫彭舒者遣使內附拜龍驤將軍益州刺史甘松縣開國子假以渠帥之名後魏末平鄧至藩治統有其地後周保定五年於此置龍涸防天和元年改置扶州領龍涸郡開皇三年廢龍涸郡置嘉誠鎮與扶州同理焉大業三年改扶州為同昌郡嘉誠縣隋末陷于寇賊武德元年隴蜀平定改置松州貞觀三年置都督府後但為州

州境東西二百十四里南北一百七十七里  
東北至東都二千七百六十里  
東至翼州一千九百里  
南至翼州一百八十里  
北至茂州三百三十里

貢賦 開元貢 孤尾 當歸 犀 牛酥

管縣二 嘉誠 交川

嘉誠縣 中下 郭下 本周舊縣也 武帝天和元年置屬龍涸郡 開

皇三年罷郡屬扶州 武德元年改屬松州

雪山在縣東八十里 春夏常有積雪故名

甘松嶺在縣西南十五里

寧遠鎮在縣北一百里

大定戍在縣北四十里

交川縣 下 北至州三十四里 本周舊縣 天和中置屬龍涸郡 開

皇三年罷郡屬扶州 武德改屬松州

洛稽山在縣西北七十五里

江源鎮在縣西北三十里

茂州 通化 開元戶二千五百四十 元和戶六百九十

鄉一十三

禹貢丹梁州之域 本丹駝國 漢武破南越 丹駝等皆震恐

請臣置吏 元鼎元年以丹駝為汶山郡 今州即漢蜀郡 汶

江縣也 周武保定四年立汶州 開皇五年改為會州 大業

三年罷會州為汶山郡 武德三年改置南會州 總管府 貞

觀八年改為茂州 以茂滋山為名

州境 東西四百七十八里 南北三百六十里

八到 東北至上都二千一百四十里 南至成都府三百七十里

東北至東都 三千里

東至綿州取松嶺關路三百七十里  
北至翼州一百二十里

貢賦

元和貢麝香、升麻、賦、麻布、生馬、牙消、麝香

管縣四：汶山、汶川、通化、石泉

汶山縣中下本漢汶山縣地晉改為廣陽郡屬汶山郡開

皇十八年改為汶山縣屬會州皇朝改屬茂州按汶山即

岷山也南去青山石山百里天色清明望見成都山嶺停

雪常深百丈夏月融泮江川為之洪溢即隴之南者也

汶江北自翼州南流經縣西二里

石密溪在縣東十九里

汶江城在縣北三里

汶川縣中下

北至州一百里

本漢綿鹿音縣地也梁于此置汶

川縣之西汶水因以為名仍於縣置汶山郡開皇三年罷

郡以縣屬汶州

汶州即茂州汶川縣理是也

六年又屬會川武德改隸

茂州

玉壘山在縣東北四里

濕坂在縣南一百三十七里嶺上樹木森沉常有水滴未

嘗暫燥故曰濕坂

大江水一曰汶江至汶山故郡乃廣二百步

廣柔故縣在縣西七十二里漢縣也屬蜀郡禹本汶山廣

柔人有石綠色禹所生處今其地名剗兒畔



故桃關在縣南八十二里遠通西域公私經過惟此一路  
關北當風穴其一二里中晝夜起風飛沙揚石

繩橋在縣西北三里架大江水筏竿四條以葛藤緯絡布  
板其上雖從風搖動而牢固有餘夷人驅牛馬去來無惧  
今按其橋以竹為索闊六尺長十步

通化縣中下 東北至州一百六十里一本漢廣柔縣之地周武帝時

於此置石門鎮開皇六年以近日苟生羗於金川鎮置金  
川縣十八年改為通化縣皇朝因之

蜀山在縣東北六里

縣城累石為城內實外險東北二面並累石南面西向臨

岍去地百丈餘

石泉縣中下 西至州一百二十里一本漢汶江縣之地也貞觀八年

於此置石泉縣屬茂州

石城山在縣東南一里

石密水經縣南一里

翼州臨翼 開元戶一千七百一十四 鄉七

禹貢梁州之域本秦漢徼外羗也武帝元鼎中開為縣今  
州即漢蜀郡蚕陵縣之地也梁太清中武陵王蕭紀於蚕  
陵舊縣置鐵州尋廢周武帝天和元年討蚕陵羗又於七  
頃山下置翼州以翼計溪為名隋大業三年省州改置和

山鎮以翼計等三縣屬會州武德元年重置翼州其域西枕大江南面臨溪

州境東西三百三十里南北一百七十里

八到東北至上都三千八十里東北至東都二千九百四十里北至松州一百一十里西至悉州二百二十里

貢賦開元貢麝香賦麻布元和貢散麝

管縣三衛山翼水岷石

衛山縣中下本漢蚕陵縣地周武帝於此置翼計縣以翼

計水為名屬翼計郡開皇三年罷郡以縣屬翼州皇朝因

之天寶元年改為衛山縣

七頃山一名落日山北路山巖峻阻平地惟有七頃因呼

為七頃山

龍涸故城俗名防渾城在縣北十一里城之北境舊是吐

谷渾所居故曰防渾城

石臼成在縣北六十里

窄橋在縣北三十七里以竹篾為索架北江水

翼水縣中下北至州六十里本漢蚕陵縣之地周於此置龍水

縣屬清江郡開皇三年改為清江縣三年罷郡以縣屬翼

州十八年又改清江為翼水縣皇朝因之

石鏡山在縣東南九里山側有石圓徑二尺明徹如鏡因

名

大江水經縣西二百步翼水出縣南下

岷和縣中下 南北至州六十里本漢蚕陵縣之地天寶十一年

分置岷和縣以縣有岷和山也縣有石臼戍北大江之西也

維州維川下 開元戶七百六十五

本徼外羗冉駝之別種也初蜀將姜維馬忠北討北汶山  
叛羗此其地也今居姜維城即維所築自晉已後羗夷或  
降或叛開皇四年討叛羗以其地置薛城戍屬會州後又  
沒賊武德四年日苟羗有領內附於姜維城置維州以統

之其城甚險固乾元二年沒西戎

州境東西三百二十五里南北二百五十三里

八到東北至上都東北至東都

東至直州界一百里東北至恭州三百五十里

貢賦開元貢麝香

管縣三 薛城 定康 鹽溪

薛城縣下 本隋薛城戍武德七年改為縣與州同置姜

維山在縣西一里

定康縣下 本隋開皇四年置定康戍於此屬會州武德

七年改為縣與州同置因定康水為名

鹽溪縣下 貞觀三年置鹽溪村因為名

定廉山在縣東十里

當州江源

本漢蚕陵縣地貞觀二十一年割松州通軌縣置當州仍

以羗首領為其刺史

州境東西一百六十八里南北一百三十五里

八到東北至上都二千一百一十里東北至東都二千九百七十里東至松州二百一十里東至翼州二百七十里

貢賦開元貢麝香 大黃 當歸 辟牛尾 羚羊 元和貢 當歸 散麝香

管縣四 通軌 利和 谷和 平康

通軌縣下 貞觀三年置屬松州二十一年於縣置當州

利和縣下 西南至州三十里 周天和元年於此置廣平縣尋廢

明慶二年於廣平舊城置利和縣

谷和縣下 東南至州六十里 文明元年開生羗置

平康縣下 西南至州六十里 明慶中因古平康城置在平康水

西隸翼州尋廢垂拱元年置以屬當州

悉州歸誠 開元戶八百五十五

右明慶元年分當州置在悉唐川因以為名其首領任刺

史

州境東西一百六十里南北八十里

八到 東北至上都二千三百五十里

東北至東都三千二百一十里

東至翼州二百二十里

西南至靜州六十里

東南至成都府六百五十里

貢賦 開元貢 麝香 犛牛酥并尾 當歸 麝香

管縣三 識白 左封 歸誠

識白縣 下 明慶元年與州同置地名識白因之為名

肅蕃山在州北八十里肅蕃鎮在山下

左封縣 下 東南至州二十里 周天和元年於此置廣平縣開皇

十八年改為左封天寶中又於縣置守捉

歸誠縣 中下 西北至本生羗垂拱二年從化三年置縣

以處之

靜州 靜川 開元戶六百七十二

鄉二

本漢蚕陵縣地天授元年於此置靜州其城據山甚險固

州境 東三百二十里 西三百二十里 南三百二十里 北三百二十里

八到 東北至上都三千二百九十里 東北至東都三千一百五十里

西北至柘州三十里

東北至當州六十里 東北至悉州六十里 南至赤和縣三十五里 北至茹州六十里

貢賦 開元貢 麝香 犛牛酥

管縣三 悉唐 靜居 清道

悉唐縣 中下 西至州二十四里

靜居縣 中下

清道縣下

右並明慶元年與悉州同置天授元年割屬靜州

柘州下蓬州開元戶

儀鳳元年置以山多柘木因以為名其城四面險阻易於

固守有安戎江蓬婆水在州南三十里

州境東北

八到東北至上都二千二百六十里  
至東都三千一百三十里

管縣二柘縣喬珠

柘縣中下前上元二年置

大雪山一名蓬婆山在縣西北一百里

栢嶺在縣北八十里嶺北三十里至白崖驛與吐蕃接界

喬珠縣中下東至州與州同年置

恭州下恭化開元戶

開元二十一年析靜州部落於柘州西置

州境東北

八到東北至上都二千一百九十里  
東北至東都三千一百五十里  
西南至維州三百五十里  
東北至柘州三百里

管縣三和集博恭烈山

和集縣中下舊名廣平縣屬靜州開元二十七年於縣置

恭州寶應元年改名和集

博恭縣 中下 西至州二十五里

烈山縣 中下 西至州五十里

直州 昭德 下

在合江鎮西一百四十二里其地本名直符天寶三年節

度使章仇兼瓊以其地險阻又當西山要路奏置直符營

控押一川仍置兵於其處五年節度郭虔已緣羗頃搖動

仍奏置昭德郡乾元二年改為直州

州境 東西南北

八到 東北至上都二千一百八十里

東北至東都三千四十五里 東至翼州四十里 西至維州界一百里 南北至茂州通化縣一百里 北至悉州界四十里

貢賦 元和貢 當歸三斤半 麝香

管縣四 直符 昭德 昭遠 鷄川

直符縣 中下

昭德縣 中下

昭遠縣 中下

鷄川縣 中下

右昭德等三縣並在州側近以熟羗首領為其令長居無

常所

黎州 洪源 開元尹 元和戶三百三十八 鄉五

禹貢梁州之域漢武帝破夷于邛置沉黎郡國天和三

開越雋於此置黎州隋廢州置沉黎鎮武德元年罷鎮為南登州大足元年巡察使殷祚奏割雅州漢源飛越通望三縣置黎州龍興三年雋州都督元膺奏廢開元三年本道使陸象先重奏置天寶初廢飛越縣止領縣二其州城東西南三面並臨絕澗惟北面稍平貞元二年節度使韋皋鑿北面隍塹深濶又於州北故武侯城遷迤置保三所為州城之援

州境東西南北  
八到東北至上都二千五百八十里  
東北至東都二千四百三十里  
東至戎城無路約七百里  
東北至種州二百四十里

貢賦西南至雋州六百五十里 西至廓清城一百八十里  
其城西臨大渡河 西生羗蠻界  
開元貢椒一石

管縣二 漢源 通望

漢源縣中下本漢旄牛縣地也隋仁壽二年平夷獠於此置漢源鎮因漢川水為名四年罷鎮立縣屬雅州貞觀三年割屬雋州開元三年分屬黎州

飛越山在縣西北一百里山西北兩面並接羗戎界儀鳳二年置飛越縣天寶初廢

沉黎鎮在縣東南六十一里

廓清城在州西一百八十里



銅山城西北五十里

定蕃城在通望軍東一百八十里

衝要城在通望縣東十三里

大定城在州南二百三十里乾元二年改和集鎮置

已上城並貞觀元中韋皋置

管羈縻州五十七並蠻夷部落大首領主之

通望縣中 北至州九十里本漢旄牛縣地開皇二十年於此置

大渡鎮大業二年改為陽山鎮武德元年改為陽山縣屬

雋州天寶元年改名望通縣別屬黎州

大渡水經縣北二百步

沉黎鎮在縣東北六十一里

通望戍在縣西南十二里

雋州越雋 開元戶三萬八千三十五  
下府 元和戶一萬六千五百八十

鄉二十六

本漢南外夷秦漢為邛都國秦嘗攻之通五尺道改置夷

馬至漢武帝始誅且蘭邛君并殺笮侯而丹旄等皆震恐

乃以邛都之地為越雋郡屬益州按郡有越水雋水出深

羗界言越雋者以彰威德遠也領縣十五魏晉已還蠻獠

恃險抄竊乍服乍叛周武帝天和三年開越雋地於雋城

置嚴州開皇六年改為西寧州十八年改為雋州皇朝因

之至德二年沒蕃貞元十三年節度使韋皋收復

州境東西九百八十里

八到東北至上都三千二百三十里

北至成都府一千二百九十里

西至東瀘水二百里

東南至姚州三百五十里

貢賦開元貢 絲布

管縣七 越雋 西瀘 蘇初 臺登 邛邰

昆明 會川

越雋縣上郭下本漢邛都縣之地也開皇六年分邛都置越

雋縣皇朝因之

陷河在縣東南十里初成帝置邛都縣無幾陷為汗澤因

名陷河

西瀘縣下東北至州二十七里本漢邛都縣地也周武帝天和三

年於此置本可縣天寶元年改名西瀘縣

温湯水出縣西山十二里

瀘水在縣西百一十二里諸葛亮征越雋上疏曰五月渡

瀘深入不毛謂此水也水峻急而多石土人以牛皮作船

而渡一船勝七八人

姜磨戍在縣西南三里

蘇初縣上東南至州本漢雋縣也屬越雋郡後陷夷獠周武帝重開越雋復立蘇初縣屬嚴州開皇改屬雋州皇朝因之

東北至東都四千九十里

東至蠻界約二百里

南至瀘渡四百五十里

西北至種州六百九十里

溫水出縣東平地二十一里。

臺登縣下正南微北至本漢舊縣屬越雋郡周武帝重

開越雋於舊理立臺登縣後遂因之

鐵石山在縣東三十五里山有砮石火燒成鐵極剛利

念諾水本名繩水流入瀘水在縣西北七百里自羗戎界

流入

長江水本名孫水出縣西北

胡浪山下有司馬相如定西南夷橋孫水以通邛笮即此

水也

諸葛亮故城在縣東南三里亮南征至此所築也

邛部縣下西南至州二百六十里本漢蘭縣地也屬越雋郡周武

德於此邛部城置縣仍以舊城為名屬邛部郡開皇三年

改屬雋州皇朝因之

雋山在縣西南九里雋水出雋山下州郡得名因此水也

清池鎮在縣西北五十八里

昆明劉德一本漢定笮縣也屬越雋國去郡三

百里出鹽鐵夷皆用之漢將張弢殺其豪率遂獲鹽鐵之

利後沒蛮夷周武帝立定笮鎮武德二年於鎮置昆明縣

蓋南接昆明之地因以為名

鹽井在縣城中今按取鹽先積柴燒之以水洗上即成黑

鹽

凡言筴者夷人於大江水上置藤橋謂之筴其定唯大筴皆是近水置筴橋處

會川縣中

北至州三百七十里

本漢會無縣屬越雋郡蕭齊沒於

蠻獠高宗上元二年於其地置會川縣天寶初又於縣側立會同軍在今州南三百七十里是也

姚州

雲南下

本漢雲南縣之地武德四年安撫大使李英以此中人多姓姚故置姚州為瀘南之巨屏天寶十三年沒蕃貞元初蠻帥異年尋歸國冊拜謂之南昭九年南昭又以其地內

西安縣下

東西至州二十七里

胡津縣下

南至州六十里

右三縣開皇四年並同州置本漢南廣縣之地大業二年廢武德元年南夷款附重置

曲州

朱提下

本漢夜郎國郡地武帝於此置朱提縣屬犍為郡後立為郡在犍為郡南一千八百里後漢省郡諸葛亮南征復置朱提郡自梁陳已來不復賓屬開皇四年開置南中立為恭州武德元年改為曲州朱提山名出善銀食貨志曰朱提銀重八兩名為一流因山名郡縣也

州境東西南北

八到東北至東都四千三百三十里

貢賦

管縣二 朱提 唐興

朱提縣郭下

唐興縣下 西至州五里

右二縣並武德元年與州同置朱提取漢舊名也

七曲水在州西北三十里

溺水在七曲水北百三十里南北四百里東西七百里

窮年密霧未嘗覩日月輝光樹木皆衣毛深厚時多水

濕晝夜沾洒上無飛鳥下絕走獸惟夏月頗有蝮蛇土人呼為漏天也

元和郡縣圖志卷第三十

劔南道下

東川節度使



梓州

劔州

綿州

遂州

渝州

合州

普州

榮州

陵州

瀘州

龍州

昌州

梓州

梓潼

開元戶一萬五千四百七十八  
元和戶六千九百八十五

鄉二十六  
鄉百十六

今為東川節度使理所

管州一十二

梓州

劔州

綿州

遂州

渝州

合州

普州

榮州

陵州

瀘州

龍州

昌州

管縣六十九 都管戶三萬一千七百二十二

禹貢梁州之域秦并天下是為蜀郡漢高帝分置廣漢郡  
今州即廣漢郡郵廣漢二縣地也宋於此置新城郡梁武  
陵王蕭紀於郡置新州開皇末改為梓州因梓潼水為名  
也州城宋元嘉中築左帶涪水右挾中江居水陸之衝要

州境東西三百六十里  
南北三百六十三里

八到東北取綿州路至上都一千八百六十四里  
東北至東都二千七百二十四里

東北至遂州二百五十里

西至漢州二百一十里

西北至閬州三百一十五里

西南至蘭州三百一十里

開元貢綾 綿 絲布  
元和貢綾 甘子 空青

西北至綿州一百三十里  
正東微南至果州三百五十里  
正北微東至劍州三百六十里  
正南微東至普州三百五十里  
賦 布 絹  
曾青

管縣九 郵縣 射洪 通泉 玄武 鹽亭

永泰 飛鳥 銅山 涪城

郵縣望 郵下 本漢舊縣屬廣漢郡因郵江水為名也後魏置

新城縣改名昌城縣大業三年後為郵縣

牛頭山一名華林山在縣西南二里四面危絕

涪江水經縣東去縣四里

縣有鹽井二十六所

射洪縣上 西北至州六十里 本漢郵縣地也後魏分置射洪縣

縣有梓潼水與涪江合流急如箭奔射涪江口蜀人謂水

口曰洪因名射洪

白崖山在縣南十五里

涪江水西北自鄆縣界流入在縣東一百步灘十七所

通泉縣

紫

西北至州一百四十里

本漢廣漢縣地也宋於此置西

岩梁郡後魏恭帝移于涌山改名涌泉郡周明帝置通井

縣開皇三年改為通泉縣十八年改屬梓州

通泉山在縣南二里山前有石蝦墓高七八尺

涪江水經縣東三里

沉水北自鹽亭縣界流入公孫連令延岑盛兵於沉水固

守臧宮進兵縱擊大破之斬省溺死者萬餘人即此也

赤車鹽井在縣西北十二里又別有鹽井一十三所

立武縣

上

東至州一百一十五里

本先立所立五城縣也屬廣漢

郡後魏平蜀立立武郡以縣屬焉開皇三年改五城為立

武縣因立武為名也屬益州武德三年割屬梓州立武山

在縣東二里山出龍骨

天柱山一名覆缸山在縣西南里四十里

七里坂在縣東七里

內江水本名中江經縣南去縣百步

鹽亭縣

西南至州九十三里

本漢廣漢縣之地也梁於此置比宕

渠郡及縣後魏恭帝改為鹽亭縣以近鹽井因名開皇三

年罷郡屬梓州



梓潼水經縣南去縣三里

永泰縣中西南至州一百四十五里一本漢克國縣地也武德四年分

置地號永泰因以為名

鹽亭溪水經縣北去縣十九里

大汁鹽井在縣東四十二里又有小汁鹽井歌井針井

飛鳥縣上東北至州一百四十五里一本漢郫縣地也開皇十三年於

此置飛鳥鎮十年改鎮為縣並因山為名

飛鳥山在縣西南五十五里

哥郎等八山並出銅錒

郫江水經縣北去縣四十里

銅山縣中東北至州一百二十里一本郫縣地有銅山漢文帝賜鄧

通蜀銅山鑄錢此蓋其餘峯也歷代採鑄貞觀二十三年

置監署官前上元三年廢監調露元年因廢監置銅山縣

飛鳥山在縣西南三十五里

郫江水經縣南五里

涪城縣緊東南至州六十里一本漢涪縣地開皇十六年改置涪

城縣屬綿州大曆十三年割屬梓州

劍州普安開元戶一萬三千九百七十六鄉二十五元和中戶二千九百三鄉八十五

本漢廣漢郡之梓潼縣地武帝置十三州屬益州宋於此

置南安郡武陵王蕭紀收郡立安州後魏廢帝二年先下

安州始通巴蜀故改安州為始州大業三年罷始州為普安郡武德元年復為始州先天二年改為劔州取劔閣為名也

州境東西二百六十七里南北二百五十六里

八到東北至上都一千四百三十里

東北至東都二千三百里  
西南至綿州二百九十里  
東南至閬州二百二十里  
西北至龍州三百三十里

貢賦開元貢蘇董席蘇董席巴戟天重臺

管縣八 普安 梓潼 黃安 永歸 陰平

武連 臨津 劔門

普安縣中郭下本漢梓潼縣地宋於此置安南縣周改為普

### 安縣

大欽山亦曰梁山在縣北四十九里初姜維自沓中為鄧艾所摧與張翼董厥合還保劔門以拒鍾會即此也

石新婦東北一里千人巖之南岬絕壁高數千丈即劔山之危峰見數百里外傍視象嶺由平地也岩下高百許丈

有石壁紅色方如座席即張孟陽勒銘之處也

千人巖有石室可容千人因名

大劔水出縣西四十九里空冢山下

漢德政城又名黃蘆城在縣東北四十六里三面並阻絕

澗惟西面少平周迴百五十步

鍾會故壘一名開迷戍在縣東北五十三里亦名空冢戍  
晉鍾會軍至此既度劔閣居死地遂倒種掘冢決為死戰  
既無所埋故曰空冢後魏改名開遠戍

大劔鎮在縣東四十八里本姜維拒鍾會壘也在開遠戍  
東十一里其山峭壁十丈下瞰絕澗飛閣以通行旅梁時  
於此置大劔戍

劔閣道自利州益昌縣界而南十里至大劔鎮合今驛道  
秦惠王使張儀司馬錯從石牛道伐蜀即此也後諸葛亮  
相蜀又鑿石駕空為飛梁閣道以通行路初李特入漢川  
至劔閣顧盼曰劉禪有如此地而面縛於人豈非庸才

石新婦神在縣東北四十九里大劔東北三十里夫遠征  
婦極望忘歸因化為石

梓潼縣上 東北至州一百六十里 一本漢舊縣屬廣漢郡蜀先主分

廣漢置梓潼郡以縣屬焉開皇三年罷郡以縣屬始州後  
改屬劔州

梓潼水一名馳水北自陰平縣界流入

鄧艾祠在縣南百步

黃安縣中下 北至州一百四十里 一本漢梓潼縣地也宋於此置華

陽縣屬安南郡後魏禪帝改為南安縣周武帝改為黃安  
縣

永歸縣中下 西北至州五十三里 本漢梓潼縣地也 宋於此置曰

水縣 周閔帝改為永歸縣

陰平縣中 東至州一百四十里 本漢梓潼縣地 宋明帝太始中於

此置北陰平郡 開皇三年罷郡以縣屬始州 皇朝初因之

後改入劍州

龍血山亦曰龍象巖在縣北五十里絕壁高岿萬有餘丈

有四石龍在石壁間昔者群龍共鬪四龍疲斃嘔血死因

化為石血變成鱉堪克器物但不耐風日綿布四五里土

人取之今龍象猶存石不復入用

岐江水下流即梓潼水也東流縣西南五里

武連縣中 東北至州八十五里 本漢梓潼縣地 宋元嘉中於縣南

五里僑立武都下辨縣又改下辨僑置武功縣 周明帝

改武功為武連縣 開皇三年龍郡以縣屬始州

臨津縣中 西北至州一百三十里 本漢梓潼縣地 南齊於此置胡原

縣 開皇七年改為臨津縣

掌夫山在縣西南六十里 晉太安元年遣都護衛博討李

特遣將李盪自掌夫山妻博為伏兵所圍即此山出

名柘堪為弓材 雖麋桑熊角不能勝也

劍門縣中 西南至州六十里 本漢葭萌縣地 聖曆二年分普安

永歸陰平三縣置劍門縣 因劍門為名也

梁山在縣西南二十四里即劍門山也

綿州巴西開元戶五萬一千四百八十鄉一百一十三元和戶七千一百四十八鄉九十三

本漢廣漢郡之涪縣後魏廢帝二年徙梓潼郡理梓潼舊城於此別置潼州梓潼舊城在今劍州界開皇五年改潼

州為綿州因綿水為名也大業三年改為金山郡武德元年復為綿州

按州理城漢涪縣也去成都三百五十里依山作固東據天池西臨涪水形如北斗卧龍伏馬為蜀東北之要衝梁天監中張齊為太守更造樓櫓却敵有東西門東門久塞富樂山氣所衝門開則喪亂宋元嘉初太子王懷業開泉

致覆敗爾後還塞

州境東西三百一里南北二百六十二里

八到東北至上都一千七百三十四里東北至東都二千五百九十四里西南至漢州一百八十里西至茂州取崧嶺路三百七十里

貢賦開元貢對鳳兩窠獨窠白紬絹又貢雙絲疋織綿絹元和貢雙紉賦貢同

管縣八 巴西 昌明 神泉 羅江 龍安

魏城 益泉 西昌

巴西縣望郭下本漢涪縣也屬廣郡先王據蜀立梓潼郡

以縣屬焉晉孝武帝徙梓潼郡於此後魏改為巴中縣開

皇元年避廟諱改為巴西縣

元知即縣圖志卷之三十三

富樂山在縣東五里

天池山在縣北一十餘步

涪江水經縣西去縣五十步

羅江水經縣西去縣三十三里

蔣琬墓在縣西八里琬為大司馬住漢中後上疏曰今涪水陸四通惟急是應若東北有虞赴之不難由是琬遂還往涪疾轉增劇卒於此而葬焉

譙周墓在縣南十六里周將亡戒諸子曰吾後嗣當有黃頭黑齒幾亡吾族及周孫縱之生也頭黃齒黑晉末刺史毛璩使縱領白徒七百人由涪水下討栢立西人不樂遠

征乃逼縱為主攻陷巴西遂屠益州既害毛璩自號成都王義熙九年朱齡石討平之卒如周言

昌明縣南至州七十里本漢涪縣地也晉孝武帝自白沙戍

移漢昌縣僑理於此仍屬巴西郡後魏廢帝改漢昌為昌

隆縣先天元年改為昌明縣

涪水經縣南去縣一里

廉水經縣東北讓水出縣北平地宋明帝時梓潼涪人范百年因論事之次帝語及廣州貪泉百年對曰臣家梁益所有廉讓之間謂此水也

神泉縣上東北至州八十四里本漢涪縣地晉孝武帝於此僑置

西克國縣屬巴西郡開皇三年罷郡縣屬潼州六年改為神泉縣因縣西神泉為名

神泉在縣西平地冬夏溫沸氣如附子能愈泉疾

龍安縣上

東北至州七十八里

本漢涪縣地周武帝天和六年於

此置金山縣大業三年廢武德三年廢金山縣城置龍安縣因山為名

金山在縣東五十步每夏雨奔注崩頽所則金粟散出大者如碁子

龍安山在縣北十里有好林泉開皇中蜀王楊秀立亭館以避暑

魏城縣上

西南至州六十五里

本漢涪縣地隋大業十年自鹽泉

井移魏城縣理屬金山郡按鹽泉井在今縣東南四十五里鹽泉縣理是也

高靈山在縣北二十四里

東西井在縣東南四里井西為涪縣界井東為梓潼縣界二縣界分境之所故曰東西

鹽泉縣中下

東至州五十六里

本漢涪縣地後魏禪帝元年割

涪縣置魏城縣武德三年分魏城置鹽泉縣

五層山在縣西南五十里

梓潼水經縣北去縣十八里

元和郡縣圖志卷之三十二

陽下鹽井在縣西一里

西昌縣中東至州五十六里本漢涪縣地晉孝武帝於此僑置

益昌縣開皇三年省永淳元年又置以與利州益昌縣同

名以其州西因以改為西昌縣

龍臺山在縣東北四里

龍安水在縣北五里

遂州遂寧中府開元戶三萬七千三百七十七

鄉六十五

禹貢梁州之域秦為蜀郡地漢分置廣漢郡今州又為廣

漢郡之廣漢縣地後分廣漢為德陽縣東晉分置遂寧郡

周保定二年立為遂州後因之

州境東西一百二十里

八到東北至果州路至上都二千二十里

東北至果州一百七十里東南至合州二百六十里

西北至梓州二百五十里正南微西至普州一百四十里

貢賦開元貢綾一十五尺管子 榑蒲綾

管縣五 方義 長江 青石 蓬溪 遂寧

方義縣望下本晉小溪縣也穆帝永和十一年置屬遂寧

郡後魏恭帝改為方義縣開皇三年罷郡縣屬遂州

涪江水北去縣八十步

縣四面各有鹽井九十二所

盧星池在縣西南四里

元和郡縣圖志卷之三十三

十一



龍池在縣北百二十步

長江縣上南至州五十里本晉巴興縣魏恭帝改為長江縣

涪江經縣南去縣二百五步

青石縣中西北至州七十里本晉之晉興縣也本屬巴郡既置

遂寧乃割屬焉後魏改為始興縣開皇十八年改為青石

縣

青石山在縣東南水路五十九里舊巴蜀爭界累年未分

一朝密霧石為之裂破從上至下直引若繩因此定遂合

二州之界

涪水經縣南去縣一里

九節溪出縣東三十六里灘有節因為名

蓬溪縣中西南至州一百二十里一永淳元年割方義縣北界于今

縣南二十里蓬川置唐興縣長壽二年改為武豐神龍元

年復為唐興天寶元年改為蓬溪

石香爐山在縣西五里

縣有鹽井一十三所

遂寧縣中東南至州一百二十里一景飛二年割青石縣置

渝州南平開元戶五千九百六十二鄉一十二元和戶八百三十二鄉一十

禹貢梁州之域古之巴國也閬白二水東南流曲折如巴

字故謂之巴然則巴國因水為名武王伐殷巴人助焉其

人勇銳歌舞以凌殷郊後封為巴子其地東至魚復西隸道接漢中南極梓潼是其界也春秋時亦為巴國戰國時楚既稱王巴亦稱王秦惠文王使張儀司馬錯伐巴蜀滅之分其地為三十一縣始皇置三十六郡巴即一焉漢高帝既定三秦項羽背納封為漢王王巴蜀天下既定乃分巴蜀置廣漢郡武帝又置犍為郡劉璋為益州牧於是分巴郡自墊江已下為永寧郡先主又以固陵為巴東郡于是巴郡分而為三號曰三巴梁武陵王蕭紀於巴郡置楚州後魏改為巴州閔帝又改為楚州開皇元年改楚為渝州因渝水為名漢高祖還伐秦巴人從軍歌舞臨陣帝善

之曰此武王伐討之歌也後令習之所謂巴渝舞也

州境東西一百一十六里南北四百七十九里

八到東北至上都三千八百一十里正北至合州一百六十里東北至東都三千六百七十里正南至瀘州水路七百里東北至涪州水路三百四十里

江津縣在州西一百二十里縣南陸路至濠州三百六十里人自江津縣南尋犍溪水路至南州二百三十里

貢賦開元貢葛五尺藥子

管縣五 巴縣 江津 萬壽 南平 璧山

巴縣中下本漢江州縣也屬巴郡在岷江之西漢水之南

即蜀將李嚴所脩古巴城也南齊改為墊江縣周明帝武

成三年改為巴城縣後遂不改州理城即漢巴郡城也先

主令李嚴都督鎮此。又鑿南山，欲會汶涪二水，使城在孤洲上。會嚴被徵，不卒其事。鑿處猶存。

江津縣 中下 東至州一百二十里 一本漢江州縣也。屬巴郡。周改為

江陽縣。開皇三年改為江津縣。屬渝州。

萬壽縣 中下 東北至州一百八十里 三本漢江州縣地。武德三年分

江津置萬春縣。屬渝州。五年改為萬壽縣。

綾綿山在縣西八十五里。

大江水經縣南去縣二里。

南平縣 中下 西至州一百三十里 一本漢江州縣地。貞觀四年分巴

縣置南平縣。屬南平州。十三年廢州縣。改屬渝州。

瀛山在縣西南三百七十里。以其高峻，象海中蓬瀛，故名。

巴子魚池在縣西北一十里。

壁山縣 中下 東北至州一百八十里 一本漢江津萬壽巴三縣地。四

面高山中央平田。周迴約二百里。天寶中諸州逃戶多投

此營種。川中有一孤山西北二面險峻。東南面稍平。土人

號為重壁山。至德二年置縣。因山為名。縣東陸路至江津

縣二百三十里。

合州 巴川 開元戶二萬六千七百九十二 鄉四十二

禹貢梁州之域。春秋時為巴國。秦滅之，以為巴郡。今州即

漢巴郡之墊。江縣地也。宋文帝元嘉中於此置東宕渠郡。

後魏恭帝于東岩渠郡改置合州以涪江自梓遂州來至  
州南與嘉陵江合流因名合州

州境東西北西三百二十四里

八到東北至上都二千六百五十里

西至遂州陸路二千五百一十里水路三百七十里

貢賦開元貢藥子三百顆 元和貢牡丹皮木藥子 北至瀘州五百九十里 北至果州三百里 牡丹皮十斤 桃竹筋

管縣六 石鏡 漢初 新明 銅梁 巴川

赤水

石鏡縣上郭下本漢墊江縣屬巴郡後漢岑彭與臧宮伐公

孫述自江州縣從涪水上至墊江是也宋武帝于此置東

岩渠縣石似鏡因以為名

銅梁山在縣南九里蜀都賦曰外負銅梁石渠是也山出

鐵及桃枝竹

涪江水經縣南去縣二百步

巴子城在縣南五里

漢初縣中東南至州一百九十四里一本漢墊江縣地後魏于此置漢

初縣屬合州

西溪水一名嘉陵水經縣理南去縣一里

新明縣中西南至州一百二十里一本漢墊江縣之地自後魏訖隋

又為石鏡縣地武德二年分石鏡縣之東北界為新明縣

銅梁縣中 東至州二百里 長安四年刺史陳靖意以大足川

僑戶輻湊置縣取小銅梁山為名

小銅梁山在縣西南北七十里

涪江水在縣東北四十里

巴川縣中 北至州二百里 開元二年刺史孫希庄奏割石鏡之

南銅梁之東置縣

小安溪源出縣南也山中

赤水縣中 東至州一百里 本漢墊江縣地開皇八年分石鏡縣

于今縣西二里置縣因水為名

朝霞山在縣南十八里

普州中 安岳 開元戶三萬二千六百八 元和戶一千六百五十二 鄉二十五

禹貢梁州之域秦漢為巴蜀二郡之地今州即漢之資中

牛鞞鞞墊江後漢之德陽四縣之地周武帝于縣立普州

大業二年罷普州以所領縣屬資州武德二年重置

州境 東西二百七十八里 南北一百九十三里

八到 東北至上都二千一百六十里 東北至東都三千二十里

正北至微東至遂州一百三十里 正西至微北至蘭州二百四十里

正南至微西至資州一百七十里 正北至微西至梓州三百五十里

貢賦 開元貢 葛八疋 賦 絹 紵布 元和貢 天門冬 葛

管縣六 安岳 普康 安居 普慈 崇龕

樂至

安岳縣上郭下。周武帝建德四年與州同置。縣有鹽井一十所。

安岳山在縣西南一里。

普康縣下北至州七十里。周建德四年於此置永康縣。開皇十

八年改為隆康。先天元年改為普康。

縣有鹽井三所。

安居縣中南至州八十里。本周柔剛縣也。因山為名。開皇十二

年改為安居縣。因水為名。天授三年移于今理。

柔剛山在縣東二十里。

安居水在縣北八十步。

縣有鹽井四所。

普慈縣中東南至州一百里。本名多業縣。周建德四年置。屬普

慈郡。開皇十三年改多業為普慈。

婆娑山在西北三十里。其山綿亘數百里。

安居水在縣北一里。

縣有鹽井一十四所。

崇龕縣下西至州一百一十里。一隋開皇三年于此置隆龕鎮。大業

十二年于此置縣。先天元年改名為崇龕。

崇龕山在縣西三里。因取為縣名。

樂至縣中 東至州一百四十里 本周車免鎮也屬普州以車免山

為名武德三年于鎮置樂至縣

樂至池在縣東二里

榮州 和義 開元戶四千七百七 元和戶八百八十 鄉一十五 鄉二十

禹貢梁州之域秦為蜀郡地在漢即犍為郡之南安縣地

也李雄據蜀後夷獠居之所謂鐵山生獠也開皇十三年

置大牢縣武德元年割資州大牢威遠二縣于公井鎮置

榮州取榮德山為名也

州境 東西一百八十三里 南北一百三十六里

八到 東北取資州至上都二千四百九十里 東北至東都三千三百五十里

東北至資州一百六十里

南至戎州三百一十里

西至嘉州二百一十里

西北至陵州二百一十里

東北至瀘州水陸路相 兼五百四十里

貢賦 開元貢 班布大疋 利鐵 元和貢 班布

管縣六 旭州 洛官 和義 威遠 公井

應靈

旭川縣 中下 郡下 本漢南安縣地貞觀元年于此置旭川縣因

縣有塩井號旭井因取以名縣

榮德山在縣東北三十五里

鉄山在縣北四十里

大牢溪出縣北鉄山下南流經縣北

元和郡縣圖志卷之三十三

六

咨官縣 中下 東南至州九十里 本漢南安縣地 大業十一年屬犍  
為郡 隋後誤以治為咨也 武德元年屬嘉州 貞觀六年改  
屬榮州

白崖山在縣西北十里

和義縣 中下 西南至州一百七十里 一本漢資中縣也 是資瀘二州界

大業十二年分置和義縣以招和夷獠故以和義為名

內江水在縣西一百七十里

縣有鹽井五所

威遠縣 中下 西至州七十里 本漢資中縣地 開皇三年于此置

威遠戍以招撫生獠 十一年改為縣 屬資州 武德元年

改屬榮州

鐵山在縣西北四十里

威遠鎮在縣城內

縣有鹽井七所

公井縣 中下 西北至州九十里 本漢江陽縣地 屬犍為郡 周武

帝于此置公井鎮 隋因之 武德元年于此鎮置榮州 因改鎮

為公井縣

野容山在縣南六十里

縣有鹽井十所 又有大公井 故縣鎮因取為名

應靈縣 中下 東北至州一百五十里 一本漢南安縣地 開皇十年于此



此置大牢鎮十三年改鎮為縣。界有大牢溪因取為名。天寶元年改為應靈。

縣有鹽井四所。

陵州仁壽

開元戶一萬七千九百五十五。元和戶一千九百八十五。

鄉四十七。鄉四十七。

禹貢梁州之域。秦為蜀郡。地在漢即犍為郡之武陽縣之東境也。晉孝武太元中益州刺史毛璩益西城戍以防鹽井。周閔帝元年又于此置陵州。因陵井以為名。陵井者本沛國張道陵所開。故以陵為號。晉太元中刺史毛璩乃于東西兩山築城。置主將防衛之。後廢陵州。更開狼毒井。今之煮井是也。唐人仍舊名。猶曰陵井。其實非也。今按州城

南北二面懸崖斗絕。四面顛敞。南臨井。

州境

東西一百四十里。南北三百一十里。

八到

東北至上都二千二百一十里。東北至東都三千七十里。東北至簡州一百八十里。東北至資州二百三十五里。

東北至成都二百里。西至眉州七十里。西至嘉州一百九十里。東南至榮州三百一十里。

貢賦

開元貢。元和貢。同。

麩金。

細葛四疋。

賦。

絹。

綿。

管縣五

仁壽

貴平

籍縣

始建

井研

仁壽縣

上。郭下。

本漢武陽縣之東境也。後魏定蜀於此。置普

寧縣。屬懷仁郡。開皇三年罷郡。以縣屬陵州。十八年改普

寧為仁壽縣。

三隅山有東隅南隅西隅三山相對。去陵井各一里。故為

名

淩支水出縣北淩支山去縣四十五里

陵井縱廣三十丈深八十餘丈蓋部鹽井甚多此井最大以大牛皮囊盛水引出之役作甚苦以刑徒克役中女祠蓋井神張道陵祠在縣西南百步陵開鑿鹽井人得其利故為立祠陵即張魯之祖父學道鶴鳴山人從受道者出五斗米故時人號米賊亦曰五斗米道

貴平縣中

西南至州六十七里

本漢廣都縣之東南地後魏于此

置和仁郡仍立縣

唱車山在縣西南九里

祿水在縣南五十步

平井鹽井在縣東南七步

籍縣上

東南至州一百里

本漢武陽縣地周閔帝于此置籍縣

因蜀先主籍田地為名大業二年省永徽四年復置

丹沙山在縣南七十里

大江水在縣北三十五里

木津水在縣南五里

始建縣中下

北至州十五里

本漢武陽縣地開皇十年于今

縣立始建鎮大業五年改鎮為縣聖曆二年移于仁壽縣界置其舊縣復置始建鎮

鐵山在縣東南七十里出鐵諸葛亮取為兵器其鐵剛利  
堪克負焉

井斫縣中北至州一百一十五里本漢武陽縣地大業元年因井

斫鎮立縣取鎮為名屬陵州

井斫鹽井在縣南七里鎮及縣皆取名焉又有思稜井鑊

井

瀘州瀘川開元戶一萬六千八百七十九  
下府  
元和戶一千九百六十九  
鄉三十七  
鄉三十八

禹貢梁州之域春秋戰國時為巴子國秦併天下為巴郡  
地武帝分置犍為郡今州即犍為郡之江陽符陽二縣之  
地按江陽即今州域是也先主入益州遣諸葛亮張飛等

引兵沂流定江陽是也晉穆帝遣安西將軍栢溫將萬人  
伐李子仁軍次江陽亦謂此地也後為獠所沒梁大通初  
割江陽郡置瀘川魏置瀘州遠取瀘水為名大業三年改  
為瀘川郡武德元年復為瀘州

州境東西四百七十八里  
南北五百六十三里

八到西北至資州沂流六百三十里自資至上都三千三百三十里  
東北至東都三千八百三十里

東北至渝州水路七百里  
東北至合州五百九十里

西北至榮州五百四十里  
西至戎州水路三百一十里陸路二百四十里山路險峻或不通

貢賦關元貢 麩 醬 葛 賦 麻 布

管縣五 瀘川 綿水 江安 富義 合江

瀘川縣中下本漢江陽縣也屬犍為郡初曹公入漢中諸

葛亮出屯江陽晉穆帝于縣置東江陽郡領江陽縣開皇

三年蜀郡以縣屬瀘州大業元年改江陽縣為瀘川縣皇

朝因之

汶江水經縣南三十步

中江水亦曰綿水經縣北三里出楚金

綿水縣中下東至州一百六十里本漢江陽縣地晉于此置綿水

縣

汶江水經縣東十五里

江安縣中下東北至州五十里本漢江陽縣地也李雄亂沒于

夷獠晉穆帝于此置漢安縣十八年改為江安縣

方山在縣西北十二里

汶江水經縣北八十步

可盛鹽井在縣西北十一里

富義縣中下東南至州三百里本漢江陽縣地周武帝於此置

富世縣貞觀二十三年改為富義縣

中江水亦曰綿水經縣東百步

當義鹽井在縣西南五十步月出鹽三千六百六十石劔

南鹽井惟此最大其餘亦有井七所

合江縣中下西至州一百二十里本漢符陽縣地也晉穆帝于此

置安樂縣梁改置安樂成周改為合江縣

安樂山在縣東八十三里縣取名焉

龍州江油下開元戶九百一十七  
都督府元和戶三百二十九

禹貢梁州之域秦漢及魏不置郡縣魏景元二年詔鄧艾

征蜀艾自陰平行無人之地七百餘里鑿山通道造作橋

閣山高谷深至為艱險艾以羶自裹推轉而下將士皆攀

木緣崖魚貫而進先登至江油即其地也晉于此置平武

縣屬陰平郡至梁有陽李二姓最豪分據其地各稱藩于

梁至西魏禪帝二年平蜀于此立龍州隋末陷于寇賊武

德元年隴蜀平定改為龍門郡其年加西字貞觀元年改

為龍州

州境東西四百六十八里

八到東北取利州路至上都一千六百里

東至利州四百里東南至劍州三百二十里

西至綿州二百二十里東至松州三百二十里

北至渝州取文州路三百三十里西北至扶州六百里

貢賦開元貢 馬頭 附子 羚羊角 天雄 側子

管縣二 江油 清川

江油縣中下本晉之平武縣地後魏于此置江油郡并立

江油縣以屬焉

石門山在縣東一百三里有石門成與氏分界去仇池城

元和郡縣圖志卷之三十三

四百餘里

雪山在縣西三百里以春夏常有積雪也

饗崖山在縣南八十二里出錫

涪江南流經州城東又經江油城東其水出金

清川縣中下西南至州九十里本後魏之馬盤郡也頌馬盤一

縣屬龍州開皇三年罷郡縣入郡理屬龍州天寶元年改

為清川縣

昌州昌元元和戶一千一百九

本漢資中縣之東境墊江縣之西境江陽郡之北境皇朝

乾元二年左拾遺李鼎祚奏以山川闊遠請割瀘普渝合

資榮等州六界置昌州尋為狂賊張朝等所焚州遂罷廢

大曆十年本道使崔寧又奏復置以鎮押夷獠其城南憑

赤水北倚長嵩極為險固

州境東西南北

八到北取普州遂州路至上都三千五百四十里

東北至東都三千四百里 正南至瀘州取合江縣路三百八十里 正北至西至普州三百八十里 西北至資州三百里 東北至合州三百九十里

貢賦元和貢筒布

管縣四

靜南 昌元 永川 大足

靜南縣中乾元二年與州同置

元和郡縣圖志卷之三十三

銅鼓山在縣北八十里

赤水溪經縣南去縣九十步

始龍溪在縣東南流屈曲五十里合赤水溪流也

昌元縣中東至州一百二十里乾元二年與州同置東接瀨波溪

西臨耶水

葛仙山在縣南一百五十里

瀨波溪在縣南五十步

永川縣下西至州九十里大曆十一年置東西北三面並枕侯

溪水南面接延陵英

大鐵山在縣南東八十里

大足縣下西南至州七十五里乾元二年與州同置東臨赤水西

枕營山

牛鬪山在縣東南八十里是也

元和郡縣圖志卷第三十三終

元和郡縣圖志卷第三十四

嶺南道一

嶺南節度使

廣州

南海 都首府

開元戶六萬四千二百五十九 元和戶七萬四千九十九

鄉一百九十四 鄉九十一

今為嶺南節度使所理

管州二十二

廣州

循州

潮州

端州

康州

封州

韶州

春州

自春州已下分入下卷

新州

雷州

羅州

高州

恩州

潘州

潯州

瀧州

勃州

崖州

瓊州

振州

儋州

萬安州



禹貢梁州之域春秋時有越之地秦并天下置南海郡南海郡地即禹貢之域也秦末趙佗竊據之高帝定天下為中國勞苦釋佗不誅因立佗為南越王使無為南邊害至武帝元鼎五年遣伏波將軍路博德出桂陽下湟水樓船將軍楊僕下湟水咸會番禺誅佗之孫建德及相呂嘉遂定越地以為南海蒼梧鬱林交趾九真日南珠崖儋耳郡按漢南海郡即秦南海故郡也屬交趾刺史獻帝末孫贍以步瀛為交州刺史遷州於番禺即今州理是也孫皓時以交州土壤太遠乃分置廣州理番禺交州徙理龍編晉氏因而不改義熙中盧循自稱平南將軍廣州刺史用徐道覆計舉

兵建業軍敗單舸走保廣州為晉將杜慧度所破投水而死開皇九年平陳於廣州置總管府仁壽元年改廣州為番州大業三年罷番州為南海郡隋末陷賊武德四年討平蕭銑復為廣州開元二十一年又於邊境置節度經略使式遏四夷廣州為嶺南五府經略使理所以綏靜夷獠

經略軍南海郡係本州城內有經略軍額管鎮兵五千四百人

清海軍思平郡管兵一千人思平今思州

桂管經畧使始安郡管兵千人

容管經畧使普寧郡管兵一千一百人

鎮南經畧使安南郡護府管兵四千二百人

邕管經畧使 即寧郡管 千七百八人

州境 東西南北 六百四十八里

八到 西北至上都取郴州路四千二百一十里取虔州大庾嶺路二千一百一十里

西北至東都取桂州路五千八十五里 正南微北至端州泮泮相兼二百四十里 東北至韶州五百三十里

西南至恩州水路六百里 西北泮流至連州八百九十里

正南至賀州八百七十六里 正南至大海十里 竹布 蕉布 沉香 甲香 鐘乳

貢賦 開元貢 絲布 蚺蛇膽 煎 山姜 占臘香 餘甘子 辟龜皮 石斛 元和貢 荔枝 沉香 甲香 占臘香 蚺蛇膽

管縣十三 南海 番禺 化蒙 懷集 增城

泮水 東莞 新會 義寧 清遠 四會

湏陽 滄涯

南海縣 上郭下 本漢番禺縣之地也屬南海郡開皇十年分

其地置南海縣屬廣州

番山在縣東南三里

禺山在縣西南一里尉陀死葬於此

南海在縣南水路百里自州東八十里村號曰古斗自此

出海浩淼無際

石門水一名貪泉出縣西三十里平地即晉廣州刺史吳

隱之飲水賦詩之處

州城步瀾所築也瀾為交州刺史登臺遠望乃曰新城海

島膏腴之地宜為都邑遂遷州於番禺建築城郭焉

元和郡縣圖志卷之三十四

三

趙佗故城在縣西二十七里。即尉佗都城也。  
陸賈故城在縣西一十四里。賈之來也。佗不即前。賈故為城以待之。

盧循故城在縣南六里。循既為宋高祖所破。聚其餘黨。至自番禺。高祖遣建威將軍孫李高振武將軍沈田子力戰。大破之。

朝臺在縣東北二十一里。昔尉佗初遇陸賈之處也。後歲時於此望漢朝拜。故曰朝臺。

牛鼻鎮在縣西北五十里。  
赤岸戍在縣東百里。

紫石戍在縣東七十里。

北廟在縣北三里。即尉佗之廟也。

虞翻廟在縣西北三里。翻為孫權騎都尉。以數諫爭。徙交州卒。

海廟在縣東八十一里。

任囂墓在縣北三里。

尉佗墓在縣東北八里。又吉佗葬在禺山。蓋與此相連接耳。

番禺縣上。

北至州十五里。

本秦舊縣。故城在今縣西南二里。縣

有番禺二山。因以為名。或言置在番山之隅。開皇十年改

置南海縣即今縣是也。長安三年於江南洲上別置番禺縣。取漢名其洲周迴約八十里。

化蒙縣下東南至州四本秦四會縣之地也。宋元嘉十

三年分四會縣之蒙鄉置化蒙縣。屬綏建郡。開皇十年廢

郡以縣屬廣州。

鉛穴山在縣西六十里出鉛錫。

滑水一名綏建江經縣南去縣三十步。

懷集縣中東南至州六本漢四會縣地也。宋元嘉中分

四會縣之銀屯鄉置懷集縣。屬綏建郡。開皇十年改屬泮

州。泮州即今廣州滄二十年廢泮州改屬廣州。

驃山在縣東北四十二里多鐵銍百姓資焉。

綏建江經縣西南二里。

增城縣中西南至州一本漢番禺縣地後漢於此置增

城縣。按崑崙山上有閭風增城蓋取美名也。屬南海郡。開

皇十年屬廣州。

猊山在縣東南二十三里多婆婆摩竹圍三四尺至堅里

人以為弓弓形如弩。

九子嶺在縣西四里。

象山在縣西三十二里其上多漆樹。

龜泉在縣西青山有神龜帶銅鑲上此水有穢此水則便

澍雨

石陂在縣東北百五十里溉田餘頃

牛潭在縣東北二十里

游水縣中東南至州七本漢封陽縣地在今賀州界蕭

齊於此置游安縣屬廣州至德二年改為游水縣

齊樂水經縣北百步

滑水在縣北五十里

東莞縣中西北至州三百里本漢博羅縣地晉成帝咸和六

年於此置寶安縣屬東莞郡開皇十年廢郡以縣屬廣州

至德二年改為東莞縣取舊郡名也

寶山在縣東北五十五里

南海在縣西二里

析會縣中東北至州三百里本漢四會地隋開皇十年置新縣

屬崗州崗州即義熙縣今開元二十三年割屬廣州

利山在縣南百七十里上多沉香木

南海在縣北百五十里

義寧縣下東北至州五百里本漢番禺縣之地宋元嘉六年於

此置義寧縣屬新會郡隋改屬崗州天寶初廢崗州以縣

屬廣州

天路山在縣西一十六里

元和郡縣圖志卷之三十四

清遠縣中南至州二百四十里本漢中宿縣地也梁武帝於此

置清遠郡中宿縣屬之開皇十年廢郡置清遠縣屬廣州

觀亭山一名觀峽一名中宿峽在縣東三十五里縣昔取

此峽為名

四會縣中東南至州二百四十里本秦舊縣也屬桂林郡開皇十

年改屬廣州

金山一名金崗山在縣北六十五里出金沙

鷄籠山在縣西二里

浚陽縣中南至州四百二十五里本漢舊縣也屬桂林郡在浚水

之陽因名吳屬始興郡開皇十年改為貞陽屬循州十九

年改屬廣州武德元年復改為浚陽

浚山在縣北四十里浚水所出尉佗為城於此山上名為

萬人城

浚陽峽一名羣石山在縣南二十五里崖壁千仞猿狖所

不能遊

湊水一名始興大江北自韶州曲江縣界流入東去縣百

一十步

涯浦故關在縣西南四十五里山谷深阻寔禁防之要地

也

浚縣中東南至州五百里本漢舊縣也屬桂陽郡隋開皇十

元和郡縣圖志卷之三十四

年於此置涇州縣屬焉二十年廢涇州以縣屬廣州因縣界涇水為名也地理志含字無水

堯山在縣北四十里

白鹿山在縣東南三十里

涇水自西連州陽山縣界流入經縣南百步

滄涇故城本漢滄涇縣也在今縣東四里

故涇城在縣西二十步

循州海豐開元戶九千五百二十五元和戶二千八百九

本秦南海郡地漢平南越復置南海郡今州郡漢南海郡

之博羅縣也梁置梁化郡開皇十年於此置循州取循江

為名也大業三年改為龍川縣武德五年復改為循州

州境東西北九百八十三里

八到西北至上都取廣柳路四千六百一十里

西至廣州水路汾沂相兼四百里陸路三百五十里

南至海一百一十里

東北至韶州一千二百里

北至虔州一千五百里

貢賦開元貢蚺蛇膽甲香藤器鮫魚皮元和貢羅浮甘子蚺蛇膽藤箱小甲香水馬大魚睛大甲香

管縣六 歸善 博羅 興寧 海豐 河源

雷鄉

歸善縣中下本漢博羅縣地也宋於此置歸善縣屬韶郡

元和郡縣圖志卷之三十四

梁屬梁化郡開皇十年廢梁化郡以縣屬循州  
長山在縣東南百里

寅山在縣東北十五里多出茯苓

南海在縣南一百一十里

河源水北去縣四十步

歸善故城在縣東北七十里

梁化故郡在縣東南八十里

博羅縣中下東南至州三十里本漢舊縣也屬南海郡開皇十

年改屬循州二漢縣立名不一自吳已後復為博羅

羅浮山在縣西北二十八里羅山之西有浮山蓋蓬萊之

一阜浮海而至與羅山並體故曰羅浮高三百六十七丈周  
迴三百二十七里峻天之峯四百三十有二焉事具袁孝  
伯記

浮水出羅浮山

河源水東自歸善縣界流入南去縣一百步

興寧縣中下西南至州七百里本漢龍川縣之地也晉於今縣

西三里置興寧縣屬東莞郡開皇十年以縣屬循州

六石山在縣西南二里

循江西自河源縣界流入西去縣五十里

興寧江南去縣一百八十里



海豐縣 中下 西北至州五百里 本漢龍川縣地東晉於此置海

豐縣屬東莞郡開皇十年廢以縣屬循州

南海在縣南二十五里

龍山在縣北五十里

河源縣 中下 西南至州二百三十里 二本漢龍川縣之地齊於此置

河源縣之東北三百里有三河之源故名也屬南海郡開

皇十年改屬循州

龍穴山今名龍川山在縣東北三百四十里

循江經縣東南去縣二百步

龍川故城在縣東北水路百七十五里秦龍川縣也秦南

海尉任翬疾召龍川令趙佗授之以政即此處也

雷鄉縣 中下 西南至州六百步 天授二年廣東都督陳崇業奏

置南臨大江

潮州 潮陽 開元戶九千三百二十七 鄉一十六 元和戶一千九百五十五 鄉一十六

今州即漢南海郡之揭陽縣也晉安帝義熙九年於此

立義安郡及海陽縣開皇十年罷郡省海陽縣仍於郡解

置義安縣以屬循州十一年於義安縣立潮州以潮流往

復因以為名大業三年罷州為義安郡武德四年復為潮

州

州境東西五百三十六里 南北四百八十四里

元和郡縣圖志卷之三十四

八到 西北至上都取虔州路五千六百二十五里

西南至廣州水陸路相兼約一千六百一十里

西北至虔州一千五百里 東至大海一百二十里

貞賦 開元貢 靈龜散

元和貢 細蕉布 甲香 鮫魚皮 水馬

管縣三 海陽 潮陽 程鄉

海陽縣 中下 本漢揭陽縣地也 晉於此立海陽縣屬義安

郡 開皇十年省郡廢海陽入循州 十一年置潮州又立海

陽縣以屬焉 南濱大海故曰海陽

鳳凰山在縣北一百四十里

大海在縣東南一百一十三步

西津驛在縣西六里

鹽亭驛近海百姓煮海水為鹽遠近取給

官郭湖在縣東南二十里出名龜以下勝於含涯龜也

潮陽縣 中下 東北至州 二百里 本漢揭陽縣地 晉安帝分東莞

郡置義安郡仍立潮陽縣屬焉以在大海之北故曰潮陽

貞元九年移於今理

獲子山一名龍首山在縣東南五十里

龍溪山今名海寧嶺在縣西南一百七十里

大海在縣西南有三十里

程鄉縣中下 西南至州 四百里 本漢揭陽縣地 齊於此置程鄉縣

蓋分海陽縣立焉 屬義安郡 開皇十年省 十一年置潮州

復立程鄉縣屬焉

西陽山在縣東南四十五里

西陽水在縣南二十三里

端州高要 開元戶八千一百四十二 元和戶一千七百九十五 鄉十四

本秦南海郡地 漢武帝置蒼梧郡 則為蒼梧郡之高要縣

也 梁大同中於此立高要郡 開皇十一年置端州 大業三

年罷為信安郡 武德四年平蕭銑 五年重置端州 當西

江入廣州之要口也

州境東西一百五十八里

八到 西北取韶州路至上都 四千三百三十五里

東至廣州 二百九十里 西至康州 二百九十里

北取廣州 義寧縣 一百五十里 至韶州 六百四十里

東南水路至廣州 新會縣 三百里

西南水路相兼至新州 一百八十里

貢賦 開元貢 銀四錠 蕉布 麻布 乳香 黃魚 春子

管縣二 高要 平興 高要縣 郭下 本漢舊縣也 屬蒼梧郡 有監官 開皇十一年

置端州 割屬焉

石室山在縣北五里

元和郡縣圖志卷之二十四

零羊峽在縣東水行三十里吳步鵠為交州刺史興軍取南海紘毅錢博等領兵逆之戰於峽口博等軍敗投水死者千餘人即此處也

青歧鎮在縣東八十五里

鵠奔亭在縣西八里漢交趾刺史何敞辯死女子寃即此處也

平興縣下西北西州八十里本漢高要地也晉末分置平興縣

屬新寧郡開皇十二年罷郡屬端州

漏山在縣東四十里

康州晉康開元戶一萬三千一百五十二元和戶鄉一十六

漢武帝平南越置蒼梧郡今州即蒼梧郡之端溪縣也晉末於此置晉康郡開皇十二年省晉康郡以所領縣屬端州大業三年罷州為信安郡隋末陷賊武德四年討平蕭銑五年置康州

州境東二百七十九里西二百四十五里南二百四十五里北二百四十五里

八到西北至上都四千五百二十五里東北至東都四千二百五十五里東至端州一百九十里西南水路至瀧州一百八十里西北泝流至封州一百二十五里北至霍山一百二十里與廣州化蒙縣分界

貢賦開元銀元和麻布

管縣四 端溪 悅城 都城 晉康

端溪縣下 本漢端溪舊縣也屬蒼梧郡

端山在縣北有二十五里有樹冬榮其子號曰猪肉子大於盃炙而食之味如猪肉故名也

西江水經縣南去縣五十二步

悅城縣下 西至州八十里本漢端溪縣地也宋於此置樂城縣

屬端州武德五年改屬康州天寶元年改名悅城

鬱水一名西江水經縣南去縣十步

程溪水去東縣百步

都城縣下 東北至州四十五里本漢端溪縣地宋於此分置都城

縣屬晉康郡大業二年屬封州武德五年改屬康州

鬱水經縣西去縣一里

晉康縣下 東至州七十一里本漢端溪縣地宋於此置安遠縣

貞觀八年於縣置藥州十八年廢州以縣屬康州至德元

年改為晉康縣

建水在縣東五十步

封州臨封 開元戶五千六百五十三

鄉七

秦為南海郡之地漢平南越置蒼梧郡今州即漢蒼梧郡

之廣信縣地也梁於此置梁信郡屬成州開皇十年改為

封州大業三年罷州以縣屬蒼梧郡武德四年復置封州

州境東西一百二十八里南北二百八十九里

元和郡縣圖志卷之二十四

八到西北取梧州路至上都四千三百八十五里

東南汭流至康州一百二十里西北汭流至梧州五十里

貢賦開元貢蕉布落麻布

管縣二 封川 開建

封川縣下 本漢廣信縣也梁於此置梁信郡開皇十年

改為梁信縣屬封州十八年改為封川縣皇朝因之

古關山在縣西十三里

封溪水經縣北去縣十五里

開建縣下 南至州一百七十里 本漢封陽縣之地宋文帝分置開

建縣屬臨賀郡開皇十年改屬連州武德四年改屬封州

鼠石在縣東北二十四里傍有三穴皆容人居止其石上

時多石斛石高五丈周迴五里

臨賀水一名封溪水經縣西去縣十五里

韶州始興 開元戶二萬七千六百六十四 鄉四十一

秦南海郡地漢分置桂陽郡今州即桂陽郡之曲江縣也

後漢置始興都尉今州即都尉所部吳甘露元年初立為

始興郡梁承聖中蕭勃據嶺南於此置東衡州開皇元年

平陳改東衡州為韶州取州北韶石為名十一年廢入廣

州十二年自今南海縣移廣州理曲江之廢韶州城即今

州理是也仁壽元年改廣州為番州大業三年又自今始

興故鎮移番州治南海縣今廣州理是也三年以番州為南海郡隋末陷賊武德四年平蕭銑重於此置番州貞觀九年改為韶州復舊名也

州境東西六百二十里南北四百五里

八到州西北至上都取柳州路三千六百八十五里取虔吉州西北至上都取柳州路三千四百二十五里取虔吉州

路二千八百七十里

南至廣東水陸相兼五百三十里

東北至虔州陸路五百五十里

西北至柳州陸路四百一十里

西至連州山路險峻五百里

負賦開元負鐘乳竹布一十五尺 鍾乳五兩 石斛

管縣六 曲江 始興 樂昌 翁源 浚昌

仁化

曲江縣上郭下本漢舊縣也屬桂陽郡江流迴曲因以為名

吳置始興郡縣屬焉隋置韶州縣屬不改皇朝因之

靈鷲山在縣地六里

玉山在縣東南十里有採玉處

銀山在縣西二十二里出銀

韶石在縣東北八十五里兩石相對相去一里石高七十

五丈周迴五里有似雙闕名韶石

牢石在縣東六十里石高七十丈周迴二十一里色備五

彩狀若樓觀上多零羊

王城一名故郡城在縣南六里地勢險固晉義熙初盧循  
尅廣州循將徐道覆移始興郡據此城

湏水在縣東一里元鼎五年征南越樓船將軍下橫浦入  
湏水即此水

始興縣下西南至州一百九十四里一本漢南海之地矣於此分置始興郡

隋改屬韶州皇朝因之

大庾嶺一名東嶠山則漢塞上也在縣東北百七十二里

從北至水道所極越之北疆也越相呂嘉破漢將軍韓千

秋於石門封送漢節置於塞上即此嶺本名塞上漢伐南

越有監軍姓庾城於此地衆軍皆受庾節度故名大庾五

嶺之戍中此最在東故曰東嶠高一百三十丈秦南有五

嶺之戍謂大庾始安臨賀桂陽揭陽縣也

邪階水今名階水出縣東百三十里近水有邪階山又有

脩仁水出縣東北東嶠山仍有三楓亭五渡水齊范彥龍

為始興守至脩仁酌水賦詩曰三楓何習々五渡且悠悠

寧飲脩仁水不挹邪階流

安遠鎮在縣東北百五十里

樂昌縣中東南至州一百四十里一本漢曲江縣地也梁武帝分曲

江置梁化縣屬始興郡開皇十年改屬廣州十八年改為

樂昌縣武德中改屬韶州



藍豪山在縣西北一百九十里廣五百里崖嶺峻阻所謂瀧中即此也

滄湖在縣東南十里周迴三十五里南通瀧水

任囂故城在縣南五里秦楚之際南海都尉任囂因中國方亂欲搜嶺南故築此城以圖進取囂死此城尉佗因之遂有南越

翁源縣下西北至州二百里本漢浚陽縣地在今廣州界梁

承聖末蕭勃分浚陽立翁源縣因縣界翁水之源為名也後因不改貞元元年刺史徐申移於今理翁水出縣東北一百四十里

松泝水與浚水合經縣南二十步

浚昌縣下西南至州陸路二百里光宅元年析始興北界置浚

昌縣北當驛路南臨浚水

大庾嶺在縣北五十六里

仁化縣下南至州陸路垂拱四年分曲江縣置仁化縣

元和郡縣圖志卷第三十四終

元和郡縣圖志卷第三十五

元和郡縣圖志卷之三十五

元和郡縣圖志卷之三十五

元和郡縣圖志卷之三十五

元和郡縣圖志卷之三十五

元和郡縣圖志卷之三十五

元和郡縣圖志卷之三十五

元和郡縣圖志卷之三十五



元和郡縣圖志卷之三十五

元和郡縣圖志卷之三十五

元和郡縣圖志卷之三十五

元和郡縣圖志卷之三十五

元和郡縣圖志卷之三十五

元和郡縣圖志卷之三十五

元和郡縣圖志卷之三十五

元和郡縣圖志卷之三十五



元和郡縣圖志卷第三十六

元和郡縣圖志卷之三十六

元和郡縣圖志卷之三十六

元和郡縣圖志卷之三十六

元和郡縣圖志卷之三十六

元和郡縣圖志卷之三十六

元和郡縣圖志卷之三十六

元和郡縣圖志卷之三十六

元和郡縣圖志卷之三十六



元和郡縣圖志卷之三十六

元和郡縣圖志卷之三十六

元和郡縣圖志卷之三十六

元和郡縣圖志卷之三十六

元和郡縣圖志卷之三十一

元和郡縣圖志卷之三十六

元和郡縣圖志卷之三十六

元和郡縣圖志卷第三十七

嶺南道四

桂管經畧使

桂州

始安都督府

開元戶三萬六千二百六十五

鄉七十二

管州十二

桂州

梧州

賀州

昭州

象州

柳州

嚴州

融州

龔州

富州

蒙州

思唐州

管縣四十七

禹貢荊州之域漢元鼎六年置零陵郡今州即零陵郡之

始安縣也吳歸命侯甘露元年於此置始安郡屬荊州晉

元和郡縣圖志卷之三十七



屬廣州。梁天監六年立桂州於蒼梧鬱林之境。因桂江以  
為名。大同六年移於今治。開皇十年置總管府。大業三年  
罷州為始安郡。武德四年復為桂州總管府。七年改為都  
督府。天寶元年改為始安郡。至德元年改為建陵郡。

州境 東西三百八十一里  
南北一百二十八里

八到 北至上都三千七百五里  
北至東都三千四百四十五里

東北至道州四百八十里  
南至蒙州三百五十里  
東南水路至梧州六百三十里

東南至昭州二百三十五里  
西南至象州五百二十里  
西至柳州五百三十里  
西北至融州四百九十里

貢賦 元開元貢 銅鏡四十面  
元和貢 銀一百兩

管縣十 臨桂 全義 靈川 陽朔 永福 建陵

治定 慕化 永豐 荔浦

臨桂縣 上郭下 本漢治安縣屬零陵郡。至德二年改為臨桂。

桂江 一名離水。經縣東去縣十步。楊僕平南越出零陵下

離水即謂此也。

駁鹿山 一名福祿山。在縣東北十五里。

全義縣 中 南至州一百五十里。本漢始安縣之地。武德四年分置

臨源縣。大曆三年改為全義縣。

越城嶠 在縣北三里。即五嶺之最西嶺也。

湘水 出縣東南八十里。陽朔山下。經零陵郡西十里。陽朔

山即零陵山也。其初則觴為之。舟至洞庭。日月若出入其

元和郡縣圖志卷之三十七

中

故越城在縣西南五十里漢高后時遣周竈擊南越趙佗踞險為城竈不能踰嶺即此也

靈川縣中西南至州六十里龍朔二年分始安縣置東臨桂江

冷山在縣西南一百里出滑石

陽朔縣中北至州一百四十里本漢始安縣地開皇十年分置陽

朔縣取陽朔山為名也皇朝因之

離水在縣西二十里

永福縣中東北至州一百里武德四年析始安縣之永福鄉置

因以為名

白石水經縣東去縣七步

建陵縣中北至州一百四十里本漢荔浦縣吳孫氏置縣梁武帝

立為郡開皇十年廢為縣後因之

建水出縣北建山南流經縣東

駱馳水在縣西七里

治定縣中東北至州三百里隋仁壽初分始安縣置至德二年

改為治定縣

慕化縣中東北至州一百二十里武德四年析始安縣置

常安水東去縣七步

永豐縣中北至州一百一十里吳甘露元年析漢荔浦縣之永豐

元和郡縣圖志卷之三十七

鄉置開皇十年省入陽朔縣武德年復置

荔浦縣中北至州二百四十七里本漢舊縣因荔水為名屬蒼梧

郡縣南有荔平關今廢吳屬始安郡隋改屬桂州武德四

年於此置荔州貞觀十二年州廢縣復屬桂州

荔江水在縣南一里

梧州蒼梧開元戶一千二百九十一元和戶一千八百七十一

古越地也秦南取百越以為桂林郡秦末趙佗自立為南

越王其地復屬焉漢元鼎六年平呂嘉又以其地為蒼梧

郡之廣信縣也領縣十一自漢至陳為郡不改開皇十年

罷郡為蒼梧縣屬靜州大業三年罷靜州復為蒼梧郡武

德五年於郡置梧州

州境東西一百一十里南北三百八十里取桂州路至上都四千三百三十五里

八到西北至東都四千七百五里西南至富州三百二十里東南沿流至封州五十里

貢賦開元貢白石英石英二十兩西南沿流至藤州一百里正南微西至義州三百里

管縣三 蒼梧 戎城 孟陵 西北至梧州六百三十里

蒼梧縣郭下本漢蒼梧郡廣信縣地也自漢迄陳不改開

皇十年罷郡於此立蒼梧縣皇朝因之

通星山在縣北六十二里漢劉曜為太守常登此山仰觀

星曆因號通星山

元和郡縣圖志卷之三十七

鬱水南去縣八里

戎城縣下東北至州二十里本漢廣信縣地梁於此置遂城開皇十年虞

慶則南征屯兵于此改為戎城縣皇朝因之縣北臨西梁

孟陵縣下南至州路九十里本漢舊縣也屬蒼梧郡隋省武德四

年重置屬藤州貞觀八年改屬梧州

賀州臨賀下開元戶二千五百三十七元和中戶四百四十九

漢蒼梧郡地今州即蒼梧郡之臨賀縣也吳黃武五年討

蒼梧置臨賀水出州東北界西流又注臨水郡對臨賀二

水故取名焉吳屬荊州晉屬廣州開皇元年以郡為賀州大業二年廢州以縣屬蒼梧郡武德五年復置賀州

州境東西三百七十里南北四百一十里

八到西北至上都三千八百五十五里西南至富州三百一十里

南至封州三百六十里東至連州二百七十里

貢賦開元貢蕉布、蚌蛇胆、石斛、竹布、元和中貢銀三十兩、千金藤、班弓、彈弓面

管縣六 臨賀 封陽 馮乘 桂嶺 蕩山 富川

臨賀縣郭下本漢舊縣也自漢至陳不改大業二年省臨

賀縣入富川縣十二年重置屬蒼梧郡武德四年改屬賀

州縣北四十里有大山山有東遊龍中二治百姓採沙燒

錫以取利焉

臨水東去縣十步又有賀水合更名臨賀水

元和郡縣圖志卷之三十七

封陽縣 下 北至州二百四十五里 本漢舊縣屬蒼梧郡在封水之

陽故名吳屬臨賀郡隋屬桂州武德年屬州

長林山在縣東五里

臨賀水東去縣百步

馬乘縣 下 東南至州一百八十里 本漢舊縣屬蒼梧郡界內有馮

溪因以為名吳屬臨賀郡至隋不改大業三年改零陵郡武

德四年屬賀州

萌渚嶠在縣北一百三十里即五嶺之第四嶺也按今縣

與道州江華縣分界於此嶠之上

錫治三

桂嶺縣 下 西南至州八十二里 本漢臨賀縣之地吳分置建興縣

屬臨賀郡晉改為晉安縣開皇十八年改為桂嶺縣屬連

州因界內桂嶺為名武德四年改屬賀州

桂嶺在縣東十五里

程峒在縣東南一百二十里

朝峒縣北四十五里並有鐵錐自隋至今採取

蕩山縣 下 東至州一百七十二里 蕭梁於此立大業二年省武德

四年復置蕩山在縣西七里

富川縣 下 東南至州一百四十五里 本漢舊縣屬蒼梧郡吳屬臨賀

郡隋屬桂州武德四年改屬賀州

元和郡縣圖志卷之三十七

鍾乳穴三

靈溪水今名富水去縣西二里

昭州

平樂

開元戶七千三百元  
和戶一千五百七十八

鄉十二  
鄉七

本漢蒼梧郡之富川縣地也吳甘露元年分富州縣置平

樂縣屬始安郡至隋不改武德四年於縣置樂州貞觀八

年改樂州為昭州取境內昭潭為名

州境東西一百七十三里  
南北三百三十七里

八到西北至上都三千九百三十五里  
西北至東都三千六百七十五里

東至賀州三百里  
東北至桂州三百里水路三百里  
北過嶺至永州六百里

貢賦

開元貢銀三十兩  
元和貢銀二十兩

管縣三 平樂 茶城 永平

平樂縣下 郭下 本漢富川縣地吳於此置平樂縣取平溪為

名其序州目

巖山在縣北三十八里巖有兩孔相對如人目瞳子白黑

分明因號為目巖

縈山在縣南十里山有木客

縣東三十一里有陽里穴那溪穴新穴皆出鍾乳

平樂溪在縣南三里水西約岍有昭潭周迴一里其深不

測

茶城縣

下 西南至州九十里

武德四年析平樂縣置

元和郡縣圖志卷之三十七

銀殿山其下有鍾乳穴十二所在縣東二十八里

平樂水西去縣二百步

永平縣下西南至州九十里證聖元年割平樂縣永平鄉置因

鄉為名縣南臨永平水西流入平樂縣界

象州象郡開元戶三千二百九十元和戶二百三十三

漢平南越置鬱林郡今州即鬱林郡中溜潭中二縣地也

開皇十一年廢二縣以潭中縣為桂林縣仍以桂林置象

州大業二年廢象州以桂縣屬桂州武德四年平蕭銑析

桂林立武德縣仍於縣治重置象州取界內象山為名

州境東西北

八到北至上都四百二十五里西南至巖州二百八十里東至康州陸路一百九十里

東北至東都三千九百六十五里東南至潯州二百一十里西至柳州一百六十里

貢賦開元貢銀二十兩

管縣三 陽壽 武仙 武化

陽壽縣下本漢中溜縣之地也開皇十一年廢中溜縣

入桂林縣又析桂林置陽壽縣屬州

象山在縣西北三里

陽水南去縣二十步

武仙縣下西北至州一百二十里武德四年析桂州建陵縣南置

武化縣下西南至州六十五里武德四年析桂州建陵縣之南界置

元和郡縣圖志卷之三十七

屬晏州貞觀十二年廢晏州改屬象州

柳州龍城開元戶一千三百七十四元和戶一千二百八十七

鄉十四鄉九

本漢鬱林郡潭中縣之地迄陳不改開皇十一年改潭中為桂林縣仍析桂林為馬平縣屬象州隋末陷賊武德四年蕭銑於此置昆州又改為南昆州貞觀八年改為柳州

因柳江為名

州境東西南北

八到北至上郡四千二百四十五里東至桂州五百四十里東至象州一百六十里北至融州陸路一百二十三里水路三百八十里

貢賦開元貞觀元和銀二十兩

管縣五 馬平 龍城 洛容 洛封 象縣

馬平縣下隋開皇十一年析桂林縣置屬象州貞觀屬

柳州

潭水東去縣二百步

柳江在縣南三十步

龍城縣下東南至州八十八里開皇十年析桂林縣置

潭水在縣西十里

龍溪水經縣南入潭水

洛容縣下東南至州百二十里永徽中置屬巖州天授二年割屬柳州

洛封縣下東南至州百七十里本漢蠻所住村名乾封二年招慰蠻

元和郡縣圖志卷之三十七



戶因為縣

象縣下西南至州六十五里陳於今縣南四十五里置象郡開皇

九年廢郡為縣龍朔三年為賊所焚乾封二年復置總章

元年割屬柳州

嚴州循德開元戶一千六百六十元和戶一千一十六

鄉十四

本漢鬱林郡中溜縣之地乾封二年於廢昆州樂沙縣置

嚴州仍改樂沙縣為懷義縣州城南枕大江當桂州往邕

州之路在嚴崗之上因為名

州境東西一千四百四十一里南北三百八十二里

八到北至上都四百五十五里東北至東都四百二十五里

西南至賓州一百九十里南至澄州二百二十六里

東北至柳州陸路二百里

管縣二 循德 來賓

循德縣下武德四年析桂林立陽德縣其年又改名循

德縣本屬柳州永徽初割入嚴州仍為治州

古郎山在縣西四十里

都泥江南去州一里

來賓縣下東至州二百里本樂沙縣也乾封二年為懷義縣天

寶二年改曰來賓在都泥北來賓水東故以為名

融州融水開元戶一千七百七元和戶二百四十二

本漢鬱林郡潭中縣地也自漢迄宋不改蕭齊於此置齊

元和郡縣圖志卷之三十七

熙郡梁大同中又於郡治置東寧州開皇十一年改為融州廢齊熙郡為義熙縣大業二年州廢武德四年平蕭銑於義熙縣復置融州因州界內融山為名

州境東西四百四十七里南北四百九十七里

八到北至上都取桂林州四百九十五里東至桂州四百九十五里

東北至東都三千九百三十九里南至柳州水路三百八十里陸路二百三十里

貢賦開元貢黃藤防風元和貢金兩桂二十五斤

管縣二 融水 武陽

融水縣下開皇十一年改齊熙郡為義熙縣屬融州武

德六年改為融水

銅鼓山在縣西南二十五里

融溪水在縣北五十二里

武陽縣下東北至州八十里開皇十一年析義熙縣置臨祥縣

永徽元年廢入融水龍朔二年重置改為武陽

武陽溪水在縣東十里

龔州臨江開元戶二千四百二十元和戶二百七十六鄉十五鄉十五

古越地也漢平南越置蒼梧郡今州即蒼梧猛陵縣之地

也晉分猛陵置永平郡又為永平郡之武林縣地也貞觀

三年於此置鸞州於今州東六十五里於鸞州舊治置龔

州都督府因龔江以為名也

州境東西南北

元和郡縣圖志卷之三十七

八到 西北至上都取格桂路四千五百七十五里

東至藤州一百四十里

西南至潯州沂流二百三十里

正北微東至蒙州二百三十里

北至東都四千三百一十五里  
北至象州三百一十里  
南至繡州一百七十里

貢賦 開元貢 銀二十兩  
元和貢

管縣五 平南 武林 隋建 大同 陽川

平南縣 郭下 本漢猛陵縣地貞觀七年於此置平南縣屬

龔州

鷺石在縣東南十里

龔江一名潯江亦名都泥江在縣南五十步

武林縣 下 西北至州二十五里 本漢猛陵縣地 宋元嘉二年置武

林縣屬永平郡 隋屬藤州 貞觀七年割屬龔州

潯江東南去縣十五里

隋建縣 下 西北至州八十里 開皇十九年分武林縣置屬藤州

貞觀七年割屬龔州

盧越水在縣東南一百一十步

大同縣 下 南至州七十五里 本漢鬱林郡布山縣之地也 貞觀

七年於此置大同縣屬龔州

花憐水在縣東北二十步

陽川縣 下 東南至州四十里 本漢布山縣地 貞觀七年於此置

西平縣屬龔州 天寶元年改為 陽川

仙人山在縣東北三十里

元和郡縣圖志卷之三十七

潯江南去縣三十五里

富州開州 開元戶一千三百一十一里 元和戶二百四十三

鄉四

禹貢荊州之域漢平南越置蒼梧郡今州即漢蒼梧郡之臨賀縣地也梁武帝分臨賀郡置南靜郡開皇中廢武德五年重置靜州貞觀八年改為富州因富川水為名也

州境 東西一百七十六里 南北一百八十里

八

西北至上都四千九百五里 北至東都三千八百三十五里 東北至賀州三百一十里 西至蒙州九十里

東南公路至梧州三百二十里 西北至昭州一百六十里

貢賦

開元貢 班布 班布五疋 元和貢 班布 班布五疋 銀

管縣三 龍平 開江 思勳

龍平縣下 本漢臨賀縣地也梁於此立南靜郡開皇十

一年廢以龍平縣屬桂州貞觀八年改置富州縣割屬焉

灑水東去縣二十一步

富川水經縣南又東入灑水

開江縣下 北至州一百里 本漢猛陵縣地梁於此置開江郡開

皇十年罷郡為縣以屬靜州大業二年廢武德五年復置

屬梧州神龍元年割屬富州

桂江在縣西二里

思勳縣下 南至州一百四十里 右聖曆元年分龍平縣置二年於

縣置武安州開元二年廢以縣屬富州

元和郡縣圖志卷之三十七

富川水在縣東五十步南流

印崗山在縣北四十五里

蒙州蒙山開元戶一千六百三十七  
元和戶二百七十二

本漢蒼梧郡地今州即漢蒼梧郡之荔浦縣也開皇十年

分置隋化縣屬桂州武德五年於此置南恭州貞觀八年

改為蒙州因蒙水以為名

州境東西南北

八到西北至上都四千五十二里  
北至東都二千七百九十五里  
東至富州九十里  
西北至桂州荔浦縣八十里

南至龍州三百五十里  
西南至象州三百五十里  
北至桂州三百四十七里

貢賦開元貢金  
元和貢麩金十兩

管縣三 立山 正義 東區

立山縣下本開皇十年分荔浦置隋化縣屬桂州武德

五年置立山縣屬荔州改屬蒙州

蒙水舊名涇水在縣北二里

正義縣下東南至州三百里武德五年分荔浦縣置屬荔州改屬蒙州

蒙水在縣南四里乳穴二

東區縣下西北至州八十里武德五年分荔浦縣置

涇水西北去縣三十五里

葛峩鎮在縣城內

思唐州下元和戶六十一

元和郡縣圖志卷之三十七

十四

鄉二

永崇二年前桂州司馬夏侯處廉奏割龔蒙象三州置開元二十四年奏為羈縻州建中元年昇為正州額

州境東西南北

八到西北至上郡四千二百一十里北至東都三千九百五十里南至龔州一百四十里北至蒙州一百六十里

東至富州三五十里西至象州一百八十里

貢賦開元貢銀一十兩

管縣二、武郎、平原

武郎縣下右與州同時置前臨馳禮江

唐嶺在縣西南四十里與平原縣分界

平原縣下東北至州八十里右與州同時置前臨思洪江三十卷

元和郡縣圖志卷第三十八

嶺南道五

邕管經略使、邕州、貴州、賓州、澄州、橫州

欽州、潯州、蠻州

安南都護、交州、愛州、驩州、峯州、陸州

演州已上朝貢、長州、郡州、涼州、武安

州、唐林州、武定州、貢州已上附貢

兼管羈縻州三十一

今為邕管經略理所

管州八、邕州、貴州、賓州、澄州、橫州、欽州

元和郡縣圖志卷之三十八

潯州 蠻州

管縣三十三

邕州 朗寧 下都督

開元戶一千六百二十四

鄉十二

古越地也。秦併南越為桂林縣地。在漢為鬱林郡之領方縣地也。晉於此置晉興郡。隋開皇十四年廢晉興郡為晉興縣。屬簡州。大業三年州廢。以縣屬鬱林郡。武德四年於此置南晉州。貞觀六年改為邕州。因州西南邕溪水為名。乾封二年置都督府。後為夷獠所陷。移府於貴州。景雲二年州界平定。復於邕州置都督府。

州境 東西南北

八到

北至上都取象州路四千七百七十五里。取藤州路五千四十五里。北至東都四千五百八十五里。東至欽州三百三十里。西南至讓州二百八十里。西南至安南一千里。東北至澄州二百四十里。

貢賦

管縣七

宣化

武緣

晉興

朗寧

思籠

如和

封陵

宣化縣 下

本漢領方縣地。開皇十四年於此置晉興縣。

十八年改為宣化縣。屬鬱林郡。武德

屬邕州。

鬱江水經縣南二十步。

左溪右溪在縣東西。流至縣東南。同注鬱江。

武緣縣 中

西至州一百里。本漢領方縣地。開皇十一年於此置

元和郡縣圖志卷之三十八

武緣縣屬緣州大業三年廢武德五年又置

鬱江水經縣南去縣三十步

都稜鎮在縣西水路一百里

晉興縣中南至州一百里本漢領方縣晉於此置晉興縣開皇

十四年省武德五年又置

朗寧縣中南至州一百八十里本漢蓋增食邑縣地也武德五年

分置朗寧縣屬南晉州改屬邕州

思籠縣中東至州三百里

如和縣中西南至州一百里

右二縣並景雲復置

封陵縣中東北至州九十里本漢合浦縣之地武德五年析欽

州南賓安京二縣地置如和縣因縣西南四十里如和山

為名屬欽州景雲二年割屬邕州

貴州懷澤開元戶三千六百二十九

鄉十九

本西甌駱越之地秦併天下置桂林郡尉佗王越改桂林

為鬱州後又為桂林元鼎六年平南夷改桂林為鬱林郡

梁時於郡置南定州開皇十年罷鬱林等郡改南定州大

業二年改尹州為鬱州三年罷州為鬱林郡隋末陷賊武

德四年平蕭銑於郡置南尹州并置總管府八年改南尹

州為貴州



州境東西一百三十七里南北一百一十七里

八到西北至上都取梧桂州路四千八百七十五里取象州路四千五百八里

西北至東都四千六百三十五里取象州路四千三百二十五里

東北沿流至潯州二百一十五里陸路一百四十里

南至鬱林州二百四十里

西至賓州二百二十五里

北至象州三百一十里

西南沿流至橫州一百七十里

貢賦 開元貢 紵布

管縣四 鬱林 懷澤 義山 潮水

鬱林縣上郡下 本漢廣鬱縣也吳改為陰平晉改為鬱平開

皇十年於此置鬱林縣屬鬱林郡武德屬貴州

顯朝崗在縣北二十里陸績為太子每登此岡制渾天圖

鬱江水南去縣十五步

石井亦名司命井在縣北二里竭則人疾疫歲不登

懷澤縣下 北至州一百里 本漢鬱林縣地武德四年置

義山縣下 東北至州八十里 本漢廣鬱縣地開皇十年置馬度

縣因縣南三十里馬度山為名武德四年改為馬嶺天寶

元年改為義山

潮水縣下 東至州五十里 本漢廣鬱縣地武德四年分置潮水縣

浮溪水在縣南十三步

賓州領方 開元戶一千八百九十五

鄉十一

古越地也今州即漢鬱林郡之領方縣也至隋不改隋亂

陷賊貞觀五年析澄川三縣於此置賓州

元和郡縣圖志卷之三十八

州境東西一百三十二里

八到北至上都四千五百九十五里

西南至邕州二百四十五里

東北至東都四千三百三十五里

西北至澄州八十八里

貞賦開元貢銀筒布蕉布

管縣三 領方 瑯琊 保成

領方縣下 郭下 本漢舊縣也吳改為臨浦縣隋復為領方屬

鬱林郡貞觀割屬賓州武德四年析領方縣置屬南方州

都婪水去縣二十三里

瑯琊縣下 西北至州武德四年析領方縣屬南方州貞

觀割屬賓州

瑯琊水在縣西一里

保城縣下 西至州五十里 本漢廣鬱縣地屬鬱林郡梁置安成

郡隋改縣屬鬱林郡貞觀割入賓州至德 年改名保城

可零水出縣西平地北流

澄州賀水 開元戶二千一百六十五

鄉十二

古越地也今州即漢鬱林郡之領方縣地也漢領方縣今

賓州領方縣也自漢迄隋其地不改隋亂陷賊武德四年

平蕭銑於此置南方州貞觀八年改為澄州

州境東西三百五十三里

八到東北至東都四千三百七十五里

東至貴州三百四十一里

元和郡縣圖志卷之三十八

南至賓州八十八里  
北至嚴州三百三十里

貢賦 開元貢銀

管縣四 上林 無虞 止戈 賀水

上林縣下 郭下 本漢領方縣地也武德四年分置上林洞口

因以為名

都澧水在縣北一百步

無虞縣下 西南至州三十六里武德四年析領方縣置屬南方州

改屬澄州

羅富山在縣西北五里

都澧水在縣北一里

止戈縣下 東至州八十里武德四年析領方縣置屬南方州改屬澄州

賀江水一名都泥江在縣北一百九十里

賀水縣中 西南至州一百九十里武德四年析柳州馬平縣置屬南

方州改屬澄州

都泥江在縣北一百四十里

橫州下 寧浦 開元戶一千三百七十八

鄉十七

古越地趙佗王越地亦屬之漢平南越置合浦郡今州即

漢合浦郡之高涼縣地也在今高州界晉於合浦北部置

寧浦郡開皇十年廢為縣以屬簡州十八年改為簡州為

綠州大業三年廢州為鬱林郡隋末陷賊武德四年平蕭

元和郡縣圖志卷之三十八

六

銑重置南簡州貞觀八年改為橫州至德移於舊州東七

里鬱江北岬

州境東西一百三十二里  
南北二百一十一里

八到北至上都取貴象州路四千七百五十五里取藤州水路四千二百七十五里  
北至東都四千八百一十里  
東北至東都四千三百九十五里

東北至貴州水路一百七十五里  
西南至欽州水陸相兼三百一十一里

貢賦開元貢銀

管縣四 寧浦 樂山 涼風 嶺山

寧浦縣下 本漢高涼縣地吳分為寧浦縣開皇屬鬱林

郡貞觀屬橫州

鬱江水俗名蠻江北去縣十步

樂山縣下 西至州水路一百二十里 本漢廣鬱縣之地陳於此置樂

陽郡開皇十年廢郡為縣仍為樂山屬綠州大業改屬鬱

林郡貞觀改屬橫州

蠻江南去縣七步

涼風縣下 西南至州九十里 武德四年析寧浦縣之北界置

鰐江水經縣西去縣百步

嶺山縣下 東至州一百里 本漢高涼縣之地梁於此置嶺山郡

開皇十年廢郡為縣屬鬱林郡武德四年改屬橫州

蠻江北去縣五步

欽州寧越下 開元戶二千二百八

元和郡縣圖志卷之三十八

鄉十二

七

古越地非九州之域尉佗王越亦屬焉漢平南越置合浦郡今州即之合浦縣地也按合浦在廣州界宋分合浦置宋壽郡梁武帝於今欽江縣南三里置安州開皇十八年改安州為欽州取欽江為名也大業三年改為寧越郡武德四年平蕭銑改為州仍為都督府貞觀元年罷都督府復為州

州境東西南北四百七十三里

八到北至上都五千五百五里

東北至東都四千八百五里

西南至睦州七百四十里

東北至橫州三百十里

東至廣州三百三里

貢賦開元貢銀金

管縣五 欽江 安京 遵化 內亭 廬山

欽江縣下本漢合浦縣之地宋於此置宋壽郡開皇十

九年罷郡為欽江縣屬欽州皇朝因之

豐子嶺在縣北一百二十里

欽江在縣東二百步

西零戍在縣南三里

安京縣下西北至州七十里梁武帝分宋壽郡於此置安京郡

開皇十年廢郡為縣屬欽州皇朝因之

羅浮山在縣北十里俗傳似循州羅浮山因名之

遵化縣下西南至州一百八十里隋開皇二十年置本合浦縣地

元和郡縣圖志卷之三十八

也欽江水源出縣東北閣博山

內亭縣下東南至州一百里本漢合浦縣地開皇十七年置名

新化縣十八年改名內亭屬州皇朝因之因內亭水為名

盧山縣下南至州九十六里水路二百二十里開皇十八年於州地四十八里置南

賓縣貞觀十年移於峯子嶺南天寶元年改為盧山縣今

南四十里謂之水步即是欽州北來人泝流捨舟登陸處

潯州下潯江開元戶一千七百一十六鄉五

本漢合浦郡地貞觀七年分置潯州取北潯江為名十二

年廢入龔州長壽元年又割龔州桂平皇化大賓三縣重

置潯州

州境東西南北

八到北至上都四千六百九十五里東北至東都四千七百七十五里南至繡州八十里西北至象州陸行二百一十里東北沿流至龔州一百二十里西南沿流至貴州二百陸行一百里

管縣三桂平皇化大賓

桂平縣下本梁於此置桂平郡開皇十年罷郡為縣屬

鬱林郡貞觀七年於縣置潯州十二年廢以縣又屬焉

皇化縣下西至州三十里開皇十一年置因縣東一里皇化水

為名大業二年廢貞觀七年復立

大賓縣下西至州四十里開皇十五年分桂平縣置以縣西北

賓水為名武德七年曾於縣置潯州後移於桂平縣

元和郡縣圖志卷之三十八

蠻州 永定下

本漢領方縣地貞觀末永徽初置後以蠻俚背叛廢於其  
城置驛開元十五年李商隱重奏置

州境 東西南北

八到 西北至上都取橫象州路四千八百五十五里  
西北至東都四千六百三十五里  
東沿流至橫州一百三十里  
西泝流至邕州一百五十里

北至澄州抵大山無路

管縣三 永定 武羅 靈竹

永定縣 郭下

武羅縣 下 北至州九十里

靈竹縣 西至州九十里

安南都護府 交趾 開元戶二萬五千六百九十四 鄉五十五

今為安南都護理所

羈縻州三十二

管州十三 交州 愛州 驩州 峯州 演州

陸州 已上 朝貢 長州 郡州 諒州 武安州

唐林州 武定州 貢州 已上 附貢

管縣三十六 都管戶二萬七千一百三十五

古越地也秦始皇平百越以為桂林象郡今州即秦象郡

地也趙佗王南越地又屬焉元鼎六年平呂嘉遂定越地

以為南海蒼梧鬱林合浦交趾九真日南珠崖儋耳九郡

元和郡縣圖志卷之三十八

元封五年置刺史以部之名曰交趾者交以南諸夷其足  
大指廣兩足並立則交焉漢本定為交趾刺史不稱州以  
別於十二州建安八年張津為刺史士燮為太守共表請  
立為州自北始稱交州焉吳黃武五年分交趾日南九真  
合浦四郡為交州南海鬱林蒼梧三郡為廣州尋省廣州  
還併交州以番禺為交州所理後又徙於交趾晉太康中  
徙理龍編開皇十年罷交趾郡為玉州仁壽四年置總管  
府大業三年罷州復為交趾郡武德四年又改為交州總  
管府永徽二年改為安南都護府兼置節度大曆三年罷  
節度置經畧使仍鎮南為安南都護府貞元六年又加招

討處置使

府境東西五百一十六里  
南北七百九十一里

八到北至上都六千四十五里水路六千六百四十里  
北至東都五千七百八十五里水路六千三百八十里東至海水路約四百里  
西南至愛州五百里水行七百里  
西北至峯州一百三十里  
東北至陸州水行百  
里  
西北至姚州水陸相兼亦有里

貢賦開元貢 孔雀 蚶地胆 鸚鵡 蕉布 今貢犀角  
草豆蔻 龍花藥 檳榔 黃肩 翠毛 翡翠 鮫魚皮 白露鮮

管縣八 宋平 武平 平道 太平 南定 朱鳶

交趾 龍編

宋平縣上 郭下本漢日南郡西捲縣地宋分立宋平縣屬九

德郡後改為宋平郡開皇十年改屬交州武德四年於此

置宋州貞觀元年廢宋州改屬交州



慈廣水經縣南二里

蘇晉江南去縣二百步

安陽王故城在縣東七三十一里蓋昔交州之地

羸樓音蓮故城在縣西七十五里本漢縣屬交州郡有差

官後漢交州刺史理於此後徙龍編

武平縣中西南至府九十里本扶嚴夷城地也吳歸命侯建衡

三年破扶嚴夷置武平郡開皇十年廢郡立崇平縣屬交

州武德四年改名武平

平道縣中西北至府五十里本扶嚴夷地吳時開為武平郡立

平道縣屬之開皇十年廢縣屬交州

仙山縣東北十三里隱嶙數百里則龍編之西門也

太平縣中東至府六十里本扶嚴夷地開皇十年分武平置

隆平縣開元元年改名太平

南定縣中東北至府六十里本漢羸樓縣地貞元七年於此置

南定縣其舊南定縣在今縣東南二百餘里羈縻長州側

近開元十年後廢

朱鳶縣上東南至府五里本漢舊縣也屬交州郡至隋不改武

德四年於此置鳶州貞觀九年廢縣屬交州

朱鳶江北去縣一里後漢馬援南征鑄銅船於此楊排燃

火飲舡頭令赤以焦踊浪及殺巨鱗橫海之類

交趾縣中一十五里東南至府本漢龍編縣地開皇十年分置交

趾縣武德四年於此置慈州貞觀元年州廢縣屬交州

泊江水西北自崇平縣界流入至此故名

慈廉水北去縣四十步

龍編縣中四十五里西北至府本漢縣也屬交趾郡立縣之始蛟

龍盤編於江津之間因以為瑞而名縣也武德四年於此

置龍州貞觀元年州廢縣屬交州

朱鳶江在縣北即標榆水之一源也盧循之寇交州也刺

史杜慧度率軍水步晨出南津以火箭攻之燒其舡艦一

時潰散循亦中矢赴水而死

交州故城在縣東十四里吳時刺史陶橫所築

石九子母祠在縣東十四里

愛州九真開元戶一萬四千五十六鄉二十五  
元和戶五千三百七十九  
鄉八

秦象龍也漢元鼎六年平南越置九真郡領肯浦居風都

龐音餘發咸驩無功無編七縣屬交趾刺史梁武帝於郡

理置愛州大業三年改愛為九真郡武德五年丘和歸國

罷郡復為愛州

州境東西二百八十二里  
南北四百一十里

八到北至上郡六千四百七十五里  
北至東都六千二百一十五里

東北至長州水行四百五十里  
西北至遼界水行一百九十里  
東至漢州一百四十里  
南至漢州二百五十里  
西北至遼州三百里  
西北至安南都護五百里水路七百里

元和郡縣圖志卷之三十八

貢賦開元貢孔雀毛 賦綿

孔雀尾十具 翡翠尾一百枚 檳榔五百顆

犀角二十斤

管縣五 九真 安順 崇平 日南 軍寧

九真縣下 本漢居風縣地也吳改居風為移風開皇十

七年分移風置縣屬愛州後漢任延為九真太守舊俗以獵

射為業不知牛耕人常告糴交趾每致困乏延乃令作田

器教之墾闢有姓充給

居風山在縣西四里上有風穴長風自是出焉其山出金

玕山在縣西三里

安鎮山在縣南三十一里出石磬勝於湘州零陵者

安順縣下 西北至州九里 本漢居風縣地吳改為移風又分置

常樂縣屬九真郡開皇十年改屬愛州十六年改為安順

縣皇朝因之

浮岳山在縣西五里

崇平縣下 北至州三十里 本漢居風縣地晉於此立為高安縣

屬九真郡開皇十年改屬愛州十八年改高安為隆安開

元元年改為崇安至德二年又改為崇平

日南縣下 北至州三十里 本漢居風縣地晉分置津梧縣開皇

年析置日南縣屬愛州皇朝因之

鑿山在縣北一百三十里昔馬援征林邑阻風波乃鑿此

山彎為通道因以為名

元和郡縣圖志卷之三十六

海在縣東七十里

軍寧縣下東南至州二十里本漢都龐縣也晉分立軍安縣屬

九真郡開皇十年改屬愛州至德二年改名軍寧

驩州日南下府開元戶六千六百四十九元和戶三千八百四十二

鄉十四鄉六

古越地九夷之國越裳氏重九譯者在秦為象郡漢平

南越又置九真吳歸命侯天紀二年分九真之咸驩縣置

九德縣屬交州梁武帝於此置德州開皇十八年改為驩

州取咸驩縣為名也大業三年改為日南郡武德五年改

為南德州仍置總管府貞觀元年改為驩州兼管羈縻州

六

州境東西南北

八到北至上都六千八百七十五里東至海一百里北至漢州二百五十里

貢賦元和貢象牙沉香翡翠犀角黃角

管縣二 九德 越裳

九德縣下西至州五里本吳所立屬九德郡後改屬驩州

越裳縣下西至州七十里本吳所置因越裳國以為名也屬九

德郡武德初屬智州後屬驩州

峯州承化下開元四縣戶共三千五百六十一鄉十五

古夜郎國之地按今新昌縣界有夜郎溪秦象郡之地漢平南越置交趾郡之麓音彌冷縣地也吳歸命侯建衡三年元和郡縣圖志卷之三十八

分交吐立新昌郡陳於此置興州開皇十八年改為峯州  
大業二年州廢以縣屬交州武德四年又置峯州

管羈縻州二十八

州境東西九十七里南北六十里

八到北至上都六千一百五里  
北至東都五千八百四十五里  
東南至安南府一百三十里  
北至羈縻平南州界二百里

南至漏口江一百里

貢賦開元貢八蚕絲、苴寇、檳榔、蚶地胆、犀角四十斤

管縣二、嘉寧、承化

嘉寧縣下本漢蒼冷縣地也吳分其地立嘉寧縣後因

之焉

承化縣下東南至州五里本蒼冷縣地也天寶元年分置承化

縣漢交吐養冷女子微側及妹微貳反稱王伏波將軍援

討平之此地也

陸州玉山開元戶一千九百三十四  
元和戶二百三十一鄉六鄉三

本漢交吐郡地梁大同元年於郡分置黃州開皇十八年

改為陸州以在海南有陸路通海北因以為名州在窮海

不生菽粟又無絲綿唯捕海物以芴衣食蓋島夷卉服之

類也

州境東西七百一十里南北五十四里

八到西北至上都水陸相兼六千一百二十里  
西北至東都五千八百六十里

元和郡縣圖志卷之三十六

貢賦 開元貢 玳瑁 鼈皮 甲香

管縣三 寧海 烏雷 華清

寧海縣下 本梁安海武德四年又置海平至德二載更今名

羅珮山在縣東九里其山在大海中

烏雷縣下 州西北至本在州東水路三百里愨章元年置

在海島中因烏雷州為名大曆三年與州同移於安海縣理

狗理山在縣東四里

華清縣下 西至州一里本名玉山縣天寶元年改名華清本

在烏雷縣北四十里大曆三年與州同移於安海縣理南

枕大海官井山在縣東約五十里相傳越王過海泊舡於

此為無淡水因鑿石為井因號焉

演州龍池 元和戶一千四百五十

鄉三

古南越地漢九真郡之咸驩縣地也自漢迄隋不改武德

五年於此置驩州領安人扶演相景西源四縣貞觀元年

以德州改此為演州因演水為名其州西拉海當中國往

林邑扶南之大路也

州境東西南北

八到北至上都六千七百二十五里東至大海六里

北至愛州二百五十里

北至東都六千四百六十五里南至驩州一百五十里

貢賦開元貢 孔雀尾 黃肩  
元和貢 金薄 黃肩

管縣三 忠義 懷驩 龍池

忠義縣郭下 本漢咸驩縣地廣德二年分置忠義縣

懷驩縣下 東至州二十四里 本漢咸驩縣武德五年分置安人縣

為漢州所理貞觀二十四年廢州改安人縣為懷思天寶

二年又改為懷驩廣德二年復置漢州仍移理忠義縣

龍池縣下 南至州二百二十里 本漢無編縣地也蓋夷獠所附免

其徭役數以無編為名後漢省岳拱二年於此置龍池縣

仍於縣理立山州廣德二年廢山州以縣屬漢州

大海在縣東四里

附貢州

長州文陽下 西北至州約一百里

管縣四 文陽縣 銅鞮縣 長山縣 其常縣戶都六百

貢金四十

郡州西北至府約一百九十五里

管縣二 郡口縣 安樂縣 戶都三百三十五

貢 白蠟二十斤 孔雀尾二具 蚺蛇胆二枚

諒州西北至府約二百五十里

管縣二 文諒縣 長上縣 戶都五百五十

元和郡縣圖志卷之三十八

貢白蠟二十三斤

武安州 武曲 西至府約一百八十里

管縣二 武安縣 臨江縣 五戶都四百

貢朝霞布食單

唐林州 北至府約一千里

管縣二 唐林縣 安遠縣 一戶都三百一十七

貢白蠟二十斤

武定州 東至府約百二十里

管縣二 扶耶縣 潭湍縣 一戶都二百

貢翠毛二百二十合

貢州 西南至府約二百五十里

管縣二 武興縣 古都縣 一戶都三百一十八

貢翠毛三百合

元和郡縣圖志卷第三十八終



元和郡縣圖志卷第三十九

隴右道上

管州二十一

秦州、渭州、武州、蘭州、河州

鄯州、廓州、岷州、洮州、疊州

芳州、宕州、臨州

涼州自涼州已下分入下卷、甘州、肅州

沙州、伊州、瓜州、西州、庭州

秦州天水中府、開元戶二萬五千七、鄉三十九

禹貢雍州之域古西戎地周孝王時其地始為秦邑孝王

元和郡縣圖志卷之三十九

使非子生馬於汧渭之間馬大蕃息孝王邑秦使為附庸  
今天水龍縣秦亭秦谷是也其後秦仲始大襄公列為諸  
侯武公伏邽戎滅而縣之今州理上邽即秦之舊縣也始  
皇分天下為三十六郡此為隴西地漢武帝元鼎三年分  
隴西置天水取天水名由此湖也王莽末隗囂據其地後  
漢建武永平之後改天水曰漢陽郡魏分隴右為秦州因  
秦邑以為名後省入雍州晉復改漢陽為天水郡武帝泰  
始中又立秦川郡與州同理開皇三年罷郡所領縣並屬  
州大業三年罷州為天水郡隋末陷於盜賊武德二年討  
平薛舉改置秦州仍立總管府天寶元年改為天水郡乾

元元年復為秦州寶應二年陷於西蕃

州境東西四百三十九里  
南北五百五十里  
八到東至上都八百里  
東至東都一千六百六十里  
東北至隴州三百六十里  
西至渭水三百里  
西至成州一百八十里  
東北至原州四百六十里

貢賦

管縣五 上邽 伏羗 隴城 清水 成紀

上邽縣郭下本邽戎地秦伐邽戎而置縣焉漢屬隴西郡  
晉屬天水郡後魏以避道武諱改曰上邽廢縣為鎮大業  
元年復為上邽縣屬天水郡武德屬秦州

蟠冢山在縣西南五十八里。漾水之所出也。東流為漢水。渭水在縣北十三里。西自伏羗縣界流入。既谷水源出縣東南山下。蜀將姜維為鄧艾所破於既谷。星散流離。即此谷也。

司馬宣王壘。俗名上募城。在縣東二里。魏明帝太和五年。諸葛亮寇天水。詔大將軍拒之。此其壘也。諸葛亮壘。俗名下募城。在縣東二里。初亮出。議者或欲自芟上邽左右麥以奪賦食。帝不從。又勅令護麥。及宣王與亮相持。賴此麥以為軍糧。姜維壘在北八里。

漢高祖廟在縣東北五里。隗囂自立為大將軍。聘平陵人方望為軍師。勸囂立高祖廟以取信於人。

伏羗縣

中東北至州一百二十里

一本冀戎地秦伐冀戎而置縣焉

漢冀縣屬天水郡。後漢隗囂自稱西伯都於此。後魏以冀為當亭。周為黃瓜。大業二年改黃瓜為黃城縣。武德三年初立伏州。仍置伏羗縣。八年罷伏州。以縣屬秦州。

朱圜山在縣西南六十里。上有石鼓。不擊而自鳴。則有兵起。

渭水經縣北。去縣一里。

縣城本秦冀縣也。隗囂稱西伯都於此。時冀人有謠曰。出冀

元和郡縣圖志卷之三十九

門望羗郡有一跛人欲上天謂天可上地上安得人豈卒  
敗

隴城縣中西南至州一百一十里本漢略陽道屬天水郡初隗囂之

捷與城也來歙從上道襲得畧陽城囂乃使王元拒隴城

牛邯軍在亭囂自率眾攻畧陽郡開皇三年罷郡河陽縣從

理焉六年改為隴城縣

大龍山在縣東一百里

畧陽川水北去縣三十步

瓦亭山在縣東北二百餘里隗囂使將牛邯守處其山亦

入原州界又有街泉亭蜀將馬謖為魏將張郃所敗

清水縣中西南至州一百二十五里本漢舊縣也屬天水郡後魏分

畧陽置清水郡隋開皇三年罷郡縣屬秦州

小隴山一名隴坻又名分水嶺隗囂時來歙襲得畧陽囂

使王元拒隴坂元迴不知高幾里每山東人西役升此瞻

望莫不悲思隴山有水東西分流因號驛為分水驛行人

歌曰隴頭流水鳴聲幽咽遙見秦州肝腸斷絕東去大震

關五十里上多鸚鵡

成紀縣中東南至州一百里本漢舊縣也屬天水伏羲氏母日

華前有履大人跡生伏羲於成紀即此丘也周成紀縣屬

略陽郡開皇三年罷郡縣屬秦州皇朝因之

元和郡縣圖志卷之三十九

瓦亭州水東去縣一十五里

渭州隴西開元戶五千二百三十二

鄉一四

禹貢雍州之域古西戎也戰國時羗戎雜居其地秦昭王伐得義渠戎始置隴西郡按天水有大坂名曰隴坻郡處坻西故曰隴西有鐵管鹽官漢末隗囂竊據建武十年囂降隴右平仍舊為郡靈帝分南安郡魏於此置鎮守鄧艾曰蜀師來而為一我分為四以禦之謂狄道隴西南安岐山處齊王嘉平五年蜀將姜維圍南安襄武皆不剋後魏莊帝永安三年於郡置渭州因渭水為名禹貢道渭鳥鼠同穴山在州西一百二十九里渭源界大業三年罷州

復置隴西郡隋亂陷賊武德元年西土底平復置渭州寶應二年陷於西蕃

州境東西二百六十六里南北三百八十六里  
八到東至上都一千一百里東至秦州一千九百六十里東南至秦州三百里西南至岷州二百二十六里東北至原州五百五十里西北至臨洮軍百九十里

貢賦開元貢秦芘麝香

管縣四 襄武 渭源 隴西 彭縣

襄武縣郭上下本漢舊縣也屬隴西郡開皇三年罷郡縣屬

渭州大業三年復屬隴西郡武德改屬渭州

元和郡縣圖志卷之三十九

渭水北自渭源縣界流入

六泉水在縣東北原上泉源有六因以為名

渭源縣上正東微南至州九十里本漢首陽屬隴西郡西魏大帝

分隴西置渭源郡因渭水為名也開皇三年罷郡縣屬渭

州鳥鼠山今名青雀山在縣西七十六里渭水所出凡有

三源並下其同穴鳥如家雀色小其鼠如家鼠色小黃近

穴洩瀉氣甚辛辣使人交逆嘔吐牛馬得此氣多疲卧不

起而大汗

隴西縣上西至州五十里本漢獠道縣也音桓屬天水郡後漢末

於此置南安郡開皇元年獠道移武陽縣名於郡理屬渭

州八年改武陽為隴西

安都山在縣西四十九里

澇門水出縣東南落門谷後漢建武十年來歙大破隗囂

於洛門即此地也

渭水經縣南

彰縣上東北至州六十里本漢彰縣也屬隴西郡永元元年封

耿秉為彰侯是也永嘉南渡縣遂廢焉後魏宣武復置屬

畧陽開皇三年罷郡縣屬渭州

龍馬山在縣西四十里

彰水南去縣一里

鹽井在縣南二里遠近百姓仰給焉

武州武都 開元戶二千四百五十三

鄉十二

禹貢梁州之域古西戎地也戰國時白馬氏居焉氏即西戎之別種也元陽六年開白馬氏以其地為武都郡魏太祖以楊阜為武都太守及劉備取漢中魏文帝徙都武於美陽即今好時縣界也後諸葛亮使將攻武都陰平遂克定二郡其地始入於蜀蜀平後晉復以為郡及永嘉南遷中原背叛武都又為氐楊茂搜其所據群氐推以為王其後楊難當為宋所破其苗裔復擁衆據武都之仇池山在今成州畧後平仇池於仙陵山東置武都鎮宣武帝於鎮

城復置武都郡廢帝改置武州大業三年又改為武都郡

武德元年復為武州

州境東西二百九十里

八到東北至東都二千二百里

東至興州三百五十七里

西北至宕州二百五十七里

南至文州三百六十里

北至成州三百八十里

管縣三、將利、福津、盤堤

將利縣中下本漢羌道縣地後魏于此置石門縣周閔帝改為將利縣屬永都郡開皇三年罷郡縣屬武州皇朝因

元和郡縣圖志卷之三十九

之

仙陵山在縣西六里

武都有紫水泥亦紫漢朝封璽書用紫泥即此水之泥也  
又出上品雄黃色如鷄冠

羗水一名陵水經州城南二里

福津縣中

西北至州六十六里

本後魏之武階郡也屬南秦州文

帝又置福津縣屬武階郡開皇三年罷郡移福津縣於郡

置焉屬武州皇朝因之

隴東山在縣北四十五里

盤堤縣中

西北至州一百五十里

一本漢河池縣之地也後魏廢帝

於此置武陽郡領盤堤縣開皇三年罷郡縣屬武州皇朝  
因之

盤堤山在縣東南七十三里

縣城魏鄧艾與蜀將姜維相持於此築城置茹蘆戍後於  
此置縣

蘭州金城

下

開元戶四千

鄉一十五

禹貢雍州之域古西羗地也秦并天下是為隴西郡漢武  
帝降匈奴以其地置武威酒泉張掖敦煌四郡又分隴西  
置天水郡昭帝六年分隴西張掖以為金城郡今州即金  
城郡之舊地也初築時得金故曰金城又言金取其堅固  
元和郡縣圖志卷之三十九



領縣十三宣帝又置金城屬國以處降羌平帝元始四年  
金城塞外羌獻兼魚鹽之地內屬漢遂得西王母石室以  
為西海郡理龍兔城即今河源軍西一百八十里威戎城  
是也後漢建武十三年省金城入隴西郡明帝永平元年  
復立永熹末前涼張軌分立興晉郡張寔徙金城縣即今  
州理是也西秦乞伏乾歸都苑州南涼秃髮烏孤都廣武  
皆此地也苑州在今五泉縣至乞伏慕末為赫連定所滅  
隋開皇元年立為蘭州置總管府取翠蘭山次為名也大  
業三年罷州為金城郡武德二年討平薛舉復置蘭州八  
年置都督府明慶元年罷復為州寶應元年沒於西蕃

州境東西二百一十七里

八到東南至上都一千四百六十里

東至臨州一百九十里

東北至會州三百八十里

西南至鄯州四百里  
西南至河州三百里  
貞賦開元貞麻褐野馬皮

管縣二五泉廣武

五泉縣中下本漢金城縣也屬金城郡前涼張寔徙金城

郡理焉開皇三年罷郡縣屬蘭州皇朝因之

康狼山亦名熱薄汗山在縣南一百四十里西秦乞伏乾

歸太子熾磐招結諸部二萬七十築城于康狼山以據之

元和郡縣圖志卷之三十九

九

即此山也

黃河流經縣北去縣二十里

金城關在州城西周武帝置金城津開皇十八年改津為  
關

廣武縣

中

南至州二百二十五里

本漢枝陽縣也前涼張駿三年

分晉興置廣武郡開皇三年罷郡置廣武縣屬蘭州大業

二年改為允吾

音子

縣取漢舊名也六年改為會寧縣武

德三年重置廣武縣

琵琶山在縣西北一百五十里北涼沮渠蒙遜恃其強陰

謀圖周周乃擁衆南保琵琶山即此也

烏逆水在縣西南二十許里水西有馬蹄谷漢武帝使李

廣利伐大宛得天馬胡馬感北風之思遂頓絕羈絆而馳

晨發京城食時至燉煌寨下今谷中石上猶存蹄跡

允吾故城在縣西南一百六十里本漢縣屬金城郡

浩亶故城在縣西南一百三十里漢縣也屬金城郡亶者

水流峽岬深若門也

河州

安樂上府

開元戶五千二百八十九

鄉一十四

禹貢雍州之域古西羌地也梁昭帝分隴西天水張掖三

郡立金城郡今州即金城郡之抱罕縣也

抱音浮靈帝時隴

西宋建自稱河平王聚衆抱罕改元置百官獻帝建安末

元和郡縣圖志卷之三十九

十

夏侯妙才討平之。晉惠帝立枹罕護軍。前涼張軌保據涼州。立為興晉郡。張駿二十一年。以州界遼遠。分置河州。以禹貢導河積石。至於龍門。積石州界。故曰河州。後乞伏熾盤火自金城都於此。後魏平定秦隴。西改置枹罕鎮。孝文太和十六年。改鎮復為河州。大業三年。罷州改為枹罕郡。武德二年。討平李軌。改置河州。寶應元年。陷於西蕃。

州境東西二百二十八里  
南北三百七十里

八到東至上都一千四百六十里  
東至東都二千三百二十里  
東至蘭州三百里  
西至鄯州三百九十里  
東至洮州三百里  
西北至鄯州三百里

貢賦 開元貢 麝香 楚金 賦 麻布

管縣三 枹罕 鳳林 大夏

枹罕縣郭下。本漢舊縣。屬金城郡。故罕羗侯邑。秦滅為縣。後遂因之。

積石山一名唐述山。今名小積石山。在縣西北七十里。按河出積石山。在西南羗中。注于蒲昌海。潛行地下。出於積石。為中國河。故今人自彼山為大積石。此山為小積石。鳳林山在縣北三十五里。

河水在縣北五十里。河下也。按四瀆之中。河源最高。從高注下。故其流峻急。禹貢導河積石。至于龍門。又曰導洛自

熊耳按洛水出上洛西山經熊耳之北所言導者皆謂紀所施功不尤自其源也

鳳林縣

東南至州八十里

本漢白石縣地後魏大統十二年刺

史楊寘於河南鳳林川置鳳林縣因以為名儀鳳元年於

河州西移安鄉縣理此又名安鄉天寶元年改名鳳林

石門山在縣東北二十八里山高險絕對岸若門即皋蘭

山門也漢武元符三年霍去病出隴西至皋蘭即此也

離水西去縣二百步

大夏縣

中下西北至州七十里

本漢舊縣屬隴西郡前涼張駿置

大夏郡縣屬焉周改屬枹罕郡開皇三年罷郡縣屬河州

金劍山在縣西二十里

大夏山水經縣南去縣十步

鎮西軍在州西一百八十里開元三年哥舒翰於索恭州

置

振威軍在天成軍西有餘里天寶十三年九月哥舒翰攻

吐蕃鵬窠城置

鄯州

西平下府

開元戶六千四百四十六

鄉一十五

禹貢雍州之域古西戎地也春秋及秦漢為羌胡所居昭

帝元始元年置金城郡按金州界即金城郡地也後漢獻

帝分置西平郡屬涼州前涼張軌分西平置晉興郡張天

元和郡縣圖志卷之三十九

錫以晉興西平二郡遼遠分為廣源郡後涼呂光改西平  
為西河郡南涼秃髮烏孤自稱武威王徙都于此弟傳檀  
遷于姑臧後復徙治於此為乞伏熾磐所併後魏以西平  
郡為鄯善鎮孝昌二年改鎮立鄯州大業三年罷州復為  
西平郡隋亂陷賊武德二年討平薛舉開隴平定改置鄯  
州儀鳳二年置都督後復為州開元二十一年置隴右節  
度使都管兵七萬五千人馬一萬六千二百五十五  
一萬足改備西戎統臨洮軍開元中移就節度衙置管兵  
五萬五千人馬八千四百足河源軍州西百二十里儀鳳  
二年即將李乙支置管兵一萬四千馬六百五十三足白

泉軍州西北二百三十里開元五年郭知運置管兵四千  
人馬五百足安人軍河源軍西一百二十里星宿州開元  
七年郭知運置管兵萬人馬三百五十足振威軍州西三  
百里開元中信安王禕置管兵千人威戎軍州西北三百  
五十里開元一十六年杜希望置管兵千人馬五十足綏  
和守捉州西南二百五十里開元二年郭知運置管兵千  
人合川郡守捉州南百八十里貞觀中侯君集置管兵千  
人合川郡疊州莫門軍洮州城內儀鳳二年置管兵五千  
五百人馬二百足寧塞軍廓州城內管兵百人馬五十足  
積石軍廓州西百八十里儀鳳二年置管兵七千人馬一  
元和郡縣圖志卷之三十九

百足鎮西軍。河州城內。開元二十六年。杜希聖置管兵一萬二千人。馬三百疋。平夷守捉。河州城內西南四十餘里。開元二年。郭知運置管兵三千人。寶應元年。沒于西蕃。

州境。東西五百五里。南北二百一十五里。

八到。東南上郡一千九百里。東南至東郡二千七百六十里。東至蘭州二百二十里。西至西海三百七十里。西南至廓州一百四十里。東北至涼州五百里。

貢賦。開元貢。褐十疋。羚羊角兩隻。

管縣三。湟水。鄯城。龍支。

湟水縣。中。本漢破羌縣地。屬金城郡。魏分置西都縣。屬

西平郡。開皇三年。罷郡。縣屬鄯州。十八年。改為湟水縣。皇朝因之。

土樓山。在縣西百三十里。下有土樓神祠。

湟水。名湟河。亦謂之樂都水。出青海東地。亂山中。東南流。至蘭西南入黃河。

浩亶水。今謂之閣門水。經縣東。去縣五十五里。漢宣帝神

爵元年。遣後將軍趙充國擊先零羌。充國欲罷騎兵屯田。以待其弊。計度臨羌東至浩亶。虜故田。人所未墾。可二

千頃已上。又理湟。徑以西通橋七十所。令可至鮮水左右。留步士萬人屯田。為不食之具。詔從之。充國竟以屯田之

利支解先零

鄠城縣中東至州一百二十里儀鳳二年分涅水縣置北枕涅水

西即土樓山

龍支縣中北至州一百三十五里本漢允吾縣也屬金城郡後魏

初于此置金城縣廢帝二年改名龍支縣西南有龍支

谷因取為名

積石山在縣西九十八里南與河州枹罕縣分界

黃河在縣西南六十里

鄠州寧塞開元戶三千九百六十四

禹貢雍州之城古西羗地漢宣帝時西羗數背叛後將軍

趙充國屯隴西諸羗不敢動後漢燒當等八種羗為寇段

頻擊破之諸羗弭定獻帝建安中分金城置西平郡南涼

禿髮烏孤又以河南地為澆河郡周建德五年于今州理

西南連化縣界澆河故城置鄠州蓋以開鄠邊境為義大

業三年罷州復為澆河郡隋亂陷于寇賊武德二年西土

平定改置鄠州乾元二年陷于西蕃

州境東西南北四百九十四里

八到東南至上都二千九十里  
東至東都二千九十里  
東至廓州三百九十里  
西至蕃界樹郭城三百二十里  
南至新置曜武軍二百里  
北至新安夷騎八十里

元和郡縣圖志卷之三十九

貢賦 開元貢 麩金 大黃 戎鹽 麝香

管縣三 化城 達化 朱川

化城縣下 本後魏石城縣地廢帝二年因境內有化隆谷因改為化隆縣皇朝因之先天年改為化城縣黃河在縣南八十里

扶延山在縣東北七十里多麋鹿

達化縣下 東至州三十里 本後周置達化郡并達化縣開皇三年罷郡移縣入郡解即今縣是也皇朝因之

黃沙城在縣東六十里

朱川縣下 西至州一百里 本前涼張天錫于此置郡 川成後

魏孝昌二年于成城置廣威縣貞觀十年于本縣東一百二十里黃河南畔置朱川縣屬河州永徽六年移于河北屬鄜州

積石軍在州西南一百五十里儀鳳二年置西臨大澗北枕黃河即隋澆河郡所理

寧邊軍在積石軍西黃河北威勝軍在積石軍西八十里宛肅城

金天軍在積石軍西南一百四十里洪濟橋武寧軍在洪濟橋東南八十里百谷城

耀武軍在州南二百里黑峽川



右寧邊等五軍並天寶十三年哥舒翰奏置

岷州和政 開元戶三千九百五十

鄉十四

禹貢雍州之域古西羗地也禹貢西傾朱圉鳥鼠按西傾山在洮州之西今州處其東北此則雍州之域明矣在秦為隴西郡洮縣也自秦至晉不改後魏文帝始于此置岷州南有岷山因以為稱仍領同和郡又改為臨洮郡開皇三年罷郡屬岷州大業三年復為臨洮郡隋末淪陷寇賊義寧二年改置岷州天寶元年改為和政郡乾元元年復為岷州上元二年因羗叛陷于西蕃  
州境東西一百方十三里南北三百方十七里

八到東北至上都一千三百三十六里東北至東都二千一百八十六里東北至渭州二百二十六里西南至洮州一百八十里南至宕州三百八十里北至臨州三百四十里

貢賦開元貢 龍鬚蓆 鸚鵡鳥 犂牛酥 鵬翎

管縣三 湓樂 祐川 和政

湓樂縣中下本漢秦之臨洮縣也屬隴西郡後魏置同和郡縣屬焉開皇三年罷郡縣屬岷州義寧二年改置湓樂縣

岷山在縣南一里

崆峒山在縣西二十里

元和郡縣圖志卷之三十九

州城本秦臨洮城也。後漢建初二年，金城隴西保塞羌皆反，車騎將軍馬防、長水校尉耿恭擊平之，即此地也。董卓臺在縣北十五步。

秦長城有起縣西二十里，始皇三十四年，并天下，使蒙恬將三十萬衆北逐戎狄，築長城，起臨洮，至遼東，延袤萬餘里。

祐川縣中 西北至州七十里 周明帝武成元年置，開皇九年省。

義寧二年，重置。先天元年，改為祐川縣。取縣西祐川為名。和政縣中 南至州三十二里 本後周洮城郡也。武帝保定元年，郡省，置同和縣，屬同和郡。宣政元年，改為和政縣。開皇三年

罷郡，縣屬岷州。皇朝因之。

洮水西南自溢樂縣界流入。

和政府，在縣西北七里。

洮州臨洮 開元戶三千七百八十四

鄉七

禹貢雍州之域，古西羌地也。自秦漢至于魏晉，皆諸羌所

居。至後魏吐谷渾，又侵據其地。後周明帝武成中，西逐諸

戎，其地內屬。置洮陽防。武帝保定元年，立洮州。大業三年

罷州，改為臨洮郡。隋季亂離，所在陷沒。郡守孫長詢率所

部百姓嬰城固守。以義寧元年，舉城歸國。武德二年，復于

此置洮州。貞觀四年，州移治故洪和城。于此置臨洮鎮。五

元和郡縣圖志卷之三十九

六

年廢鎮置御諱州八年廢州復移洮州治此永徽元年置都督府開元十七年廢入岷州二十年於臨潭又置臨州二十七年又改為洮州廣德元年陷于西蕃

州境東西五百五十里南北二百二十里

八到東北至上都一千五百里  
東北至東都二千三百六十里

東至岷州一百八十里  
西至黃河六百里  
西南至疊州一百八十里  
北至河州三百里

貢賦開元貢

管縣二 臨潭 美相

臨潭縣中郭下本隋美相縣周保定元年置貞觀四年移美

相縣于東北洪和城內五年于州理改置臨潭縣其城東北三面並枕洮水

洮水出縣西南三百里強臺山即禹西傾山也

柝榜山在縣東南十一里柝傍羌語也羌語呼石為柝呼

高為傍因以為名

安西府在縣東四十里周明帝武成元年行軍總管博陵公賀蘭祥討吐谷渾築此城以保據潭平後因置博陵郡隋又為縣屬洮州貞觀十二年省縣入臨潭十三年于此

置安西府

廣思鎮在縣西一百八十里

元和郡縣圖志卷之二十九

莫門軍儀鳳二年置在州城內

神策軍在州西八十里天寶十三年哥舒翰置在洮河南

岸

美相縣中西至州七十五里本漢隋舊縣治在州城貞觀四年

移洮州在此縣亦隨徙焉

霧露山在縣北一十里

疊州哈川開元戶一千二百七十七

鄉十一

禹貢梁州之域歷秦漢魏晉諸羗常保塊焉後魏其地入吐谷渾周武帝建德六年西逐諸戎始統有其地乃置疊州蓋取山川重疊為義大業二年廢疊州以縣屬洮州武德

二年西土內附于今州西二十九里合川故城置疊州五

年隔吐谷渾七年討平之復置疊州今州城在獨山上西

臨絕澗南枕羗水十三年置都護府永徽元年罷天寶元

年改為疊州郡乾元二年復為疊州

州境東西二百六十五里南北一百二十九里

八到東至上都一千七百里東至東都二千五百里

東南至黃河上党項岸二百八十里西至黃河上党項岸二百八十里

東南至故芳州一百四十里東北至洮州一百八十里

貢賦開元貢甘松香麝香酥調麻布

管縣二合川常芳

合川縣下。本周武二年置。有三谷水。至縣東合流。因以

為名。周屬西疆郡。開皇三年罷縣。屬疊州。皇朝因之。

石鏡山在縣西北四十五里。其山石皎徹。臨照莫不其

形體。故以為名山。有銅窟。隋代採鑄。今亦填塞。

白水一名墊江水。在州西六十里。

藥水出縣東平地。人有患冷者。煎水服之。多愈。

常芳縣中。西北至州一百二十里。一本周武成中所置。恒鄉屬芳州。

郭下。前上元中。芳沒蕃。神龍元年移縣名于天法。山東蘇

董谷西。即合縣理是也。

芳州。貞觀戶八百六十二。

禹貢梁州之域。秦漢及魏晉皆諸羌所居。至後魏吐谷渾

入。侵據焉。周明帝武成中。西逐諸戎。始有其地。乃于三交

口築城。置甘松防。武帝建德中。改為芳州。以為名領。恒香

深泉二郡。大業二年郡州廢。以縣屬扶州。隋氏喪亂。陷於

寇賊。武德元年。西邊平定。復于常芳縣置芳州。高宗上元

二年。陷于西蕃。

州境東西南北

八到東至上都一千八百四十里

東北至東都二千七百里

東南至扶州三百里

西南至羗直州一百六十里

東至羗二百三十里

西至疊州一百四十里

元和郡縣圖志卷之三十九

貢賦 貢 犂牛酥 調麻布

管縣三 常芬 怕香 丹嶺

常芬縣下 本周置屬怕香郡開皇三年罷郡縣屬芳州

唐上元二年陷于西蕃神龍元年移縣名屬疊州

素嶺山在縣東七十里春夏常多積雪因名之

甘松府在城內

怕香縣下 東北至州一十五里貞觀二年置寄理怕香戍

帝侯山在縣南三里

丹嶺縣下 東南至州二十里本隋舊縣開皇十九年置屬芳州

義寧三年屬甘松郡武德元年罷郡縣屬芳州所管百姓

皆是党項諸羗界內雖立縣名無城郭居處

湫池在縣西八十里通彌山中週迴有餘里蓋古之天池

大澤白水之源蓋出此也

宕州懷道下 開元尹一千六百五十九

鄉六

禹貢梁州之域古西羗地也自秦漢至漢晉皆諸羗據焉

後魏招撫西戎始有其地有梁彌念者宕昌羗也其先羗

豪祖勤自稱宕昌王彌念大武初表求內附太武嘉之拜

彌念為宕昌王其後遞相傳襲稱蕃於魏謂其地為宕昌

藩周天和元年改藩置宕州大業三年罷州復宕昌郡武

德元年置宕昌郡武德元年置宕州天寶元年改為懷道

郡乾元元年復為宕州因宕昌山為名也

州境東西三百六十五里南北四百二十九里

八到東北至上都一千四百七十里東北至東都二千三百三十里西北至疊州二百五十里

東南至武州二百五十里西南至扶州四百里

北至岷州三百八十里

貢賦開元貢麩金麝香

管縣二、懷道、良恭

懷道縣中下本周武帝天和元年置屬甘松郡開皇三年

罷郡屬宕州皇朝因之

蘇董成縣西一百八十三里

良恭山在縣北四十里出雌黃

斫花山在縣東北八十里出朱砂雌黃人常採取之宕昌

故城今為交和戎在縣東五十二里

良恭縣西南至州一百一十里二本周之陽谷縣也武帝天和五年置

宕昌郡開皇三年罷郡縣屬宕州十八年改為良恭縣

願虜山接縣城西北隅東西四十里南北三里

臨州秋道下府

州境東西南北

八到東南至上都一千二百八十里東南至東都一千一百四十里

天寶初割蘭州秋道縣又別置安樂縣置臨州州郭舊有

元和郡縣圖志卷之三十九

臨洮軍久視元年置至寶應元年陷於西蕃

狄道縣上

安樂縣下

元和郡縣圖志卷之三十九終

元和郡縣圖志卷第四十

隴右道下

管州八

涼州

甘州

肅州

沙州

瓜州

伊州

西州

庭州

涼州 武威中府

開元戶二萬六千一百六十五

鄉一十五

禹貢雍州之西界自六國至秦戎狄及月氏居焉後匈奴

破月氏殺其王以其頭為飲器月氏乃遠過大宛西擊大

夏而臣之匈奴使休屠王及渾邪王居其地漢武帝之討

北邊休屠渾邪數見侵掠單于怒遣使責讓之二王恐先

誅乃降漢得其地遂置張掖酒泉燉煌武威四郡昭帝



又置金城一郡謂之河西五郡改州之雍州為涼州五郡皆屬焉地勢西北邪出在南山之間隔絕西羗西域于時號為斷匈奴右臂獻帝時涼州數有亂河西五郡去州隔遠自來別立州于是以五郡立為雍州魏又分雍州置涼州領河西五郡晉惠帝永寧元年以張軌為刺史持節護羗校尉會永嘉之亂因保據涼州是為前涼至張天錫為符堅所滅後十餘年又為呂光所據是為後涼至呂隆為姚興所滅及沮渠蒙遜起兵據張掖是為北涼至沮渠茂度為後魏所滅及太武帝改州鎮置四軍 戊孝文太和十四年後為涼州領威武等十郡二十縣周置總管府大

業三年改為武威郡廢總管隋末喪亂陷于寇賊武德二

年討平李軌改為涼州置西河節度使都管兵七萬三千

及羗胡統赤水軍在涼州城內管兵三萬三千馬一萬三千

者莫如赤水幅員五千一百八十八大斗軍涼州西二百里

里前拒土蕃北臨突厥提開元十六年改為大斗軍因大斗枝谷建康軍證聖元年

為名管兵七千五百人馬二千四百王孝傑開鎮周迴以甘肅兩州中間闊遠頻被賊鈔遂于

東去理所寧寂軍甘州東北十餘里天寶二年置玉門軍

肅州西二百餘里武德中楊恭仁置會州西北二百里大

西此一千里管兵五千五百人馬新泉軍會州西北二百里大

四百匹東去理所一千四百餘里沙州城內以當匈奴要路山川迥

元知即縣圖志卷之四豆盧軍沙州城內以當匈奴要路山川迥

千五百人馬四百疋去  
理所一千七百餘里  
張披守捉東去理所五百管兵六

交城守捉涼州西二百管兵一千人  
白亭軍涼州西北三千管兵一千七百人  
天寶元

年改為武威郡乾元二年復為涼州廣德二年陷于西蕃

州城本匈奴新築漢置為縣城不方有頭尾兩名為鳥城

南北七里西三里地有龍形亦名卧龍城

州境東西四百里

八到東北至上都取秦州路二千里取蘭皋路一千六十

里東南至東都二千八百六十里

貢賦開元貢馬皮五張細褐白裘柔毛氈

管縣五姑臧昌松神鳥嘉麟天寶

姑臧縣郭上本漢舊縣屬武威郡因姑臧山為名亦言故

匈奴蓋臧城後人音訛為姑臧焉

姑臧南山一名雪山在縣南二百三十里

天梯山在縣南二十五里

白亭軍在縣北三百里馬城河東嶺舊置守捉天寶十年

哥舒翰改置軍因白亭海為名也

文車澤在縣東三十里前秦苻堅遣將軍苟萇毛盛將軍

伐北涼造機械衝車于此因名

休屠城在縣北六十里漢休屠縣也

明威戍在縣北百八十里

武安戍在縣北西百六十里

武興鹽池眉黛鹽池並在縣界有姓咸取給焉

昌松縣上舊本漢鶩鳥縣張天錫改置武興縣後廢武德

三年又于城內置神鳥縣與姑臧分理神鳥理西姑臧理

東貞觀年廢摠章元年又置也

神鳥縣西北至州一本漢蒼松縣屬武威郡後梁置昌松郡

縣屬焉開皇三年改昌松為永年縣後以重名復為昌

松

金山在縣南一百八十里麗水出焉

蒼松故城在縣東北十里漢蒼松縣也

麗水府在縣城中

白馬戍在縣東北五十里

嘉麟縣中下東南至州七十里本漢宣威縣地前涼張軌於此置

典武郡後梁呂光改置嘉麟縣後廢萬歲通天元年重置

天寶縣中下東至州一百八十里本漢番音禾縣屬張掖郡北涼

沮渠蒙遜立為番禾郡後魏太武帝平涼罷郡置軍開

皇三年改為縣皇朝因之天寶中改為天寶縣

甘州張掖下開元戶五千四百四十鄉十七

禹貢雍州之域自六國至秦我狄月氏居焉漢初為匈奴

右地武帝元鼎六年使將軍趙破匈奴出令居乃分

元和郡縣圖志卷之四十

武威酒泉地置張掖燉煌郡。斬匈奴之右臂。自張其掖。因以為名。初屬張軌。後梁末。段業亦嘗據此地。後業為北涼。沮渠蒙遜所殺。據之後。又遷理姑臧。後魏太武平涼。以為張掖軍。廢帝二年。改軍置甘州。因州東甘峻山為名。或言地多甘草。故名。大業三年。罷州為張掖郡。隋亂。陷賊。武德二年。討平李軌。改置甘州。永泰二年。陷于西蕃。

州境東西四百一十六里  
南北一千三百七十里

八到東南至上都二千五百里  
東南至東都三千三百六十里  
西至肅州四百里  
南至大雪山二百三十里  
東北至花門山一千四百五十里

東至涼州五百里

貢賦開元貢 野馬皮 白奈 枸杞

### 管縣二 張掖 刪丹

張掖縣下本漢臯得屬張掖郡。本匈奴臯得王所居。因以名之。晉改名永平縣。開皇三年。改永平為酒泉縣。大業二年。改為張掖縣。取舊郡為名也。皇朝因之。

合黎山俗名要塗山在縣西北二百里。禹貢導弱水至于合黎。

祁連山在縣西南二百里。張掖酒泉二界上。美水茂草。山中冬溫夏涼。宜牛羊乳酪。濃好。夏馥酥不用器物。置于草上。不解散。作酥特好。一斛酪得斗餘酥。

雪山在縣南一百里多材木箭竿

甘峻山在縣東北四十五里出貢骸鷹稱為奇絕常充貢獻

居鹽海在縣東北一百六十里即居延澤古文以為流沙者風吹流行故曰流沙

鹽池在縣北九百三十里其鹽潔白甘美隨月虧盈周迴一百步

建昌軍在州西北一百九十里

刑丹縣

中下

西至州一百二十里

本漢舊縣屬張掖郡按馬支山

一名刑丹山故以名縣山在縣南五十里東西百餘里南

北二十里水草茂美與祁連同匈奴失祁連焉支二山乃歌曰亡我祁連山使我六畜不繁息失我焉支山使我婦女無顏色

弱水在縣南山下

大斗枝谷在縣南二百里大業五年煬帝躬率將士出西平道討吐谷渾還此谷會大霖雨士卒凍餒死者十六七寧寇軍在居延水兩汊中天寶二年置

肅州

酒泉

開元戶二千二百五十二

禹貢雍州之域古西戎地也六國時月支居焉後為匈奴所逐奔逃西徙匈奴得其地使休屠昆邪王分守之武帝

元狩二年昆邪王殺休屠王拜將其衆來降以其地為武威酒泉郡以隔絕胡與羌通之路以城下有泉其味若酒故名酒泉初屬張軌後涼呂光復據有後魏道武天興三年晉昌太守唐移檄六郡推武昭王為王為大都督涼公秦涼二州牧自敦煌遷都於此號西涼王後沮渠蒙遜復據有其地後魏大武平沮渠氏以酒泉為軍屬敦煌鎮明帝孝昌中改鎮立瓜州復置酒泉郡開皇三年罷郡立涌泉鎮所領縣並屬甘州仁壽二年以境宇遼遠分甘州置肅州隋末陷于寇賊武德元年河右底定復于酒泉縣置肅州大曆元年陷于西蕃

州境東西南北五百六十四里

八到東南至上郡二千九百里

東南至甘州四百里

東南至東郡二千七百六十里

南至瓜州四百八十里

南至土蕃雪嶺二千五百里

西北至葭蘆泉五百里

負賦開元貢野馬皮 礪石 肉蓯蓉 栢豚根

管縣三 酒泉 福祿 玉門

酒泉縣中郭下本漢福祿縣也屬酒泉郡自漢至隋不改義

寧元年分置酒泉縣初西涼武昭王自敦煌遷都於此至

子歆為沮渠蒙遜所破

崑崙山在縣西南八十里周穆王見西王母樂而忘歸即

此山

洞庭山在縣西七十里四面懸絕人不能上遙望巖之如鑄銅色山中出金

白亭海在縣東北百四十里一名會水以衆水所會故曰會水以北有白亭故曰白亭海方俗之間河北得水便名

為河塞外有水便名為海

遼虜障在縣北二百四十里李陵與單于戰所隋鎮將楊玄於其地得弩牙箭鏃

西涼武昭王陵在縣西十五里

福祿縣中下西至州本漢樂浪宮音屬敦煌郡後魏大武

帝平沮渠茂虔改縣為成縣敦煌鎮孝文帝改為樂浪縣隋改縣為鎮武德二年置福祿縣取舊名也

崆峒山在縣東南六十里黃帝西見廣成子于崆峒漢武帝行幸雍祠五時遂登崆峒並為此山也

祁連成在縣東南一百二十里

鹽池在縣東北八十里周迴百姓仰給焉

玉門縣中下東至州二百二十里本漢舊縣屬酒泉郡漢罷玉門關屯戍徙其人於此因以為名縣後魏孝明帝改為玉門郡周武帝省入會稽縣開皇十年後改為玉門縣皇朝因

之

金山在縣東六十里出金

獨登山在縣北十里其山出鹽鮮白甘美有異常鹽取克  
貢獻

石脂水在縣東南一百八十里泉有苔如肥肉燃之極明  
水上有黑脂人以草蓋取用塗鳩夷酒囊及膏車周武帝  
宣政中突厥圍酒泉取此脂燃火焚其攻具得水逾明酒  
泉賴以獲濟

玉門軍開元中玉門縣為吐蕃所陷因於縣城置玉門軍  
天寶十四年哥舒翰奏廢軍重置縣

沙州燉煌中府

開元戶六千四百六十六

鄉十三

禹貢雍州之域古戎地也左傳所謂允姓之戎居于瓜州  
注云在今敦煌是也漢武帝元鼎六年酒泉置敦煌郡今  
州即其地也前涼張駿于此置沙州蓋因鳴沙山為名流  
沙即居延澤也以西胡校尉楊宣為刺史後三年宣讓州  
復改為燉煌郡梁武昭王初都于此後又遷於酒泉後魏  
太武帝於郡置敦煌鎮明帝罷鎮立瓜州地為名也尋又  
改為義州莊帝又改為瓜州大業三年又罷州為敦煌郡  
隋末喪亂陷于寇賊武德二年西土平定置瓜州五年改  
為沙州建中二年陷于西蕃

皇朝以敦煌為燉煌

州境東西南北



八到

東南至上都三千七百里

東南至瓜州三百里

東南至東都四千五百六十里

西至石城鎮一千五百里

西至吐蕃界三百里

北至伊州七百里

貢賦

開元貢

野馬皮

石膏

碁子石

特羊角

管縣二

燉煌

壽昌

燉煌縣

上

本漢舊縣也

屬燉煌郡周武帝改為鳴沙縣

以界有鳴沙山因以為名大業二年復為敦煌敦大也

其開廣西域故以盛名

三危山在縣南三十里山有三峯故曰三危尚書竄三苗

于三危即此山也

鳴沙山一名神沙山在縣南七里今按其山積沙為之峯

巒危峭踰子山石四面皆為沙壠背有如刀刃人登之即

鳴隨足顛落經宿風吹落輒復如舊

有一泉水名曰沙井綿歷古今沙填不滿水極甘美懸泉

水在縣東有三十里出懸泉山漢將李廣利伐大宛還士

衆渴乏引佩刀刺山飛泉湧出即此也水有靈車馬大至

即出多少至即出少

鹽池在縣東四十七里池中鹽常自生百姓仰給焉

壽昌縣中下

東至州一

本漢龍勒縣因山為名屬敦煌

郡周武帝省入鳴沙縣大業十一年於城內置龍勒府武

元中即縣圖志卷之四

德二年改置壽昌因縣南壽昌澤為名也

龍勒水在縣南百八十里龍勒山上李陵發兵至遮虜障

東浚稽山南龍勒水上徘徊觀虜所見即此水

陽關在縣西六里以居玉門關之南故曰陽關本漢置也

謂之南道西趣鄯善莎車後魏嘗於此置陽關縣周廢玉

門故關在縣西北百二十八里謂之北道西趣車師前庭及

疏勒此西域之門戶也班超在西域上疏曰臣幸得護

西域如自以壽終屯部誠無所恨恐後代謂臣沒西域臣

能無依風首丘之思哉臣不敢望到酒泉郡但願生入玉

門關即此是也

豆盧軍神龍元年置在州城內

瓜州晉昌下府開元戶

本漢酒泉郡元鼎六年分酒泉置敦煌郡今州即酒泉敦

煌二郡之地晉惠帝又分二郡置晉昌郡周武帝改為水

興郡開皇三年罷郡縣屬瓜州按隋瓜州即今沙州也大

業三年改瓜州為敦煌郡武德五年改瓜州別于晉昌瓜

州地出美瓜故取名焉瓜食其瓜不見首尾大曆十一年

陷于西蕃

州境東西三百九十三里南北六百八十四里

八到東南至上都三千四百里東南至肅州四百八十里

元口

東南至東都四十二百六十里  
西至沙州三百里  
南至大雪山二百四十里

貢賦 開元貢 草款子 吉莫皮

管縣二 晉昌 常樂

晉昌縣 中下 本漢寔安縣屬敦煌郡因縣界寔水為名也

晉光康中改屬晉昌郡周武帝省入涼興郡開皇四年改

為常樂縣屬瓜州武德七年為晉昌縣

雪山在縣南百六十里積雪夏不銷東南九十里南連吐

谷渾界

寔水自此谷渾界流入大澤東西二百六十里南北六十

里豐水草宜畜牧

玉門關在縣東二十步

合河戌在縣東北八十里在州西二百步蓋神龍元年置

之

常樂縣 中下 東至州一百一十五里本漢廣至縣地屬敦煌郡魏

分廣至置宜禾縣後魏明帝改置常樂郡隋于此置常樂

鎮武德五年置常樂之縣也

伊州 伊吾 開元戶一千七百二十九

鄉七

禹貢九州之外古戎地古稱昆吾周穆王伐西戎昆吾獻

赤刀後轉為伊吾周衰戎狄雜居涇渭之北伊吾之地又

為匈奴所得。及秦始皇攘戎狄，築長城以界中國。漢武時，驃騎將軍擊破匈奴右地，始築令居以西，初置酒泉郡。後分置武威、張掖、敦煌、列四郡，據兩關焉。兩關即陽關、玉門也。王莽時，地屬匈奴。後漢明帝永平十六年，北征匈奴，取伊吾盧地，宜禾都尉以為屯田兵鎮之所，未為郡縣。後復為匈奴所得，自建武至于孝和三通三絕。至順帝時，以伊吾舊膏腴之地，傍近西域，匈奴資之，以為鈔暴。開設屯田如故事，置伊吾司馬一人。至魏立伊吾縣，晉立伊吾都尉，並寄理敦煌北界。非今之伊州。後魏及周又有鄯人來居之。大業六年，得其地，以為伊吾郡。隋亂，又為群胡居焉。貞

觀四年，胡等慕化，內附於其地，置伊州。

州境東西一千一百九十里

八到東南至上都四千三百三十里

東南至東都五千一百六十里  
東南取莫賀磧路至瓜州九百里  
正南微東至沙州七百里

貢賦開元貢 刀、陰牙角

管縣三 伊吾、柔遠、納職

伊吾縣郭下 本後漢伊吾屯，貞觀四年置縣。

天山一名白山，一名特羅漫山，在州北一百二十里。春夏

有雪，出好米及金鐵。匈奴謂之天山，過之皆下馬拜。

鹹池海在縣南三百里週迴百餘里州東北四澗水並南  
流至州南七八里合流為一水側近皆有長田  
春夏闕文

柔遠縣下西北至州二百四十里貞觀四年置縣東有柔遠故鎮

因以為名兼置守捉

天山在縣北二十里

柳谷水有東西二源出縣東北天山南流十五里合

納職縣下東北至州一百二十里貞觀四年置其城鄯善人所立

胡為鄯善為納職因此名縣焉後漢明帝會于此置宜禾

都尉

但密山在縣北百四十里山北二十里正抵蒲類海其蒲

類海後漢桓帝時匈奴呼衍王寇伊吾司馬毛愷遣吏兵

五百人與戰悉為所沒即此海也

繞海名良田漢將趙充國所屯也俗名婆悉厥海

伊吾軍在州西北三百里時羅漫山北甘露川置刺史為

使景龍四年置

陸鹽池在州南六十里周迴十餘里無魚水自生如海鹽

月滿則鹽多而甘月虧則鹽少而苦

西州交河開元戶一萬一千六百四十七鄉二十四

本漢車師國之高昌壁也後漢和帝永元三年班超定西

域以超為都護復置戍已校尉治車師前部高昌壁以其地勢高敞人物昌盛因名高昌晉成帝咸和中張駿置高昌郡後魏太武時有闕爽者自為高昌太守爽君中爽為沮渠無諱所襲奪據之無諱死弟安周代立為蠕蠕所併蠕蠕以闕伯周為高昌王高昌之稱王自此始也太和初伯周死子義咸立歲餘其從兄有歸所殺自立為高昌王五年主阿伏至羅殺首歸以燉煌孟明為高昌王太和二十年孟明為國人所殺立馬儒為王以麴嘉為長史遣使內附高昌人戀本土不願東遷相與殺王而立麴嘉麴嘉卒子堅立堅立卒子伯雅來朝以隋煬帝宇文氏女玉波

為華容公主妻之伯雅卒子文恭立遣使貢獻其後漸失臣禮貞觀十四年詔兵部尚書侯君集統薛萬鈞牛進達等總兵討之文恭病死子智盛立八月君集進兵破之下其二十二城獲戶八千列其地為西州并置西安都護以統之顯慶三年改置都督府天寶元年復為西州貞元七年沒於西蕃

州境東西八百九十五里

八到東南至上都五千三十里

東南至伊州七百三十里  
東南至東都五千里  
西南至烏耆七百二十里  
東南至金沙州一千四百里  
南至樓蘭國一千二百里並砂磧難行

北至金婆嶺至北庭都護五百里

貢賦開元戶 土貢氈毛 乾蒲萄 刺密

管縣五 前庭 柳中 交河 天山 菑蒲

前庭縣上 貞觀十四年置高昌縣取舊高昌國為名也天寶元年改為前庭縣

天山夷名折羅漫山在縣北三十里

交河在縣西高昌國土良沃穀麥一歲再熟出赤鹽其味甚美澤間有草名為羊刺其上生蠶食之與蜂不異名曰

刺蜜有鹽其狀如玉取以為枕貢之中國

柳中縣中下 西至州三十里 貞觀十四年置當驛路城極險固

天山在縣東北

大沙海在縣東南九十里

交河縣中下 東南至州八十里 本漢車師前王庭也按車師前

王國治交河城自漢迄於後魏車師君長相承不絕後魏之後湮滅無聞蓋為匈奴所併高昌據其地貞觀十四年

於此置交河縣與州同置

交河出縣北天山水分流於城下因以為名

天山縣上 東至州一百五十里 貞觀十四年置

蒲昌縣中下 西南至州一百八十里 貞觀十四年置本名金蒲城

車師後王庭也

天山軍在州城內開元二年置本漢車師後王庭烏孫之東境也貞觀十四年置

庭州北庭都護

開元戶二千六百七十六

鄉五

庭州因王庭以為名也後為賊所攻掠蕭條荒廢明慶中重修置以來濟為刺史治宛葺焉謂州所管諸蕃奉勅皆為置州府以其大有領為都督刺史司馬又置恭將一人知表疏等事其俗帳居隨逐水草帳門皆向東開門向慕皇風也其漢戶皆龍朔已後流移人也長安二年改置北庭都護府按三十六蕃開元二十一年改置北庭節度使都督兵二萬人馬五千匹以防制突騎施堅昆斬啜突騎施

三千餘里北堅昆七十里管翰海軍北庭都護府城內長東去斬啜一千七百里開元中蓋嘉運重加修築管兵一萬二千馬四千二百匹天山軍城內開元二年置管兵五千馬五百里伊吾軍川景龍四年管兵三千馬五百匹在里南五百里所東南七百里州境東西

八到東南至上都五千二百七十里東南至伊州九百七十里東南至東都六千一百三十里東至西州五百里西南至焉耆鎮一千一百鎮里北至堅昆衙帳約四千里西至碎葉二千二百二十里東北至迴鶻衙帳三千里

貢賦開元貢陰牙角內沙阿魏延胡索



管縣三 後庭 蒲類 輪臺

後庭縣 郭下 貞觀十四年於州南置蒲昌縣 長安二年改為金蒲縣 寶應元年改為後庭縣

蒲類縣 南至州 貞觀十四年置 因蒲類海為名 先天二年為默啜所陷 開元十四年復置

輪臺縣 東至州 長安二年置

清海軍 在府西七百里 舊名鎮城鎮 天寶中改名清海軍

俱六鎮 在州西二百四十里

當碎葉路

憑洛鎮 在府西三百七十里

當西州路

神山镇 在府南五十里

沙鉢鎮 在府西五十里

當碎葉路

蒲類鎮 在蒲類縣置

赤德鎮 當蒲類東北四十里

當迴鶻路

鹹泉鎮 在蒲類縣二百里

當迴鶻路

特羅堡子

在蒲類縣東北二百餘里 四面有磧 置堡子處 周迴約二千里 有好水草 即往

迴鶻之東路

右元和郡縣圖志四十卷唐宰相李吉甫所上也吉甫病  
古今地理家著錄不得其要獨取蕭何收秦圖書而究天  
下阨塞戶口多少者以為準則不待詳閱其書而其體  
要卓然可紀也已吉甫再相蓋元和六年此志自載其所  
常建白者二事改復天德舊城則在八年更置滑州於經  
略軍則在九年其年十月吉甫遂薨於位則是書又其當  
國日久乃始纂述此于唐家郡縣疆境方面險要必皆熟  
按當時圖籍言之最為可據又其言曰志凡四十七鎮  
皆有圖冠其篇首故以圖志名之圖今亡矣獨志存焉耳  
憲宗經畧諸鎮吉甫實贊成之其於河北淮西悉嘗圖上

地形。憲宗得以坐覽要害，而偷定策畫者，圖之助多也。惜乎其不存，志傳寫久，有闕逸。又譌誤，不敢強補。謹書其有益者，以示可傳而已。淳熙二年五月一日，秘書少監臣大

昌叙。

張幾仲師襄陽，且行謂予曰：以余之好異書，知世間有甚欲之而無其力者矣。之鎮苟暇，期取古書有益者，刻木而布傳之，庶其費寡而人可得，是亦一為政也。秘藏多書，蓋選擇，先授予，思之。有元和郡縣圖志者，其所記地理，多唐家制度。本朝疆理天下，率多本唐，則是書之備稽，參究，特與今宜。予嘗即蓬山藏本之末，列叙其所以可傳者矣。苟欲談惠夫人，則莫為要。遂錄寄之，以遂其雅好。幾仲名子顏，今以敷文閣待制在鎮。淳熙二年至日，新安程大昌泰之書。

右元和郡國圖志四十卷目錄二卷唐元和八年丞相李  
趙公吉甫所上也後三百六十有三年今京西牧待制張  
公幾仲始刻板于襄陽幕府按新唐執文志著錄是書為  
五十四卷會要析而兩之一曰州縣郡國圖三十卷一曰  
郡國圖其卷與新志同皆冠以元和三者了不相似以今  
所刻證之皆非也地理之最莫切于圖書周官職方氏掌  
天下之圖要周知其利害沛公入關蕭何收秦丞相府圖  
籍具知阨塞戶口多少疆弱處基漢為雄光武與鄧禹論  
天下郡國亦披輿地圖乃克見則不出戶庭而九州萬里  
在吾目中如策馬併轡援衣繫挈領舍此誰則然方趙公

為相疆藩悍帥。徂正元餘習。擅地自予。朝廷莫敢訶。而能以期年間。易三十六鎮。魏田季安病公。謂以滑任薜平。戍重兵邢洛。因圖上河北險要。憲宗張於浴堂門壁。每歎曰。朕日按圖信如卿料。則其所著書。蓋已先之行事矣。豈直區區紙上語而已哉。幾仲

先忠烈王勛在彛品為

中興社稷臣。幾仲濟美稱家。文史聲猷。有晉宋勝流風度。方守國西門。雍容緩帶。躡叔子元凱故蹟。一旦天子讀此書。悼河山之獨西。想燕翼而忼慨。瞻為北顧。思有所出。趙營平不元馳至金城。圖上方略。馮伏波不必聚

米為山。指畫形勢。幾仲知之矣。予願拭目焉。本作書之旨。則趙公之叙固在今。揭于篇首。淳熙三年十一月。番陽洪邁書。

子顏少有四方志。逮長益篤。比年數被

上委使。尋復領符襄州。奏事便殿。

上諭曰。馳驅原隰。爾素志也。顧味陋。何以克承。

王音洎至郡。每登峴山。撫中原。未始不歎息。久之。思有以自効者。浩不知其涯焉。會故人程刑部寄元和郡縣圖志。閱之。矍然有感。仰惟

明主扼天下之亢。制群生之命者。不在茲乎。亟用版傳。以資有志者。籌贊。

恢拓之業。又得程洪二鉅公題品。詳贍斯文。為不朽矣。昔

司馬子長南游江淮上會稽探禹穴闕九疑北涉汶泗東  
觀齊魯孔子之遺風西使巴蜀以還周覽山川故其為文  
廣博馳騁古今愚不敏詎敢擬二唯欲勉馳驅之素志竭  
絲薄於異時益有務於是書亦報

上之一云淳熙三年十二月朔旦上秦張子顏書

